




15. IX. C

11355/R

~~Page 177~~











Digitized by the Internet Archive  
in 2018 with funding from  
Wellcome Library

[https://archive.org/details/b30530799\\_0006](https://archive.org/details/b30530799_0006)





ARTIS MEDICÆ  
PRINCIPES.

---

TOMUS SEXTUS.

---





# ARTIS MEDICÆ PRINCIPES

HIPPOCRATES, ARETÆUS,  
ALEXANDER, AURELIANUS,  
CELSUS, RHAZEUS.

RECENSUIT, PRÆFATUS EST

ALBERTUS DE HALLER,

Præses Societ. Reg. Scient. Götting. Sodalis Acadd. Reg. Scient.  
Parif. Chir. Reg. Gall. Imp. Berol. Suec. Bon. Arcad. Bavar.  
Soc. Scient. Britan. Edimb. Upsal. Bat. Botan. Flor. Helvet.  
In Senatu Supremo Bernensi Ducentumvir.

---

TOMUS SEXTUS.

---




LAUSANNÆ,

Sumptibus FRANC. GRASSET & SOCIOR.

---

MDCCLXXII.



ROBERT M. GIV

23410 119

2-11-1919

23410 119





GENEROSO VIRO

JOHANNI PRINGLE

EQUITI BARONETO

REGINÆ MAGNÆ BRITANNIÆ

ET

SER. VIDUÆ PRINCIPIS WALLIÆ

MATRIS REGIÆ

ARCHIATRO

OB PLURIMA IN REM MEDICAM

INQUE SEIPSUM MERITA

D. D. D.

*ALB. V. HALLER.*

GEORGE W. BROWN

WILLIAM BROWN

JOHN BROWN

JOHN BROWN

JOHN BROWN

JOHN BROWN

JOHN BROWN

JOHN BROWN

JOHN BROWN

JOHN BROWN

JOHN BROWN

# JOHANNIS FREIND

DE

## ALEXANDRO RELATIO.

**A**LEXANDER longe cæterorum dissimilis est; magisque certe omnia, ut fatetur ipse CLERICUS, de suo penu promit. Nam ex magna parte & stylum & ordinem habet, si cum GALENO ejusque exscriptoribus conferatur, sibi ipsi peculiarem. Illic quoque ubi vestigia antiquorum, aut in describendis symptomatis, aut in affectibus curandis persequitur (sicut ab eo necessario factum est, & ab omnibus, qui medicinæ systema conscribendum suscipiunt, fieri debet) suo semper ordine suisque verbis utitur. In eo stylus est, ut summatim loquar, sincerus, brevis, perspicuus, &, ut ipse ait, ex communibus præcipue verbis compositus: ac licet ob vocum quarundam exterarum admistionem (quod ob multas ejus peregrinationes fortasse contigit) haud usquequaque elegans, valde tamen significans & comprehensibilis. Cæteri morbos admodum perturbate collo-



cant; hos ille consequenter a capite ad pedes disponit. Igitur solus Græcorum est, qui ordine possit (quamquam uterque suo modo utitur) cum A R E T Æ O contendere, hique auctores duo, quos ab H I P P O C R A T E præstantissimos judico, in altera quoque re conveniunt, ut de paucis tantummodo affectibus scribant, qui numero quinquaginta aut sexaginta non excedunt, quosque ea de causa frequentius ipsis in medicina tractanda observatos conjicio. Nam si ab aliis exscribere fatigissent, O R I B A S I I atque A E T I I volumina mole verosimiliter æquare tentassent. Id unum miror, quod A L E X A N D E R de nullo quoquam mulierum affectu mentionem fecerit. In explanandis morborum causis satis accuratus est, & in proponendis curationum scopis admodum sagax. In diagnosticis autem magnopere præcellit; quippe cum affectus illos, qui magnam inter se similitudinem habent, exactissime discriminet, sicut a jecoris inflammatione pleuritidem; a calculo dolorem colicum; febres hecticas a quotidianis cæterisque febribus. Primo intuitu perspicere licet quantum in hac re desit cum A E T I O O R I B A S I U S. Duorum casuum & curationum a se institutorum historias, unam in febre tertiana, alteram in lienis scirrho, tradit; quæ præter illas ab H I P P O C R A T E & G A

LENO memoratas, sola sunt ex omni antiquitate hujusmodi scriptionis exempla.

Idem est in compositione medicamentorum enarranda, horumque exhibendorum modo ac tempore præfiniendo, perquam diligens: inter quæ, multa exstant ab ipso inventa. Et, si vera fateamur, tam amplius horum in eo delectus est, ut nimis multa, potius quam nimis pauca sint. Magnam videtur in omnium medicamentorum suorum viribus fiduciam habere: neque silentio præteriri debet superstitiosa ista ac ridicula fides, quam in amuletis & incantationibus ponit, longe supra quam quod in homine exquisito judicio illo abundante credi possit. Aliquas harum rerum rationes adducere conatur (a), & GALENI auctoritate se tuetur. Quod magiæ studuerit, multa proferri possunt argumenta, solusque fortasse medicorum est, qui ex OSTHANE quædam, uno ex antiquissimis apud Persas Magis, depromferit. Huic autem, siue ex temporum superstitione, siue ex hominis senectute originem duxerit, in ALEXANDRO credulitati ignoscamus. Id solum animadvertam, hujusmodi ab eo remedia, nonnisi in febribus intermittentibus, calculo, dolore colico, ac podagra commendari; &

---

(a) Lib. I. cap. 15. L. IX. c. 4.



per omnia fere insequentia, credo, tempora mos invaluit, ut magicæ istæ applicationes in iisdem præcipue morbis obtinerent. Cæteris (*a*) haudquaquam inferior est HOMERÏ versus,

Τετρηχαι δ' αγορη, υπο δ' εσυναχιζετο γαια.

Neque ideo minus æstimari debet, quod minimo constat.

In cæteris rebus, quantumlibet antiquorum sit amator, tamen in sententia sua proferenda, atque adeo cum illis dissentiendo (*b*), libertate omni utitur; ac speciatim cum GALENO sæpissime discordat (*c*): modo se mirari dicens, quam ratione doctrinam is ita perturbatam, atque ita parum distinctam tradiderit (*d*); modo diversam ab eo medendi viam (*e*), non, uti profitetur, contradicendi, sed veritatis indicandæ studio, proponens. Utque summatim loquar, haud solum in unoquoque morbo totum curandi modum distinctissime explicat, sed plerumque etiam, quæ vitanda sint, lectorem commonet (*f*), quod

(*a*) Lib XI.

(*b*) L. I. c. 17. L. VII. c. 13. L. IX. c. 3.

(*c*) L. VI. c. 1. L. XII. c. 1. 6.

(*d*) L. XII. c. 1. 6. 7. 8.

(*e*) L. XII. c. 6.

(*f*) L. III. c. 7. L. IV. c. 1. L. III, c. 10. 13. L. XII. c. 7.

exemplum si omnes alii auctores essent eadem accuratione imitati, haud minorem inde utilitatem, quam a traditis in quaque occasione agendi præceptis, haurire licuisset.

Alia quoque res ALEXANDRI scriptiorem a suprâ memoratis auctoribus discernit, quod morborum signis & curationum modis explicandis unice incumbat: in materia medica, in re anatomica & chirurgica contra ac alii fecerant, nihil prorsus attingens; quamquam librum scripserit, aut certe scribere instituerit, de fracturis (a), & aliquid etiam de oculorum morbis contexuerit (b).

In tractanda podagra, de qua nihil quicquam prodidit GALENUS, librum ALEXANDER integrum ponit; unde fortasse morbum hunc hujus tempore magis invaluisse, jure quis crediderit. Eum morbum præcipue purgantium ope is levare nititur; & in ple-risque hujusmodi ab eo ordinatis compositionibus hermodactyli (quas quidem ille vix ab ORIBASIO AETIOQUE memoratas quantitatis facit) maximam partem gerunt. Vides quam parum recens inventio sit, sicut vane a quibusdam putatur, podagræ per purgantia mederi velle: quod malum fortasse om-

(a) Lib. I. c. 14.

(b) L. II. c. 1.



nino non curari magis expedit, quam si quis in eo eximias istas formulas ab ALEXANDRO præscriptas adhibuerit; licet hæ virtute haud quaquam cedant iis, quas hodierni passim medicaſtri venditant.

Fui in hac re paulo fuſior, ut ex ipſo ejus opere ſcriptorem hunc potius quam exſcriptorem dici debere oſtenderem. Trallibus natus eſt, civitate illa Lydiæ celeberrima, cujus incolæ ſermonem Græcum puriſſime loquebantur, ob Jonicarum urbium vicinitatem. Ipſe autem non modo ſub STEPHANO parente ſuo (a), eodemque medico, inſtitutus eſt, verum etiam in hac arte magiſtrum habuit COSMÆ patrem, cui quidem COSMÆ, partim ipſius rogatu, partim ut beneficiorum gratiam aliquam patri ejus perſolveret, volumina ſua ſcripſit & dicavit. Ipſe in medicina fuit exercitatiſſimus, experienciæ longiſſimæ, famaſque multum cognitus, non modo Romæ, ſed etiam quocumque peregre proficiſceretur, ſive per Galliam, ſive per Hiſpaniam, ſive per alias regiones: unde tamquam cæteris præcellens, ALEXANDER medicus vocabatur. Ideoque in parte therapeutica medicis ſuperioribus frequenter plenior eſt & accuratior, quod ea præſertim remedia con-

---

(a) Lib. IV.

cinnaverit, quæ ex repetitis observationibus maxime efficacia compererat: quod alibi sæpe, sed disertius narrat, in præfatione ad librum duodecimum; ubi primo febres generatim, ac deinde singulæ harum species pertractantur. Et hunc quidem librum quisquis versaverit, illum cæteris undecim præponi debere perspiciet; sed & alioqui ipse ALEXANDER, in postrema parte undecimi, opus illic se conclusurum esse pronuntiat.

Hactenus quibusdam, quæ auctorem nostrum eruditorum lectioni saltem commendent, summatim expositis, id amplius exequar, ut nonnulla ab eo maxime notabilia obiter decerpam; quæ quanquam praxi magis inopere inserviant, tamen ab aliis vel omissa, vel parum explicata invenio. Volo autem in hac re ipsius ordinem sequi.

In causo [a] sive morbo qui ab illo *febris ardens spuria* dicitur, ubi redundat bilis, & materia evacuationi sese offert, & febris haud intensa est, purgationem venæ sectioni præfert: cum alii sanguinis missioni maxime nitantur. Observationem hanc adjicit peracutam & perutilem; „ memini me, inquit, etiam acuta laborantem febre purgasse; verum hæc res non modo multam &

---

[a] Lib. XII. cap. 3.



„ exquisitam animadversionem ac judicium ,  
 „ sed & medicum quoque desiderat fidenti  
 „ præsentiq̃ue animo ”. Ii qui experientiæ rationem adjungunt , hujusce observationis facile vim perspicient ; neque viam hanc negabunt in quibusdam casibus , si quis huic prudenter institerit , mira cum felicitate tentari. Hic enim frequenter aut sequendæ aut adjuvandæ naturæ modus est aptissimus. Caput apud ORIBASIIUM est ex ARCHIGENÆ , ad hanc rem spectans [ *a* ] ; idque recte animadvertit GALENUS [ *b* ] , diarrhœam ex naturalibus iis auxiliis esse unum , per quæ morbus iste ad crisin perducitur. Porro neutiquam violenta TRALLIANUS , sed lenia tantum in febre tertiana & quotidiana , exhibet purgantia ; quæ res animadversionem feriam meretur , virumque illum , non modo acri cum judicio , sed caute ac fideliter , artem suam exercuisse comprobatur.

In eodem morbo , causo scilicet , si syncope ab humoribus crudis ac redundantibus incidat , venæ sectionem præcipit : idque eo magis animadverto , quod in hac re nullum ducem habuerit , excepto ARETÆO ( *c* ) , qui

( *a* ) Collect. VIII. cap. 46.

( *b* ) De Crif. l. III. c. 3.

( *c* ) Cur. Acut. Lib. II. cap. 3.



idem in eodem casu auxilium adhiberi jubet. Sane quoad syncopen generatim, scriptores practici, etiam inter recentiores, uno fere consensu de missione sanguinis prorsus silent; iique pauci, qui ejus mentionem faciunt, eam improbant; ita ut vix quisquam sit, præter SENNERTUM, ejusque exscriptorum RIVERRIUM, qui id remedii ullo modo admittat; deque eo RIVERRIUS strictim duntaxat loquitur, neque illud administrari debere, præterquam in duobus casibus, plenitudinis nempe ac terroris, existimat.

Minus fortasse cautionem hanc ingentem admirabimur, si ea, quæ de hoc argumento pronuntiaverint antiquorum nonnulli nobiscum reputemus. Id AETIUS [a] & ORIBASIIUS [b], etiam in plenitudine, metuunt; CÆLIUS autem AURELIANUS hæc verba pro universa lege statuit, „phlebotomiam „nihil jugulatione differre ratio testatur [c]”. Aliam vero de hac re sententiam inveniet, quisquis ad ipsos medicinæ fontes accesserit. HIPPOCRATES enim, aut aliquis ex discipulis ejus, in acutorum morborum explicatione diserte tradit, *si quis subito obmutue-*

---

(a) Lib. II. c. 96.

(b) Synopf. VII. c. 26

(c) Acut. Lib. II. c. 38.

rit, id a venarum obstructione, sive interceptione, proficisci, ἢ ὑγιαίνοντι τὸδε συμβῆναι ἀνευ προφάσεως; [a], si id in valetudine integrā, absque evidenti causa obtigerit; quare missionem sanguinis ex brachio necessariam esse judicat. GALLENUS, qui HIPPOCRATIS sensum intellexit optime, vocem ἀφώνου ita interpretatur, ut ea non modo apoplexiam, sed syncopen etiam, significari putet; & in utroque casu venæsectionem adeo vehementer commendat, ut multos diversā curatione interfectos esse affirmet. In aphorismo hoc, (qui a nullo quoquam interpretum, quasi huc pertineret, diligenter examinatus est) sedulo perpenſa ac significanter expressa conditio ponitur, si in valetudine integrā, absque evidenti causa obtigerit: hoc enim præfinito, vix fieri potest, ut oriatur syncope, nisi ab aliquo sanguinis vitio, unde major in ejus transitu per cor resistantia efficitur, quæ nulla ope æque cito, ac per venæ sectionem tollitur.

Hanc syncopen, a plenitudine ortam, Germanis, quippe qui vulgo corporis admodum obesi sint, valde familiarem esse notat RIOLANUS [b]; horumque negligentiam incusat, quod in ea curanda sanguinis detractio-  
nem omittant. In

---

(a) Vict. acut. L. IV. c. 33. (b) Enchir. Anat. L. III. c. 8.



In praxi certe animadvertimus, soliti cujusvis fluxus suppressioni, ut ex naribus aut ex hæmorrhoidibus, syncopen frequenter succedere. Solus inter recentiores casum hunc penitus examinavit PETRUS SALIUS (a), verum haud cum exceptionibus ab HIPPOCRATE positis : & eundem a practicis scriptoribus semper omitti, recte ab eo animadversum est. Duo vel tria hujus rei, experientia sibi nota, exempla profert lectu dignissima : idque subjicit, hoc syncopes genus per diem unum aut alterum præsentiri solere, vel ex suffocationis cujusdam invasione, vel ex pulsu intermittente ; seque accessiones morbi venæsectione prævertisse ; quam una cum frictionibus contra eundem commendat ; quod ALEXANDRI præceptis plane convenit. Præter hæc, SALIUS multis periculum sese prædixisse narrat, qui spretis ejus monitis, morte subita interierint ; quibus dissectis sanguinem eorum ita concretum reperit, ut hunc, perinde ac si solidus esset, de venis eduxerit. Hoc in casu, sanguinis detractio sine dubio apprime necessaria est ; ac facile existimare licet, si frustra fuerit hoc remedium, omnia æque alia nihil profutura. Hujusmodi erat, ab ALEXANDRO instituta

---

(a) De affect. partic. 4.

curandi ratio; ea vero ex quibus hanc deducit, diagnostica, admodum perspicua sunt ac distincta; uti facies solito tumidior pallidiorque, habitus corporis inflatus, pulsus exiguus, piger, quique longa ictuum interval-la habeat. Hæc certe istiusmodi medelæ indicationes evidentissimas præbent.

In febribus tertianis, & eo magis in quartanis, vomitum ante accessionem supra cætera omnia remedia laudat; idemque quartanas etiam inveteratissimas solo hoc auxilio depulit. Quæ quidem curatio ab antiquis cæteris memorata, nunquam verò in consuetudinem adducta est; quanquam naturæ certe prorsus conveniat, multumque emolumenti non modo in hoc, sed & in plerisque aliis affectibus diuturnis præstet. Antidotum quidem hic descriptum, & ab eo *mirabile* appellatum, nimiam cum circulatoriis formulis similitudinem habet: estque catholicon quoddam Mithridatio non ab simile, quod & huic, & aliis fere triginta ab eo enumeratis morbis, medeatur. Illud etiam senex adjicit, hominem qui id ei medicamentum dono dedisset, sanctissime asseverasse, nullum aliud illi ob eximias virtutes, esse conferendum. Has omnes ALEXANDER virtutes, compositionemque ipsam fuse narrat; quam, ut sibi communicatam, ita sine fuce quoque omnibus impertit; quæ



sane hominis probitas alibi etiam sæpenumero adparet.

Haud raro veterum virtutem admiratus sum, qui utcunque sine ratione interdum iis, quæ specifica vocabant, mirificam inesse vim putaverint, & ea supra modum sustulerint, tamen pro secretis neutiquam celarent. In eo scilicet elaborabant, ut artem suam probe callerent, utpote communis enolumenti ab ea redundantis magnitudinem intelligentes: ideoque longissime a privato lucro abhorrentes, ac professionis dignitatem tuentes, quicquid aut per experientiam suam adinvenire, aut ab aliorum observationibus excerpere valuerunt, quod morbos posset humano generi insidiantes depellere, id omne generose ac libere in vulgus edebant. Hic antiquorum mos erat, perpetuumque in medicis exemplar esse debet, qui illos vel scientia vel virtute imitari exoptant.

Phrenitis ab eo accuratissime describitur (a): & rationes optime adducuntur, quamobrem haud a diaphragmatis, ut a plerisque creditum est, sed ab ipsius cerebri affectu oriatur. Cumque in brachio vena sese incisioni subtrahebat, hanc quæ in fronte est aperire consueverat, quod post eum a

---

(a) Lib. I. cap. 13.



RHAZE quoque commendatum est. Licet in obstinata phrenitide diacodion aliquando præbeat, de eo tamen peridoneas cautiones subjicit, ut, si æger temperamenti sit phlegmatici, furor non admodum vehemens, viresque corporis infirmæ, usum ejus remedii dehortetur. Nam in istis casibus semper nocent, interdum perniciofa sunt opiata. In pleuritide ac tussi, fere eadem monet. Si, quæ ab eo de phrenitide ac pleuritide dicta sunt, cum iis quæ de iisdem affectibus tradidit ORIBASIIUS AETIUSQUE, conferantur, harum rerum multo explicatior apud hunc, quam apud illos, doctrina reperietur. Nam in utroque morbo nihil aliud PAULUS quam ALEXANDRUM exscribit.

Medicamenta idem vesicantia, in lethargo scillam (*a*): in epilepsia lepidium (*b*), adhibet; alia quoque multa, præsertim in podagra (*c*), uti allium, euphorbium, sinapi, &c. inter quæ sunt cantharides: hasque, magna feri copia profluente, subitam levationem adferre tradit. Sed & hoc quoque monitum commode subjicit, ne quis topicis tantum remediis confidat.

(*a*) Lib. I. cap. 14.

(*b*) L. I. c. 15.

(*c*) Lib. XI.

Ad paralyfin (*d*) novum hieræ genus, idque optime confectum, laudat; ac majorem postea scammoniaë modum injici vetat: hanc præterea observationem subjungens, quam alibi nusquam reperio, quæque, si ei bene attendatur, magnum in praxi usum præstabit: „Multi enim, inquit, ita faciunt, vini „medicamenti ad evacuandum augere se credentes, neque hoc modo id minus utile „reddi cognoscunt. Haud enim eo spectamus, ut id per alvum expedite deferri „velimus, sed potius in membra distribui, in „corpore morari, humores illic attenuare & „corrigere, meatus dilatare, nervorum obstructions discutere, ut ita spiritus in hos „absque impedimento derivetur”. Idque potissimum in temperamento phlegmatico fieri debere admonet, Facile quis ostenderit, quantum in hac doctrina momenti sit, quamque late hoc de tarde purgantibus præceptum ad morbos quosdam diuturnos pertineat. Nam quotidiana quidem experientia videmus, miro id cum successu fieri: uti præcipue cum aquas minerales, Bathonicas puta, præscribimus, aut calomelas, idque in variis affectibus. Ita quoque in dolore colico, aut iliaca passione, ea quæ vehementer purgant, nimisque inte-

---

(*d*) L. I. c. 16.



stina compungunt, morbum sæpe augment, & periculum, ut ipse alibi notat, inflammationis faciunt, nisi eorum vis opiatidis prudenter hebetata atque imminuta sit.

Varia melancholiæ genera luculenter ab eo descripta sunt [a], vires imaginationis vividis coloribus depictæ, & multa hujus rei exempla commode probata, ad ARETÆI fere similitudinem. Ea vero curat ille, victu potius, atque balneis, & oblectamentis, quam medicamentorum farragine; a veteribus autem in eo discordat, quod non ita frequenter cucurbitulas, hirudines, ac sinapismos adhiberi velit. Etiam in purgatione, licet ab iis helleborus albus tantopere prædicetur; lapidem Armeniacum ei præfert, qui raro admodum atque efficaciter alvum movet, sine eo discrimine, aliisque incommodis, quæ nimium frequenter ab alterius istius medicamenti violentia nascuntur. Sententia hæc ab ALEXANDRO de helleboro albo pronuntiata, cum eorum temporum historia probe convenit: ex qua docemur, medicamentum illud, ita a veteribus celebratum, postea in defuetudinem omnino abiisse: donec ASCLEPIODOTUS [b], vir in medicina non minus quam in mathematicis disciplinis & in musica

---

(a) L. I. c. 17. (b) PHOTII biblioth. p. 500.

versatissimus, id in usum denuo revocarit, circiter A. D. 500, multasque ope hac in morbis obstinatissimis admirandas curationes præstiterit. Tamen id remedii ab auctore nostro, qui non ita multo post floruit, minime comprobatum videmus.

In parotide optimam hanc legem ponit (a), ut mittatur sanguis ante discutientium aut attrahentium quorumvis usum, & eos ait, qui ante venæsectionem nimis mature hæc ordinaverint, ægris strangulationem induxisse. Eadem ratione vehementer adstringentium ac repellentium usum merito repudiat, qualia sunt solanum, alumen &c. Medicamenta enumerat ad discutiendam parotidem idonea, quam profecto rem, ubi casus hanc medendi viam recipit, potius quam supurationem moliri semper magis convenit. Quod si irritus fuerit hic conatus, tumorque nihil quicquam subsederit, ac dolor etiamnum inhæserit, omnibus modis, inquit, pus movendum est; ejusque generationis signum est, si una cum doloris incremento rigor atque febris, quæ antea non erant, nec opinato invaserint. In hoc, de rei summa cum CELSO convenit, qui in isto casu distinctissimum nobis documentum præbuit, id est:

---

(a) Lib. III. cap. 7.



„ si tumor per se primario , nec alii cuivis  
 „ morbo conjunctus , moderata primum re-  
 „ pellentia ac discutientia tententur , ubi ve-  
 „ ro alii alicui affectui supervenerit , quo  
 „ nihil frequentius incidit , id tum maturari  
 „ quamprimum atque aperiri debet ”. Nam  
 in hoc casu tumor criticus est , ac morbum  
 solvit. H I P P O C R A T E S autem parotides il-  
 las , quæ longis febribus succedunt , exitiales  
 pronuntiat , nisi suppuraverint. Ubi vero ob-  
 tinatæ istæ diu permanferint , neque per ex-  
 terna remedia maturari potuerint , uestionis  
 ope aliquando ad pus perductæ sunt. Nam  
 S E V E R I N U S , & ante hunc V A L L E S I U S ,  
 exposuit , quemadmodum ipsi hanc rationem  
 in magnis parotidibus cum successu tenta-  
 verint.

Medicatio quam in angina fieri vult (a) ,  
 omnibus numeris absoluta est ; repellentia so-  
 la in initio probat , relaxantibus omnibus ex  
 toto rejectis. Multum , ut ab A R E T Æ O quo-  
 que factum est , antidotum δια βήσσα com-  
 mendat , ita dictum a ruta sylvestri , quæ præ-  
 cipua est inter ea , quæ compositionem hanc  
 constituunt ab illo descriptam. Venæsectio-  
 nem supra alia omnia necessariam judicat ; id-  
 que per tres aut quatuor vices , prout occa-

---

(a) Lib. IV. cap. 7.

sio postulat, repeti jubet, cum ea cautione ne quis sanguinem ad deliquium mittat. Quod si per hæc auxilia vitium nihil levetur, venæ sub lingua incidendæ sunt; (quanquam CÆLIUS AURELIANUS id, tanquam supersticiosum; damnet) neque res in posterum diem differenda, sicuti AETIUS quoque de sanguinis missione præcipit, sed eodem die præstanda est. „Sæpius, inquit, malo urgente, „venam mane aperui, sub vesperam eas, quæ „sub lingua sunt: nocte purgationem institui, „atque ita quoque difficulter strangu- „lationem resolvi. In alio, post missionem „sanguinis, statim medicamentum purgans, „sequenti die non expectato, obtuli. Id autem „faciendum est, ubi discrimin ingens „imminet, neque inducias morbus admittit. „Venas etiam jugulares magno cum successu „aperui: ut saphenam quoque in femi- „nis, cum menses una suppressi essent, ex „quo duplex commodum obtigit, ut non „modo menses erumperent, sed tumor etiam „in gutture subsideret”. Vides hæc, sicuti alia prope omnia a perito artifice ac magistro dictata; neque sane hæc laus illi sine injuria denegari potest, quod medela ab eo ordinata rationi exactissime conveniat; ita ut post medicinam tot inventionibus & incrementis



locupletatam, vix quicquam his adjicere valeamus.

Tuberculi in pulmone mentionem habet ALEXANDER (a), unde spiritus difficultas oritur, expectorationis tamen atque febris expers. Morbus hic a GALENO memoratur (b), qui eam tabis esse speciem ait, & hæc fane frequentissima in nostra regione est, præcipue in corporibus strumosis. Hæc licet vera phthisi tardius procedat, in qua febris hectica tabem inducens, pulmonis ulceri supervenit, utplurimum tamen in raucitatem & atrophiam desinit, & æque certam perniciem minatur. Casum itidem narrat, inauditum sibi ac valde admirabilem visum, de excreato calculo (c), non materia quadam concreta, sed vero calculo, lævi, duro, sonitum ex lapsu in terram reddente. Hujusmodi calculorum per tussim excretorum plurimos vidi, & ex iis aliquos nucis avellanæ magnitudinem æquantes; nulla autem tabis suberant indicia, inveterata licet usque persistente tussi. Novi quendam, qui longis intervallis quatuor aut quinque tales exspuerit: is quem memorat ALEXANDER, tussi diu conflictatus est, neque ullam levationem sen-

---

(a) Lib. V. cap. 3.

(b) Loc. affect. L. IV. c. 6. 7.

(c) Lib. III. cap. 4.

fit, donec calculum ejecisset : eratque tenui naturaliter corporis habitu, morboque & macie pene confectus; qui tabe, juxta illum, verisimiliter interiisset, nisi medelam humectantem & refrigerantem fervando, duram hanc excrevisset materiam. ALEXANDER adeo, curationem hic a GALENO præceptam, magna cum severitate, tamen haud injuria, reprehendit: qui asperam quandam materiam ita eductam viderat, grandinis quidem, neutiquam vero calculi similem (a), & in eo casu medicamenta tantum calida atque exsiccantia adhibuerat, quale sunt Mithridatium & theriaca: illo insuper animadverso, neminem ita affectum convaluisse. Id ALEXANDER sine hæsitatione aperte damnat: seque de homine tam solerti haud ita libere prolocuturum fuisse dicit, nisi amore veritatis impulsus, hanc celare nefas esse judicasset, sermonemque concludit, prolato celebri illo ARISTOTELIS dicto, *amicus PLATO, sed magis amica veritas*. Deest plane hæc libertas quibusdam GALENI admiratoribus, qui MASSARIÆ similes, nobilis in Italia professoris, cum GALENO errare malunt, quam cum alio quovis recte sentire.

Observatio de liquidorum usu in pleuri-

---

(a) Loc. affect. L. IV. cap. 6.



tide (a), attentionem meretur: nam ab eo facta est, qui & fluidorum animalium & medicamentorum vim probe intellexerat. „Humor, inquit ex HIPPOCRATE, alimentum vehiculum est. Quamobrem *ἕνκατον*, id est, aquam tepidam inter cæteras potiones ac cibos exhibere ne desinas. Neque enim siccum quodvis medicamentum absque humore in altum potest descendere; sed in superficie actionis expers remanet: ubi vero humido aliquo mixtum est, vires suas exferit, & calorem aut refrigerium largitur. Igitur aqua, licet a quibusdam, eo quod simplex sit, nullius alimenti esse putetur, tamen ad omnium nutritionem necessaria est; cibos in corpus universum distribuit, & divisas continet unitque particulas. Nam si hæc siccam & parum cohærentem terram conjungit, eique continuitatem impertit, ut ex illa varii generis effingantur vasa; si panem ipsum, qui a nobis comeditur, una cum farina componit; si eadem & in animalibus & in stirpibus præcipua generationis causa est, quidni rationi consentaneum videatur, eadem hanc in humano corpore munia præstare? Hæc observatio ingentis momenti est, lateque in omnem

---

(a) Lib. VI. cap. 1.

medicinæ usum se diffundit, præcipue vero in acutis affectibus; & is, qui HIPPOCRATIS librum *de victu acutorum* attente perlegerit, [ex quo quidem, antiquitatis monumento pretiosissimo, longa aliquot de febribus contexta sunt volumina] facile concipiet, quam salutares in morbis periculosis effectus, etiam absque medicinæ ope, producat sola per se dilutio. Itaque fundamento hoc tradenda curatione febrium innititur TRALLIANUS [a], *ut omnia fiant, per quæ humiditas augeatur*; omnisque ejus medicina per acutos hos affectus in refrigerantibus ac diluentibus potissimum consistit, qualia sunt ptisana, hydromel, &c. ita ut quanquam attenuantia eodem fere spectent, tamen calidiorum usum detrectet, & GALENUM ipsum ob eam rem incuset. Id unum in hoc auctore amplius animadvertam, quod ubicunque simplicium medicamentorum, quæ calorem moveant, assumptionem idoneam judicat, ea vix unquam solida, sed aquæ fere semper incocta exhibeat: id quod non modo ejus ratiociniis congruit, sed etiam optima ratione firmatur.

In sanguinis sputo [b], venam se in talo incidisse prodit, idque melius, quam idem in

---

(a) L. XII. cap. i. (b) L. VII. cap. i.



brachio factum, respondisse. Atque hanc ejus rei causam adducit, quod materiæ ad remotiores partes adtractio, revulsionem magis efficacem reddat: quæ quidem ratio neque minus clare expofita, neque minus solida est iis, quæ nunc jam post inventam circulationem proferuntur.

Observationem tradit in Βελίω (a), five fame immodica, novam ac plane suam; cujus ne minima quidem apud alios exstat mentio, quod is morbus scilicet a lumbricis interdum nascatur. Feminæ casum memorat, quæ voraci hoc appetitu laborans, perpetuam in ventriculo rofionem sentiret, cum dolore jugi capitis; ea post hieræ sumtionem, lumbricum lōngitudine duodecim cubitorum dejecit, unde omni malo statim levata est. Idem in praxi frequenter occurrit.

Novum etiam aliquid, licet haud magni referat, & nobis jam familiare fit, de singultu notat; hunc scilicet a subito terrore, aut ab animi intentione, ut in numeranda pecunia similibusque rebus, statim tolli.

Ad choleram, in quibusdam casibus, vinum emeticum laudat (b); idque in eo singulare est, quod in plerisque morbis separatim de vino loquatur; cujus in delectu valde

---

(a) L. VII. cap. 4. (b) L. VII. cap. 14.



accuratus est, prout diversæ ejus qualitates ægrotantis conditioni accomodatæ sunt.

In debilitate jecoris & dysenteria, rhabbari apud illum invenitur mentio; quæ quidem planta ab eo, ni fallor, memorata primum est; quanquam usum ejusdem ab Arabibus indicatum putet CLERICUS. Arabes quidem in convertendo DIOSCORIDE ac medicis Græcis, radicem hanc cum rha Pontico confundunt, virtutesque ab antiquis in hoc animadversas ei adscribunt, 'quod proprie rhabbarum est; uti cuivis constabit, qui descriptionem ejus a RHAZE proditam inspexerit. Atque in eodem errore ipsum versatum puto ALEXANDRUM, licet hujus tempore sine dubio innotesceret jam rhabbarum; hoc enim in adstringentibus tantum ponit, uti rha Ponticum cæteri Græci, neque de purgante ejus vi quicquam commemorat. Cujus quidem facultatis in rheo, (id enim ita simpliciter vocat) mentionem primus videtur fecisse PAULUS (a): qui narrat etiam quemadmodum hujus additione laxantia quædam validiora fieri possint. PROSPER autem ALPINUS (b) refert quosdam animadvertisse, purgantem aliquando rha Pontico

---

(a) L. I. cap. 43. (b) *Plant. exot.* L. II. c. 35.

inesse vim, quanquam ea mitiorem, quæ in rhabarbaro est.

Recentiores Græci radici huic Barbaricæ nomen imposuerunt, haud ex eo loco ubi orta, sed ex eo, in quem adportata est; siquidem Æthiopiæ superioris regio, Barbaria dicta est, eo quod ut a SALMASIO recte animadversum est (a), sinui Barbarico prætenderetur, in quo plurima essent emporia, præsertim Rhapta, totius plagæ metropolis. Fretum hoc, ab oriente, cum Indico Oceano conjungitur; ideoque ACTUARIUS, ac post hunc MYREPSUS plantam hanc vocant *ῥέον ινδικόν*. Iis temporibus sine dubio hac via Alexandriam allatum est, atque ita medicis Græcis innotuit. Illud autem notare debeo, quod ALEXANDRUM rhabarbari mentionem fecisse minime advertat SALMASIUS; PAULUM vero testem adducat, qui de ea re ne verbum quidem dixerit, & generatim tantum, rha descripserit. GARCIAS AB HORTO proregis Hispani medicus, ait se in India didicisse, Rhabarbarum omne, quod eo atque in Persiam adportaretur, in China nasci: vecturam autem, & terra & mari fieri solere; terra vero per Tartariam ad Ormuzum commodius

---

(a) PLIN. exercit. 798.



modius vehi, quoniam in mari esset putrefactioni opportuna.

In dysenteria, quam *rheumaticam* vocat (a), sanguinem ad duas heminas detrahit. Neque injuria temerariam; ac sine ratione ab aliquibus usurpatam consuetudinem improbat, qui statim opiata ingerunt; hæc enim in tempus quidem humores cohibent, verum & caput afficiunt & vires infirmant, & postea fluxum incitant; quamobrem eorum usum, nisi urgente necessitate prohibet. Notatque in vera dysenteria, ubi exulceratio adest, id sæpe mucum videri, quod revera pus est, & ego contrarium quoque huic errorem haud raro evenire arbitror, ut mucus videatur esse pus.

In lienis scirrho (b), multa de ferri virtutibus commemorat. Id autem, & liquori infusum, & per se datum, commendat; quod cum ab illo primum, quod sciamus, adhibitum sit, ad eos refutandos valet, qui medicinales hujus metalli facultates, chymicis fuisse operationibus repertas prædicant. Profecto in HIPPOCRATE nulla ejus mentio est, licet in pleraque ex his, quibus nunc

(a) L. VIII. c. 8. (b) L. VIII. c. 13.



utimur, medicamenta simplicia enumeret. **PLINII** in referendis omnibus ad medicinam aptis ferri virtutibus. unum duntaxat id intus adhibendi modum proponit; scilicet ubi in aqua candens exstinguitur & propinatur contra dysenteriam: idemque in vino facit ad eundem morbum **DIOSCORIDES**. In aqua similiter a **CELSE** exstinguitur ad lienem coercendum. Ferrum quidem, ita proprie dictum, scilicet *σίμωμα* ferri, ob **AETIO** & **ORIBASIO** memoratur: sed ut extrinsecus tantum in malignis ulceribus aptum.

Ita si insequentium temporum auctores consulamus, metallum hoc nonnisi rarius usurpatum videbimus; idque, sive interne, sive externe, vix sub alio, quam sub adstringentis nomine. Imo **AVICENNA** ita vehementer noxam ab eo metuit, in substantia dato, ut ad præcavendum malum omne, magnetis aliquid postea adsumi præcipiat, quanquam Arabs itidem **RHAZES**, hunc ejus dandi modum sæpius laudet, diversasque id agendi formulas enarret. Post **RHAZEM**, haud scio an quisquam de vi ejus deobstruente intus summi loquatur, ante **MONARDEM**, qui Anatomia jam tum refflorescente scripsit; quæ in clariorem nobis certiolemque in eruendis morborum causis lucem suppeditavit, ita quo-

que efficaciores quasdam ad horum depulsi-  
onem vias adinvenit

Neque ex ulla re magis, quam ex ea de  
qua nunc agimus, evinci potest, quantam  
opem conferat ad Medicinæ usum Anatomia.  
Quanam enim alia ratiocinatione quis addu-  
ctus, ferrum in jecoris aut lienis scirrho ad-  
hibuerit, nisi oculata demonstratione, in dif-  
fectionibus, causam ab obstructione ortam  
cognoscit: ex quo facile colligi potuit, quic-  
quid ad obstructionem submovendum maxi-  
me valens esset, id aptissimum in curando  
fore auxilium. Hujusmodi remedium est fer-  
rum, quod præterquam quod attenuandi fa-  
cultate præditum sit, majorem quoque in  
hoc casu particularum gravitate vim obtinet.  
Nam cum vegetabile quodvis pondere speci-  
fico sæpius excedat, fortiori secundum hanc  
proportionem impulsu agit, atque inde de-  
obstruens validius evadit. Quisquis aut recen-  
tiorum scripta pervolverit, aut in praxi fue-  
rit unquam ipse versatus, facile cognoscet,  
nobiles multas, in variis affectibus diuturnis,  
non modo aquarum, sed & medicamentor-  
um chalybeatorum ope, curationes posse  
præstari. Iique qui persuadere nobis volunt  
nullam huic metallo alterativam esse virtu-  
tem, æque parum ex aliorum, ac e sua ip-  
sorum experientia profecerunt.



Venæ sectio in paroxysmo calculi (a), a nullo alio æque vehementer, ac ab ALEXANDRO, requiritur. Id certe optimo judicio: præsertim si, uti vulgo fieri consuevit, urinæ quoque difficultas urgeat. Nam experientia docet, obstinatum hunc affectum, ubi cætera omnia auxilia nihil profint, sanguinis detractio, sine alius cujusvis medicinæ ope, interdum tolli.

Quid de podagra senserit, antea exposui: illud autem ex eo adjiciam, morbum hunc illis temporibus insanabilem esse judicatum; a qua ipso opinione differt, modo idoneæ curandi viæ insistatur. Quæque ab eo præscripta est, rationi profecto optime convenit; victusque ac medicamentorum usus magna cum accuratione ac delectu traditur. Ac si quis his patienter obtemperare velit, nulla ab alia re felicem æque successum speraverit.

Præter duodecim istos ALEXANDRI libros, exstat epistola ejusdem ad THEODORUM, pro filio hujus, de *lumbricis*, conscripta: fere ad similitudinem ejus, ad CECILIANUM a GALENO missa est. Commodeque ab illo notatum video, quanta cum difficultate consilium præberi possit in eo ca-

---

(a) Lib. IX. c. 4.



fu, qui generatim tantum ab alio homine refertur; ideoque, cum ipfum ægrum facultate vivendi careat, ac particulari singularum rerum cognitione deftituatur, multo plura, quam quæ fortaffe ad rem pertineant, litteris complecti neceffarium existimat. Igitur a descriptione lumbricorum orditur, qui in tria genera dividuntur; unum tenue & exiguum eft, ascarides vocantur; alterum teres eft; tertium latum, five tænia dicitur. Hujus poftremi generis unum ALEXANDER vidit pedum fere fedecim longitudine. De fingulis generibus agit, tam cum adest febris, quam cum abeft; ac medicamenta in his cafibus utilia, & antiquorum temporibus ufitata, enarrat; quæ cum his quibus nunc utimur, prope eadem funt, exceptis mercurialibus.

Ignofces mihi, credo, quod tamdiu fim huic auctori immoratus: fiquidem inter antiquos fcriptores practicos, hunc multum eminare judico, & eum efle, qui a recentiore quovis diligenter legi mereatur. Ex formulis quibusdam in fine libri undecimi comprehenfis, forte quis conjecerit, Christianum fuiſſe, aut Judæum. Paganum enim tantum in rebus nonnullis e facra ſcriptura ductis, quantum is facit, fidem poſuiſſe haud putandum eſt. Scio Ethnicos incantationes adhibere ſo-

litos, quæ verbis de scriptura exceptis confarent; verum id præcipue, si non unice, in dæmoniacis, ac vix in alio quovis morbo, factum arbitror. Consuetudo hæc videtur a Christianis primum inducta, sicut in AETIO antea animadverti; idque clarius adparebit, si MARCELLUM EMPIRICUM adeamus, qui hujusmodi incantationibus abundat, ac sine dubio Christianus exstitit.

FABRICIUS sectam ALEXANDRI reperisse se existimans, methodicum fuisse autumat, idemque miratur unde factum sit, ut PROSPER ALPINUS, qui methodicorum doctrinam plene ac minute exposuit, auctorem hunc omiserit. Conjecturam in eo fundat FABRICIUS, quod ALEXANDER de methodo in arte medica loquatur. Id utique verum est; sed ejusmodi methodum neutiquam significat, qualis a methodicorum secta instituta est, sed eam designat, quam secutus est HIPPOCRATES, ut ab eo ipso alibi explanatum est. Porro forma hujus scriptoris a methodico plane discrepat, cujus is est animus, ut evidentes tantum causas examinet, & quid commune inter se alia res cum alia habeat, & utrum a contractione an a relaxatione morbus oriatur; abditis causis, symptomatis, ægri ætate, regione, ac tempera-



mento, a cogitatione rejectis. Quin & scribendi modus, quem ALEXANDER tenuit, ab horum norma toto cælo differt; idque fere in omni pagina videri potest. Et præterquam quod magnam illam, de qua supra dixi, a methodicis positam, morborum distinctionem haud unquam nominet, neque usquam de resumptivo aut metasyncritico cyclo, aut de diatrilo cogitare videatur, quæ omnia methodici semper in ore habent: perpetuus purgantium usus ab eo in plerisque morbis, ac præsertim in arthritico traditus, horum præceptis ac rationibus omnino repugnat.

Deque sectis id in universum dico, nulla harum vestigia post GALENI tempora reperiri, ne Alexandria quidem, quæ per aliqua insequentia sæcula maxime celebris medicinæ schola existit: nisi fortasse excipi debeant VINDICIANUS ac THEODORUS PRISCIANUS, qui duo methodici circa VALENTINIANI secundi tempora floruerunt, quique omnia ex antiquioribus ejusdem sectæ scriptoribus videntur exscripsisse. A GALENO quidem ita stabilita est secta rationalis, sive dogmatica, ut postea semper invalescens, cæteras omnes exstinxerit; quanquam, si magis proprie loquamur, hæc non secta quæ-



dam peculiaris esset ipsa, singularibus quibusdam sententiis innixa, sed optimarum potius doctrinarum delectus, quas unicuique sectæ propositum esset amplecti & docere. Igitur in multis rebus dogmatici cum methodicis conveniunt, ac præcipue in curandi ratione.

ALEXANDER medicos complures nominat, quorum aliqui circa ipsius ætatem vixerint; præsertim vero JACOBUM PSYCHRESTUM insigniter collaudat, qui & in medicina & in philosophia magnopere excelluit, præceptore usus HESYCHIO, qui scientiæ adipiscendæ gratia plurimas regiones peragraverat. JACOBUS A LEONE MAGNO, sive THRACE, Comes & Archiater factus est, adeoque ab Imperatore ac populo dilectus, ut ei senatus in Zeuscippi thermis, a SEVERO structis (a), statuam posuerit. ISIDORUS GAZENSIS, ab aliis PALUSIOTA dictus, qui JUSTINIANI temporibus floruit, alteram ei Athenis positam vidit (b). Idemque auctor est, PSYCHRESTUM Alexandria oriundum fuisse, quanquam gens ejus originem ex Damasco traheret; fuisse

---

(a) MALEL. in vita LEON. (b) PHOTIUS.

autem in medicina exercitatissimum, multasque curationes eximias præstitisse : enemata ac suppositoria frequenter admodum præcepisse, in Chirurgia raro adhibuisse ferrum aut ignem. Omnibus recentioribus medicis prælatus est a discipulo suo ASCLEPIODOTO, qui ob renovatum hellebori albi usum inclauit : nam is helleborus eo tempore in desuetudinem abierat, ita ut ne PSYCHRESTO quidem innotesceret.

Fusior etiam in JACOBO hoc laudando SUIDAS est, quem perfectam in theoria & praxi medica scientiam consecutum esse prædicat ; coætaneis autem omnibus præcelluisse, & cum antiquorum quolibet potuisse conferri, ac plerisque superiorem exstitisse : ab ægris item cultum ac dilectum, ut quem divinitus inspiratum crederent, in eoque fidem inconcussam haberent, quoniam in prognosticis nunquam hunc errasse comperissent. Eo studio ad artem suam promovendam ferebatur, ut ÆSCULAPII animam in illum transfusam arbitrarentur. KUSTERUS verum ei nomen ψυχροστος ex MALELA reddidisse ait, cum in prioribus editionibus ψυχροχρυσος impressum esset ; tamen in traductione AETII legitur PSYCHRISTUS. Utramque ego lectionem falsam esse judico ; & si ALEXANDRUM

consulamur, facile perspiciemus legi debere  
 ψυχόχρητος, aut ψυχροχρητος; nam utrovis modo  
 recte dicitur, similiter ac φιλοχρητος, compo-  
 situm: is enim diserte ait, hoc illi nomen in-  
 dictum fuisse, *οτι υγραινεση τροφη εκεχρητο*. ALE-  
 XANDER illum Θεοφιλεσάτον appellat, ac post  
 hunc SUIDAS, Θεοφιλη: quare in PHOTIO  
 error est, ubi de illo ac patre ejus dicitur  
*ἀσεβέες ἦσαν*: & quisquis ea quæ sequuntur in  
 PHOTIO attenderit, *εὐσεβέες* legi debere facile  
 percipiet.





*ALB. VON HALLER*

A D

ALEXANDRUM TRALLIANUM

P R Æ F A T I O.

CUM JOHANNIS FREINDII luculentam de ALEXANDRO relationem legerem, consilium mihi placuit, & cum aliquo mei laboris compendio, & cum justa modestiæ cura consensurum. Ne nempe, quæ FREINDIUS utiliter & docte monuisset, inutiliter repeterem, neque tamen plenæ Cl. utique inter Græcos medici historiæ deesset quidquam, visum est FREINDII integrum locum hic recensum dare; deinde subjicere, quæ ego in ALEXANDRI diligenti lectione memorabilia reperissem, neque a FREINDIO dicta.

Ad patriam viri vix quidquam habeo quod addam. Non uno loco vixisse videtur, Romæ quidem, qui Romanorum vina factitia citet (a), virumque qui Romæ salis fomentis oedemata dispellebat (b); Romæ ob con-

---

(a) L. XI. c. 1. p. 76. (b) Ib. cod. cap. p. 92.

cessum in febre tertiana usum fructuum horæorum, medicos expertus est contradicentes [a] Romæ balneo uti in causo [b] docet. Sed & Italica vina passim laudat, Sabinum aquosum [c], Campanum [d], Falernum [e], Aminæum [\*].

In Tuscia a rustico accepit rutæ odorem epilepticis prodesse [f].

Sed etiam in Ægypto, aut certe in Phœnicia potius vixisse putes, cum vino utatur Ascalonite [g], & Sareptino [h], Tyrioque [i] & Gazæo [k].

Medicinam potissimum apud magnates fecisse putes, vel ex pretiosis alimentis, quæ vulgo commendat, phasianio [l], turdo pisce [m].

Ipso demum pro rege si medicamentum fuerit, addi jubet cinnamomum [n].

(a) Lib. XII. cap. 6.

(b) L. XII. c. 2.

(c) L. VII. c. 1. L. XII. c. 1. 3.

(d) L. VIII. c. L. IX.

(e) L. III. c. 12.

(\*) L. VIII. c. 7.

(f) L. I. c. 15.

(g) L. II. c. 6. L. IX. c. 3. L. XII. c. 8.

(h) L. VII. c. 1. L. VIII. c. 4. L. XII. c. 3.

(i) L. VIII. c. 4. L. IX. c. 3. 5.

(k) L. XII. c. 8.

(l) L. II. c. 7. L. VII. c. 1.

(m) L. VI. c. 1.

(n) L. III. c. 10.

Veterum passim instituta eo seculo riguisse videas, Palæstræ usum [a], balnea [b] etiam frigida [c].

Frequentissime ad suam experientiam provocat, ut medicamenti alicujus, vel etiam methodi utilitatem confirmet, & ea testimonia plerumque nuperorum experimento confirmata fuerunt. Alcyonium ustum in alopecia utilis expertus est [d]; venæsectionem in fronte & hydrelæi fotum in phrenitide [e]; lethargum castoreo, sed potissimum balneo (f) curavit. Epilepsiam purgatione alvi ex colocynthide superatam fuisse [g] docet. Cum ex auris frigidis a pedibus adscendentibus epilepsia fieret, curavit malum exulcerantibus medicamentis ei sedi admotis [h]. Balneum frigidum hic laudat [i], & purgans ex helleboro albo [k] pharmacum, & radicem pyrethri, etiam foliam [l]. Odorem rutæ eo malo adfectis profuisse expertus testatur [m]. Lapidem Armenum

(a) L. I. c. 15.

(b) L. XI. c. 1. 12.

(c) L. I. c. 15.

(d) Lib. I. c. 1.

(e) L. I. c. 1. 3.

(f) Ibid. c. 14.

(g) Ibid. c. 15.

(h) Ibid. c. 15.

(i) Ibid.

(k) Ibid.

(l) Ibid. (m) Ibid.



in curanda melancholia veratro præfert, quod non perinde molesta faciat symptomata [a]. Denfitatem in meatibus multa superavit [b]. Collyrium dialibanæ efficax reperit [c]. In ægilope nondum suppurato, glaucino utebatur [d], & croco; alica ex aceto cocta, etiam suppuratis. Rutam etiam cum oleo virgine [e] idem malum curare [\*], & alia oculorum mala [f] auctor est.

Recte in aurium malis veteres cavisse, ne irritantibus uterentur, & vaporibus potius usos esse [g].

Diphryge polypum narium se sanasse [h].

In angina, se raninarum venarum & jugularium sectionem salubrem esse expertum. Eodem die bis venam secuisse, deinde scammonium dedisse [i].

Humectante victu servasse, qui calculum de pulmone excreaverat [k].

(a) L. I. c. 17.

(b) L. II. c. 4.

(c) Ibid. c. 5.

(d) L. I. c. 8.

(e) πρωτοσαντον vertit GUINTERIUS, lixivium.

(\*) Ibid.

(f) L. I. c. 6.

(g) L. III. c. 2.

(h) L. III. c. 8.

(i) L. I. c.

(k) L. V. c. 4.

Antidotum διὰ πρᾶσις in pulmonum malis laudat (a).

In pleuritide locum adfectum acutissimo scalpello scarificat, & avenaceum ptisanæ præfert (b). In hæmoptoe venæ tali sectionem proficuum expertus est (c). Hæmatitem lapidem laudat, etiam cum asperæ arteriæ particulæ exfcrearentur, lutoque terræ Lemniæ loco utentis improbat. Candente ferro se caput uri jussisse felici eventu. Lacte solo sanatos fuisse, phthisinque vitasse; & lac asininum, horæos etiam fructus & navigationem commendat. Salsis sitim repressam (d).

Singultum frigida esse sublatum (e).

Pastillo narcotico ulcus vesicæ se sanasse (f).

Olera, uvas, pruna Damascena in dysenteria laudat, & istis folis ait sublatam fuisse (g). Sic oleribus folis contabescens ex dysenteria fervavit (h).

Lienis inflammationi post venæ incisionem & purgationem, adstringentibus utitur (i).

(a) L. V. c. 4.

(b) L. VI. c. 1.

(c) L. VII. c. 1.

(d) Ibid. c. 6.

(e) L. VII. c. 13.

(f) L. VIII. c. 8.

(g) Ibid. c. 9.

(h) Ibid.

(i) Ibid.

Fuse narrat, ut longa curatione, & potissimum purgantibus lienis scirrhum superaverit [a], post multas a barbaris admotas unctiones.

In cholera cucurbitulas ventriculo admovit sine igne; & in scirrhuso adfectu, etiam scarificavit [b]. Hepar inflammatum emollire jubet; deinde aperiri. A præmaturo aperiendum usu humores instar lapidis durescere [c].

Inflammationes hepatis olerum usu solutas [d], Oleum in colica & in anum sub ditum utile esse [e]. Valde laudat pilulas, in quibus euphorbium & Cnidius coccus [f] est.

In podagra antidotum HERACLIDIS philosophi se efficacissimum reperisse [g]. *Διὰ κανθαρίδων* bene imponi, cujus pustula rupta multum humorem fundat [h]. Antidotis sanatus, qui tophis abundabat [i]. Ex aloe & hermodactylo catapotia ad articulorum mala [k].

In

---

(a) L. VIII. c. 12.

(b) Ibid. c. 14.

(c) L. VIII. c. 2.

(d) Ibid. c. 3.

(e) L. X. c. 1.

(f) Ibid.

(g) L. XI. c. 1.

(h) Ibid.

(i) Ibid.

(k) Ibid.



In febribus ardentibus valde laudat frigidaë potum [a].

In hectica febre commendat cerata & fomenta refrigerantia, aerem frigidum, balneum; lac animalis myrti, lentisci, aut quercus foliis pasti, ne alvus fluida reddatur [b].

In hectica a syncope fructus horæos [c], commendat: sed etiam in tertiana febre horæos fructus dat, & peponem & melopeponem [d]: balneum etiam laudat. Ut servaverit refrigerantibus senem, quem fere absinthio occiderant [e].

Epithematibus se quartanæ febris paroxysmos dispulisse [f]. Nigro humore egesto, quo lien obstruebatur, sublatam quartanam, usu falsamentorum & superpoti vini Græci vel Ascalonitæ. Iterum hic Armenum laudat lapidem. Curatum, qui opium in quartana sumserat. Somno excitato, etiam alias accessionem sæpe caveri, quod experimentum nuperi repetiti sunt. Inveteratas quartanas se sanasse vomitu excitato [g].

---

(a) L. XI. c. 2.

(b) Ibid. c. 4.

(c) Ibid. c. 5.

(d) Ibid. c. 6.

(e) Ibid.

(f) Ibid. c. 8.

(g) L. XII. c. 8.

Oleum refrigeratum in clystere adversus colicos dolores [a].

Eadem experientia doctus, passim vetat minus propria medicamenta, quæ non utiliter propinabantur. In phrenitide diacodium dare vetat, nisi necessitas urserit [b].

Ab amaris & ab aloe deterior facta paralysis, quam balneis & lenientibus medicamentis levavit [c].

Opium ex collyriis dolorem levantibus relegat [d].

Esse, qui neque odorem scammonii ferant [e].

Iterum monet ne medici opio liberalius utantur. Sensim ab ejus usu vocem amissam, ut opobalsamo restitui necesse fuerit [f]. Sic ab acribus in aurium malis cavendum.

In angina sanguinem ad animi deliquium vetat mittere [g].

Male GALENUM mithridatium dedisse, cum pulmo esset adfectus [h].

---

(a) L. X. c. 1.

(b) L. I. c. 13.

(c) Ibid. c. 16.

(d) L. II. c. 1.

(e) Ibid. c. 7.

(f) L. III. c. 2.

(g) L. IV.

(h) L. V. c. 4.

In pleuritide narcoticis & poscæ fotu abstinentum [a].

Male in hæmoptoe GALENUM humectantia & refrigerantia medicamenta neglexisse [b]. Sæpe se in hoc casu antidotis & theriaca abstinere.

Non debere in dysenteria dari opium, nisi summa necessitas urserit [c].

In verâ tamen dysenteria, quæ intestinorum est exulceratio, utique opium dat, & hyoscyamum, & gallas, & adstringentia medicamenta (d).

Esse in podagra, quibus sinapi conveniât [e]. Sola acria articulis nocere & motum reddere difficilem (f); neque adstringentia convenire [g].

Oleo hydrelæum magis emollit, contra quam GALENUS docuit [h].

In cruditate nidorosa GALENUS non bene calidis est usus, ipsumque oxymel in calidis & siccis nocet [i].

(a) L. VI. c. 1.

(b) L. VII. c. 1.

(c) L. VIII. c. 8. nisi hic locus PHILUMENTI fuerit.

(d) Ibid. c. 9.

(e) L. XI. c. 1.

(f) Ibid.

(g) Ibid.

(h) L. XII. c. 1.

(i) Ibid.



In syncope non debere ægrum simul defricatione fatigari, & inedia, verum post defricationem nutriri, contra GALENI consilium ( *a* ).

Frigidis in hectica febre se profecisse, sed morbum reddi difficiliorem ( *b* ).

In tertiana GALENUM abusum esse absinthio [ *c* ], & cum contraria omnino medicamenta refrigerantia daret, commento aliquo GALENI auctoritatem se evasisse, quam ei Romæ opponebant [ *d* ]. In spuriiis etiam tertianis GALENUS nimium calidis usum esse & absinthio, cum refrigerare præstaret.

In quotidiana GALENUS nimis indulgebat extenuantibus [ *e* ]. A cataplasmate prius imposito quam corpus vacuatum fuisset, se vidisse supervenientem inflammationem [ *f* ].

Iterum non bene GALENUM victum calefacientem & siccantem iis præscripsisse, qui quartana laborabant [ *g* ]. Nimis etiam generaliter antidotos propinasse, quæ in calidis temperamentis noceant [ *h* ].

---

( *a* ) L. XII. c. 3.

( *b* ) Ibid. c. 4.

( *c* ) Ibid. c. 6.

( *d* ) Ibid.

( *e* ) Ibid. c. 7.

( *f* ) Ibid.

( *g* ) Ibid. c. 8.

( *h* ) L. XII. c. 7.

In hepatis imbecillitate uvas passas undique convenire [a]. In pulmonis infarctu fistulas super caput ingestas laudat, cum balneis [b].

Euphorbium illitum ad dolores padagricos ex causa frigida natos [c].

Diacinnabarim ad varias obstructions commendat [d].

Sed etiam in morborum dignotione accurate se gessit. Ita discrimen indicat, quo humores vomitum facientes dignoscas, & eos qui in ipso ventriculo nati sunt, separe ab iis, qui aliunde eo veniunt; si nempe diu post nauseam demum vomitus successerit, deinde si frequentius malum infestat, aliunde adveniunt.

Dolorem colicum a nephritico recte distinguit [e].

Hepar cum in gibba parte inflammatum sit, adgnosci ex dolore qui sit in inspiratione [f].

Passim etiam varia de morbis utiliter notavit eorumque eventibus. Epilepsiam ex stomacho etiam nasci [g]. Melancholicorum falsas

---

(a) L. VIII. c. 3.

(b) L. V. c. 8.

(c) L. XI. c. 1.

(d) Ibid.

(e) L. IX. c. 4.

(f) L. VIII. c. 1.

(g) L. I. c. 15.

imaginationes (*a*) recensuit. Bulimus ex verme 12 cubitos longo (*b*). Subito exstinctus ex cardiaco adfectu, qui etiam a lumbricis oriatur (*c*). Humores in hepate ad lapidum speciem durescere (*d*). Phthificis alvi fluxus inimicus (*e*).

In theoria GALENUM plerumque secutus est: medicas causas cujusque mali indagare jussit, & secundum earum causarum diversitatem curationem mutavit. A calido, frigido, & ab humoribus GALENICIS morborum causas repetiit. Eundem effectum ex contrariis causis posse provenire (*f*) monuit. Febrem corde oriri, eximie, si causam intellexisset suæ sententiæ (*g*). A spiritu diariam, ab humoribus putridam, a solidis partibus hecticam (*h*) febrem nasci. Ex ea distinctione originis febrium curationem distinguit; si a sanguine causus fuerit, vena secanda, si a bile alvus du-  
cenda (*i*). Iterum in quotidiana diversam requiri

---

(*a*) L. I. c. 17.

(*b*) L. VII. c. 5.

(*c*) Ibid. c. 9.

(*d*) L. VIII. c. 2.

(*e*) L. VII. c. 1.

(*f*) Ibid. c. 12.

(*g*) L. XII. c. 1.

(*h*) Ibid.

(*i*) Ibid. c. 2.



curationem, prout ea ex acida pituita nata sit (*a*), aut ex bile (*b*).

In parte anteriori cerebri vires sensorias (*c*) habitare. Dentes dolere videri, quod dentis nervus doleat (*d*). Non semper a frigore acidum esse (*e*). Hecticam febrem a syncope natam, curandam bonis alimentis (*f*).

Ut in universum in medicamentis plurimus fuit, ita passim compositiones ipse invenit & auxit. Cataplasma ad parotides (*g*); antidotus ad ventriculum frigidum [*h*], ad dyspnœam, ad menses resides utile auxit, adjecta eruca, fœfeli, sione. Catapotia ad epilepsiam [*i*]. Epithema ad lienem [*k*]. Oxy-mel Julianium mutavit [*l*]. Ad lienem epithema [*m*].

Sed etiam simplicium medicamentorum passim vires medicatas ornavit, ut pyrethri ad

---

(*a*) L. XII. c. 7.

(*b*) Ibid.

(*c*) L. I. c. 14.

(*d*) L. III. c. 10.

(*e*) L. VIII. c. 12.

(*f*) L. XII. c. 5.

(*g*) L. III. c. 7.

(*h*) L. VII. o. 7.

(*i*) L. I. c. 15.

(*k*) L. VIII. c. 9.

(*l*) L. XI. c. 1.

(*m*) L. VIII. c. 13.

epilepsiam [a]. Xylomacer cum Rhabarbaro primus dedit in hepatis malis [b]. Lapidem Armenum ob vim purgantem & vomitum moventem, in quartana laudat [c], & in melancholia [d]. Veratrum album nigro mitius esse [e].

Hæc pleraque bona & laudem nostram merita; alia minus probes. Nimium certis & definitis antidotis tribuit, ut illi valde compositæ adversus quartanam [f].

Medicamentum ex lapidibus pretiosis nimis effert laudibus [g].

In angina, quam sapientissime ab ALEXANDRO curatam fuisse FREINDIUS auctor est, adstringentia medicamenta adhibuit & acria [h], stercus denique humanum. Ad ventriculi φλεγμονην solis externis utitur auxiliis [i]. Oxymel dat ad acorem ventriculi [k].

(a) L. I. c. 15.

(b) L. VIII. c. 3.

(c) L. XII. c. 8.

(d) L. I. c. 17.

(e) Ibid. c. 15.

(f) L. XII. c. 8.

(g) L. II. c. 6.

(h) L. IV. c. 7.

(i) L. VIII. c. 12.

(k) Ibid. c. 13.

In cholera biliosa mira medicamina commendat [a]. Castaneas mireris adeo sæpe ad incidendos humores viscidos laudatas [b], & ad infirmum ventriculum [c], & ad jecoris imbecillitatem [d]. Cibos duros in modica hepatis inflammatione suadet [e]. Sanguinis hircini usum laudat adversus calculum, quem ab ejus sanguinis vi aiat esse expulsum [f].

Omitto superstitiosa, quæ naturalia vocat & passim defendit, interque ea absurdissima aliqua: stercus lupi appensum in colica profuisse, se ipso teste [g]; sanguinem virgineum ad quartanam febrim [h] valere. Demum veras præcipit incantationes [i].

Utut hæc vitia non dissimules, ex melioribus certe veterum operibus esse fatearis, bono & simplici ordine scriptum, pene absque hypothesi, rerum, quas auctor ipse viderit; paucis seculi communibus erroribus inquinatum.

---

(a) L. VIII. c. 15.

(b) L. V. c. 4.

(c) L. VIII. c. 11.

(d) Ibid. c. 3.

(e) Ibid.

(f) L. IX. c. 4.

(g) L. X. c. 1.

(h) L. XII. c. 8.

(i) L. IX. c. 4.



In epistola *de lumbricis* ad THEODORUM nihil est nisi farrago medicamentorum ad tria genera vermium, rotundos, latos & ascarides. Ita porro vale, nostrisque laboribus fave. Bernæ die 31 Decembre 1771.



ALB. VON HALLER

P R Æ F A T I O

A D R H A Z E U M.

**U**T cum Græcorum principibus hunc unum RHAZEUM conjungerem, fecit operis præstantia, tum opportunitas utendi labore JOH. CHANNING, cujus editio ob Arabicum textum additum ex codice B. Leidenfis, & pretiosa fit & difficilior comparetur. Novam etiam versionem vir Cl. dedit, atque Arabem suam ad literam expressit. Codicem secutus est a prioribus codicibus valde diversum, ut comparando cum Græca versione comperi, cujus potissimum octavum caput, multo quam hujus nostræ editionis brevius est.

Non ideo, quæ bona RHAZEUS habet, continuo ad eum solum pertinent. Nam ex adjectis a Cl. CHANNING *Continents* fragmentis discas, dudum ante nostrum, MOHAMMEDEM, AARONEM, GEORGIUM (F. BAKTISHUA,) & MASERJAWAIH, & de variolis scripsisse, & fere eadem, quæ noster dedisse consilia. Ut non qui-

dem antiquior de variolis auctor dicendus sit, etsi eorum quos habemus est antiquissimus. IDEM est auctor, qui librorum ad Almanzor (a), quos citat. Ignoscas bono viro, Græcæ linguæ imperito, quod GALENUM omnino putet de variolis scripsisse (b), etsi miratur nihil de tanti morbi curatione apud eum virum legi (c).

Theoria ei fuit ejusmodi, ut in pueris variolas putet tamquam ab effervescentia provenire, qua ex puerili statu in juvenilem evehantur, qualis in musto viget effervescentia, per cujus efficaciam in vini statum transit. Quoties adeo debile nimis homini temperamentum est, fieri posse, ut variolæ omnino non erumpant (d). Esse ubi bis, etiam ter, eundem hominem adgrediantur (e).

Invadere sub autumnum (f): majori dorsi dolore a morbillis distare, in quibus mœror & nausea magis infestent (g). Primo die adparere quando celerrime, quarto quando lentissime (h). Sed etiam distinctas &

---

(a) Cap. 14.

(b) De variol. ab init., inque *Continent*.

(c) De variol. init.

(d) C. 1.

(e) In *Continent*.

(f) De variol. c. 1.

(g) C. 3.

(h) C. 14.



& confluentes recte distinguit (*i*); & malas esse confluentes non ignorat. Parvas duras & verrucosas funestas esse (*k*). Dolores in articulis designare, partem eam in putredinem transituram (*l*). Sphacelum tibiæ variolis supervenisse, sanguinisque per poros omnes eruptionem, cum tamen vena fuisset secta (*m*). Hæmorrhagiam narium salutarem esse, eandem subsidere funestum (*n*).

In principio mali vehementer conatur, ut impetum naturæ frangat; ad diem enim quartum usque, aut cucurbitulis in pueris, aut secta vena post annum XIV sanguinem detrahit (*o*). In plethoricis sanguinem ad animi usque deliquium mittit (*p*), & venæsectionis utilitatem se in nosodochio esse expertum ad diem quartum usque (*q*) testatur. Sed etiam alvum molliri jubet; infusionibus quotidie in potu sumptis (*r*). Alvum etiam duxit in nobili virgine HEBETHUSEYN.

(*i*) C. 14.

(*k*) C. 8.

(*l*) C. 14. 7.

(*m*) C. 7. *Contin.*

(*n*) C. 14. & in *Contin.*

(*o*) C. 5.

(*p*) Ib.

(*q*) ALMANSOR & *ibid.*

(*r*) C. 5.

Victum acidum præscribit, non tamen ut carnibus jubeat abstinere (*s*). Ita & medicamenta acida dat, sed iis camphoram miscet (*t*). Aquam dat nive refrigeratam (*u*), quæ sudorem moveat, & eruptionem adjuvet (*v*). Morbillis frigidam etiam magis prodesse (*x*).

Esse ubi potuerit eruptionem omnem avertere, ut aut omnino nullæ variolæ adparerent, aut mitissimæ (*y*).

Frigus ipsum ipse tamen, & alii vetant admitti (*z*).

Sed refrigerantem etiam utique hanc curandi rationem non feliciter succedere fatetur. Nam ex refrigerantibus nonnunquam anxietatem subnasci (*a*), tunc medicum ad sudorem movendum se convertere: signa etiam dat, quando calida medicamenta dare oporteat (*b*). Ita docet necesse fore pro-

(*s*) Ib.

(*t*) Ib.

(*u*) Ib.

(*v*) C. 6.

(*x*) C. 13.

(*y*) Contin C. 5.

(*z*) Contin.

(*a*) C. 6.

(*b*) Ib.

movere eruptionem, si ultra diem quintum eruptio cessaverit (*c*). Conferre ad eum finem cutem mollire calidæ fotu (*d*).

Post diem septimum omnino a purgantibus medicamentis abstinendum (*e*) esse.

Peculiariter laborat in oculis defendendis, periculum enim sibi metuit, si pustula in oculo eruperit (*f*). Utitur vero fere adstringentibus medicamentis (*g*). In angina quam a variolis metuit (*h*), venam audacter fecat. Pustulas magnas perforat (*i*).

Consilia dat ad ficcationem promovendam, si renuant, salem adspergit (*k*); monet tamen ne is salis usus ante tempus adhibeatur (*l*).

Multa molitur ad delenda vestigia [*m*].

Adparet R H A Z E U M absque verioris theoriæ præsidio intellexisse, in principio morbum

---

(*c*) C. 6.

(*d*) Ib.

(*e*) passim.

(*f*) C. 7.

(*g*) Ib.

(*h*) Ib.

(*i*) Ib.

(*k*) C. 8.

(*l*) *Contin.*

(*m*) C. 10.



LXIV PRÆFATIO AD RHAZEUM ,

ut inflammationem curari debere , inde post  
eruptionem , viribus sustentandis & averten-  
dæ putredini studeri. Paucula ego correxi,  
dum operis folia edebantur. Vale Lector  
amice , die 2 Jan. 1772.



ALEXANDRI



# ALEXANDRI TRALLIANI

DE ARTE MEDICA

*LIBER PRIMUS.*

JOHAN. GUINTERIO ANDERNACO  
INTERPRETE.

---

## CAPUT PRIMUM

### *DE ALOPECIA.*

**A**LÓPECIA vitium est, quò capillis fluentibus, caput nudatur ac glabrescit. Non autem ex una, sed varia & multiplici causa trahit originem. Quippe tum ex pituita calefacta, ac in falsam qualitatem conversa, tum ex bile & humore melancholico nascitur. Efficiens igitur affectus causa considerari, & internosci, atque ita tandem curatio ipsius tentari admoverique debet.

**NOTÆ.** Causa vitii efficiens ex pilorum colore internoscitur. Etenim flavi biliosam humorum vitiositatem superare indicant: nigri, humorem melancholicum: albi, pituitam. Sic igitur discernere licet quo recremento superante vitium in capite provenerit.

*Princ. Art. Med. Tom. VI.*

A.

CURATIO. Curare igitur hoc modo convenit: Humorem vitiosum, si quidem copiosus superet, expurgato, bona prius victus ratione usus: sin exiguus exstiterit, medicamenta quæ salivam movent, (ἀποφλεγματισμὸν Græci appellant) & sola præsidia quæ partibus inducuntur, sufficient. At in quibus vitium inveteravit, valentioribus auxiliis potius utitor: in quibus autem non multo ante affectus ipse obtigerit, imbecillioribus simul & simplicioribus curationem tentabis. Quoniam igitur remediorum alia simplicia, alia sunt composita, primum a simplicioribus auspicemur: ex quibus is qui vires ipsorum noverit, etiam composita facere medicamenta potest.

*De simplicibus medicamentis.*

Alcyonium igitur ustum, & ex veteri oleo tritum, si loco illinatur, probe alopeciis medetur: atque id subinde in iis expertus sum, qui non longo tempore hoc vitio detenti fuerant. Similiter facit etiam arundinis cortex, ac radices ejus combustæ: item amygdalæ amaræ totæ ignem expertæ. Utilissima quoque est hastulæ regiæ radix, & abrotanum: ad hæc finus caprarum, earumque ungulæ crematæ, & ex aceto in lævorem detritæ. Jam thuris lacryma etiam accurate pluribus diebus lævigata bene facit. Adhuc efficacius id præstabit, si ad solem plusculis diebus studiose lævigata fuerit. Vel herbam verbenacam probe detritam ex aceto illinito: ubi partem cui induces, nitro prius bene infricaveris, & linteolo absterferis. Commodius enim ita operabitur. Insuper thuris lacryma, & murium sterminus, pari portione aceto lævigata, pilis cito pro-



ducendis faciunt. Præstat autem locum prius irritare, cui remedia inducentur, raphani radicibus & cepis transversim incis: atque ita remedio uti.

ALIUD. Item erinacei terrestris cinis pice liquida exceptus, illitusque, pilos reddit, ac statim alopeciæ vitio medetur.

ALIUD. Pari modo facit etiam ranarum cinis, pice liquida exceptus, & illitus.

ALIUD. Pyrethrum lævigatum una cum felle vitulino illinito, continue id faciens etiam contra diuturnos affectus.

ALIUD. Stercus felinum ex aceto oblinito: præstans est remedium, & naturali vi huic vitio valde adversatur.

*De medicamentis compositis.*

Aeris usti drachmæ duæ, sulphuris vivi drachmæ duæ, hastulæ regiæ drachmæ duæ: lævigata ex ovorum luteo, loco prius infricato illinantur.

ALIUD. Nuces avellanas integre combustas ex oleo lævigato, partique prius rasæ illinito.

ALIUD. Adipis ursini uncia duæ: adarcæ uncia tres: muscerdæ uncia tres, picis liquidæ uncia tres, olei ex lucerna usti drachmæ duæ. Hoc excepta, loco prius raso injungito.

ALIUD. Aceti aeris uncia: alliorum, olei rosacei, singulorum uncia. Partem ægram paniculo laneo infricatam oblinito.

ALIUD. Ranarum uncia tres, muscerdæ, corticis arundinis, cineris, picis liquidæ, porri seminis, singulorum uncia. Cedrino oleo excepta illinuntur.

## CAPUT II

## DE CAPILLIS FLUENTIBUS.

**C**APILLI multis de causis fluunt: etenim ex inopia materiæ, quæ ipsos nutrire & generare potest, item ex meatibus densatis & rarefactis, & ex pravorum recrementorum purgatione interdum accidit. Quoniam igitur causæ, quæ defluvia capillorum efficiunt, non simplices sed diversæ existunt, oportet unicuique obistere, atque ita convenientem curationem adhibere. Si enim ex magna siccitate capillorum defluvia accidant, & quod recrementa illos nutrientia consumantur, tunc frequentius æger lavari debet, ciboque nutriri humido, bonique succi, & qui prompte in corpus distribui possit, nihil autem habeat falsum aut acre. Vinum ei non liberaliter permittere, præsertim merum: neque multam venerem concedere oportet. *Balneum autem hunc in modum adhibendum est.*

*De balneo ad idem.*

Balneum esto temperatum, quod non valde calidum vel aerem vel solium habeat. Accipiant autem ægri aquam temperate calidam, ungantque caput multo hydrelæo: non autem sapone aut nitro caput abstergant. Quippe id agendum non est, si capillorum defluvium ob inediam evenierit. Sin autem ex meatuum raritate & humorum digestionem, & veluti extra cutem elabentibus quæ pilos nutriunt recrementis accidat, non alienum est tunc uti remediis, quæ refrigerant &



adstringunt liberalius, similique victu; qui nihil acre in se contineat, dilatandis aperiendisque meatibus efficax: cujuscumque sunt eruca, nasturtium, porrum, cepa & allium. Hæc enim omnia defluvio ex densatis infarctisque meatibus orto sunt idonea. Lactuca autem, malva, ova, panis siligineus, in temperatam aut frigidam aquam tinctus, pepones, cucumeres, pisces dura carne præditi, suilla caro non pinguis, & maxime bubula, pedes bubuli, isicia, pectines & buccina, iis quibus ob cutis raritatem pilus defluit, conveniunt. Vino hi, & potissimum veteri, abstineant. Balneum vero ingressi, aqua frigida caput perfundant: ac rursus in frigidaë solium descendentes, ex fluente canali aquam frigidam copiose capite recipiant, rosaceoque ipsum, aut omphacino, aut melino, aut myrteo perungant. Hac enim victus ratione degentibus ipsis non modo defluviū nascens impediatur, sed etiam alii capilli enascentur. Porro si ob meatuum densitatem, pilorum generatio prohibeatur, tunc iis potius uti convenit quæ rarefacere possunt, & moderate calefacere: atque tunc etiam magis quum tempus fuerit hybernū, & æger in frigidis locis degerit: vel etiam si temperamento frigidiores sit & magis pituitoso præditus. At quia rarefacientia materiam quidem evocant, non sinunt autem ipsam inhærere, & pilos nutrire ac generare, miscere his convenit tum quæ cutim roborare, tum quæ densare paulatim queant, ut mixta in remedio facultas esse deprehendatur, nempe attractrix simul & altrix retentrixque: ex præsentī quidem caliditate, attractoria: ex frigiditate vero, retentoria. Multa igitur sunt medicamenta quæ vires ex variis naturis conflatas ha-



beant: ex quorum numero existit ladanum, oleum lentiscinum, omphacinum, & myrteum. Sunt etiam complura ad rarefaciendum apta, ut ranarum cinis, cepa, alcyonium, thapsia, euphorbium, sinapi, & quæ sunt ejus generis: quibus omnibus uti poteris, si valentiorum quidem vim remittas, imbecilliorum autem intendas. At si ex recrementorum capitis purgatione capillorum defluvium acciderit, nihil prorsus curiose tentandum est, quemadmodum in iis, qui ex morbo se recolligunt. Sufficit enim solum, si bonus sanguis deinceps generetur, & æger in naturalem statum ex morbo revertatur.

*Medicamentum ex ladano.*

Ladanum myrteo oleo & vino maceratum, dum mellis habeat crassitiem, capiti ante balneum, & post illud, inungito. Satius autem est etiam polytrichum, quod nonnulli adiantum vocant, dimidio ladani ponderi adjicere, & myrteo oleo exceptum illinere. Quod si hyems fuerit, & æger caput temperamento frigidum habeat, etiam paulum calefacientia & rarefacientia remedia adjungito: ut nardinum modicum, & cyprium, vel aliud tenue & odoratum medicamentum.

ALIUD. Anemonæ florem tritum ex oleo illinito.

ALIUD. Verbenacam rectam cum radicibus siccata tritamque, tenuissimo cribro incernito: deinde mixtam oleo, ut fordium crassitudo fiat, æreo vase reponito: & quum opus erit, ex oleo utitor.

C A P U T III.

QUOMODO CAPILLI NIGRESCANT.

**G**ALLARUM, acacie, squamæ æris, chalcanti, aluminis pares modos, in urina pueri venerem non experti, diem unum macerato: deinde pilis deterfis illinito: & caput interea ad triduum ligato. Ufu compertum est.

**ALIUD.** Nucum viridium corticis unguis tres, ilicis fructus uncias sex, vini nigri sextarios tres, ad tertias decoquito, ac ubi id quod reliquum est expresseris, cum olei myrtei sextario subigito. Utitor quotidie.

**ALIUD.** Vini nigri vetustissimi uncias tres in vas plumbeum conjicito: & rasuræ plumbi uncias duas in eo dies quindecim macerari finito: deinde oleum primarii superfundito: & subigens illinito, præcipue in viris.

**ALIUD.** Gallas coctas tritasque capillis nocte ac die obducito: a lecto autem surgens aqua frigida abluito.

*Ut capilli rufi tingantur & flavescant.*

Myrrhæ partem unam, salis floris partem unam diligenter lævigato, & redigito ad sordium crassitudinem: ac caput, ubi extuleris, medicamento illinito, finitoque noctem & diem, & deinde abluito.

**ALIUD.** Lupinos crudos ex aqua inungito: item junci angulosi folia, herbæ lanariæ (quæ *εγγέλιον* Græcis dicitur) succo macerato, atque eo diluto utitor.

*Ut capilli flavi fiant.*

Argenti spumæ uncias quatuor, terræ Creticæ uncias quatuor, calcis vivæ uncias quatuor, aquæ quantum ad fordium crassitiem faciendam satis est inungito, adponitoque betæ folia ad dies tres aut quatuor: deinde medicamenta abluito.

*Ut capilli nigri flavescant.*

Flores vini in balnei fordes mittito, & in spissitudinem cerati redacta, sub somnum illinito: & mane capilli flavescent.

*Tinctura qua capilli fiant colore aurei.*

Aluminis drachmæ sex, sandaracæ drachmæ sex, croci drachmæ duæ, thapsi quo tinctorum utuntur (Romani herbam rubiam appellant) drachmæ duæ: lixivii piliariorum sextarii quatuor. Lixivium cum thapso incoquito usque ad dimidias, deinde arida adjicito: & postquam usus fueris, abluito aqua decocti fœnigræci, & hordei, cuminique.

*Quomodo capilli albi fiant.*

Verbasci albi florem comburito, ac ex aceto maceratum in saponem misceto, eoque pilos abstergito.

ALIUD. Verbasci feminis, aluminis rotundi, raphani corticis, singulas uncias contundito, miscetoque glutinis taurini (quæ taurocolla a Græcis dicitur) drachmas quatuor: ac utitor.



## CAPUT IV.

## DE PORRIGINE.

**P**ORRIGO est, ut compendiose dicam, ubi tenuia & furfuracea corpuscula ex capitis superficie, aut etiam ex reliquo corpore, citra exulcerationem plurimum resolvuntur: unde etiam Græcis pityriasis appellata est. Nascitur hoc vitium inde, quod pravus quidam humor pituitæ falsæ, aut biliosæ, & melancholici sanguinis fursum ad caput evectus fuerit. Si igitur talia in toto subsistant corpore, ipsius antea ratio curaque habenda est: deinde sic ad ea, quæ partibus admoventur remedia descendendum. Si vero nullum in universo corpore recrementum conspiciatur, etiam sola tum quæ a veteribus medicis, tum quæ a nobis inventa sunt, medicamentorum auxilia, probe curare affectum possunt.

**CURATIO.** Cretæ cimoliæ aqua prius maceratæ succum betæ misceto, & illinito, & finito dum inaruerint: deinde ubi ablueris, thuris lachrymam tritam ex vino & oleo inungito, ac finito quo usque desiccetur; aut herbam pediculariam; quæ staphis agria dicitur; ex oleo perungito.

**ALIUD.** Ad humidiores autem porrigines, muria aut lupinorum diluto abluito. Est enim hoc medicamentum experimentis & usu comprobatum.



*Ad pediculos, & lendes.*

Nitri, fandaracæ, herbæ pediculariæ, singulorum uncia, ex oleo myrteo inungitur.

ALIUD. Herbæ pediculariæ uncia duæ, fandaracæ uncia, ex oleo & vino trita, toti corpori inungentur. Ad idem facit etiam terra Samia, quæ Græcis *ἀσθή* dicitur, & nitrum ex oleo.

---

## CAPUT V.

### AD PSYDRACIA ET EXANTHEMATATA QUÆ IN CAPITIBUS GIGNUNTUR.

**P**SYDRACIA, exigua capitis tubercula sunt, pustulis similia, quæ summam cutem excedunt. Exanthemata vero, superficialiæ cutis exulcerationes sunt, subrubicundæ & asperæ. Utrumque vitium præfidiis infra positis exteritur.

CURATIO. Argenti spumæ, cerussæ, singulorum uncia quatuor: aluminis, rutæ foliorum viridum, singulorum uncia duæ, ex aceto myrteoque oleo inungantur. Magis autem proficiunt ad ea quæ humiditate scatent.

---

## CAPUT VI.

### AD VITIA CAPITIS SCABIOSA ET SANIOSA.

**R**UTA & alumine detritis ex melle utitor in capite prius raso. Si vero cutis a capite recedat, oleæ folia cocta ex melle inducito.

## CAPUT VII.

AD ULCUSCULA CAPITIS Densa et Rubra, Papillis Similia, a quibus Saniem Resolvuntur.

CAPITE prius raso, absterfoque aqua & nitro, sulphure vivo ex hominis urina contrito, utitor.

*Aliud ad capitis vitia.*

Argenti spumæ, cerussæ, singulorum drachmæ duodecim: sulphuris vivi drachmæ octo. Cerato myrteo exceptis utitor.

ALIUD. Cretam sutoriam (quæ melantheria Græcis dicitur) cum aceto inungito.

## CAPUT VIII.

## DE ACHORE.

ACHOR vitium est, quod in capitis extima cute exiguis foraminibus oboritur, ex quibus humor saniei, quæ Græce ichor dicitur, similis emanat: ideo etiam malum illud achor Græcis appellatur: *nostris, manantia ulcera*. Est autem id quod defluit, interdum biliosum, aut pituitosum: interdum etiam melancholicum. Internoscere igitur principalem causam oportet, non enim eadem in omnibus curatio existit. Nam quum recrementum quod superat, biliosum est, tenui est substantia, quod emanat, & colore



subpallidum. Sin autem non tenue substantia, & colore subpallidum, sed crassum & viscosum extiterit, id quod redundat, pituita est, & achorem efficit. Quod si nihil horum fuerit, loca vero unde humor effluit, dura magis, cutim excedentia, & strictiora appareant, ut ne quicquam ab eis effluat, aut vix exiguum, intelligito melancholicum subesse recrementum, quod achorem pariat. Cæterum etiam observari debent causæ, quæ præcesserunt, temperamentum ægri, ætas, & gustus. Etenim amarorem sentiunt, quibus causa est biliosa: falsam autem qualitatem, quibus est pituita falsa: acidam vero, quibus humor melancholicus. Jam ex tactu internoscere poteris, calidior enim tibi apparet, in quibus est biliosum: frigidior autem, in quibus pituitosum: minus autem frigidus, in quibus melancholicum. Ita sane internosces humores achorem parientes.

CURATIO. Curare hos oportet similiter ac eos, qui alopecie vitio tenentur, si quidem corpus universum humoribus copiosis scateat (quod plethoricum dicitur) & vitiosis (quod cacochymum) purgare id totum prius, ejusque sollicitudinem habere, postea ad particulares medicinas pervenire convenit.

## C A P U T IX.

### DE FAVO.

SCIENDUM est, etiam favum simile esse achoribus vitium, magnitudine tantum differens. Nam foramina meatuum unde humor emanat, apum favis respondent: unde etiam Græcis *αγγίον* apud ve-

teres nominatum est. In achoribus autem dictis non videntur meatuum foramina, ex quibus humor emanat. Quæ igitur ad achoras dicta sunt, ea in favo quoque recitare convenit. Quoniam vero multa sunt, quæ adversus achoras proficiunt, distinguere convenit, quæ eorum sint valentiora, magisque discutiant: rursus quæ repellant, quæ vèro mixtam facultatem habeant. Dicamus igitur, quibus in affectibus quæ potius medicamenta adhibenda sint. Incipientes sane achoras, ubi totum corpus pravis humoribus aut copiosis liberum fuerit, medicamenta adstrictoria repulſoriaque curant: qualia sunt myrrha, piceæ cortex, & rubi folia illita: item plantago, oleastri succus, falicis folia floresque, & polygonum. Difficilium autem achorum incrementis obsistunt ea quæ simul repellunt id quod influit, simul etiam concoquunt, & id quod continetur discutunt, quum mixta facultate sint prædita: quibus post principia uti convenit. Hujusmodi vero sunt, myrteum oleum, lentiscinum, ruborum aut portulacæ succus ex oleo, ladanum cum vino illitum, cyperus, & lenticula. At superficiariis & exiguis achoribus auxiliantur, quæ mediocrem facultatem obtinent, & nihil quod irriter discutiendo indicant. Id præstat terra Cimolia, Cretica, & Samia: item pompholyx, spodium, spuma argenti, cadmia, adiantum cum rosaceo, fœnigræci decoctum, malva cum vino & farina subacta, ac nonnulla validissimis viribus, ut etiam achoras a crassis admodum & viscosis humoribus infarctisque cuti contumaciter possint evacuare. Talia sunt, sales, chalcitis, fœx vini cremata, sandarachæ, calx viva. Item acetum quam acerrimum, præstantissimum ad achoras est medicamentum.



Optime etiam discutit radix lilii, cucumeris, bryoniæ & asparagi.

*Medicamenta ad achoras dolorificos.*

Quum multa sanies excernitur, & dolor vehemens affligit, cataplasma convenit ex lente lævigata, coctaque cum mellis momento: aut ex pane cum coriandro, aut plantagine, aut solano, aut feri, aut polygono, aut perdicio herba. Scire autem licet quum accessiones remittunt, partem affectam tondendam esse, & abstergendam fœnigræci decocto, aut betæ, similiumque, ex aqua.

*Medicamentum ad achoras, & totius corporis eruptiones, quæ exanthemata dicuntur.*

Cerussæ drachmæ sex: argenti spumæ drachmæ quatuor: sulphuris vivi drachmæ sex: ceræ drachmæ sex: olei rosacei aut myrtei quod satis est, ut ceratum liquidius efficias. Sicca cerato misceto, & caput inungito.

ALIUD. Plumbaginis, sulphuris vivi paria pondera. Lævigatis affundito rosaceum, aut myrteum, aut lentiscinum, usque dum sordium fiat crassities: & illinito.

*Aliud efficacius ad achoras peculiare.*

Argenti spumæ drachmæ viginti: calcis vivæ drachmæ quindecim: aceti hemina, olei myrtei uncia quatuor. Sicca teres diligenter ex aceto: postea superfundes oleum, & uteris.



## CAPUT X.

## DE DOLORE CAPITIS.

**D**OLOR capitis, qui Græcis κεφαλαλγία dicitur, accidens est multis ex causis ipsum efficientibus proveniens. Etenim sæpe & a qualitate sola, & a copia, interdum ab utrisque simul contingit: breviter, quancunque dixeris præcedentem sive conjunctam causam, hanc quoque dolorem capitis facere deprehendes. Quoniam igitur non una causa existit, sed diversæ, quæ dolorem capitis excitant, necesse est variam quoque curationem adhibere, ad singulas ipsas respicientes: atque idcirco a curatione illius doloris qui ex qualitate contractus est auspicemur. Sciendum itaque est, vehementissimos capitis dolores ex efficientibus qualitatibus proficisci, & præcipue calida: qui vero a siccitate proveniunt, æque vehementes non sunt. Nam humidæ qualitates, quantum ad ipsas attinet, nullum prorsus dolorem inferunt, nisi acrimonia fuerit conjuncta. At ubi humores non calore, aut frigiditate, sed copia infestant, tum distentionis, tum obstructionis dolores pariunt, maxime si crassi & glutinosi fuerint. Incipiamus igitur curationes persequi, initium facientes ab iis capitis doloribus qui præcedentibus causis atque externis constituuntur.

*Note doloris capitis ex insolatu contracti.*

Eorum qui insolatu & calida intemperie capite laborant, indicia omnibus nota & in confesso sunt. Nam cutis horum ad tactum calidior apparet:

quumprimum manum ei admoveris, sine mora aridior deprehenditur. Oculos ægri habent rubentes, frigidæ adspersionibus super caput datis oblectantur: & non solum hoc facientibus dolor mitigatur, sed etiam maximum percipitur adju-  
mentum.

*Curatio doloris ex insolatu concitati.*

Quod exusti in sole refrigerantia requirunt, omnibus est manifestum: sed illa quæ etiam tenuem facultatem obtinent, cujusmodi est oleum quoque rosaceum inunctum, paulo aceti adjecto. Magis enim adhuc penetrare rosaceum potest, si cum aceto illinatur. Quod si calor amplius superare videatur, etiam refrigerantium vim intendere convenit, admiscendo sempervivi succum, aut serpilli, aut parietariæ, aut portulacæ, aut lactucæ sylvestris, aut fereos, aut intyborum, aut cucurbitæ, aut rosarum, aut uvæ acerbæ, aut polygoni succum, aut mali punici, & præsertim acidi, aut aliorum similium, siquidem consideraveris, refrigerantium, ita ut non magnum torporem inducant, aut adstringant, ut dictum est. Vitare igitur oportet etiam propter hoc, mandragoræ oleum, & quæ ex capitibus papaveris, & liquore eius parantur, nisi antea eis uti propter multas vigilias coacti fuerimus: atque tunc, cum multa cautione modice offerri debent. Quum igitur perfecerimus, quod res postulat, statim refrigerantium usum fugiemus, maxime in corporibus quæ excrementis scatent, & quibus gravitatis sensus in capite percipitur. Accidit enim frequenter, ut caput in iis, quibus id humorum copia præditis ex insolatu repletur, cucurbitulæ instar superflua ad se attrahat: sicut in illis quibus

ex



ex insolatu simul etiam humores infarcti impactique in capite sunt, valde refrigerantia vitari debent, oleum autem adhiberi chamæmelinum, recenter potius præparatum. Sin autem vetustas vitium occuparit, adjicere ipsi etiam rosaceum oportet, duas quidem partes chamæmelini, unam autem rosacei: vel contra, vel etiam æquali portione. Alias enim alia quantitas convenit, eoque definiri non potest. Condiscere igitur omnia præstat, quemadmodum vera HIPPOCRATIS doctrina præcipit, atque ita variare quantitatem, respiciendo ad ætatem, anni tempus, regionem, habitum corporis, & temperamentum. Hanc regulam attendens, exquisitam quantitatem consequeris.

*De cerato ad idem vitium.*

Sin autem calida in his intemperies perseveret, necessario utemur etiam ceratis ad refrigerandum efficacioribus, maxime rosaceo, cui adjectum sit paulum aceti, aut succi portulacæ, aut perdicidis, aut cujuscumque alterius ex iis, quæ superius recitavimus. Oportet autem semper ceram prius lavare, aqua frigida adjecta, ubi ad ignem resolutam probe liquefeceris: atque id faciendum est non solum priorem aquam mutando, sed etiam postea puram immittendo. Post hoc autem, oleum rosaceum ceræ admisceto, aquam (ut diximus) & acetum, aut succum aliquem superfundens, quousque ambo bene commixta fuerint. Ceratum sic confectum, in tenue linamentum illitum, toti capiti applicato, præsertim temporibus, ut medicamenti vis transmittatur; capillos autem auferre convenit, & medicamentum crebrius mutare. Ubi enim sic nos egerimus



superans intemperies ad temperiem repente convertitur.

*De capitis dolore qui ob calidam intemperiem perseverat.*

Quibus calida intemperies constanter perseverat, in his ea quæ prædiximus agenda sunt. Quum vero nihil profecerint, etiam necessariis & valentioribus remediis utendum est: inter quæ habetur etiam pastillus, cujus mixtura ita se habet.

*Pastillus ad diuturnum capitis dolorem, & calidam intemperiem.*

Croci drachmæ quinque, chalcanthi drachmæ decem, aluminis scissi drachmæ sedecim, myrrhæ drachmæ tres: omphacii drachmæ tres, chalcitidis, gummi, singulorum drachmæ tres: vini austeri quod sufficit. Terito diligenter, ac in pastillos redigito: quum usus postulat, ex posca diluito, ac utitor ad intemperies calidas, jam inveteratas. Quod si vigiliæ ægro obvenierint, succum papaveris potius objicito. Ita enim utrisque, & intemperiei simul, & vigiliæ, recte medeberis.

*De capitis dolore qui ex calida jecoris intemperie provenit.*

At si capitis dolor frequenter inde quod jecur sit calidum oriatur, dum scilicet ardescit ipsum, vaporesque sursum ad caput exhalant, necesse est universam curationem ad id quod præcessit accommodare. Extrinsecus sane, aut melinum oleum, aut rosaceum, aut hydrelæum,

aut ceratum. Intus autem, cibum præsertim liberaliorem, qui refrigerare queat, & ægrum reficiat. Hora secunda aut tertia, panem in aquam tepidam intinctum assumere, ne vapores sursum erumpant; aut citrum, aut malum, aut aliud quoddam refrigerans, iisque cibi vice utantur, & aquam frigidam bibant, præcipue si ejus positioni assueverint. Sin minus, certe ad medium cibi sumpti, aut cum vino, aut absque vino ea offeratur. Breviter, universum victum talem instituant. Ita quoque in iis, qui stomachum ventrem, aut lienem calidiorem, habent, agere convenit.

*De capitis dolore ob frigidam intemperie orto*

Qui vero capitis dolorem ob frigidam intemperiem conceperunt, hi omnia illis contraria experiuntur, quibus ex insolatu caput indolefcit. Etenim neque caput tactu calidum deprehenditur, neque facies rubescit, neque arida & collapsa apparet, sed e contrario plena & pallida. Ita vero internosces qui ob frigiditatem densationemque capitis dolorem sustinent. Cæterum & victus ratio. & causæ primariæ ac præcedentes, si diligenter perscruteris; manifestam tibi discretionem adferent.

CURATIO. Curare igitur generatim quidem calefacientibus oportet: cæterum vero pro intemperiei magnitudine remedium quoque variandum est: interdum rutaceum oleum capiti inducendo, aut laurinum, aut irinum, aut nardinum, aut opobalsamum: quod etiam maxime proficit, in quibus dolor ex crassiore & viscosa magis pituita oritur. Illinire autem convenit frontem ipsorum & tempora medicamento cyphonio, & iis que ex



pipere & euphorbio componuntur. Multa autem sunt ab auctoribus prodita, ex quibus licet, si parare oportet, unicuique utile ac idoneum deligere. His igitur si vinum tenue dederis, aut aliud quoddam extenuans calefaciensve, non nocebis. Nam omnia ipsos juvant quæ mediocriter extenuare & calefacere possunt: & gestatio motusque in equo, balinea calidiora, & apophlegmatismi.

Sin autem affectus inveterascit, etiam vomitus e radiculis raphani prodest. At in quibus qualitas citra copiam molesta est, non opus erit ejusmodi medicamentis. Ut autem inveteratos affectus prompte curare possis, utitor eo, quod columbarum sterminus recipit. Habet se autem ipsius compositio in hunc modum: piperis albi, crocomagmatis, singulorum drachmas duas, euphorbii recentis drachmas sex, sterminus columbini drachmam unam & semissem, aceti acerrimi quod satis est. Locum affectum prius perfricatum ut calefaciat, inungito. Ubi autem medicamentum validius est quam corpus ferat, remittere vim ipsius oportet, admiscendo ei amyli momentum, & lac muliebre, quum uti volueris. Rursus autem ubi vim ejus intendere libet, absinthii paulum admiscebis ex aqua dilutum.

*De dolore capitis, ex vitio stomachi contracto.*

Nec vero dolor in capite primario affectu laborante perpetuo accidit, sed interim etiam ex ventre ipso frequenter, aut stomacho, aut alia quadam parte, aut flatibus vapores quosdam sursum mittentibus supervenit.



*De dolore capitis quem biliosus humor invexerit.*

Si igitur capitis dolor subinde ex humoris biliosi abundantia nascatur, curatio eius medicamentis, quæ biliosum humorem purgant & subducunt, administrari debet: verum ut probe hunc vacuare possis, humidiores prius victu opus est, balneisque temperatis, unctionibus, & aquæ potu liberaliore. Ita enim diffusa bilis, & veluti imbecillior facta, facilius a medicamento ipsam trahente vacuabitur. Si igitur biliosus humor copiosus nimium & calidus fuerit, ita agere oportet, ac liquorem ipsius, potissimum scammoniae, cum modica aloe, aut absinthio, aut rosarum succo, aut rhodomelo exhibere. Si vero non abundare tibi magis amaræ bilis humor, sed in stomachi tunicas, veluti spongiam aliquam, absorptus apparet, medicamenta ex scammonia vitari debent, & omnino quæ valde calefaciunt. Dari autem ipsis debet aut absinthii dilutum, aut ipsa aloe, aut medicamentum picra, si quæ etiam crassities bili permixta tibi videatur.

*Curatio, si viscosi fuerint humores stomacho insidentes.*

Sin autem humores viscosi in stomacho redundant, & in flatus dissolvantur, dolorisque auctores fiant, ad ea quæ valide extenuant tum in cibo, tum in medicamentis, veniendum est: cuiusmodi est etiam apii radice, aut hyssopi dilutum, & superfundenda inungendaque sunt, quæ corroborant & calefaciunt; ut nardinum unguentum, vel gleucinum, vel Marciatum dictum.

Quod si magna humorum insidentium copia extiterit, non solis remediis quæ partibus inducuntur uti oportet, sed prius extenuata probe materie, exhibere etiam quæ pituitam purgare queant: aut oxymel, tum simplex, tum quod Iulianum dicitur, capiti, stomacho, & toti corpori purgando efficax; vel catapotia quæ colocynthidem recipiunt. Purgare autem non modo semel, sed etiam bis oportet. Neque enim viscosus humor vacationibus universis ac una vice factis cedit, sed potius per intervalla paulatimque, & crebrius repurgari medicamentis debet.

*De dolore capitis in febribus oboriente.*

Obvenit etiam capitis dolor iis, qui vehementer febricitant: verum considera diligenter num crisis ratione, an non, oriatur. Constat enim quod si capitis dolor hujus gratia contingat, ut in iis qui sanguinem ex naribus profundunt aut vomunt, nihil tentare oportet, aut tumultuari, aut curationem adhibere. Nam ea quæ admoventur, præterquam quod nihil juvant, etiam naturam subinde impediunt: id enim propter febris vehementiam & malignitatem accidit, ac omnia agenda sunt, ut febris vehementia mitigetur.

Cæterum capitis quoque cura haberi debet, rosaceum ipsi superfundendo, interim per se, interim cum aliquo refrigerante, ut serpyllo, aut hederæ, aut rosæ, aut sempervivo. Quod si vigiliæ urgeant, etiam decocto chamæmeli, capitum papaveris & hederæ cum oleo rosaceo superfundatur: ac frons somniferis inungatur, aut succo lactuæ, aut pastillo trigono, aut crocode; aut summatim, omnia quæ adhibentur, leniendi, refrigerandi, & somnum inducendi vim obtineant.



*De dolore capitis ex vino.*

Dolor capitis, qui etiam ex vino suscitatur, facile discutitur. Nam quum primum causam didicerimus, convenit ante omnia vino interdicere, & medicamentis uti, quæ refrigerant, & vapores repellunt. Tale autem est præstantissimum rosa-ceum, aut per se, aut cum aceto, vel succo hederæ, vel brassicæ. Nam hujusmodi non solum siccant, sed etiam naturali quadam facultate vino adversantur; unde etiam ipsa brassicæ folia, si capiti applicentur, bene faciunt: oportet autem ea prius aqua calida madefacere, atque ita illigare, iam convenit etiam ipsam brassicam decoctam semper comedere. Quinetiam lenticula his auxiliatur, præsertim qui humidiores habent ventriculum. Adhæc mali punici granis super cibum comesta ipsos juvant: ac mala similiter piraque assumere, & frigidam aquam bibere confert. At qui imbecilliori stomacho sunt præditi, iis etiam paulum vini propinare, præsertim aquosum, (quale est Cnidium, Samium; & Sareptinum) conducit; nullum autem vinum si vetustum. Nam præterquam quod caput nonnihil feriat, etiam vaporis quippiam ad superiores partes effert. Panis autem ex aqua esui his aptissimus est, item alica cocta, ova tenera, columbarum & gallinarum alæ, gallorum testiculi, turdus; breviter, universus cibus esto boni succi, stomacho utilis, & qui vapores arceat.

*De dolore capitis ex ictu.*

Dolor capitis etiam ex ictu aut casu accidit; inflammatione in illo subsistente: quare etiam cu-



ratio ejus magno studio tractanda est. Quippe periculum inducit, dum humores copiosius ad ipsum confluunt. Si itaque oborta inflammatio solam cutem ambiat, & non ulterius adhuc procedat, nihil negotii est, sed dolor etiam, qui circa caput contingit, facile discutietur.

Sin autem tanta & tam valida urget, ut etiam membranam calvariam ambientem in consortium doloris pertrahat, (frequenter autem cerebri quoque membranam quam meninga Græci appellant) haud exiguum etit periculum. Nam convulsiones magna parte & deliria comitantur, ut mortem ipsis maxime præcipitem inducant.

Ut igitur magnas inflammationes oboriri prohibeamus, necesse est curationem a sanguinis missione incipere: ita namque influxus revelletur. Porro vacuatione facta, & corpore toto recrementis libero, deinceps etiam parti admoveere auxilia oportet, & capitis ipsius curam habere, oleo dulci perfundendo, lanis contegendo, fovendoque omni ex parte, ne caput, hoc est nervorum origo, rigeat. Vino autem per initia ipsos, & & carnibus arcere convenit; & in totum, omnis victus purus recrementis expers esse debet, præsertim si etiam febris tibi vehemens esse videatur, tunc enim tanquam illius ratione ptisanæ cremorem, lutea ovorum, malvam decoctam, lactucam, intybum & cucurbitam exhibere oportet.

Quod si vigiliæ urgeant, etiam chamæmelino oleo & rosaceo perfundere debemus: subinde vero etiam utrisque commixtis uti, plus vel minus a magnitudine inflammationis, ægri temperamento & ætate consideratis.

Ita sane, ubi inflammatio citra ulcus obvenit, curationem moliri convenit. Sin autem ulcus quoque infestet, tunc eisdem sane uti non

dehortabimur: sed præterea etiam rosaceo cum melle, aut tarrapharmaco, item ceratum ad inflammationem arcendam efficax, & medicamenta commode imponuntur, præsertim anemone, hæc enim variis modis auxiliatur, & linamentis illita & superinducta. Talis enim curatio existit, quum inflammatio ulceri conjuncta fuerit. Dicitur autem absolutius, quum de vulneribus capitis aliarumque partium propriis, sermonem habebimus.

---

## CAPUT XI.

## DE CEPHALÆA.

**G**Ravis quidem affectus, & vehementer dolorificus est, ut etiam ipsæ oculorum radices indolescant: est quoque diuturnus, & levi occasione excandescit exacuiturque. Nam qui hoc malo detinentur, alii vini paulo meracioris portione, alii odore quodam, ut styracis, aut thuris, nonnulli ab ipso luminis splendore feriuntur, ut in tenebris magic content sint, quam in lumine, degere.

Fit autem potissimum hic morbus etiam ex diuturna membranæ calvariam ambientis, aut cerebri membranarum inflammatione; item ex obstructione & crudiorum crassiorumque humorum copia, interdum etiam ob magnam humorum in alto desidentium acrimoniam. Frequenter ob calidam quoque intemperiem malum hoc nascitur, capite scilicet spatio temporis imbecilliore facto, atque ob id prompte humores suscipiente: nonnunquam vero ab inferioribus recrementa quæ inveniuntur, cucurbitulæ instar attrahente.



Diligenter itaque attendendum, ut in aliis quoque affectibus & animadvertendum est, qua ex causa nascatur, & generationis trahat originem: nempe ex copiane an particularum cerebri inflammatione quapiam, vel obstructione, vel acrimonia inveterata. Sic namque morbus, si modum aut tempus inspexeris, arte facilius solvi poterit.

*Note ipsius hæ sunt.*

Si igitur magna gravitas in particula percipitur, constat non solum qualitatem, aut vapores aliquos, sed materiæ copiam obstructionis esse opificem: id quod manifestius cognosces, si præter omnia a me dicta, totum ægri corpus consideres, naturane plethoricum sit, an minus: item, si omnia quæ præcesserunt perpendas. Ubi enim sic universa circumspexeris, firmiter intuscosces.

*Note cephalæ quæ propter cerebri inflammationem nascitur.*

Si igitur gravitatis sensus & pulsatilis dolor ortus fuerit; clarum est, cephalæ affectum propter inflammationem quandam evenire.

*Note cephalæ ex spiritu.*

Quod si tensionem solam, citra gravitatem & pulsum æger sentiat, manifestum est rursus, effectum ex flatuoso insidente spiritu fieri.



*De dolore ex acrimonia proveniente.*

At si nullum ex his infestet, rosio autem solum incidat, dolorem ex acri & bilioso humore excitari intelligas.

*Notæ doloris ex calida intemperie creati.*

Sin autem nullum ex his causa morbum capitis pariens existit, calor autem circa caput percipitur, atque id natura calidius temperamento esse videtur, & causæ quæ præcesserunt calidiores, collige potius ex omnibus, calidam quoque esse intemperiem, quæ ab infernis recrementa cucurbitulæ alicujus modo ad se attrahat, efficiatque, ut caput facile repleatur humoribus.

CURATIO. Qui sane hunc in modum bona internoscendi ratione ac via utuntur, inveteratos cephalææ affectus sanare possunt. Si enim morbus ex copia fiat, totius primum corporis curam habere debemus, initio id quod superat commode vacuantes, vel per sanguinis missionem, vel purgationem.

Sin autem totum corpus non fuerit plethoricum, ipsum vero caput potius causam præbere videatur, eo quod natura ipsum injuriis & repletioni sit opportuum, possitque attrahere quodcumque in ventre contentum invenerit, a toto quidem corpore abstinendum est, neque venam secare prorsus aut purgare oportet: sed in primis ipsi tanquam primario affectu laboranti prospiciendum.

Et si quidem humores infixos frigidos esse suspiceris, sive a caliditate attractos, sive ex imbecillitate illic natos, superfundere ipsum & irro-

rare oleo convenit, aut herbis in vino decoctis non admodum calidis, sed quæ robur quoddam habeant ad caput firmandum, quale est oleum ex acerbis olivis expressum, quod omotribes dicitur: cui adjiciantur capreoli hederæ, aut serpylli, aut menthæ viridis. Procedente autem tempore, etiam ex calidioribus admisceto sisymbrium, aut pulegium, aut folia lauri, aut calaminthen.

His igitur medicamentis, eorumque similibus utendum est: præsertim in hyeme, & maxime ubi superantem intemperiam frigidam esse apparet, & humores qui capiti insident, viscosi fuerint & crassi. Nam illa infixos humores strenue discutiunt, & caput corroborant, ut ne ipsum infirmetur, neque recrementa, quæ ex ventre in reliquas corporis partes distribuuntur, promte suscipiat: caput enim frequenter non adeo calidum est ut ipsum recrementa corporis possit attrahere, sed propter imbecillitatem illis repletur, suscipiens magis quam attrahens. Ita illis sane, si humores qui capiti insident frigidiores fuerint, agendum censeo.

*Curatio si dolor a bile procreatus fuerit.*

Quod si humores calidi & biliosi existant, tum oxyrrhodino, hoc est aceto & oleo rosaceo repido, tum eo medicamento quod ex papaveris capitibus (unde Græcis διακεφάλιον dicitur) & rosarum decocto paratur, caput superfundas: adjiciens præterea etiam ea quæ leniter discutiunt, ut hederam, aut serpyllum, aut chamæmelum herbam, aut chamæmelinum oleum. Ac lavent ægri, aqua temperata hoc est tepida utentes, absterganturque ptisanæ cremore, aut vitellis ovo-



rum , tepidam superfundentes aquam. Nam calida admodum & fervens , præterquam quod nihil præsidii adfert , offendere ipsos & irritare solet.

Ubi vero caliditatis fervor conquiescit , non alienum est etiam mellis exiguum una cum vitellis ovorum , & unctionibus moderatis , quæ abstergere & expolire possunt , admiscere. Nam omnia nimium calida his sunt inimica ; sive smegmata sint , sive apophlegmatismi. Quippe biliosa recrementa ab humectantibus mediocriter tum balneis , tum medicamentis magis discutiuntur , quam plus æquo siccantibus & calefacientibus , quia ex ejusmodi magis spissescunt quam dissipantur.

At in quibus crassi & non admodum calidi sunt humores , in iis consulo , ne admodum subito ad ea quæ discutiunt feraris : mitigare autem potius materiam moderatis unctionibus & balneis oportet , atque ita transire ad efficaciora , quæ extenuant & discutiunt , ut quæ ex nitro & sinapi conficiuntur.

Declinante autem affectu , etiã frictione capitis linteis adhibita uti oportet , præcipue in balneo , prius nimirum capillis ademptis : item per vices iis quæ sternutamenta provocant : primum sane simplicioribus , deinde valentioribus. Ut autem is , qui parare illa velit , promte inveniat , explicanda etiam hic putavi : quorum scriptura in hunc modum se habet.

*Errhinum , hoc est , medicamentum quod naribus inditur , caput purgans , ad lippitudinem & morbum comitalem efficax.*

Melanthii drachmæ octo , falis ammoniaci drachma , elaterii drachmæ quatuor. Trita ex-



cipiantur oleo Sicyonio, aut myrteo, aut irinio, aut Cyprino, ut cerati habeat crassitiem. Repositio igitur in pyxide cornea, uritor: subungens nares, attrahere iubeto. Hoc errhinum non modo confert diuturno capitis dolore affectis, sed etiam iis, qui lippitudine infestantur, & comitialibus. Educit etenim facile siquid viscosum in cerebro & crassum inhæreat: præterea etiam quod ex cyclamine constat, nihilo minus proficit: habet se autem hujus quoque scriptura hoc pacto.

*Errhinum ex cyclamine.*

Cyclaminis sicci drachmæ octo. Sin autem, loco nitri, elaterium injicias, præstantius evaserit. Utitor autem in hunc modum. Tritum ipsum probe, per arundinem inspirato: præcipiens sursum inclinando attrahere: deinde rursus deorsum vergendo, etiam id quod congregatur, exspuere.

*Epithema ad diuturnos capitis dolores.*

Utitor etiam epithematis in capite & unctionibus in diuturnis affectibus, quæ discutiendi vim obtinent; quorum e grege est & hoc, quod frequenter experimentum probavit: scriptura ejus in hunc modum se habet.

*De cerato.*

Irini unguenti, peucedani, castorei, singulorum drachma, baccarum lauri drachmæ duæ: rutæ furculorum drachmæ quatuor. Excipiantur cerato, quod ex rosaceo paratum est: ac capite

deraso, per totum ipsum imposito. Sin autem accessio magna orta fuerit, mitigantibus & mediocrirer reficientibus utitor, ex quibus hoc habetur.

*Smegma ad capitis dolorem.*

Liquoris peucedani drachmæ sedecim: liquoris papaveris, anisi, menthæ, myrhæ, singulorum drachmæ duæ. Aceto excipiantur, fiatque unguentum. In doloribus immoderatis, caput eo illinito. His & similibus uti consilium est, in quibus propter crassos humores & spiritum flatulentum dolor gignitur.

*In quibus qualitas doloris causa est.*

At si dolor ex calida qualitate oriatur, clarum est ea adhibenda esse quæ etiam ex bilioso humore dolentibus convenire diximus, citra missionem sanguinis, aut purgationem, aut omnino qualecunque tandem vacuans remedium adhibitum.

Porro si affectum ex ventris retentione provenire contingit, omnibus modis is cibo & leniter purgare potentibus subduci debet: sunt autem hujusmodi multa, tum ipse sal. Quare si alvus ob viscosos humores cohibetur, hanc compositionem mixturamque dato. Salis Ammoniaci drach. duas: piperis drachma, euphorbii drachma. Dato ex ovo, aut ptisana drach. duas aut quatur, aut scrupulos tres aut quatuor.

Quibus autem venter non ob viscosos humores adstringitur, in iis utitor medicamentis quæ scammoniam recipiant. Habet se autem horum compositio in hunc modum, Salis communis tor-



refacti drach. tres: piperis drachmæ duæ, scamoniæ drachma. Dato ex ovo, pane, & quomodocunque velis, cochlearium. Nam hi sales admodum leniter ac citra molestiam ventrem purgare & emollire solent. Utitor his cum fiducia, tum illis quæ euphorbium recipiunt.

Quod si venter citatior sit, & caput magis obficcitatem doleat, nititor cum cibo, potu & medicamentis sistere.

At si affectus ex vigilia & sollicitudine eveniat, iis quæ somnum inducunt, & laborantes omnino leniunt, curari debet. Summatim, remedia semper ad causam morbum facientem accommodato, ac utitor prædictis bona ratione ac via. Ita namque inveteratus ac contumax affectus, diligenti artificio & commodis præfidiis adhibitis, ex toto evincetur.

## C A P U T XII.

### DE HEMICRANIA.

**S**ÆPE dimidia capitis pars indolefcit, ita ut dolor circa dimidiam calvariam incipiat. Atque generatur hic quum recrementum aliquod ibi infixum aut impactum tum in flatus resolvitur, tum loca singulis diebus, aut uno interposito, aut duobus, irritat, pro subiecta specie motus fumens initium. Si igitur totum corpus recrementis liberum tibi apparet, capiti prospicito, ipsique particularem curationem adhibeto. At si copia toti corpori faceffit negotium, tunc multifariam attendendum est, & internoscendum quis utique humor superans existat. Constat enim & yacuationem ejus tentandam esse, &, si sanguis fuerit,



fuerit, per venæ sectionem detrahendum: sin alius quispiam humor fuerit, purgatione recrementi quod molestat, succurendum.

*De hemicrania ex consensu.*

Si hemicrania stomachi affecti consensu oritur, vel dum ipse in concoctione infirmatur, vel quum materiam in se biliosam vel pituitosam continet, nec humores hi probe coquuntur, perpende rursus, utrum ex calida intemperie, aut frigida proveniat. Si igitur ex frigida intemperie, calefacientibus ei prospicere oportet: sin ex calida, frigidis & contemperantibus.

*Si dolor ex frigida stomachi causa dimidium calvariae partem exerceat.*

Quod si dolor ex frigida stomachi causa factus apparet, primum utitor fomentis ex vino & oleo, quod Græce œnelæon dicitur, nardo, gleucino, Ityrace, mastiche: deinde etiam epithematis, Polyarchio, aut Philagrio, & Marciato dicto, quod flatus in stomacho subortos strenue potest discutere.

Cibus esto ejusmodi qui calefaciat simul & extenuet, necnon robur apponat. Hydrogarum igitur his est idoneum, quod copiosius anisum recipit. Confert etiam oxymeli potum, & porra cocta, in cibo sumpta. Item quod ex malis cotoneis conficitur, piper & zingiber recipiens. Auxiliantur ipsis etiam quæ ex hyssopo, aniso, dauco & apio propinantur. Ex oleribus, scandix, chærefolium aciculatum, gingidium, asparagi palustres, & beta cum sinapi, & capparide. Allium vero diuturnos

ter dolores discutit, quemadmodum etiam falsamentum, & encathera dicta, & coriax.

*Catapotia quæ Græce vocantur κόκκοι διὰ κολοκυνθίδος  
hoc est grana ex colocynthide.*

Juvat hos & vomitus a cibo, & purgatio quæ fit ex catapotiis, quæ colocynthidem & euphorbium recipiunt: compositio ipsorum ita se habet. Aloes fescuncia: euphorbii fescuncia: colocynthidis pulpæ, scammonii, gummi, singulorum uncia: bdellii Scythici fescuncia, nitri Alexandrini fescuncia, veratri nigri corticis uncia. Excipito succo brassicæ, aut citrii, aut rhodomeli, ac dato scrupulos sex. Tu vero non omnia, sed per vices ipsa exhibeto, atque sic ad perfectum modum pervenies. Nam non minus quam hiera, humores ex alto evocare possunt: cæterum etiam non superficiariam evacuationem moliuntur, sed ex alto, & veluti ab ipsa radice recrementa extrahunt: & si quis recte usus fuerit, non modo hemicranicum, sed etiam vetustum dolorem, stomachicos affectus, morbos comitiales, arthritidem, & ischiadem sanare possunt. Hoc pacto quidem dolori, si ob viscosos humores in stomacho excitatos provenerit, mederi oportet.

*De hemicrania, quæ ob biliosum in altera capitis parte contractum humorem, nascitur.*

Si biliosus humor dolorem pepererit, sumant ægri ante omnia panem ex aqua temperata, ut quæ supra modum ipsis auxilietur. Cæterum etiam malva & lactucæ comestæ profunt: in universum, cibus sit humectans, & balnea



frequentia temperata: postremo purgatio, quæ ex hiera picra & scammonio, & aliis quæ bilem citra magnum dolorem purgare solent, adhiberi debet.

*Epithemata.*

Similiter etiam unctiones, quæ extrinsecus imponuntur, non sint nimium calidæ: in totum, universa medendi ratio ejusmodi adhibeatur, qualis etiam in capitis doloribus præcepta est: nam eadem genere causæ existunt, nisi quod capite laborantes, diuturniores valentioresque habeant. Ut autem remedia unicuiquæ causæ idonea promptius invenire queas, etiam horum descriptiones tibi subjungam.

*Unctiones adversus dolores ex crassis viscosisque humoribus in dimidia calvarie parte ortos.*

Euphorbii partem unam: castorei tantumdem: aqua excepta, auri juxta partem dolentem imposito, ac statim in balneum ire, & lavare consueto more præcipito. Hoc admodum generosum auxilium est, & cum fiducia eo utitor.

Jam maximum hoc quoque est quod recipit atramentum scriptorium. Habetur autem descriptio ejus in hunc modum; euphorbii drachmæ quatuor, atramenti scriptorii drachmæ quatuor, myrrhæ Troglodyticæ drachmæ tres, croci drachmæ duæ, crocomagmatis drachmæ duæ, piperis albi drachmæ tres, aceti quod satis est: ut hæc probe lævigentur, & crassities fordium similis fiat: atque hoc illinito, a medio superciliarum incipiens, usque ad tota tempora, præcipue si locus pilis careat: & quum refrigeratus fuerit æger, hoc rursus inungito eodem in loco ad ter-



tiam usque vicem. Oportet autem ipsum manē inungere, ut auxilium vim suam probe exercere possit, quousque ille lavaturus est. Verum caveo, ne quando æger illinitur, medicamentum oculos ingrediatur, ideo sponsia utens, dextre id quod est absterges. Ubi ex balneo æger venerit, rursus simili modo sæpius illinito, donec in totum dolore liberetur: atque eo discusso, per intervalla iterum medicamento uti debes, ne in eundem denuo morbum incidat. His majora præsidia ad longos validosque dolores invenire non licet.

Ad moderatiores autem unctione utitor, quæ ceram & euphorbium habeat, mixtura ipsius hæc recipit. Olei Sabinæ sextarios quinque, ceræ uncias tres, euphorbii unciam. Hoc utitor, dimidiam frontis partem cum temporum musculo ante balneum illinens. Facit hoc præcipue ad dolores ex frigidis affectibus ortos. Porro invenies alia quoque multa a veteribus prodita: verum hæc sola sufficiunt, plurimis experimentis comprobata.

*In quibus dolor ob bilem contrahitur.*

Qui ex bile dolorem experiuntur, iis abunde est etiam pastillus crocodes illitus, & trigon: adhæc terra Ægyptia, omnesque unctiones, quæ ex rosaceo & chamæmelino oleo parantur, modico aceti adjecto; aut quodam succo mitigatorio. His & similibus medicum, qui recta curandi ratione nititur, uti oportet.

## CAPUT XIII.

## DE PHRENITIDE.

**Q**UO D sane phrenitis acutissimus periculossimusque sit affectus, omnibus est in confesso: unde autem constituatur, & quo affectu cerebro laborante, & quæ curatio conveniat, de hoc omnes dissentiunt. Dicamus igitur etiam nos, quæ sit exquisita phrenitis, quæ ejus causa, & quomodo inernosci debeat. Plerique enim ipsorum in discernendo eam potissimum, non mediocriter decepti sunt, ut etiam eos qui delirant, existimarent phreniticos: quum res sit longe diversa.

*Quæ sit causa phrenitidis.*

Exquisita igitur phrenitis a flava bile nascitur, quum ipsa in cerebrum aut ejus membranam distributa inflammationem excitaverit. Priusquam enim distributa infixaque fuerit, non phrenitidem, sed delirium producit. Atque hoc in acutarum magna parte febrium statu ac vigore accidere consuevit: deinde rursus in declinationibus cessare: atque id delirii proprium est, quod febres per tota earum tempora non perseverent, sed conquiescant: phrenitis autem semper perduret. Est autem ipsius non una tantum species, sed etiam multiplex.

Alia siquidem ex pallida bile constituitur, quæ mitior existit. Sin autem ex flava bile, quæ & multo vehementior, febres quoque maiores inducit. Jam alia quoque, efferata dicta, nasci-



tur bile flava immoderatus excalefacta, & plus æquo adusta.

*Notæ futuræ phrenitidis.*

Futuram phrenitidem vigiliæ potissimum continuæ & intensæ, somnique turbulenti præcedunt: ægri exiliunt, & somniorum imaginationibus interdum detinentur, ut etiam nonnulli se futura scire suspicentur, & velint prædicere. Præcedit etiam, ut ægri quæ dicuntur obliviscantur. Nam quum familiaribus præcipere quædam incipiunt, ad alia convertuntur, eorum quæ ab initio injuncturi erant, obliviscentes. Item quum respondent, ferociiores ac iracundiores quam prius apparent: magnam & crebram respirationem edunt: pulsus habent parvos, & duros: atque occipitio frequenter indolescent.

Quod si affectus increverit, ut parum ipsi a phrenitide absint, fixis oculis cernunt, eosque admodum squalidos & rubentes habent; necnon pituita eis inhærescit, ac lacrymæ ex utrisque profluunt; sin autem vitium magis intendatur, incipiunt & floccos carpere, & festucas legere: neque responsionem manifestam dare possunt, & linguam multo magis scabram habent, febresque sicciiores; interdum & tremuli sunt, exarescente cerebro ejusque nervis: & ægre sentiunt, ut etiam quum ipsi excitantur, vix aut nequaquam exaudiant. Ejusmodi ergo & tot, eorum qui proprie phrenitici existunt, signa habentur. Cerebrum igitur statim per initia morbi causam habuit: non enim alia quadam parte affecta, quæ proprie phrenitis est contrahitur: quemadmodum nonnulli phreniticos ob septi transversæ inflammationem fieri existimarunt: quod verum non est:



sed & ipsum cerebrum, ubi inflammationem fenderit, valida efficit deliria, ut phrenitidi respondeant.

*Quomodo delirantes a phreniticis discernere oporteat.*

Qui proprie phrenitici existunt, a delirantibus ex partium consortiis (sympathiis) distinguuntur, quod ipsis febris adsit perpetua, oculi sint cruenti, sanguis e naribus profluat, & caput sit calidius. Nam qui septo transverso laborant, iis caput non est adeo calidum ut præcordia ipsumque septum, ægre magis spirant, & inæqualem valde spirationem edunt.

Discernes autem phreniticos ab insanientibus, eo quod insania quidem, quæ Græce mania dicitur, citra febrim; phrenitis autem, ut diximus, semper cum febre spectetur. Hæc quidem sunt signa eorum, qui proprie phrenitici dicuntur: in quibus etiam flava bilis sola, sine alia materia, defixa, affectum peperit: quemadmodum etiam, si pituita flavæ bili conjuncta fuerit, ejusmodi falsa phrenitis appellatur, & vigilem soporem, qui Græcis agrypnon coma vocatur, excitat.

*Signa phrenitidis falsæ.*

Nosces autem phrenitidem ex humorum mixtione factam, inde, quod etiam symptomata quæ superveniunt, mixta sint, referentia eandem naturam illorum, quæ causam eandem habent. Etenim vigilant simul, & in altum somnum deferuntur, rursusque paulatim delirant, & somno alto soporosoque pressi, cum tumultu excitantur.

tur, & colloquentibus, inordinata verba & insaniam testantia respondent.

*De inveteratis jam phreniticis.*

At quod hæc per morbi initia & brevi tempore accidere consueverunt, nosse convenit. Ubi vero morbus in vetustatem inciderit, & vires fuerint debilitatæ, exigua ipsius indicia apparent, ut nonnulli aliam quandam phrenitidis speciem esse arbitrentur: non est autem alia, sed ægri per initia quidem turbulenti fiunt & furibundi, tanquam bile statim ad superiora tendente, & cerebrum excitante: postea autem, hecticis febribus similiter, æquabili intemperie in totum cerebrum dispersa, non amplius valde perturbantur, & inordinata furiosaque nugantur, sed jacent, neque vocem edere propter imbecillitatem potentes, neque decubitus figuram mutant, neque valide exilientes: manus solummodo inordinate jactitant, ut quidam ignorantes, ægrum quærere aliquid, &, si inveniatur, velle continere suspicentur: nonnulli autem ipsorum ne palpebras quidem propter vires jam ante defatigatas aperire possunt. Sin autem aliquando etiam aperiant, ubi paulisper respexerint, statim rursus propter infestantem humorem connivent.

Verum hæc signa adhuc debilitata ipsorum facultate superveniunt, nec aliam adhuc phrenitidis speciem ostendit id, quod pulsus sit imbecillis, durus, exiguus & angustus, sed etiam ad omnes magna ex parte phreniticos pertinet, præcipue inveteratos. Hæc igitur indicia sunt quibus phrenitici cognoscuntur: deinceps autem quomodo curationem ipsorum optimam adhibeas, jam persequamur.



*Curatio phreniticorum.*

In omnibus proprie phreniticis, si vires robustæ sunt, & nihil aliud prohibet, sanguinis detractio adhibenda est, tanquam primum omnium & maximum futurum præsidium. Sin autem repugnet æger, (quod sæpe accidit), ut nolit brachium permittere medico, omnino conandum tandem est, ex recta in fronte vena sanguinis missionem moliri. Facis autem id recte, si collum artificiose fascia lanca constringas, ut vas attollatur. Ita namque si feceris, sanguis statim vena secta, citra impedimentum cum spiritu erumpet. Ego sane magna adeo phrenitide correptum curavi, & nisi multi fortesque famuli eum continuissent, & vinculis undequaque constrinxissent, neutiquam ne in fronte quidem venam secare potuisssem, adeo ferociter agitabatur, omniaque faciebat quæ insanientes solent; atque si gladium habuisset, non paucos qui ei aderant, jugulasset. Quia vero bis sanguinem detrahere molestum est visum, ideo tantum initio evacuavimus, quantum ei satis erat futurum, etiamsi secunda vice iterum emissemus. At mirabile erat vacuatione facta, quam festinaret ex rivo superbibere, simul autem adstantes etiam adspergebat, ut risum quoque ideo vulgo excitaret. Verum hic quidem celeriter curatus est, alia quoque ratione ac cura convenienter ei adhibita. Sic igitur agendum est, si venam in cubito secare non liceat.

Post sanguinis vacuationem parti quoque remedia inducenda sunt, & caput oxyrrhodino madefaciendum, ne ipsum, quum calidum sit, liberalius humores attrahat, atque idcirco eis re-



pleatur. Aceto autem ea quæ mitigant & somnum conciliare poterunt, admiscere conabimur.

At quum morbus viget, & vigilias mentisque alienationem invehit, adhuc magis succurrendum est, & largius oxyrrhodino caput implendum, & decocto chamæmelli, papaveris capitum, serpylli, hederæ: rursusque oxyrrhodino superfundendum: item ea quæ odorem movent, naribus adhibenda, necnon unctionibus utendum, ut omni ratione vigilias excindamus, somnumque ægro accersamus: quod solum & maximum est delirantium & cujusvis morbi remedium. Quod si his administratis, vigilæ & alienationis symptomata perseverent, dato ei medicamentum quod a *papaverum capitibus* diacodion Græci appellant, ad omnia futurum utilissimum. Non solum enim vigiliis, sed etiam feбри medetur: præterea caput tanquam ab igne adustum refrigerare poterit.

Sin autem nihil admodum impellit urgetque, nolim medicamentum diacodion exhibere: præfertim si neque phrenitis quædam germana esse videatur, sed etiam pituitæ nonnihil particeps sit, ut ipsa quoque falsa nominetur: tunc caveto, ne idipsum vel aliud quoddam ad soporem torporemque inducendum efficax offeras. Sin autem vires quoque imbecillæ fuerint, tunc maxime vitabis, nequid torpori somnoque inducendo accommodum exhibeas. Nam in iis qui infirmas vires habent, non vulgaris noxa, imo interdum mors talium potione comitatur.

### *De Habitatione.*

Considerari debet etiam habitatio: in qua deget æger, ut aerem neque admodum crassum,

neque humidum frigidumque, aut nimis calidum habeat, ne capiti meatuum densatio aut repletio superveniat, sed temperatus exsistat, quo animalis spiritus temperie ipsius refocilletur ac relaxetur. Sit autem magis lucidus quam tenebrosus, ut æger per hujus sensum ad consuetorum perceptionem ac conscientiam perveniat.

Quare & amici nonnulli admodum familiares ei assistant, ut etiam increpantes ipsum propter ea quæ facit, revereatur. Neque vero domesticus aut cognatus, cujus causa aliquando tristetur, aut cui irascatur, ingredi debet: quippe hoc irritare ægros, & commovere solet: & ut valde perturbetur, manifestam præbet occasionem. Sed nec amici frequentes & copiosi ad eum ingrediantur: quippe turbam tantum ei excitant; præterea aerem quoque crassum efficiunt, frigidos emittentes spiritus.

Jam non violenter movendus est, sed leniter, ne in lecto propter imbecillitatem concutiat, hoc enim, si quid aliud, ægrum irritat, & somnum impedit. Ii vero qui adsunt, omnia ipsius membra citra violentiam teneant, leniterque perfricent, & præsertim inferiora: atque tunc magis ubi convulsiones ægro oboriuntur, artus vinculis excipiantur. Quippe hoc materiam ad inferna provocat: præterea convulsiones lenit. Satiùs autem est inferiora quoque, ubi perfricata fuerint, fovere, atque sic deligare, ut materia quæ fotu simul & fricatione accita fuerit, ad ima potius derivare possit. Nihil autem facere oportet ante febrium declinationem: longe vero antequam invadant, id præstandum.

Jam cucurbitulæ adhiberi, præsertim ante accessionem debent, ut materiæ sursum vergentis impetus per revulsionem coerceatur. Simili mo-



do etiam epithemata semper eis admoveere oportet, quæ non nimis frigida sint, neque rursus calida, sed potius tepida. Qui enim viscera largius fomentis excalescerunt, maxima hi mala ægris accerferunt, materiam subito ac universe commoventes, ut ad supernas partes profecta caput admodum repleverit, unde vehemens alienatio mentis provenerit: nonnunquam etiam sopor qui *ναρκος* dicitur: ita ut rursus iis opus fuerit, quæ excitare possunt, sternutamenta provocantibus, tum frictionibus. Quare viscera validiores foci non requirunt, præsertim in iis qui vehementiori febris laborant: item quibus copia humorum inest, & caput affectum. Sufficit igitur solum lini semen hydrelæo incoctum, aut cum chamæmeli jure blandum & tepidum visceribus obducere. Ita enim fervor mitigabitur, & viscera distenta laxabuntur, atque ideo etiam febres erunt mitiores.

### *De Victu.*

Convenit autem inter medicandum, ut contulerit, etiam victus rationi, ut maximæ necessariæ, animum adhibere. Multi namque ipsam negligentes, ignorant quantum noxæ & adjumenti ægro adferri possit. Utinam vero etiam recte medicari scirent, tempusque inquirerent, aut ordinem, aut qualitatem, aut quantitatem: verum nullum horum attendentes, singulis vicibus, quum ægrum accedunt, visceribus facessunt negotium, aut perfundendo, aut obducendo, aut omni tempore parando; etiam cum copia, interim quoque quum cruditas urget: præsertim quum sapientissimus GALENUS manifesto clamitet, neque cataplasmatibus, neque asperginibus quovis tempore



utendum esse, nisi in solis illis, quibus nullum in toto corpore excrementum, aliaque superflua existunt: reliquis autem omnibus extremum esse malum. Verum hæc quidem ii, qui non bene mente ac ratione constant, faciunt: nos autem quæ ex veteribus didicimus, simul etiam siquid ratio facere nos recte admonet, jam exponamus.

Ptisana igitur primum omnium victus ratione phreniticis remedium adhibeatur, optime prius decocta. Detur autem solus ipsius cremor: quem si non libenter assument ægri, cum granis ipsum sine aliquo cibo capiant: sin eo oblectentur, adjicere convenit solum hydrorofatum, aut rhodomelum. Hydromel vero maxime Cybyraticum, ut inimicum ipsis, vitare oportet, & oxymel. Quod si minus gratam habent ptisanam, (multi enim ne nomen quidem illius libenter audiunt) exhiberi ipsis oportet avenæ cremorem, si inveniatur, aut citrii. At si in totum forbitiones averfentur, panem in aquam calidam intingito: non minus enim quam forbitiones juvabit.

### *De Oleribus.*

Ex oleribus edant intybum, & malvam coctam: interim etiam crudam, si caliditas nimium superare videatur, & æger siticulofus sit, vigiliisque admodum prematur; ita namque adjuvabis. Præterea etiam magis si lactucæ femina, cucumerum medullam & peponum exhibeas. Ubi concoctio apparuerit, etiam pisces assument, ut erinaceum & pectines.



*De Pomaceis fructibus & potu.*

Ex fructibus sumat duracina, persica, cerasifia, mala, & punica: sed hæc raro. Bibere autem ipsos crebrius, & paulatim aquam tepidam conducit; neque enim multam potionem appetunt: neque juvantur si cumulate bibant. Frigidam autem aquam vitare oportet, eo quod tuta non sit. Nam si inflammatio circa septum transversum aut aliam quampiam partem, inventa fuerit, non exiguum periculum sequitur. Quamvis enim frigidæ potio mitigare ipsas videatur, tamen majores postea & malignas febres excitat, ut etiam alienatio mentis augeatur, breviter omnia ad deterius maligniusque convertantur. Quare tutius est tepida potius quam frigida aqua uti. Novi autem me etiam hydrelæo usum fuisse, in quibus siccitatem immodicam, & bilem superiora occupare, nihilque ab intestinis notatu dignum excerni viderem: hinc calor mitigatus fuit, & viscerum intentiones inflammationesque relaxatæ: biliosa per alvum & vomitiones excreta, ut æger non multis adhuc diebus ad universum prorsus morbum depellendum indigeret. Etenim omnia quæ ipsi admovebantur remedia, tunc administrabantur, quum totum corpus recrementis esset vacuum.

*De Balneo.*

Lavare eos & perungere convenit, quibus jam vacuatio facta est, & quantitas totum corpus non offendit, verum siccitas & vigiliæ plurimæ urgent. Et, si febricitet æger, nihil nocebit ei si ita lavetur, præcipue etiam quum balneum



temperatum adhibitum fuerit, ut neque aer sit igneus, neque solium nimis calidum. Qui autem febris metu eos non lavant, maxime offendunt; nam ægri vigiliis magis torquentur balnei abstinencia, adhuc magis etiam animo turbantur. Lavandi igitur sunt, quemadmodum comprehensum est. Sic enim balneo utentes, ad bonam temperiem revertuntur, & in posterum delirio & affectu febrim incendente liberantur.

### *De Vino.*

Quin & vinum quod sitim restinguat, dare phreniticis audendum est, in quibus multæ urgent vigiliæ, & vires sunt imbecillæ: febres autem nondum vehementiam neque ardorem habent, sed quædam concoctio urinarum quoque in eis apparet. Præterea illis potius cum fiducia dandum est qui per sanitatem quoque vinum amare consueverunt, & os ventriculi imbecillum, & natura frigidius obtinent. In his enim tempestitiva est vini potio, & omnibus mente alienatis, si modice assumatur. Nam ferociam ipsorum mutat, & ferinos mores ad hilaritatem transfert, somnumque conciliat, eo quod cibum celeriter concoquat, & in totum corpus distribuendum adjuvet. In quibus igitur nulla fervens inflammatio, aut magnus admodum calor præcordia infestat, & vires infirmentur, audacter vinum ipsis exhibeto. Majus enim ex eo commodum erit quam quæ noxa fore putetur. Si enim vires recollectæ fuerint, & non collabi permissæ, omnia tentare possumus, & multifariam ægro succurrere. Collapsis autem ipsis vigilia, omnis medicorum curatio desperata erit. Quare metiri convenit, & noxam quæ ex vino expectatur, &



commodum: atque si plura fuerint, quæ permittunt, propinari debet, minorem offensionem contemnendo. Fieri enim haud potest, ut id quod juvat, aliqua etiam parte non noceat. Medici autem est, ejusmodi tum metiri, tum judicare. Nam si universa moderate, quantitate, qualitate, ordine & tempore adhibeantur, totam artem absolvent, consummantque, & finem bonum imponunt.

---

## CAPUT XIV.

## DE LETHARGO.

**G**ENUINUS ac germanus lethargus, quem admodum phrenitis, sedem quidem habet cerebrum, materiam autem phrenitidi contrariam. Nam ex pituita superante nascitur, quæ ipsum humectat, & valide adeo madefacit, ut ægri eorum, quæ dicuntur nequeant meminisse, sed palpebris semper connivere velint, & conquiescere, vel prorsus in soporem, (qui Græcis caros dicitur) ab humiditate simul & frigiditate, quæ spiritum animale suffocat, & torpidum efficit, perducantur.

*Note lethargi.*

Si igitur humor qui lethargum parit, solus sit pituitosus, *genuinus lethargus* nascitur, atque omnia hæc accidentia inducit. Sin autem non sola in capite pituita, sed etiam bilis fuerit, necesse est symptomata quoque mixta fieri, ut ægri nonnunquam vigilent, nonnunquam altissimo somno

ſomno premantur, alias delirent; (hicque *faluſus* erit *letharguſ*). Ambo enim faciunt, & connivent palpebris, & manus movent, tanquam contingentes quædam, eaque tenere non potentes. Qui igitur moderatius degunt, nonnullis ipſos inclamantibus, interim palpebras aperiunt, & rûſuſ connivent. Sin autem admodum imbecilles ſint, & valde morbo vincantur, nullatenus exaudiunt, neque palpebras movent: pulſuſque habent raroſ, exiguoſ, & obſcuroſ. Sic igitur facile eſt ipſoſ internoscere. Dicamuo autem quomodo curare oporteat.

### *Curatio.*

Quum omnia accurate inſpexeriſ quæ veteres, nobiſ præcipiunt, nempe ægri vires habitum, aliaque, ut ætatem, & totiuſ corporiſ ſtatum, ita tandem huc venieſ, ut ſanguiniſ detractiõnem ante omnia adhibeaſ, niſi quid ex commemoratiſ tibi adverſetur, & præcipue vires.

Ubi vero totiuſ corporiſ curam habueriſ, etiam remediis quæ partibuſ inducuntur, ægro ſuccurreſ, omnem capiti diligentiam adhibeſ, ut & vaporeſ, ne ſurſum ferantur prohibeaſ, & eoſ qui jam eo irruperint diſcutiaſ. Maxime autem hoc præſtat acetum cum oleo roſaceo, quod *Græci appellant ἐξυππώδιον*, caput corroboranſ, præſertim inter affectuſ primordia, ne deincepſ multoſ vaporeſ ad ipſum ſurſum tendenteſ, facile recipiat. Quoniam igitur materia, quæ in cerebro continetur, pituitoſa eſt, & ſuperanſ cauſa humida & frigida demonſtratur, miſcere & incoquere ea oxyrrhodino, quæ extenuare etiam ſimul poſſunt expedit, nempe vel pēucedanum, vel caſtoreum, vel pulēgiū, vel calaminthen, vel



thymum. Ac frons illinenda est aut castoreo, aut pilis humanis crematis, lævigatisque ex aceto. Hujusmodi enim valde proficiunt, excitantque, forsan etiam naturali quadam facultate lethargo contraria.

Quod si affectus perseveret, & ægri difficulter excitentur, utendum eo est, quod sternutamenta movet, struthio dicto, vel cum castoreo, vel pipere, vel euphorbio, vel epithymo, nunc quidem inspirantes, alias penna illinentes. Verum id continue faciendum non est, quippe vires eorum laborant, & adhuc magis caput repletur. Cæterum crura perfricare, & oleo Sicyonio perungere oportet: interim solam ipsam scillam ex aceto lævigatam cruribus obducere. Hoc enim etiam eos, qui in somnum valde altum & veteranosum deferuntur, excitare solet.

At si affectus & malignus est, & inveterascit, capillos adimito, ungitoque tum caput iis, quæ exasperare ac vellere cutem possunt, una cum castoreo, datoque ipsis potui castoreum præ omnibus: idque faciendum est præsertim hora una ante accessionem. Et enim extenuat, & corpus quod perfrixit, mortique absolutæ propinquum recalfacit fovetque. Ego sane novi multos, eo morbo victos, hoc solo remedio mortem evasisse. Idem per se exhibitum proficit, adhuc autem magis cum oxymelite.

Quod si æger recrementis plenus fuerit, etiam cum aliquo ad ventrem subducendum efficaci, præsertim scammonia, dari debet. Sufficit autem unum scammonia scrupulum, aut paulo plus minusve, pro virium ratione, duobus castorei scrupulis adjicere.

Jam vero non solum auxilia extenuantia esse debent, sed etiam cibus talis exhiberi. Quare



Succus quoque amygdalarum ex melle coctarum præbendus est, ac ptisana quæ habeat comam porri, aut apii, aut hyssopi, nisi ægri vehementer febricitent. Si enim febris vehemens fuerit, abunde est etiam folius apii radix, & oxymeli simplex, tum ex ptisana, tum per se solum. Salutares sunt etiam micæ panis ex apomelite aut hydromelite datæ. At hydromeli Cybyraticum dare ipsis non oportet: imo Cnidium prorsus, morbo adhuc concoctionis experte.

Ubi vero concoqui inceperit, nihil obstat & lavare ipsos, & vini paulum exhibere: præsertim a sanguinis missione, ventris subductione, & mediocri totius corporis purgatione. Verum balneum timeri non debet, nisi recrementorum copia subsit; nam quæ in cute hærent superflua, magis balnei calore moderato digerentur. Ego certe novi me quosdam ita laborantes, neque suspicere præ multo sopore potentes, neque hoc ipsum quod lavarentur percipientes, postquam a septem diebus in balneum duxissem, magis ab eo excitatos invenisse, ut respicere, loqui, nonnullosque adstantium agnoscere potuerint. Quare si vires robustæ appareant, in balneo lavandum est: sin imbecilliores, ut æger lassitudinem, aut calorem balnei ferre nequeat, domi lavato vase quodam aqua calida repleto, in quo æger collocetur ita ut sedeat, capite aquam excedente. Facile autem est ejusmodi vas ex lignis parare. Non madefaciet autem caput æger, quoniam præterquam quod nihil a calidæ superfusione juvatur, etiam animæ defectionem celeriter sustinet. Sic igitur, donec semel aut bis lotus æger fuerit, agendum est: deinceps tandem ad balneum ducere ipsum, & consuetis nihil suspicantem abstergere convenit;

Ejusmodi curatio etiam in iis, qui veterinoso sopore (quem *καρπος* vocant) premuntur, tentanda est; neque enim ea multum variabit, neque causa. At nosse oportet, caron in anteriore potius capitis parte constitui: quare etiam sensoriæ ipsorum vires magis oblæduntur. Cæterum oritur ob vehementes quoque dolores, ut quibus spiritus animalis dissipetur, & concidat: item contusionibus hoc accidens evenit, si quis cerebri membranam lamina ænea, (quam inde quod membranam tueatur, meningophylaca Græci appellant.) negligenter continens deligaverit. Sic etiam accidit si quis os vehementius contundens, medium cerebri ventriculum compresserit. Sed de horum curatione nunc scribere tempestivum non est. Peculiares enim hæc curationes requirunt, ac differemus de his dicere in eum locum ubi de fracturis agemus: nunc autem de morbo comitiali verba facere instituimus.

---

## C A P U T X V.

### D E M O R B O C O M I T I A L I.

**M**ORBUS comitialis, qui epilepsia Græcis dicitur, unus quidem & ipse ex longis affectibus habetur, qui excellentem diligentiam studiumque requirat: & si per initia neglectus fuerit, frequenter ii qui eo detinentur, commoriuntur. Nam capitis vitium est, ubi sensus motusque origo habetur: quod autem capitis morbus sit, testatur hoc quod per accessiones ægris contingit. Neque enim audire, aut videre, aut intelligere prorsus, aut meminisse alicujus possunt, sed omni destituti sensu jacent, mortuis



non dissimiles: quapropter etiam Græci epilepsiam quasi comprehensionem, vitium hoc nominarunt, quod videlicet ægri rerum obliviscantur, & sensus eorum detineantur. Cæterum hoc ipsum vitium nonnulli vocarunt etiam morbum sacrum, quod cerebrum sacrum & honoratum sit: alii vero morbum Herculeum, quod validus sit, & contumax ad amovendum: alii aliter nominarunt; verum non oportet omnia scribere, sed illa potius, quæ instituto conveniunt. Hæc enim magis scire convenit, eisque insitendum: id quod nos etiam facturos promissimus. Morbus igitur comitialis tribus modis generatur: vel enim capite primario laborante, vel stomacho, vel alia quadam particula affecta, & pravitatem in ea subsistentem ad caput remittente.

*Signa morbi comitialis, ex stomacho orientis.*

Morbum comitalem a stomacho proficisci testatur, quod continuo plerumque in eo gignantur & turbatio quædam, & rosio: item quod morbi accessionem tum potius ægri sentiunt, iritanturque, quum tarde ipsos cibum sumere, aut nullum, contingit.

*Signa comitialis morbi, ex alia parte contracti.*

Qui vero ob partem quampiam concidunt, distributionem mali ad superiora fieri manifesto percipiunt: & id quod futurum ipsis est prædicunt, quum distributio vitii ad cerebrum vergere incipit. Accidit autem hic affectus etiam pueris, præsertim humidioribus: qua de causa nonnulli puerilem ipsum nominarunt.



*Signa morbi comitialis, ex primario capitis affectu excitati.*

Qui primario capitis affectu laborant, omnibus sunt manifesti. Etenim gravantur capite: oculi obscurantur & caligant, tardeque sentiunt. At hic affectus pueris potissimum accidit; nos igitur a puerili ætate incipientes, reliqua persequamur. Quod si infans est, vel etiam lac assumit, nihil molendum est, neque agendum, quantum ad curationem attinet. Subsequens enim ætas, & calor augescens, superfluum in capite humiditatem, replentemque ipsius ventriculos discutit. Attamen juvare nos, curamque habere oportet, ut lac nutricis benignum sit, & recrementis liberum. Nam quod vitiosum & crassum est, valde solet naturam impedire. Fiet autem probum bonique succi, si nutrici animum adhibeas, & exercitiis ut ipsa & mediocriter exerceatur, & cibis boni succi utatur. Si igitur lac fuerit tenue, paulo ipsum crassius efficere convenit: sin crassum, extenuare quibusdam, quale est fœniculum, aut anethum, aut anisum, aut eruca, aut ruta, aut porrum. Omnia autem hæc dum viridia sunt assumantur, nam sicca quum magis sint acria, plus uteri vasa aperiunt, & nimias sanguinis menstruorum vacuationes incitant: quo nihil est deterius. Nam hinc necesse est etiam lac imminui, dum sanguis purgatione decrescit, quare etiam venus nutricis pueris lactantibus est nocentissima, quippe lac hinc tenue & fœtidi odoris fieri necesse est; sin autem contingat etiam concipere, adhuc multo fit perniciosius: ac cavendum est, ne illa omnino nutrix puero mammil-

iam porrigat, sed alia potius quærenda est, quæ lac habeat benignum.

*Notatio lactis.*

Internoscitur autem lac colore, substantia & odore; colore quidem, ut & albiſſimum ſit, & nihil habeat lividum, aut foetidum; ſubſtantia vero, ut nihil admodum tenue, aut craſſum, aut caſeoſum contineat, nam tale convulſiones potiſſimum generare ſolet, & nervos obſtrudere. Quare etiam vinum mediocriter tenue nutrici propinandum eſt, recrementi expers, & boni ſucci efficax. Motum laboremque ſemper ante cibum ſubire debet. Ita quidem, ſi infans adhuc lactet, nutrici proſpiciendum eſt, ut lac ipſius bonum evadat; ſi vero reliquo tempore moveri velit, mediocriter id agendum eſt; exercitandum ludendumque, atque ſic cibus ſumendus. Neque vero lavare continue debet, ſed vitare hoc, maxime a cibo: item ne bibat ſtatim a balneo, præſertim meracum, nihil enim ipſis adeo eſt nocivum. Uñctione autem utantur & frictione ante cibum; nam exercitatio ſecundum cibum non modo ſic affectis, ſed etiam omnibus inimica. Cæterum in frictione primum a brachiis auſpicari oportet, deinde tandem ad pectus & ventrem venire, poſthæc ad crura deſcendere, ac plus ipſa valentiusque perfricare, ut etiam recrementa quæ ſuſum vergunt, per ejuſmodi ad inferna revellas. At aliis partibus perfricatis, tunc demum & caput fricari debet; prius enim non convenit, ne omnia ad ipſum trahanter.

Post exercitia & frictionem non ſtatim æger in frigidum aerem procedat, in eoque verſetur: ſed ubi diſtulerit donec calor ſenſim perſpiraverit,



& spiritus continuas remiserit, ita ad consueta prodeat, cibumque convenientem sumat. Panem igitur rectissime assatum, optime fermentarum, & præsertim clibanarium, quatenus fieri potest, esse conducit; hic enim superflui expers, & minus est recrementitius. Capiat autem ex eo unam, aut duas uncias, præcipue si puer temperamenti sit magis melancholicii, ex aqua fervente, in qua sit coriandrum: ita enim comestus, humorum vapores ad cerebrum ferri prohibet: quod maximum est commodum, & ab affectu præservat. At ex oleribus edat betam, malvam, præcipue autem caucalidem, gingidium, porra decocta: intubum vero si misceatur, hos juvat. Condimentum oleris esto ex olei modico, & sale admodum mediocri. Ex volatu ægri edant gallinam cohortalem, phasianos non pingues, anserum alas, attagenas, passeris, turdos, & turtures: verum ex his quoque minus pingues. Anates autem, & quæ in paludibus degunt, averfentur. Jura sint sincera. Quod si cruditas quæpiam ægro acciderit, aut distentio a flatu in ventre excitetur, adjiciantur grana piperis novem, aut undecim, & anisi paulum. A carnibus omnino puerum abstinere bonum est, præcipue suillis & bubulis; voluptatis autem causa, aut etiam alio urgente usu, modicas accipiat, & raro; sed quæ non sunt pingues, & decoctum potius quam jus: intingatque carnem in garum ex pipere, aut sinapi. Nam istud, etsi vim habeat incisivam, tamen ipsum averfandum est, eo quod nonnihil caput repleat, quare etiam non consulo cepas & daucum assumere, nec smyrneum, ut replendi capitis efficax. Jam apium vitandum est, ceu naturaliter comitiales offendens. Ex piscibus exhibeantur, qui superfluitate vacant; ut plessam, sturnum, merulam,



aut scorpium, aut scarum: pingues autem aver-  
sentur & cetaceos, ut scombrum, pelamidas; hi  
enim omnes crassum terrestremque & inimicum  
naturæ succum congregant. Ex fluviatilibus su-  
mant potissimum anadromos, *ita dictos à Græcis  
quod ex mari in fluvios conscendant*: atque hos  
non admodum continue. Decoctioni ipsorum ad-  
jiciatur paulum piperis, aut oxymelitis, nam ta-  
lis decoctio crassum ipsorum humorem noxium-  
que tollit. At eorum, qui testaceam cutem ha-  
bent, esum cavere oportet, eo quod frigidi ipsi  
sint, & crassum humorem pariant. Sin autem ex  
erinaceo quoque fumere per intervalla cupiant,  
non alienum est, quippe habet aliquid, quod ven-  
tri ducendo, stomachoque firmando, & urinæ  
citandæ faciat: verum hæc fumere oportet ex ca-  
lido quodam vino factitio, aut absinthite, aut  
condito, hoc enim innocens est. At carnes vita-  
ri debent, donec in totum morbus fuerit discus-  
sus, & præsertim suillæ: similiter etiam legumi-  
na, præcipue lenticula. Sin autem æger illa ve-  
lit fumere, admisceatur extenuantium aliquod,  
uti pulegium, aut piper, ut crassities mixtura ho-  
rum tollatur. Fructus vero cavere admodum sa-  
lubre est: sin autem voluptatis gratia ægri cu-  
piant assumere, modici offerantur, & magis a ci-  
bo, ita enim minus nocebunt. Jam pleraque bel-  
laria fugiant, ut nuces, & palmulas: pistacia ve-  
ro & uvas passas super cibum sumant, præsertim  
quæ levem adstringendi vim habent. Placentis  
in totum abstineant, & contusis quæ nucleum  
recipiunt. Quæ vero ex amygdalis aut pistaciis  
composita sunt, admittuntur: talia namque vinum  
quandam pituitam purgantem obtinent. Vinum  
quantum ad affectum attinet, circuncidendum  
est, ut quod caput repleat, præcipue vetustum:

stomachi autem gratia, ut concoctioni auxilietur, non abs re est mediocriter ipsum assumere. Vina autem factitia, quæ propomata Græci dicunt, raro offerri debent, præter solum absinthites, quod stomachum firmare, & recrementum quod in eo continetur, extenuare atque expellere potest. Talis quidem victus ratio puero adhibebitur: hæc autem medicamenta.

*Auxilia medicamentorum ad comitiales.*

Ubi mane surrexerit æger, & alvum dejecerit, extenuans quoddam ita assumet: hyeme quidem decoctum hyssopi, quod magnum potest adferre juvamentum: ac plerique solo hoc decocto usi consanuerunt, ut non amplius secundum aut tertium in eundem morbum inciderint; quippe viscosa & crassa recrementa incidit, & non permittit vel in stomacho vel in thorace recrementum in crassitiem coire, ac spissari: aliud enim per urinas, aliud per alvum probe expellit. Hoc sane decoctum æger capiat per se; aut cum oxymelite, in hyeme potius, & autumnus: per æstatem vero rarius. At anethi decoctum cum oxymelite, ut dictum est, exhibebis. Quod si puer temperamento sit magis mélancholico, sumet etiam epithymi decoctum, eo quod id quoque humorem istum probe subtrahat.

*De medicamentis purgantibus.*

Si puer ejus quoque ætatis sit, ut purgans medicamentum ferre queat, porrigantur ea quæ pituitam & recrementum mélancholicum expurgant. Hieram sane ad hujusmodi etiam affectus valere, quum talem evacuet humorem, testimo-



nilis auctorum probatum est: verum ætas valde juvenilis efficaciam ejus non tolerat, ut cujus vires illa superet. Vigentibus autem ætate, & validis viribus præditis, & melancholicis utiliter exhibetur. Præstat igitur juvenibus, epithymi potius momentum cum picra præbere. Etenim ex humore quiddam subducit, & prius extenuat: ita antidoto quod Theodoretum dicitur purgare convenit. Ut autem hoc quoque antidotum probe reliquum corpus purgare queat, ipsi pendenti scrupulos quatuor, adjiciantur colocynthidis siliquæ tres aut quatuor: vel etiam, si multum, quinque: scammonii siliquæ quinque, aut sex, aut plures, pro ægri viribus, ut moderata sit evacuatio. Ac multos novi, quos ejusmodi sola purgatio sanaverit.

At si pravitas humoris adhuc infestet, affectusque perseveret, etiam catapotiis a me confectis utantur, quibus nihil valentius inveni. Habetur autem mixtura eorum hoc pacto. Aloes, scammonii, gummi, colocynthidis, bdellii, singulorum semuncia. Capiat ex his æger pro viribus scrupulos tres, aut quatuor: adultis autem, etiam sex scrupulos dato: & si plures porrexeris, nihil nocebis, adeo leniter & tuto purgant. Nec comitialibus modo, sed etiam vertiginosis, & arthriticis, siquid aliud, auxiliantur: excipiantur autem brassicæ succo.

A purgatione confert etiam iis quæ salivam movent uti: ut siquid crassum adhuc & viscosum contineatur, id quoque per palatum eliciant. Itaque bene vacuant & pastilli, si manducentur, qui recipiunt hyssopum, pulegium, aut piper. Præterea magis adhuc proficit etiam sola gargarizatio, quæ in hunc modum paratur; hyssopum herbam accipito, item pulegium, origanum,



& caricæ septem, aut novem: atque his ad tertias decoctis, & cochleariis duobus inde sic cum sapa mixtis, ante cibum gargarizando salivam ducito. Postquam hanc sic purgaveris, balneum eo die tanquam noxium futurum caveto.

Post purgationem vero, & apophlegmatismum, convenit præservationis causa etiam vomitionibus uti. Etenim illæ quoque humorem, qui quotidie colligitur, evacuant, nec permittunt in unum cumulari. Profunt igitur etiam, quæ ante cibum moventur: sed multo utiliores, quæ post cibum, multoque magis adhuc quæ ex raphani radicibus, escis pinguioribus, repletionem ciborum, eorumque dulcium esu, & ebrietate sollicitantur. Nam ejusmodi vomitus, siquid crassum in stomacho & viscosum inhætescens inveniant, omne discutiant ac liberant. Atque hæc sane eo modo in omnibus comitialibus agenda censemus.

*Curatio eorum qui ex stomachi affectu morbo comitali corripiuntur.*

Si stomachus affectus fuerit, inspiciendum est, qualis in eo humor generetur: & si quidem biliosus, omnia tentare oportet, ut ne in posterum bilem ei producere concedamus, absinthii potu, & picra antidoto. Accipiet etiam panis exiguum ex aqua admodum calente ad horam secundam aut tertiam. Et summatim, in quibus flava bilis circa stomachum generatur, repletque caput, in his necesse est totum victum & tepidum & temperantem adhiberi, qui nihil habeat acre, aut pingue, aut oleosum, aut salum: hoc enim bilem parit.

At si frigidus stomachus pituitosum congreget humorem, atque hinc caput male simul afficiat,

& convulsionem inducat, consilium est per ea quæ leniter calefaciunt & corroborant, ei prospicere, ut os ventriculi bis aut ter in mense perfundatur oleo, præsertim chamæmelino, gleucino & absinthino. Adjiciantur autem his & styrax & mastiche. Hoc namque magis adhuc calefacere, & quod imbecille est, firmare poterit, ut etiam probe coquat, quo nullum est in omnibus quidem affectibus, præcipue vero comitialibus, præstantius.

*Curatio eorum qui ex alia parte comitalem morbum experiuntur.*

Sin autem nec stomachus, nec caput morbi habeat originem, considera num ex alia quadam parte hic sumat initium. Nam alii a superiore pedis parte, (quæ tarfos Græce dicitur) alii a tibia, alii ex alia particula morbi accessionem sentire visi sunt. Et si quidem tale conspectum fuerit, etiam illi potissimum parti prospicito, & totam ei curationem admoveo. Ego sane vidi quendam lectorem in hunc morbum incidisse, qui quum ei eventurus erat, auras quasdam frigidas a superioris pedis parte ad cerebrum adscendentes percipere se dicebat. Quum igitur hunc catapotiiis pituitam & melancholicum humorem vacuantibus antea purgassem, imposui parti affectæ etiam quæ exulcerare illam, extenuare & calefacere possent, ut hinc ipsa & sudaverit, & humida quædam non pauca ex eadem manifesto emanarint: atque hoc ubi nos fecissemus, adolescens sanus evasit. Erat autem auxilium quod ei impositum erat, sanaveratque, lepidium herba. Idem namque etiam alia quædam præstant, sed nullum adeo ut ea herba.



Post hujusmodi jam curationem adhibitam, etiam vomitus moveri, & pituita per os educi debet. In palæstra vero exercitationem pro virum ratione æger, ut maximum bonum, & præcipue ante cibos, aggrediatur. Moveatur autem non solum ambulatione sed etiam equitatu, primum sane mitiori, postea vero vehementiori quoque. Atque exercitii modus sit, quum respiratio ejus qui exercetur, frequentior evadit. Ubi enim hoc senserit, corpus non amplius exercere oportet.

Ab exercitatione balneis dulcis aquæ utatur, sed non continuis, verum semel aut bis in septimana: & ante cibum potius quam post illum, nec diu in balnei aere immoretur, sed etiam situlas calidas stomacho quidem & cruribus superfundat, paucas autem in caput, easque tepidas, & totum corpus aqua non nimis calida detergeat: caput admodum moderate perfricet. Ingressus autem solum caput non intingat sæpius, sed bis aut ter. In frigida labrum ingressus, primum caput aqua modica superfundat, atque ita in illud descendat, ut ipsum neque vapores ex toto corpore adscendentes ad se rapiat, neque excipiat: & operimentis involutus, rursus aquam manibus excipiat, frontemque ipsius aspergat. Vinum statim à balneo meracum bibere cautio sit: nihil enim adeo affectum excitat; quare cavenda est meraci potio, præsertim comitiis. Hæc sane in eum modum agenda sunt: atque hoc victu non modo puer, sed etiam is qui ætatis est florentis, sustineri debet.

Quod si morbus vetustus & contumax fuerit, ut mitiora contemnat remedia, tunc iis quoque utendum erit quæ largius extenuant, & totum affectum exscindunt: præsertim ea purgatione quæ



veratrum album recipit, cujus descriptio sic se habet.

*Medicamentum purgans ex veratro albo.*

Baccarum lauri purgatarum filiquæ octo: alypiadis, piperis albi, euphorbii, veratri albi, singulorum filiquæ octo. Hæc omnia contusa, ponderata, quemadmodum etiam scriptum est, dato una vice ex colocynthidis diluto, quod in hunc modum parabitur. Colocynthidem probe prius purgatam, ut nihil interni feminis, neque lanuginis relictum sit, sapa repleto, finitoque ipsam in calido cinere a vespere usque ad primum diluculum pernoctescere; atque ita dato ut auxilium maximum, & quod vomitu plurima valde crassa & viscosa recrementa purgat. Quare etiam vomitus adjuvari debet, quum ægri nausea premuntur, aut conturbantur, paulum mulsæ superforbendum dando: &, si nauseantes nihil notatu dignum sursum eduxerint, etiam penis ad stomachi turbationem utendum est, copiosiores adhuc mulsam propinando. Ita enim minori cum molestia recrementa, quæ stomacho infixæ sunt, sursum emolientur. Secundum purgationem, panis exiguum mulso intinctum dato: balneum autem die uno aut altero vitabis.

Cæterum hoc sciendum est, quod in iis, qui os stomachi imbecillum & bene sensile habent, non veratrum album, sed potius nigrum purgationi injiciendum sit. Sic enim datum, sine molestia purgabit, & proficiet, præterquam quod neque violentos vellicatus inducet. Ego etiam hiera probe purgavi, & lapide Armeniaco, tribus ejus scrupulis datis, & profeci: verum in comitialibus inveteratis nullum adeo efficax inveni ut hoc

potissimum medicamentum purgans: multosque novi, desperatos ab aliis medicis, vel hoc solo perfanatos fuisse. A purgationibus deinde etiam antidota quædam sumi debent, quæ refocillare vires, & siquid meatibus infideat, extenuare possunt. Tale est tum quod hermoclimax appellatur, tum theriaca. Atque hæc sane variis mixturis constant, & ægre comparantur. Inter simplicia vero & facile acquiritur & valentissimum est pyrethri radix contusa & melle excepta, si detur cochleari uno per intervalla, donec undecies exhibueris. Experientia probatum est auxilium: ne ipsius vilitatem contemnas.

*Quæ naturaliter ad comitiales valent.*

Hæc igitur de comitialibus dicta sunt, quæ & nos cognovimus, & longa experientia docuit: verum quum nonnulli naturalibus, seu quorum ratio haberi nequit, quæque alligari solent, oblectentur, eisque uti desiderant, & revera id quo intendunt assequantur, conveniens existimavi studiosis de his quoque nonnulla percernere, ut medicus omni ex parte ad opem ægris ferendam sit instructus. ARRCHIGENES igitur in libris quos κατὰ νέος inscripsit, præcipit his verbis: per accessiones, omnes partes continere oportet, quemadmodum etiam eos qui per circuitum rigorem experiuntur, singulaque membra unctis manibus moderate continendo, in rectum dirigere, oculos ipsorum leniter attrectantes, & demulcentes: præterea sanguinem ipsis hoc tempore dimittere. Ubi vero accessio finierit, omnia membra perungenda vestimentisque fovenda, & caput multo oleo calente superfundendum.



At si cum gravi somno, (quæ cataphora Græce dicitur) in comitiales morbum prolabantur, in sindonem aut aliud vestimentum coniectos dimoveri agitarique præcipito. Puncta autem quolibet ægri ipsius parte, sanguine os oblinito: & expergiscet. Post accessiones tota quidem morbi excisio medicis in huiusmodi rebus exercitatis committenda est: verum citra supervacaneam curiositatem ac cûram hæc facere conabimur. Sed æquum est, prænuncia morbi indicia, & remedia quæ ipsum coarguant, antea explicare.

*Indicia quibus comitiales agnoscantur.*

Comitalis hoc modo nosci debet. Ægrum pelle caprina opertum mari intingito: statim enim concidet; aut loto ipsius capite, ex cornu capri no nares ejus suffito, ac cadet. Idem etiam præstat lapis gagates, igni prius admotus, & naribus inditus: concidet enim. *Ex alio exemplari sic*, zingiberis modicum naribus indito, & inde cadet.

*Ex Apollonii commentariis facile paratu medicamentum, si quidem comitalis est curabilis.*

Postquam conciderit æger, admoveto ei thymum: & si apprehendat, curabilis est: sin minus, non. Ad prænosendum comitiales hoc quoque produnt, nempe quod venæ sub lingua ipsorum sitæ virides inveniantur.

*Curatio ex secundo THEODORI.*

Comitali collapsio, ubi a magnis pedum digitis sanguinem lancinatu extraxeris, labra &  
*Princ. Art. Med. Tom. VI. E*



frontem ipsius inungito: & inde resurget. APOLLONIUS autem inquit, recte dari sanguinem ipsorum potioni: vino autem abstinendum; hoc apud XENOCRATEM invenies.

*Aliud.*

Hoc quoque mirifice facit, duo lapilli in hirundinum pullis dissectis inveniuntur, quorum unus quidem niger, alter vero albus axillit: comitiali collapsio eos imposito, ac ipsum excitabis: nigrum vero cuti alligato. At hirundines dicuntur primo pullo hos lapillos dare, qui non facile inveniuntur, nisi universis pullis dissectis.

*Aliud.*

Chamæleontem in oleo coquito, donec intabuerit, & oleum spissescat: consumpto autem animali, ossa ipsius selecta in locum solis expertem reponito, ac comitalem collapsum in ventrem convertito, oleoque dorsum a sacro osse usque ad primam vertebam inungito: ac statim excitabitur; hoc ubi septies feceris, ex toto ægrum liberabis; oleum autem in pyxide reponito.

*Aliud.*

Alii vero inquiunt, comitiales ubi agniti fuerint curari debere quemadmodum ARCHIGENES præcipit. Primario igitur in victu congrua aquæ potione utendum est, carnibus abstinendum & venere. Jam unctiones quæ adhiberi debeant, ab expertis observatum est. Hæc quoque illis conveniunt. Mustelæ jecur sine felle cum dimi-

dia aquæ hemina jejuno ad tres dies propinatur. Referunt autem quidam, partem avis ossiphagi crematam potu morbum tollere: atque hæc sine ex ARCHIGENIS libris decerpta sunt.

*Aliud.*

Aliud quod in tertio STRATO prodidit, istud est. Cani diebus quatuordecim incluso ossa tantum devoranda dato: quinto decimo die ex albo canis stercore cochlearium duorum instar comburito, ac diebus quinque propinato.

*Aliud.*

Hoc quoque in Thufcia a rustico quodam accepi, qui dicebat aliquem casu morbo liberatum fuisse. Rutam enim sylvaticam, quam rure habebat, contundebat: & ubi conservus ejus lunaticus concidisset, ipse rutæ odore plenus, aggressus nares ægri continebat: unde ille excitatus, non amplius comitiali morbo laborabat. Expertus autem erac hoc, etiam in alio morboque eum liberaverat. Atque ego sæpius hunc affectum curavi. Mirabile igitur & eximium medicamentum est, quod nulli communicabis.

*Ex quinquagesimo octavo THEODORI MOSCHIONIS;  
ad comitiales.*

Herbæ pediculariæ, quæ staphis agria Græcè dicitur, drachmæ octo; castorei drachmæ quatuor: liquoris peucedani, pyrethri, singulorum drachmæ duæ. Pediculariam contundito, ac in vesicam ovillam, aut caprillam, in qua adhuc urina sit, depositam, siccare curato: deinde con-

tufam in cretamque, aliis admisceto, ac ex multa pro viribus dato.

*Aliud, quod accepi ex Gallia.*

Galli gallinacei testiculos in pulverem tritos, ex aqua & lacte jejuno propinato, idque diebus quinque facito: vino autem abstinendum est.

*Aliud, a MARSINO THRACE acceptum.*

Gladiatoris occisi, aut alterius cujuscumque mortis rei panniculum cruentum comburito, ac cineri vinum misceto: ubi septies hoc dederis ægro, liberabis. Hoc insigni experimento sæpe probatum est.

*Aliud, ex iis quæ STRATONIS libris adjecta sunt; dicit autem ORPHEUM auctorem esse.*

Solani radicem luna declinante acceptam tundito, ac eam potui dato, primo quidem die semel, deinde bis, postea ter, tandem quater: atque ita ordina, donec quindenis vicibus eam insumpseris. Arcanum est hoc, & multis mirabile.

*Aliud. In Hispania hoc ad comitiales didici.*

Calvariam asini diligenter crematam contundito, incernitoque, & in pyxide habeto. Quum usus postulat, dato drachmam unam. In alio inveni, drachmas duas, ex aquæ frigidæ hemina. Priusquam autem medicamentum dederis, fabinam herbam lævigato, datoque potui ex ea drachmas tres cum aquæ hemina. In alio habetur, Cochleare unum jejuno ad dies duos dato, quan-



do tempus est subnubilum. Ac paucis interpositis diebus exhibeto id, quod ex calvaria asini paratur. At priusquam aliquid ex prædictis offeras, caput ægri ad dies tres purgato ut infra scriptum est. Herbxæ pediculariæ, sinapis, singulorum drachmæ quatuor, pyrethri drachma, salis ammoniaci drachma: contusa, & cribro secreta, in pulverem redigito: datoque mandendum post diem unum, ac finito ægrum hianti ore pituitam emittere: est autem hoc valde mirificum.

*Quæ alligantur, & naturaliter comitialibus obsistunt, ex comment. ARCHIGENIS.*

His autem quæ alligantur utendum est ad affectum, ut ASCLEPIADES medicamentarius prodit. Clavum cruce fixum brachio ægri alligato, & liberabis. ZALACHTES autem hæc ait; lapis jaspis *a fumo quo infectus non pellucet*, capnias appellatus, ad omnia capitis & mentis vitia alligatur: & is contritus, si cum humore illinatur, hæc efficiet evidenter & mirifice. OSTANES autem inquit, corallium & glycyfidem, solanique radicem luna inclinante collectam, illigatamque in linteolum lineum, appendito.

*Aliud.*

Jaspis similis callaino, digito impositus gestatur, & liberat: est autem pretiosus.

*Aliud.*

DEMOCRATEM Atheniensem ferunt, quum adolescens esset, & morbo comitali teneretur, ad Delphos profectum fuisse: eumque rogasse deum,

quum plerique ei offerrent alliganda morbo contraria, quali ex eis uteretur: ac Pythiam respondisse:

*Quos madidis cerebri latebris procreare capella*

*Dicitur humores, vermem de vertice longum.*

Vel sic,

*De grege sume caprae majores ruris alumnae*

*Ex cerebro vermes, & ovis dato tergora circum*

*Multipli vermi pecoris de fronte revulso.*

DEMOCRATES quum hæc audivisset, expendebat quid tunc deus loqueretur; quum autem ipse profectus ad THEOGNOSTUM DEMOCRATIUM nonagesimum octavum annum jam agentem venisset, oraculum huic denunciat: ille autem vehementer miratus dei prudentiam, vatis Pythiæ obscuritatem, & obliquum dictum, sententiam oraculi manifestavit: gregariarum, inquit, caprarum caput naturaliter multis vermibus juxta cerebri basin plenum efficitur: ac sternutamentis animali obortis, multi vermes in nares caprae infiliunt. Oportet igitur veste substrata, ne terram attingant, illos excipere, unum vel tres, & indutum pelle nigrae ovis tenero collo alligare. Atque hoc ait morbo naturaliter adversari.

*Aliud ad idem, quod in libro STRATONIS scriptum est: dicitur autem MOSCHIONIS.*

Afini frons cuti alligata, gestataque, morbo liberat.

*Aliud.*

Clavum ex navigio confracto exemptum, in brachii ornamentum latum concinnato, ut imponatur os ex corde cervi, & sinistro brachio circumdato. Postquam autem cervo vivo cor exemeris, officulum, quod in eo explicato ceu carunculam concretam arundine statim sine mora invenies, siccato: ac ubi reliquum projeceris, facito ut prædictum est: ac miraberis.

*Aliud.*

Linteum ex nave confracta, jam attritum inveteratumque, dextro brachio ad septem hebdomadas alligato: in quibus alias \* & æger liberabitur. Concidet autem, si pilos asini & mulæ in suffitum offeras. Pyrethrum quum naribus ipsius inspiraveris, si quidem sanabilis sit morbus, sternutabit æger: sin autem curari nequeat, non item.

*Aliud.*

Corallium ex cerebro asini alligato; glycyfidis radicis, & solani, declinante luna, granum unum dato: primo autem unum, deinde duo, postea quatuor, donec quindécim exhibueris. Jam chrysolithos probe facit: item jaspis, ærium colorem habens, aut persimilis callaino, digito gestatus, idem præstat.

Hæc sane a veteribus dicta sunt tanquam naturaliter, hoc est, *latenti natura*, efficacia. At quæ nos edidimus, secundum certam quamdam viam & rationem, quam Græci μέθοδον vocant,



dicta sunt; ac convenit peritum omni modo auxiliari, tum naturalibus utendo, tum scientifica ratione, & modo artificiali: quodque recte dici solet, omni modo properandum est ut longo morbo & pravo ægrum liberes. Mihi sane omnibus uti placet: quia vero plerique hoc tempore indocti accusant eos, qui utuntur naturalibus, cavine continue iis quæ naturaliter operantur uterer, conatusque sum artificiosa via & ratione morbos superare: ac novi non modo comitiales, sed etiam alios morbos plerosque victu & medicamentis fuisse perfanatos. Quare etiam nunc consulo, ut is qui velit comitiales evadere, hoc potius nunc a me dicto victu, & medicamentis utatur: nec successu frustrabitur. Jam efficax in commemoratos, etiam solare cyphi potum invenni, præsertim a purgatione. Oportet autem semel propinare, desinente luna: idque facere, dum in totum morbus fuerit discussus. Nihil autem minus confert, ubi curatus quoque fuerit, præservationis gratia ipsum porrigere, quousque tutam & firmam morbi liberationem videris, & nullæ ipsius reliquæ superstites maneant.

Quinetiam præcaveri in comitialibus omnino debet, ne ullo modo affectum irriteremus. Maxime omnium vitanda est cruditas, ut maximum malum: in cœna, aut prandio, etiam suspicio cruditatis: item ne cibus tarde sumatur, & bilis commoveatur, cavendum est. Adhæc fugienda potio statim a balneo, ut diximus, præsertim meraca: vinia valde verusta, & novella admodum, adstringentiaque: item lactis potus, caseusque, & siquid ex lacte præparatur; necnon foetida. Insuper vitandum, ne ægri prorsus in hujusmodi locis commorentur, suffimenta que plurimum odorentur, neque e sublimi defixis oculis diutius cernant: neque admodum caput ope-

riant, calefaciantque; præterea ne in sole immorentur, aut ubi ignis est plerumque: adhæc, ne in balneo tardius delideant, & caput calida rursus aqua abstergant, concoctioneque non obita rursus lavent. Insuper ne a cibo dulce quodpiam esculentum aut poculentum assumant. Quippe hoc etiam affectum irritat, præcipue in quibus flava bilis stomacho innascitur. Nam hos temperato victu alere convenit: non quemadmodum eos, qui pituitosum humorem congregant, per illa quæ omnifariam extenuant humores, & calefaciunt. Hæc si quis accurate conservet & tueatur, non opus habebit alio quoquam auxilio, & maxime illis quæ dolorem movent, periculumque vitæ inferunt: nonnunquam etiam arteriæ sectione, calvariæ adustione, & aliis, quæ cruciatum & supplicium magis quam curationem multis conciliant.

---

## CAPUT XVI.

## DE PARALYSI.

**R**ESOLUTIONIS vitium, quod Græci *πάρεσιν* *παράλυσιν* nominare consueverunt, nihil aliud est quam sensus & motus privatio. Differt autem ab apoplexia, quod ipsa quidem totius corporis sensus & motus abolitio, cum principis animæ functionum noxa, & quodammodo mors accidit: paralytis autem est, qua dimidia pars corporis, vel una emoritur, vel etiam partes quædam nervosæ obstructæ, ita ut vel cerebrum, vel spinalis medulla ab affectu sit immunis. Ubi igitur prius animadverteris unde inceperit, & unde causa provenerit, ita tandem curationem



tentato. Fieri enim nequit, ut qui causam, aut quod sit vitium, ignoret, morbum infestantem possit excindere.

*Nota.*

Si igitur ex superioribus partibus quædam affecta fuerint, nempe oculus, aut nasus, aut lingua, aut quædam in facie, constat ipsum cerebrum morbo esse implicitum, eique primario succurrendum esse. Si igitur nulla ex prædictis partibus sensu, aut motu, aut utroque læsa fuerit, necesse est, spinalem medullam ægrotare, aut aliquem nervorum ex ipso procedentium affectum esse, statuere. Attendito igitur diligenter quæ sit pars affecta, & unde initium trahat, aut a qua vertebra id aut nervo recipiat, atque illi curationem adhibeto: non autem, ut vulgo, symptomatibus tantum obsistito. Itaque resolutas partes sic internoscere convenit, animum scientiæ anatomicæ advertendo.

*Causa paralyseos.*

Causam paralyseos effectricem magna ex parte internoscere licet ex crasso, viscoso, frigido, interdum etiam terrestri melancholico humore constitui. Sciendum est autem, vitium hoc ex qualitate calida aut sicca proficisci, ubi calida intemperies sanguinem & humores nimium torrefecerit: similiter etiam ob frigidam qualitatem solam. Quoniam igitur causa diversa est, quæ resolutionis affectum pariat, inspiciendumque diligenter est, copiane sit an qualitas sola: non parum enim interest. Si namque copia & crassities, necesse est adhibere quæ extenuant, & hu-



moris qui paralyfim excitavit, vacuationem molliuntur. At si qualitas sola fuerit calida & sicca, tunc extenuantia calefacientiaque. (omnia enim ejusmodi nativum humorem consumunt) magis adhuc assant materiem, crassiolemque reddunt. Liquet igitur contraria qualitati remedia inducenda esse, hoc est refrigerantia & humectantia omnia: ad frigidam vero necessario ea quæ calefaciunt, applicari debent. Quæ quum ita se habeant, dicamus quomodo etiam curatione utendum sit, ab effectu qui ex copia provenit, prius exorfi.

*Curatio.*

Si quidem igitur copiam sanguinis ex notis deprehendas, liquet moderatam ejus evacuationem ante aliam curationem universam adhibendam esse. Non enim convenit in his multum sanguinis, etiam si abundet, detrahre: sed ad auxilia potius, quæ locis inducuntur perveniendum est. Si namque in facie affectus contiterit, ante omnia capiti prospiciendum est. Constat enim principio affecto, merito etiam faciei partes oblæsas esse. Necessario igitur omnia, quæ caput evacuant, ipsumque recrementis liberum reddunt, adhiberi debent: quemadmodum apophlegmatismis quoque, perfrictione, dropacibus, & omnibus utendum est, quæ extenuare & aperire possunt. Quod si pituitosior sanguis fuerit, iis quæ pituitam per os educunt: sicut etiam quum magis melancholicus, illorum usus est, quæ hunc humorem emolliuntur. Optime vero ad utraque facere possunt & catapotia, quæ ex colocynthide parantur: quorum descriptio hæc est.

*Catapotia διακαλοκυνθιδος.*

Aloes hepaticæ, colocynthidis, singulorum uncia: euphorbii semuncia: veratri nigri uncia: bdellii, gummi, singulorum uncia: nitri Alexandrini semuncia. His semper utitor, quum humorem melancholicum aut pituitam purgare volueris. Nihil enim adeo humores ex alto evocare, & nervos laborantes caputque expurgare potest, ut horum catapotiorum compositio. Sufficit autem ex eis usque ad scrupulos quatuor, aut sex, pro ægri viribus, exhibere. Ad integrum vero modum veniendum non est, sed paulatim à duobus aut tribus scrupulis exorſi, ipsa porrigemus. Si igitur affectus recens fuerit, æger autem sæpe facilis ad vomitum, medicamentorum potionem averſetur, nullum aliud præferendum, sed his utendum est. Nam præter id quod non facile evomuntur, materiam quoque citra molestiam purgant, & commodè ex alto evocant. Arbitror autem, nullum statim alio remedio opus habiturum, si quis ipsis recte uti possit.

At si affectus longo tempore ægrum moleſtarit, & moderatioribus medicamentis non obtemperet, sed his contumaciter resistat, etiam omnibus potius, quæ aperire & extenuare possunt, uti convenit. Ubi vero materiam tenuem & fluidam reddideris, medicamentum hiera picra assumi debet, quæ a me paratur, quum sit præstantissima & tuta, periculique expers: describitur autem in hunc modum.



*Hiera picra tuta, hoc est, quæ sint periculo summi  
potest.*

Aloes scrupuli quatuor: *in alio octo*: phylli scrupuli: agarici scrupuli octo, *in alio exemplari decem*: polypodii scrupuli octo: piperis albi scrupuli quinque, piperis longi scrupuli octo, piperis nigri scrupuli quinque: casiaë scrupuli octo: opopanacis, amomi, croci, sagapeni, castorei, singulorum scrupuli quinque: scammonii lacrymæ scrupuli decem: ammoniaci suffiminis totidem: petroselini Macedonici, aristolochiæ, veratri, singulorum scrupuli quinque: marrubii ficci scrupuli octo, chamæpityos, bdelli, colocynthidis, singulorum scrupuli octo. Integrum antidoti modum, si quidem absque melle habes, dato scrupulos septem: sin autem cum melle, scrupulos duodecim, aut paulo plus minusve. Non oportet autem adjicere extrinsecus alterius scammonii, modo. Multi namque arbitrati se promovere medicamentum ad evacandum, ita faciunt, ignari quod inutile magis ipsum reddunt. Non enim volumus id protinus ad ventrem deferri, sed potius in membra distribui, in corpore immorari, extenuare recrementum, & emendare: item meatus dilatare, ut obstructions nervosorum adaperiantur, & spiritus. qui in ea mittitur, purus suppeditetur. Quare medicamentum vacuatorium efficere non licet, præfertim in pituitosis, sed contra ex scammonio adimere conandum est, augere autem potius colocynthidis pondus. At totus modus potui statim a primo die dari non debet, sed partiri in tria, adhiberique primum drachma: deinde tribus diebus interpositis, drachmæ duæ, admixta salis he-



mina: piperis autem minus, quod sit admodum subtiliter detritum. Consilium enim nobis est ut medicamentum (sicut diximus) distribuatur, non spissetur. Quum paucis diebus saltem ægro differre jusseris, dato rursus ei tres drachmas, deinde rursus aliis paucis diebus interjectis, offero ipsi drachmas quatuor: ita namque juvabis ægrum, & simul medicamenti vim, ac quanta qualiaque efficere soleat, admiraberis. Vulgares autem ipsum occultant, ignorantes ipsius usum. Scire vero licet, quod si vices ægri robustæ sunt, vereri non oporteat quinque drachmas exhibere, interdum etiam sex: magisque si æger omnibus ex æquo humoribus scateat, *qui Græce plthoricus dicitur*, ætate vigente, & temperamento humidus sit. Ita curandi sunt, qui paralytim ex humorum viscosorumque & crassiorum humorum copia sustinuerunt.

*Si paralytis ex sola fiat qualitate.*

At si non copia, sed qualitas potius causa fuerit morbi effectrix, ubi quidem siccitas simul cum caliditate infestat, refrigerantibus sensim & humectantibus potionibus & cibis utendum magis consulo: ut cremore ptisanæ, aut avena, aut chytro. Inter olera, intybis, aut lactucarum caulibus. Admisceatur autem his tum asparagus palustris, tum radix apii. Aves comedantur. prope omnes, præter nimum pingues, vel quæ in paludibus aluntur. Inter pisces, nimirum saxatiles potius: testacea vero devitentur, præter pectines & erinaceos. Interdicantur etiam legumina omnia, præsertim alica. Inter fructus, pomaceos universos comedant, magis ficus, uvas, semen peponum, & mala: punica vero, persica,

duracine, ficomori fructus, & quæ vocantur mala aurea, caveri debent. Summatim, universus victus qui refrigerare ac contemperare potest: præterquam quod nihil admodum recrementitium aut crassi succi habeat. Vinum bibant aquosum, & non adeo vetustum, ut quod magis exsiccet, & nervos offendat. Quare etiam vinis factitiis interdicatur, præterquam rosato & violato; at si fieri possit, etiam citra vinum æger degat, sola tepida aqua usus: id multo quoque melius est. Bibant autem qui assueverunt, etiam in medio cibi, aquam frigidam cum vino. Talibus igitur purgans aliquod medicamentum præbere commodum non est; universa namque ipsis inimica sunt, præsertim hiera picra, & quæ euphorbio constant. Nam præterquam quod nihil juvant, siccitatem nervorum adhuc magis augent. Novi sane ego quemdam paralytin ex mœrore, multa solitudine & inedia expertum: deinde sumpta hiera picra, adeo læsum, ut totus ipse immobilis fieret, & propemodum interiret: nisi in contrarium mutatus fuisset, & humectantibus omnibus tum potionibus, tum cibis, & aliis, quæ temperatum ipsum reddidissent, usus fuisset: maxime vero balneis compluribus, unctione ex hydreleo, mutatione aeris temperati, & omni hilaritate. Etenim tristis erat, ad iram proclivis, a medicamento nimirum excitatus, & qui flavam bilem collegisset. Hac sane ratione, si qualitas fuerit præsertim intemperies calida, vitari debent cibi acriores: adhuc autem magis, quæ medicantem vim purgantemque obtinent. Nam præter id, quod nihil inveniunt quod ex corpore evacuent, magis adhuc aliam intemperiem regenerant. Pari modo etiam in frigida intemperie præditis, medica-



mentis purgantibus utendum non est, quum solo victu tales curare possint.

His igitur & vinum moderatum vetustius, alia, porra, tum per se, tum cum sale comesta, apium, petroselinum, daucus, item quæ piper recipiant; ad hæc unctiones calefacientes conveniunt, præsertim circa stomachum adhibitæ: quale est etiam Marciatum; habet enim medullam cervinam, & styracem, & nervos vehementer juvare potest: quemadmodum oleum quoque rutaceum, & cum ipso, & cum alio, refrigeratos nervos probe excalefacit.

Sin autem in vetustatem incidit, etiam aquæ naturales, *hoc est, quæ sponte sua calidæ ex terrâ profiliunt*, quantum ad frigiditatem attinet, sunt ipsis accomodæ. Verum diu eis immorandum non est: neque bis die lavandum, sed permitendum, ut in frigidum quoque solium descendant, ne ipsi supra modum exsiccentur, sed mediocriter etiam adjumento, quod ex ipsis provenit, fruantur. Ita sane paralysem quæ propter intemperiem accidit, pro virium ratione curare convenit. Cæterum autem deinceps explicemus, quibus remediorum auxiliis, in quibus corporibus ad morbum depellendum uti magis expediat.

### *De oculorum paralyfi.*

Quod si igitur oculus fuerit affectus, in primis capiti, (ut diximus) prospiciendum est, apophlegmatismis, perfrictionibus & revulsionibus, cucurbitulas in posteriorem capitis partem adglutinando, trahendo, & scarificando, si copia subjecta requirat. At si affectus remanet, etiam dropaces superciliis imponantur: quippe trahunt



ex alto, calefaciuntque partes affectas, & recreant: nec non scirrhus induratas excitant, remolliuntque, ut muscoli refocillati in naturalium actionum memoriam revertantur. Porro utantur etiam succo betæ, cum melle ipsum naribus infundentes. Item succus anagallidis bene facit. Quinetiam ad sterutamentum provocandum efficacibus medicamentis hoc in affectu utendum est: herba lanaria præsertim, quæ Græce *struthion* appellatur: vel euphorbio cum castoreo, vel tribus simul conjunctis.

*De labri aut genæ paralyfi.*

At si labrum paralyfin expertum sit, aut genâ; aut maxilla, apophlegmatismis potissimum utendum est, quæ staphide agria, mastiche & pipere constant: item perungere iis, quæ ex sinapi fiunt, confert: necnon pastillis, qui hyssopum, aut pulegium, aut piper recipiunt. Hæc valent ut acriora, & emortuum sensum revocant. Prodest ipsis etiam nucum pinearum crematarum vapor; permittendum autem est, ut affecti vaporem hunc inspirent; valde enim hoc facientes adjuvantur.

Quod si morbus inveterascens copia infestare videatur, etiam venas sub lingua incidere oportet. Saluberrimum enim illis hoc est auxilium, qui in faciei particulis paralyfin experiuntur. Uctionibus autem utaris ex castoreo, medulla cervina, & styrace confectis. Omnibus hoc auxiliatur, præsertim paralyfin in maxillaribus musculis expertis. In aliis vero regionibus, ut manu, stomacho, aut vesica; non solum hoc, sed etiam Lysiponium dictum valde efficax est remedium, cujus scriptura hæc est.

*Scriptura Lysiponii.*

Castorei, euphorbii, piperis, singulæ uncia: suffiminis ammoniaci, opoponacis, galbani, singulorum uncia: duæ: medullæ cervinæ uncia: tres: terebinthinæ uncia: sex: ceræ libra: olei veteris tantundem: olei taurini, irini, gleucini, cyprini, singulorum uncia: tres. Hoc auxilium est utilissimum ad omnem resolutionem, & per se & cum rutaceo oleo. Epithematis autem, tum eo quod *διὰ δαφνίδαν*, tum quod Apollopphanis dicitur, aut eo quod constat casia, vel sampfucho, vel eachry. Et in summa iis utendum est quæ ex alto evocare humores, & cruentare cutem possunt.

His etiam in coxendicibus affectis, nervis difficulter sentientibus, & in iis qui sterco retinere nequeunt, uti decet. Jam vero clysmata quæ ex euphorbio, castoreo & nitro constant, item quæ allium, rutam, & cuminum una cum oleo incocta habent, istis opitulantur.

At si muscoli sedis paralyfin sustinuerint, per infessus ipsis & suffimigia succurrendum est. Ad hanc rem præstantissimus est lapis molaris: oportet autem ægrum vestimentis contactum, infundibulo ipsi subiecto vaporem adscendentem excipere. Lapis vero ubi ignitus fuerit, vino adspargatur. His & similibus remediorum auxiliis, solo usus modo immutato, in affectis partibus utendum est.





## CAPUT XVII.

## DE MELANCHOLIA.

**N**ON una quædam melancholiæ causa est, neque unus humor vitii parens, sed plures, & alias aliter mutati, unde neque omnes eadem symptomata sustinent, neque similiter eisdem imaginationibus agitantur, sed alii ipsorum ridet semper, & cum hilaritate imaginantur: alii cum ira & contentione, iis qui phrenitici appellantur, ea in re consimiles: quidam ipsorum cum torpore multo ac segnitie, ut ipsi loqui noliint, stultorum modo, quos Græci vocant *μωρὸς*: nonnulli opinionibus addicti sunt, & se futura prædicere arbitrantur; hi vero mortem desiderant: illi jugulari optant, alii metuunt. Atque ex his quidam ipsorum intervalla morbi temporibus quibusdam habent, ut etiam consueta admittrent: alii in continua dementia sunt.

At non solum variis quibusdam motibus symptomatum ipsis oborientium differunt, sed etiam affectorum locorum ratione. Hi quidem solum ipsum cerebrum morbo affectum habent, illi vero etiam reliquum totum corpus: alii autem ventrem solum, & præcordia. Quoniam igitur causæ melancholiæ, & particulæ affectæ differentes sunt, item quæ movent, quæque infestant has accidentia, ideo conveniens studiosis existimo ut singula intelligere, & unde fiant, nitantur. Quare internotiones ipsorum accurate nobis exponendas esse duximus. Ita namque tum mederi recte, tum morbum superare, etiamsi difficilis fuerit, poterimus.



*Signa melancholiae ex sanguinis copia nascentis.*

Internosces autem melancholiam ex copia sanguinis fieri, primum sane si ad ipsum ægri temperamentum respicias. Novimus enim hirsutos nigroque colore & habitu tenues, multo facilius quam candidos & crassiores, melancholia corripitur: ad hæc eos magis qui ætate vigent, tenui victu utuntur, iracundi sunt, & vitam curis, tristitia & mœrore plurima ex parte transegerunt. Ad hæc interrogare convenit num aliqua solitæ vacuationis retentio obvenierit, in viris quidem sanguinis per venas ani, *quæ hæmorrhoides Græce dicuntur*, profluentis: in mulieribus autem, menstruæ purgationis. Et si in corpore verus gravitatis sensus inest, facies quoque inspicere debet, num multo quam antea rubicundior sit, venæque magis turgescant, & intentæ sint. Hæc enim si deprehenduntur, sanguinis copiam, quæ vapores ad caput transmittat, suspicari oportet. Sin autem quædam vanarum imaginationum intervalla ipsis obveniant, ut etiam consueta quoque opera aliquantisper velint attingere, adhuc magis tum melancholiæ speciem accidere suspicabimur, quum ex evaporatione sanguinei humoris originem trahat, offendatque cerebrum. Ac simile quid ægris contingit, cujusmodi iis quibus oculi suffunduntur, accidit. Quod si cum risu vanæ imaginationes oriantur, humorem qui offendit, non admodum vitiosum esse, & rodentem, sola autem copia nocere.

*Curatio.*

Si igitur notatio, id quod offendit, sanguinis copiam esse tibi suggerat, atque ob hanc talem melancholiam supervenire, dum vapores inde (ut diximus) spiritum animale turbidum reddunt, & ejusmodi excitant imaginationes, ante omnem aliam curationem, sanguinis missio adhibenda est. Differendum enim hic non est, quum metus sit, ne dum nos diutius expectamus, vapores cerebri corpus magis alterent: vel etiam longius immorati, ventriculos ipsius interiores obstruant. Paucis itaque diebus, ubi ægrum cibo boni succi & temperato traduxeris, nequaquam concedens, ut carnes & ea quæ sanguineum humorem generare possunt, omnino assumat, ad sanguinis vacationem venito: & si vires robustæ sunt, quantum satis esse putaveris, statim detrahito. Frequenter enim universa evacuatio efficit, ut nonnihil etiam spiritus, qui vapores transmittit, evacuetur & dissipetur. Sin autem vires multam prima vice evacuationem non tolerant; necesse est tunc non modo semel, sed etiam bis, & sæpius, quantum licet, paulatim auferre. Quod si a brachio vacuatio fieri nequit, tentandum est eam a poplite & talibus partibus moliri, atque hoc magis in muliebribus corporibus faciendum est: quippe menstruam purgationem provocat. Quum autem venas cubiti non manifestas inveneris, eas quæ commemoratis locis subjacent, incidere tunc oportet, nam ad affectum prædictum sanguinis vacuatio est necessaria. Nihil igitur minus juvabis, ex quacunque parte sanguinem detraxeris, quum etiam omnia simul vacuentur: quemadmodum divus



HIPPOCRATES ait, *confluxus unus, conspiratio una, omnia consentientia.*

*Curatio melancholiae ex infarcto impactoque sanguine orta.*

Si humoris sanguinei materies cerebro impacta fuerit, tunc audacter venam in fronte secato. Nam post totius corporis vacuationem, si loco jam remedia adhibeas, nihil nocebis. At si circa caput aliquid moliri cogites, priusquam totum corpus recrementis liberum reddideris, offendes magis quam juvabis, copiosiore materiam ad locum affectum attrahens. Hac sane ratione iis, qui ex sola sanguinis copia melancholia laborare inceperunt, mederi convenit, ubi nondum ad rodentem, acrem aut biliosam, aliamve quandam humoris intemperiem manifesto immutatus fuerit. Nam si horum aliquid sustinuerit, hi non amplius cum risu imaginationes habent, sed contra feras ac furiosas admodum accessiones experiuntur. Quare per initia affectum exscindere tentandum est, inveteratus enim, & veluti in naturam conversus, incurabilis propemodum evadit: & tali morbo affecti, non melancholia tantum laborant, sed etiam per circuitus insaniunt. Nihil enim aliud est infania, quam melancholiae ad majorem feritatem intensio.

*Indicia melancholiae quam sanguis acrior biliosiorque excitavit.*

Cognosces autem ex notis, quas praediximus, non amplius vapores sanguineos, sed magis melancholicos, aut acriores sursum efferri. Quod autem aegri iracundi magis turbidique & minus



placidi sint, id bili, non autem sanguini tribuendum est. Cæterum quod temperamentum ægri calidius sit, & siccum, ætas vixens, quodque victus præcesserit calidior & acrior, aliaque his cognata, clarius tibi indicabunt, sanguinem ad biliosorem magis naturam esse conversum. Nam humores diversis modis commoventur, & alias aliam qualitatem recipiunt. Siquidem in bilem convertuntur multa inedia, continuo salforum ciborum esu, aut validis curis: ad sanguineum autem humorem magis vergunt ex largioris vini usu, & quodam valentium ciborum appetitu, & liberalioribus balneis. Sin autem duos quoque humores superare contingat, utrumque horum accidens oboritur; interdum namque rident ægri; interdum ferocius loquuntur, & alias alios motus, intervallaque & accessiones habent: quemadmodum in febribus accidit, quæ circuitu moventur: atque in his nonnunquam hoc humore cerebrum repleti, nonnunquam illo, pro diversis ipsorum mutationibus, motibusque.

*Curatio melancholice, quæ a bilioso & acriore sanguine nascitur.*

Si igitur ex his quæ diximus indiciis, bilem sanguini in vasis admixtam esse suspiceris, ad ea, quæ hujusmodi humorem vacuant, statim veniendum est. Hoc autem probe facies, ac purgatio tibi commode succedet, si paucis ante diebus, homini, cibo temperato & humidioris nutritio, medicamentum ad bilem ducendam efficax porrigas. Sic enim humor etiam qui offendit, medicamento purganti facile cedit, ita ut vincatur potius quam illius vim evincat. Nam ut in crassioribus humoribus cibi, qui extenuant & calefa-

ciunt, utiliter adhibentur, ita etiam tales eisdem ad evacuationem magis idonei reddentur. Ubi vero eos, qui a bilioso sanguine infestantur, humido (ut diximus) & temperato victu alueris, medicamentum exhibeto. Sit autem hiera picra, quæ recipit liquorem scammoniae; verum hieræ picræ quidem scrupulos sex, scammoniae vero liquoris siliquas octo, aut paulo amplius minusve ponito. Quod si æger medicamentum solutum nolit assumere, fiant catapotia: sin hæc quoque per se invitus capiat, vino, aut ovis mollissimis excipiat, ita ut vitelli membrana leviter aperta, in medio illa conjiciantur, sic enim æger sine molestia & placide omnino ea accipiet. Cæterum si tali dato medicamento corpus non abunde satis vacuatum esse deprehendas, post paucos dies, & victum humectantem rursus adhibitum, balneo utitor, & quiete: ægrumque iterum purgato, aucto paulo magis medicamenti pondere; sic enim optime feceris, in quibus melancholia non ex sanguine in biliosam naturam converso, & plus satis excalescente, & toto fere nimis adusto provenerit. Qui enim calidioribus antidotis aut purgationibus in tali melancholia usi sunt, præsertim hiera, ægros magis furiosos atque insanos reddiderunt, dum sanguinem ad siccius & acrius converterent. Præstat igitur tales simplicioribus adhuc medicamentis, quæ corpus totum nequeant calefacere, repurgatos, humectanti cibo permittere. Novistis autem vos, me quoque plerisque ita laborantes, victu potius quam medicamentis usum perfanasse.

Verum esto cibus (ut summatim dicam) ptisana potissimum, quæ mane cum granis ipsis, aut circa horam secundam assumatur: in prandio, etiam pisces saxatiles, gallina cohortalis, atque



alia quæ volatu fidunt, præter palustres: item ex testacea cute præditis, pectines, astaci & erinacei: inter olera, lactuca & intybus, omni modo comesta, ad hæc malva; alia vero omnia vitentur, præsertim brassica, & agrestia olera. Ex fructibus pomaceis peponum & cucumerum medulia: similiter etiam inter uvas, dulces, & dura carne præditæ: ex malis, quæ non adstringunt. Ficus autem vitentur, aut modice assumantur: atque hæc sunt omnia: nam talia fere non posse obesse, usu probavimus. At ex placentis universis assumere quid, prorsus cavendum est: item quæ ex garo & caseo præparantur. Nam omnia quæ in hunc modum conficiuntur, biliosum humorem magis augent, & nimis exasfant. Vinum (si usus quoque postulaverit) Chrysatticum, ejusque modicum, propinabis. Hujus inopia, præferri debent, quæ nihil adstringens habent, ne ipsa ad caput vapores transmittant. Hujusmodi sane victus ipsis præscribatur. Etenim si quid ex particularibus desideretur, hoc quoque medicus intelligens, iis quæ dicta sunt, prudenter adjiciet: atque per se invenire poterit, num carnibus & balneis æger indigeat, aut augens, aut minuens quantitatem non nimis subito.

### *De Balneo.*

Dulcium balneorum usus, siquid aliud, ipsis opitulatur. Aliam namque partem bilis discutere, aliam humidorum qualitate contemperare, totum vero corpus aqua calida superfundere, caput tepida potius, & luteis ovorum abstergere, ac universum sane corpus hydrelæo, caput autem rosaceo ungere convenit. Aer quoque sit tempe-



ratus, pari modo calidæ labrum: atque ægri in eo immorentur diutius, ac in calidam descendere cogantur: omnino etiam, si æstas fuerit, in ea diutius infideant. A balneo non statim bibant vinum, sed aquam tepidam: atque ita ut antea prædiximus, cibum sumant: dormituris rursus tepida offeratur. Hoc sane victu eos, qui ex bilioso sanguine & calido admodum melancholia laborare incipiunt, nutrire convenit. Notandum vero est, veteres in capite talium melancholicorum, cucurbitulis & pulveribus acrioribus usos fuisse, cruentare ipsum cupientes: alios etiam hirudinibus: nos autem in omnibus huiusmodi talia fugiemus. Nam præterquam, quod nihil ipsos juvant, adhuc etiam magis intemperatos & sicciores reddunt. Tunc autem ista fieri debent, quando materia violenter ad cerebrum profecta & crassior impacta fuerit, ut aliis cedere medicamentis repugnet.

*De Melancholia, quæ a sanguine melancholico nascitur.*

Accidit igitur, nonnullos melancholia potissimum laborare, quum sanguis plus satis adustus, vapores immoderatus capiti transmittit, animalemque in eo spiritum permutat. Vapores autem a melancholico potius humore excitari inde nosces, quod æger tristitia præter rationem, mœrore & metu afficiatur, optetque mortem, & aversetur eos, qui maxime videntur esse amici: suspicionesque falsas habeat, quasi nonnulli velint eum interimere, aut gladio arrepto, aut medicamento exhibito. Novimus autem ejusmodi humorem etiam alias infinitas, peregrinas & multiplices imaginationes inducere posse, & quod

alii se vas fictile esse putent, alii corium, alii gallum etiam, ut vocem illius imitentur: quemadmodum alii lusciniam se esse credant, & plorant, quod Ityn perdiderint: alii vero quod cælum gestent tanquam Atlas, ac metuere dicant, ne collabatur, & non solum illum, sed etiam omnes simul conterat. Ego mulierem, vidē quæ ea imaginatione vexabatur, ut medium manus suæ digitum constringeret, tanquam in ipso totum gestaret orbem. Plorabat autem illa quoque, verita ne quando digitum suum inflecteret, & totus orbis corrueret, & omnia statim interirent. Jam alios plerosque vidimus, quorum superfluum est, forte etiam supra vires nostras, omnium velle meminisse: verum hæc apposuisse sufficiet, quæ iis potius, qui a melancholico humore originem morbi trahere inceperunt, solent evenire. Quapropter, si morbus ex tristitia aut sollicitudine quadam præcedente, aut alio animi affectu cœperit, considerare tunc oportet imaginationis speciem, aut rationem, aut aliud quiddam eorum quæ subitam mutationem efficere possunt. Plurimi namque sic curati sunt quodammodo, vel quum vidissent, audivissentque ea quæ consequi desiderabant. Ita ergo PHILODOTUS medicus quemdam qui sibi caput amputatum esse, quod tyrannus factus fuisset, putabat, casumque deplorabat, curavit imposito repente capiti ipsius plumbeo pileo, ut gravitatem sentiens, caput se recepisse rursus putarit, gavisusque sit plurimum, atque ideo vana imaginatione liberatus. Jam mulierem quidam curavit melancholia laborantem, hoc pacto: quum putaret illa serpentem se devorasse, vomitum medicamento citavit, atque in id quod rejectum fuit, parvam viperam per omnia imaginationi illius, & descriptæ a vana imaginatione fe-



ræ similem imposuit. Quare hujus quoque affectum, quia ob tristitiam ejus quod putaret, evenit, gaudium nimirum subito accedens dissolvit. Ad hæc aliam quandam, ex longa viri peregrinatione, melancholia correptam, & iracunde omnibus respondentem vidi: sed & ipsa eodem modo sanata fuit, nam maritus illius peregre reversus, nulli prædicens, neque aliquamdiu differens, sed subito ingressus, se ipsum illi ostendit. Præter spem igitur ipsum mulier conspiciens, atque ita amplexa, multoque gaudio affecta, subito omni metu liberata est, rursusque ad statum naturalem rediit, ut nulla alia indigeret curatione. Sic igitur, nisi affectus longo alio tempore infestaverit, tales imaginationes curare oportet, omni modo omnique artificio utentem, præsertim ubi malum a manifesta quadam & veluti primaria causa occasionem habuerit.

*De melancholiis jam inveteratis.*

Si morbus inveteraverit, & imaginatio in habitum abierit, nihil adeo magnum, aut ratio, aut aliud quoddam artificium efficere, & ægrum juvare poterit. Necesse autem tunc est & mentem arti adhibere, & considerare, num a sanguinis missione, an a purgatione, vel etiam ab utroque simul incipiendum sit: & si quidem utriusque opus fuerit, sanguinis detractione prius utendum est. Post sanguinis vacuationem, ægri vires cibo boni succi & temperato, balneisque dulcis aquæ recreandæ: deinde sic recollectis ægri viribus, ad humorum noxiorum vacuationem veniendum. Paretur autem his purgatio ex epithymo, & modico fero lactis. Epithymi quidem sint scrupuli duodecim: feri lactis autem cochleare, quod



si tempus ferum lactis non habeat, ex mulsa dentur. Paucis diebus interpositis, offerro rursus epithymum, adjiciens ei picram: sint autem epithymi scrupuli sex, & hieræ picræ totidem.

At si etiam post hanc purgationem insanix & melancholix symptomata adhuc perseverent, nihiloque minus ægrum infestent, a novem, aut longissimum decem diebus, ad valentius purgantia transito, præcipue hieram picram GALENI, hæc enim utraque obtinet: varios expurgat humores, citra molestiam & turbationem. Purgatione autem facta, inspicienda rursus ægri mens est: & si quidem melius habere videatur, (cognosces autem hoc nimirum inde quod metus & tristitia intempestiva jam cessarint, & moderatiores mansuetioresque potius evaserint) audacter rursus eadem purgatione utitor: iisdem namque insistentes, curationem quoque ita recte peragemus. Quod si hiera data, melancholix imaginationes nihilominus infestare videantur: tunc sine ulla cunctatione lapidem Armeniacum dare festinato. Novi enim ex veteribus antiquiores ad veratrum album properasse, ubi affectum ab aliis purgationibus nihil pene imminui conspicerent: verum ego lapidem Armeniacum veratro albo præfero: atque licet utentem ipso, experientia cognoscere quomodo, præterquam quod efficaciter, etiam sine molestia & periculo purget: quorum nihil veratrum album habere novimus.

*Quomodo lapis Armeniacus exhibeatur.*

Si igitur res postulat, non modo infra per alvum, sed etiam per vomitus purgationem fieri, lapidem illorum exhibere convenit: sit autem modus ipsius, scrupuli tres aut quatuor, aut pau-

lo amplius minusve, pro virium simul & copiarum humoris noxii ratione. At si æger purgatione per vomitum non admodum indigere videatur, sed per imum ventrem totum vitiosum humorem exire conducat, tunc lapidem eluere oportet, usque ad duodenas vices. Ubi enim sic fecerimus, neque turbationem stomachi aut compressionem lapidis excitare potest, sed etiam minori cum molestia nigrum terrestremque humorem vacuabit, ut paucis præteritis diebus, adjumentum ex eo nobis accessisse percipiamus. Dato autem ex hoc scrupulos quinque, aut sex ut plurimum, ex aqua tepida, semper ex cognitis dictis conjectura deprehendens, an plus minusve exhibere debeas. Quod si ægrum etiam bis adhuc requirere suspiceris, cum fiducia rursus exhibeto. Neque enim calorem habet aut siccantem admodum, aut aliam quampiam ipsi insidentem amaram & venenosam qualitatem, ut æger ideo medicamentum bibere detrectet. Sin autem nonnulli humidum aliquod medicamentum sumere averfentur, (multi enim in totum non sustinent solutum medicamentum assumere), in catapotia lapidem redigere oportet. Si vero libet, etiam hieræ picræ aliquam insignem partem adnisceto, aut etiam ex aliis quibusdam, quæ purgationem magis promoveant, & non renitantur. Ne autem is, qui parare velit horum confectionem, inquirendo laboret, visum mihi est ea de causa etiam horum compositionis meminisse: habetur autem in hunc modum.

*Descriptio catapotiorum ex lapide Armeniaco.*

Hieræ picræ semuncia: epithymi semuncia: agarici scrupuli quatuor: lapidis Armeniaci scrupuli quatuor: scammonii uncia: caryophyllorum grana



viginti. Contusa excipiantur rhodomelo, aut succo citrii, aut rhodomelite: dentur scrupuli duo, ubi, plurimum quatuor. Notandum vero est, hæc, præterquam quod stomachum corroborant, simul etiam varios humores, præsertim terrestrem & melancholicum, citra molestiam purgare posse. Idem igitur lapis (ut diximus) & potus, & in catapotia redactus, ad purgandum est efficax. Nec amplius quærendum est, num suffocatio quædam aut syncope subsequutura sit, quemadmodum id ex albo veratro fieri contingit. Neque necesse est nos antea ægros præparare medicamentis, quæ metu suffocationum assumere consueverunt: quorum amplius nunc meminisse opus non est: illa vero admonendi gratia scripsimus, quæ etiam nunc facere solemus in consuetis magna parte purgationibus, ubi illæ plus minusve moveri videantur. Si igitur minus quam par est purgaverint, mulsam dare convenit, & tempore interposito hoc victu nutrire; aut cremore ptisanæ, aut pane, aut columbæ jure, aut gallinacei, quod non multum olei adjectum habeat.

Sin autem purgationem copiosiore fieri contingat, ut etiam convulsiones superveniant (multis enim hoc accidit). & si non animadversione dignum quid evacuatum fuerit, quod ægri nervos habeant natura sicciores imbecillioresque, aquam liberaliter superfundito, multoque utitor hydrelæo, ac panem ex vino diluto, aut omphacemelite, aut aqua frigida porrigito. Sin autem aquam frigidam bibere cupiat, adhuc magis ipsos juvabit. Utile est etiam malum Punicum, mala & pira ante cibum, & gallinarum ventres.

Ubi vero nutrieris, quies & somnus ægro indici debent: postquam vires receperit, ad balneum ipse ducendus, quod aerem habeat tempe-



ratum: concedendumque, ut non modo in calidæ folio, sed etiam frigidæ labro diutius immoretur. At vestimentis indutum rursus ipsam nutries pane ex vino aut omphacomelite, *quod ex uvis semiacerbis, & melle despumato paratur*, reverso autem domum permittendum ut conquiescat, & omnino obdormiscat, quippe hoc semper omnibus purgatis evenire consuevit: præsertim autem iis, qui largius vacuati fuerint, ut tum suavius, tum altius obdormire cupiant.

A somno vires ipsorum recreare oportet, & permittere, ut cum amicis familiaribus colloquantur. Atque ubi ipsos consentanea respondere deprehendis, ratiocinationesque firmas habere, & barbaricum morem deposuisse, adhuc etiam magis copiosum alimentum porrigito, perdices, gallinas, phasianos, qui non sint pingues, & passeret similiter. Vitentur autem omnia esculenta, quæ in paludibus proveniunt: ex piscibus, cetacei, prætrequam saxatiles. Postquam vero cibo boni succi usi fuerint, & veluti bonum fundamentum jecerint, ita rursus secundum tres aut quatuor dies olera deinceps assumant, intybum, lactucam, malvam, & palustres asparagos moderate.

Abstineant autem brassica, & omnibus, quæ melancholicum humorem pariunt: ut eruca, sinapi, allio. Ex carnibus bubula potissimum, & cervina, ac omnibus summatim ferinis: item panibus sordidis, garo, & vinis vetustis, austerisque. Sic jam ægrum victu, & balneorum usu vires recreare, loca mutare, intimis conversari amicis, ac facere quæ etiam prius ipsi grata erant, & spectaculis interesse permittito. Ita enim ex purgatione, victu boni succi & benigno, aliaque animi oblectatione, toto corporis habitu corroborato,

borato, mutatoque, furiosum & amarum morbum exuere poterit.

Quod si reliquæ quædam ipsis supersint, & æger non admodum puram habere mentem appareat, rursus expectata bona aeris temperie, auxilia debet repetere, initium a primis faciens, a quibus etiam antea incipiendum diximus. Atque hæc paulatim facito, confidens quod etiam si affectus difficilis & prope insanabilis existat, iisdem ipsis insistendo perite, & ut rationi consentaneum est, omni tamen ægrum morbo amaro molestoque liberabis.



---

# ALEXANDRI TRALLIANI

DE ARTE MEDICA

*LIBER SECUNDUS.*

JOHAN. GUINTERIO ANDERNACO  
INTERPRETE.

---

## CAPUT PRIMUM

### *DE CURATIONE OCULORUM.*

**E**TSI jam in aliis quibusdam libris oculorum vitia persequutus sim, quomodoque illa cognosci debeant, & quæ eorum sint causæ atque curationes, item diversa ipsorum collyria, ususque horum modum & confectionem: hic tamen similiter eadem quoque summatim & breviter perstringere, operæ pretium mihi visum est, ut ne, qui in hunc de medendi ratione librum incidrint, aliunde, quæ oculis conducunt, colligere cogantur.

Ut igitur in aliis multis, ita in oculorum quoque vitiis primum docere convenit, quomodo universa internosci, debeant, deinde curationem subungere. Quare nunc à dolore, qui oculis accidit, exordiemur, nihil enim adeo excruciat urgetque artem ad curationem, ut vehemens dolor.



oculos affligens. Si igitur vehementiores acioresque dolores oculos comprehendant quam ut æger ferre queat, ne collyriis ad torporem inducendum efficacibus, ut plerique, confidas. Multi namque opium quoque instillare ausi, præterquam quod nihil prorsus dolorem mitigarint, etiam valde adhuc offenderunt. Quapropter causam efficientem inspicere oportet, & eam considerando, ita quoque curationis speciem definire, non enim una est causa efficiens, sed multe ac variae.

Sola materię copia influens dolorem potest excitare, nec non qualitas: subinde vero etiam utrumque, & qualitas simul & quantitas. Videndum porro est, unde id quod influxit procedat, num ex toto corpore, an ex solo capite: item, utrum per arterias an a venis, vel utrisque profluat. Adhæc, quale utique sit quod induit: vel enim sanguis potius, vel bilis, vel pituita, vel humor melancholicus, vel spiritus flatulentus est, quod influxerit: præterea humor noxius unusne sit an duo commixti. Fieri enim potest, ut unius tantum influxus inflammationem doloremque vehementem, & duorum simul etiam compositum tumorem excitarint. Quoniam igitur differentes sunt causæ, artificem ad singulas se accommodare oportet: præcedat autem internotio, quæ ad rectam curationem deducit.

*Quomodo sanguineus humor inflammationem  
excitasse noscatur.*

Sanguineum itaque humorem influxisse, ac inflammationem concitasse, ex specie ac forma ipsius tibi constabit. Omnia namque rubra & sanguinea sunt, facies rubens & tumidior, venæ

latiores, gravitatis sensus, pigritia ad consuetas actiones. Quod si præter hæc neque lacryma rodens & acris appareat, adhuc etiam magis sanguinem influxus causam esse, & inflammationem peperisse putato.

*Curatio.*

Si igitur sanguis causa tibi inflammationis effectrix esse apparuerit, venam secare humeralem oportet. Sin biliosi & acres humores cum sanguine, etiam purgationem paulo post sanguinem dimissum adhibeto, ac medicamentis utitor, intus quidem iis quæ non rodunt, & lenissimis: extrinsecus autem illis, quæ concoquere inflammationes possunt, quorum etiam compositiones vobis exponemus.

*De remediis quæ extrinsecus imponuntur.*

Lac muliebre cum vitellis ovorum & rosaceo superimpositum, mirifice lenit, inflammationesque oculorum admodum ferentes concoquit. Similia præstant etiam violæ folia. Ad maximas autem inflammationes tumidioresque bene facit & crocus cum mica panis, luteisque ovorum, ac rosaceo. Idem faciunt etiam palmulæ, præterquam quod fluxionis cursum sistunt, cum meliloto, croco, glaucio, ovorum luteis septem fervefactis, & oleo rosaceo.

*Ad vehementes dolores, & maximas epiphoras.*

Rosarum recentium drachmæ quatuor, croci drachma: excipiantur meliloti in vino dulci decocti jure.

*De Collyriis.*

Cataplasmatibus igitur in inflammatis extrinsecus utendum est, quæ vero illini & instillari debeant, hæc sunt: verum scire prius oportet ea quæ inflammationem experiuntur, mitigatoriis, lenioribusque & non reprimentibus collyriis demulcenda esse: deinde etiam quæ reprimere possunt, sic adhibenda ut primum quidem admisceamus ea teneris ac mollibus, postea vero concoctione facta, etiam sinceris. Quum enim fervor inflammationis & multa asperitas finierit, ægri citra molestiam quoque adstringentia ferre possunt.

*Collyrium mitigatorium Trypheron, ad eos qui collyriorum rosionem ferre nequeunt, præsertim ad affectus recentes.*

Cadmia combusta, ex lacte muliebri relictæ, (mihi autem melius visum est, prius lotam comburere, atque sic lacte extinguere) cerussæ lotæ, singulorum drachmæ sedecim, croci dr. tres, opii dr. tragacanthi dr. duæ. Aqua pluviali excipito: usus est ex ovo. Facit etiam ad pustulas oculorum, quæ Græce *καύματα* dicuntur.

*Aliud, & ipsum longe lenissimum.*

Cadmia dr. quinque, cerussæ dr. quatuor, pompholygos dr. duæ, opii dr. tragacanthi dr. tres. Aqua pluvialis ad excipienda adjicitur. Hoc inflammationes admodum ardentes & dolorificas



citra rofionem mitigare plurimis constat experimentis.

*Aliud egregium, quod brevi paratur.*

Cadmiae combustae & asinino lacte extinctae unc. quatuor, cerussae unc. duodecim, terrae Samiae (quae αἰς Græcis dicitur) tragacanthi, man. dragoræ, amyli hordeacei, lactucæ caulium succi, gummi, singulorum dr. duæ: opii dr. tres, ovorum duodecim albumina.

*Aliud collyrium quod spongarium dicitur; ad maximos oculorum cruciatus, (celeriter enim mitigat) in hunc modum habetur.*

Amyli, cerussae, singulorum dr. quatuor, opii obolus, gummi dr. duæ; aqua pluvialis adjicitur: usus ex lacte est.

*De Collyriis reprimentibus, quæ etiam monohemera dicuntur.*

Reprimentium collyriorum, & quæ ab uno die monohemera dicuntur Græcis, duplex quædam differentia existit. Majora igitur ipsorum vim habent discutiendi & reprimendi moderatam, ut ipsa etiam ad incipientes lippitudines citra rofionem accommodari, tum instillando tum inungendo, possint. Quare etiam imbecillioribus, & cæsiis oculis potius, mollique carne præditis, & mulierum faciebus inscribuntur, cujusmodi sunt quæ ex lycio, croco & glaucio temperantur. Præter has igitur compositiones medicamenta vobis, quæ valentiorum adstringendi vim

habent, explicabo, ut etiam in diuturnioribus ac inveteratis uti liceat. At in validiore lippitudine & vehementiore, talia sunt idonea, quæ ex vino parantur, quibus germina quoque olivarum cum reliquis odoramentis, quæ calefacere & siccare possunt, injeci. Quum igitur talis sit collyriorum differentia, de iis quæ mediocriter reprimunt, & ad incipientes lippitudines conveniunt, prius agamus: deinde sic, quæ plus adstringunt, & efficacius repellunt, persequamur.

*Collyrium reprimens mediocriter, monohemerum.*

Hoc, & *Medicum*, & *a dolore mitigando* ἐντεσθόνον appellant. Repellit igitur per initia, si inungatur, & instilletur ex ovorum albumine, frequenter etiam quum lavamus: adhæc prodest ad epiphoras, acres fluxiones, & cicatrices veteres diruptas. Repurgat enim, & cicatrices etiam tenues abluit, ut mireris. Ego utor hoc & pulvere & collyrio cum ovo: sarcocollæ, glaucii, croci, singulorum dr. tragacanthi dr. cui aqua pluvialis adjicitur.

ALIUD. Glaucii dr. octo, sarcocollæ dr. quatuor, croci dr. duæ, tragacanthi dr. opii dr. semis: aqua pluviali excipiantur.

*Aliud ad eadem præstantissimum, & usu probatum.*

Rosarum tenerarum dr. quindecim, croci dr. octodecim, tragacanthi dr. septem, opii dolum non experti dr. duæ, spicæ nardi dr. duæ, gummi dr. septem: aqua pluviali excipiantur. Ex iisdem

illitum collyrium Nili, quod diarrhodon inscribitur, ad ardorem facit.

*Aliud Musarium dictum, ex domo Hieratica.*

Hec quoque collyrium est præstantissimum, quod eandem ut prædicta vim obtinet, nisi quod fluxionum cursibus repellendis efficacius, quam illa existat; habetur autem in hunc modum: amyli dr. quindecim, glaucii dr. octo, sarcocollæ dr. quatuor, croci dr. duæ, myrrhæ dr. gummi dr. duæ; ex aqua pluviali utitur.

*Aliud, Polydenci cognomento, quod nos sæpe sumus experti.*

Rosarum viridium succi quod sufficit: croci dr. sarcocollæ dr. duæ, glaucii dr. quatuor, gummi dr. opii dr. quatuor, tragacanthi dr. Gummi contundito primum, adjecta tragacanthæ dr.; glaucium, sarcocolla, opium, lævigata rosarum succo excipiantur.

*Aliud collyrium quod Medicum vocatur, admodum strenue repellens, statim per initia inunctum.*

Glaucii drachmæ octo, sarcocollæ dr. quatuor, croci dr. duæ, tragacanthi dr. opii dr. semis; aqua pluvialis adjicitur. Ego hoc abunde sum expertus, ut etiam si cum alio quodam mitigatorio instilletur.



*Aliud siccum collyrium, quod διὰ νεότητος dicitur,  
ad incipientes lippitudines.*

Glaucii, sarcocollæ, croci, aloes, singulorum dr.: hoc etiam ut præservante uti oportet, quippe repellit omnem oculi turbationem subunctum. His igitur prædictis in eum modum utendum est, reprimunt enim omnem turbationem, si per initia sublinantur, & non diu inhæreant, nam diuturnior ipsorum usus asperitates in palpebris excitat, atque in affectum pertrahit.

*De Collyriis quæ alio modo monohemera appellantur.*

Deinceps autem dicamus etiam de collyriis, quæ alia ratione monohemera nuncupantur: quorum vis est valentior, magisque potest reprimere & adstringere, quare etiam in iis fluxionibus, quæ citra exulcerationem sunt & inflammationibus, iis uti oportet: quorum descriptio in hunc modum se habet.

*Primarium monohemerum, quod a vino  
διὰ οἴνου vocatur.*

Æris combusti dr. vigintiquatuor, cadmiæ dr. sedecim, lacrymæ papaveris dr. octo, croci dr. octo, myrrhæ dr. octo, gummi dr. quadraginta. Vino Mendefio excipiantur.

*Aliud gilvum, quo utor, Corycium dictum.*

Cadimæ dr. viginti, æris combusti dr. sedecim, opii dr. octo, croci dr. octo, acaciæ dr. vigintiquatuor, gummi totidem.

*Aliud ad eadem efficax, cognomento Theophilion.*

Habetur hoc pacto: Cadmiæ drach. sedecim, croci dr. sex, myrrhæ dr. quatuor, nardi Indicæ dr. quatuor, acaciæ dr. octodecim, gummi dr. vigintiquatuor, æris combusti dr. sedecim, opii dr. tres.

*Aliud, quod xerocollyrium vocatur, reprimens.*

Hac mixtura constat: cadmiæ, acaciæ, gummi, singulorum dr. sedecim, æris combusti, lacrymæ papaveris, myrrhæ, singulorum dr. quatuor; aqua pluvialis adjicitur.

*Aliud collyrium reprimens, admodum generosum, monohemerum.*

Stibii eloti dr. octo, cadmiæ dr. octo, æris combusti & eloti drach. quatuor, aloes dr. tres, myrrhæ dr. quinque, acaciæ rufæ dr. duodecim, opii dr. Utitor cum fiducia ad fluxionum impetus, postquam toti corpori prospectum fuerit.

*Collyrium quod magnus Hermolaus dicitur.*

Æris combusti dr. octo, cadmiæ totidem, spicæ nardi sesquidr. croci dr. quatuor, myrrhæ dr. quatuor, aloes dr. octo, lycii Indici dr. duæ, acaciæ, gummi, singulorum dr. viginti, opii dr.

quatuor; aqua pluvialis adjicitur. Mirabiliter repellit & extenuat inflammationes.

*Aliud collyrium Hermolaus, quod ab oleo δι' ἐλαίου dicitur.*

Cadmiae drachmæ sex, æris combusti drachmæ sex, myrrhæ drachma semis, aloes sesquidrachma, opii drachma semis, croci drachma, gummi, acaciæ, singulorum drachma una & semis, olei veteris ad excipiendum ea, drachmæ quatuor; aqua pluvialis adjiciatur.

*Collyrium Nicarium cognomento.*

Valde opitulatur omni fluxioni, & chemosi, puncturisque, & membranarum excrecentiis, item crassæ pituitæ (\*) angulis oculorum inhaerenti, staphylomatis, myocephalis, crustis, & omni affectui benefacere compertum est. At vitiatem medicaminum ne contemnas. Æris combusti drachmæ sedecim, cadmiæ drachmæ viginti, gummi drachmæ triginta duæ, medicamenti quid drachmæ triginta sex; aqua pluvialis additur. Est autem medicamenti confectio hæc; succi centaurei drachmæ duæ, sapæ Creticæ pars una: coquito sarmentitiis lignis in olla recenti, donec sordium crassitiem habuerint: & ex ovo instillato illis, qui quod adstringit non ferunt. Alias ex aqua benefacit: per initia autem ipso aquato uti oportet.

*Aliud quod pilarium vocatur.*

Cadmiae combustæ, æris usti & eloti, singulorum drachma duæ: opii, acaciæ rusæ, singulo-

(\*) Seu lippitudini.



rum drachmæ tres, cerussæ drachmæ sex, myrrhæ drachmæ tres, amyli, tragacanthæ, gummi, singulorum drachmæ duodecim: pluvialis aqua additur. Egregie admodum repellit ac mitigat pinguior ejus unctio. Quum jam explicaverimus, qui sanguinis missionem requirant, & de convenientibus ipsis (si usus postulet) collyriis, perscribamus etiam, qui ex ipsis purgationem desiderent.

## C A P U T II.

### *SI DOLOR EX BILIOSO ET ACRI HUMORE NASCITUR.*

**A**N igitur dolor aliquis ex bilioso & acri humore provenerit, clarum tibi ex multis evadet. Primum sane inde, quod totum corpus plethoricum non apparet, sed potius vitioso etiam humore præditum; ad hæc, quod non solum anguli, sed etiam malæ vehementer ex influxu rodantur, ægrique videantur uri, exsiliantque, rofionem non tolerantes. Quum igitur morbum ex his atque illis, quæ præcesserunt internoveris (nam tristitia plurimum, curæ, insolatus, ira, & acrium efus præcesserunt) cum fiducia curationem aggredere: licebit enim celerrime vel sine collyriis affectui mederi.

**CURATIO.** Si igitur biliosa humorum pravitas in toto corpore superare videatur, iis quæ totum corpus purgant liberantque recrementis utitor. Sin autem recrementa acria non in toto redundant corpore, sed qualitate potius quam quantitate peccare videantur, solis balneis dulcis aquæ, & temperatis, ægrum citra dolorem libe-

rabis. Quod si etiam obediens æger fuerit, cibo quoque lenissimo mitissimoque & crasso utatur: ut orpho, & aliis durioribus piscibus, glauco, buccinis, aut ificio ex ipsis parato, aut bulbio, aut sturnio: ex oleribus, intybo, aut malva: inter fructus pomaceos, malis, peponibus, uva dulci. Ficus autem lippitudine laborantibus assumere neutiquam consulo: habent enim quidpiam, quod oculos irriter commoveatque. At citriorum carnem sine cortice ante cibum potius assument: aquam tepidam magis quam vinum bibant, sin autem hanc bibere nolint, Chrysatticum ipsis dato, aut dulce Bithynum, ac alia, quæ humores crassiores efficiunt, obtunduntque. At si ægri inobedientes victus rationem non observent, (quemodmodum plerique sunt, præsertim barbari) tum collyriis uti necesse est, atque ex eorum numero quæ non rodant, sed acrimoniam queant obtundere: ex quibus primum est quod ex pompholyge paratur. Descriptio ejus in hunc modum se habet.

*Collyrium ad acres fluxiones efficax.*

Pompholygos lotæ, piperis, cerussæ lotæ, plumbi cremati & eloti, amyli, singulorum drachmæ viginti quinque, gummi albi drachmæ quadraginta; aqua pluviali excipiantur. Horum quodque post combustionem eluere oportet, donec aquæ mixtum non amplius nebulosum inde ascendant: deinde siccata etiam pondere appenso miscere: lævigatis simul diebus plusculis, amyllum & gummi ad excipiendum illa, adjicere convenit; nam si cum aliis amyllum quoque superinjiciatur, facile acefcit. Hoc collyrium laudatissimum est, cum aliis multis de causis, tum maxime quod



nihil topori faciendo efficax habeat admixtum: quemadmodum sunt alia multa, quæ ex opio & mandragoræ succo, & similibus torporem inducentibus, partem recipiunt, quorum copiosior usus noxius existit. Licet autem, si usus requirat, nonnihil ex repellentibus sæpe admiscere, aut ex mitigantibus, quantum quis affectui infestanti convenire putaverit. Alias enim aliter idonea mensura invenitur.

---

## CAPUT III.

*SI OBSTRUCTIO SOLA OCULOS EXERCEAT.*

**S**i inflammatio ex sanguinis crassioris magisque pituitosi obstructione citra corporis repletionem facta sit, sanguinis missio aut purgatio adhiberi non debet: sed potius vinum aliquod ex iis, quæ in corpus facile distribuuntur, ipsis propinari. Etenim potest hoc & sanguinem dissipare, humoremque impactum dissolvere, & partis imbecillitatem corroborare, ut non amplius humores recipiat. Satius autem est in hujusmodi affectibus, ubi in toto corpore copia non est, (ut diximus) ægrôtantem temperato prius balneo lavare, meatus excalfacere, & laxare, atque tunc vinum exhibere. Ita enim potio facile in totum corpus partesque superiores distribuetur, ut nonnihil eorum, quæ obstructionem pepererint, non modo calore ipsius, sed etiam motus celeritate extenuet & expellat: simulque etiam particularum (ut diximus) imbecillitatem confirmet, ut ipsæ quoque partem aliquam illorum, quæ insident, extrudere possint. Hæc igitur internoscendi ratio



est, ad quam observandam optimus medicus requiritur. At si vini potione uti metuat, fomentum potius ex calida, quum sit tutissimum, & præterea internotioni conferat, admoveatur. Quum enim, ubi foves partem, nihil influit, constat totum corpus recrementis esse vacuum, ac fomentis insistendum est: nam affectum in totum discuties.

Sin autem humor influit, & dolor paulum remissus iterum intendatur, vacuatione indiget, nempe sanguinis missione, aut purgatione: ubi corpus quidem magis est plethoricum, sanguinis missione: ubi autem vitiosis humoribus & recrementis scatet, purgatione. His etiam aquosam mulsam instillare convenit: atque tunc multo magis, quum crassiores pituitæ enascentes oculum premunt. Nihil enim adeo extenuat, crassamque pituitam nasci prohibet, ut mulsæ, & ea collyria, quæ vim discutiendi & inflammationes concoquendi obtinent.

## CAPUT IV.

## DE DENSITATE.

**Q**UOD si etiam densitas quædam in meatibus extiterit, hanc quoque mulsæ potest dilatare, & meatus aperire, ut æger mirifice & subito dolore liberetur, eo quod insidet (sive humor, sive spiritus sit) dissipato. At spiritum esse, qui distendat meatus, faciatque dolorem, hoc indicat, quod neque inflammatione, neque rosione urgente oculi intolerabiliter doleant, distendantur & rumpi videantur. Ego sane quemdam ita affectum mulsæ curavi, quum nullum ex iis quæ miti-

gant, doloremque leniunt, sopire cruciatum posset, sed etiam maiorem quam antea fuerit, excitaret.

Quum igitur exposuerimus, quinam sanguinis missione indigeant, qui vero purgatione, item qui utrisque, superest ut deinceps etiam de balneis, fomento, vini potione, item de ulceribus, tum quæ cum inflammatione affligunt, tum quæ cum ruptura & erosione, necnon myocephala, & staphylomata experiuntur, & (ut dicam breviter) de omnibus quæ inveteratos habent affectus, de cicatricibus, albuginibus, pterygiis, sycofi, & suffusionibus incipientibus, agamus.

## C A P U T V.

### DE EXULCERATIONE ET INFLAMMATIONE.

**S**I igitur ulcus simul & inflammatio oculum exercent, clarum est curationem quoque mixtam desiderari per ea, quæ inflammationem mitigare possunt & concoquere. Talia autem sunt tum, quod *a thure* διὰ λιβανῆς Græcis dicitur, tum cygnus, tum quod ex amylo fit, tum quod cerussa & terra Samia, quæ aster dicitur, constat. Hæc omnia tum erosiones, tum ulcera, fluxione ex acri humore facta, persanant, habet se autem scriptura horum in hunc modum.

#### *Collyrium Cygnus.*

Lenissimum hoc est collyrium ad magnos oculorum dolores, & acres fluxionum impetus. Convenit autem iis, qui collyriorum rosionem ob cor



poris mollitiem & imbecillitatem non ferunt. Cadmiæ drachmæ sedecim, cerussæ elotæ drachmæ quadraginta, amyli, acaciæ, tragacanthæ, opii, singulorum drachmæ duæ: aqua pluvialis adjicitur, & ad excipiendum ea, ovorum triginta duo albumina.

*Collyrium Lybianum.*

Cadmiæ combustæ & elotæ drachmæ duæ, cerussæ totidem, amyli drachmæ duæ, cineris pompholygos drachmæ octo, terræ Samiæ (quæ alter dicitur) drachmæ octo, plumbi combusti & loti, tragacanthæ, singulorum drachmæ octo, gummi drachmæ tres: aqua lævigato, & excipiendis illis, ovorum viginti albumina adjicito: *in alio, opii drachmas duas.* Hoc collyrium longe est utilissimum: valet ad oculorum pustulas, ardores, rupturas, puris colluviem, chemoses, magnos dolores, multosque affectus, cicatrices exterit. In summa, multi est usus, facitque ad omnia prædicta, maxime ad inflammationes, quæ cum ulcere infestant. Similiter etiam id, quod διὰ χημῶν inscribitur, ad eadem facit, præsertim ad vehementes oculorum chemoses.

*Collyrium διὰ χημῶν, ad chemosin efficax.*

Cadmiæ, thuris, singulorum drachmæ viginti, cerussæ drachmæ quadraginta, opii drachmæ sex: aqua pluviali excipiuntur. Confert etiam glaucium ex aqua, si extrinsecus illinatur: sed non statim per initia chemoseos, verum a quinque aut sex diebus, ubi hujus concoctio facta fuerit. Atque id sum expertus.



*Collyrium Uranium.*

In quibus instuxus non adeo calidus est, bene hoc facit; item ad pustulas, rupturas, procidentias, staphylomata, puris colluviem, erosiones, nomas, & carbunculos. Terræ Samiæ torrefactæ uncia tres, pompholygos uncia, cadmiæ lotæ uncia, stibii uncia duæ, squamæ æris elotæ uncia quatuor, opii drachmæ sex, gummi uncia quatuor; aqua pluvialis adjicitur. At si cum ulcere inflammatio urgeat, & lacryma influens copiosa fuerit, misceto lenioribus paululum ex iis quæ repellere possunt: si autem acris fuerit, ea quæ arosis diarrhodon inscribuntur. Quod si non est admodum calida lacryma, etiam exiguum ex Hermolao collyrio; vel eo quod dicitur pilarion, vel ex illis quæ monohemera, aut acharista nuncupantur: quorum etiam mixturas vobis exposui: & siquid omissum fuerit, adscribemus. Jam mali Punici granum, si exprimatur in oculum, qui carbunculo afficitur, valde opitulatur. Qui id expertus erat, dicebat a divina se apparitione per insomnia edoctum esse.

*Quæ Cicatrices exterunt.*

Quæ ex smegmatis cicatrices exterere solent, hæc quoque callos abolere possunt, crassasque cicatrices. Sunt igitur multa, quæ id præstare queant. Anemonæ omnis succus cicatrices oculorum exterit. Similiter etiam centaurei minotis succus ex melle abstergit. In magis autem vetustis cedria quoque usi sunt. Hæc etiam scirrhas albugines, quæ Græci leucomata quoque appellant, largius extenuat. Nitrum ex oleo veteri

lævigatum diligenter, & illitum, probe facit:  
item sepiae testa combusta, & ex melle contrita.  
Inter collyria vero hoc quoque admodum probe  
& leniter abstergit, quod recipit mamyræ, suffi-  
minis ammoniaci, myrrhæ Troglodyticæ, feni  
crocodili terrestri; omnium æquales partes in  
collyrium redigito, & utitor tanquam experimen-  
tis probato.

*Collyrium diathece, ad ulcera mirabile.*

Confert etiam vetustis: præsertim autem ulce-  
ra maligna & albugines exterit atque extenuat.  
Quare etiam ad staphyloma valet, aliasque plu-  
rimas laude dignas vires obtinet; hæc autem re-  
cipit, cadmiæ combustæ & clotæ drachmas vigin-  
ti quinque, stibii drachmas quinque, spicæ nar-  
di drachmas tres, croci drachmas tres, castorei,  
squamæ æris, singulorum drachmas duas, æru-  
ginis drachmas quatuor, æris combusti drachmas  
tres, piperis, cerussæ, lycii, opii, thuris, opo-  
balsami, singulorum drachmas quatuor: lapidis  
schisti, casæ rusæ, singulorum drachmas duas,  
chalcanthi drachmas duas, myrrhæ drachmas  
duas, gummi drachmas viginti, succi fœniculi  
drachmam, fellis caprilli drachmas quatuor, vino  
Amynaeo lævigato & utitor.

*Collyrium Chionion.*

Cerussæ drachma una, salis ammoniaci drach-  
ma una, ammoniaci thymiamatis drachmæ tres,  
ossis sepiae drachma una semis: præstantissimum  
est remedium, & subinde usu probatum.

*Collyrium nardinum Zoili.*

Stibii cremati & eloti drachmæ octo, æris combusti drachmæ octo, cerussæ combustæ & elotæ drachmæ octo, spicæ nardi drachmæ tres, phylli drachmæ tres, croci drachmæ sex, opii drachmæ quatuor, myrrhæ drachmæ duæ, cadmiæ combustæ & elotæ drachmæ octo, lycii Indici drachmæ sedecim, myrrhæ drachmæ quatuor, acaciæ rufæ drachmæ viginti, castorei drachmæ sex, aloes totidem, gummi drachmæ viginti; aqua pluvialis adjicitur. Hoc collyrium ad affectus admodum veteres bene proficit Etenim ea, quæ ab ulceribus proveniunt, & albugines extenuat, & cursum fluxionis repellit. At in iis, qui rosionem ipsius non tolerant, miscere ei lenia quoque collyria oportet. Ita namque usus ipsius molestiæ expers, & tutior fiet.

*Collyrium hydares, hoc est aquosum, egregium.*

Facit ad oculos purulentos, sycofes, chemoseseque & fluxiones. Utendum eo dilutiore. Cadmiæ drachmæ sedecim, æris usti drachmæ novem, lapidis schisti, aloes, nardi Gallicæ, singulorum drachmæ octo. Haud novi an collyrium hoc sit præstantius ad oculos purulentos, chemosese, & fluxionum impetus, quæ epiphora dicitur. Oportet autem eo uti aquoso, etiam postquam finierit magna intemperies, & fluoris acrimonia: sin autem intemperies acrimoniaque fluxionis oculum infestet, lenibus collyriis paululum ex eo per initia admisceto, deinde amplius: & postremo per se ad affectus commemoratos cum fiducia utitor.



*Collyrium Heraclium.*

Confert ulceribus admodum cavis, & ubi carne obducta fuerint: tenues & obscuras cicatrices efficit, præterquam quod etiam ipsas tingere potest. Plumbi combusti & eloti drachmæ quatuor, croci drachma, gummi drachmæ duæ, spodii eloti drachmæ quatuor: squamæ stomomatis, piperis, singulorum drachma: aqua pluvialis additur.

*Dacneron, hoc est mordicans collyrium, ad visum acuendum.*

Hæc igitur commemorata, ad cicatrices & diuturnos affectus, quum sint detergentia, conveniunt. Deinceps autem eorum quoque similiter mentio facienda est quæ *ab acuendo visu* Oxydorcia Cræcis dicuntur, ad caliginosos oculos accommodata. Quoniam autem in proVectis etiam ætate visorii spiritus imbecillitatem emendat, & actiones reddit vegetiores, incipientesque oculorum suffusiones dissolvit, primario ei appellatio indita est cynopticon, *quasi caninum visum præstans*. Æris combusti drachmæ triginta duæ, piperis drachmæ sedecim, cadmiæ drachmæ octo: (*alias iuveni drachmas novem*), myrrhæ, croci, singulorum drachmæ quatuor, gummi drachmæ viginti quatuor, opii drachmæ quinque: aqua exceptis utitor.

*Hygrocollyrium ad hebetudinem oculorum, & alia multa efficax.*

Pompholygos elotæ cochlearia sex, opobalsami cochlearium, mellis cochlearia duo, vini non

gypſati, veteris & albi, quod ſatis eſt. Pompholyx probe admodum lævigata primum injici debet: mox opobalfamum miſceri, deinde mel, poſtremo omnium vinum. Poſt miſturam igitur uſque ad dies tres diligenter lævigato, atque ſic in vas vitreum conjicito: & quum uti voles, vas agitato, atque ſic ſpecillo ſublinito: ubi concoctio facta fuerit, oculos calida abluens.

*Aliud, ut poſſis etiam ſolem citra noxam intueri.*

Jaspin album, magnetem vivum, ſaphirum aurei coloris (\*), achaten, Hæmatiten, Chamæmelum, Hieraciadem, liquorem conyzæ tenuis: omnia hæc æquali pondere accepto, in collyrium tenue redigito, & ſubungito.

*Pulvis Severius cognomento, ad viſus acumen.*

Cadmia drachmæ tres, ſalis ammoniaci ſeſquidrachma, phylli drachmæ tres, piperis drachmæ ſex. In pulverem redacta ſublinito: facit etiam ad aridam lippitudinem, quam Græci xerophthalmiam appellant.

*Pulvis cui nomen eſt a lumine φῶς, ad hebetudinem oculorum, & dolores fluxionesque dentium efficax.*

Cadmia drachmæ octo, ſalis ammoniaci drachmæ quatuor, croci drachmæ duæ, piperis drachmæ tres, phylli, auripigmenti, ſingulorum drachma una & ſemis; valde bonum.

(\*) h. e. lapis lazuli.

*Aliud admodum idoneum ad scabiosos oculorum affectus, pruritus, hebetudines, palpebras asperas, fluxiones antiquas, oculorum cicatrices, & pterygia: quo utor.*

Cadmia, chalcitidis combustæ in pane, singulorum drachmæ quatuor, croci drachma, piperis drachmæ duæ, auripigmenti drachmæ quatuor, falis ammoniaci drachma. Lævigata subungito, medicamentum per membranam a cornu dictam cerato eidem applicans.

*Aliud ad hebetudines & incipientes oculorum suffusiones.*

Baccarum lauri excorticatarum drachmas viginti: lævigato ex urina pueri venerem non experti, cum gummi drachmis duabus; suffusos quidem, ex urina, alios autem ex aqua inungito.

*Aliud.*

Fel hyænæ cum melle & conyza illinito.

*Aliud.*

Fel perdicis cum melle & succo fœniculi illinito.

Admodum efficax etiam ad incipientes suffusiones collyrium Proteus existit: & quod Thallasseros dicitur, ad hebetudinem: & incipientes suffusiones; & callos exterit.

ALIUD. Fel aquilæ bene facit, per se & cum melle illitum. Scribendum est etiam prophetæ Hygrocollyrium.



## CAPUT VI.

## DE NYCTALOPE ALIISVE OCULI MALIS.

**A**D eos, qui vesperi non cernunt ( quos Græci nyctalopas appellant ), nitro ex aqua fluviali trito utitor.

ALIUD. Fel hirci ex melle illinito tollit vitium paucis diebus.

*Aliud ad idem.*

Jecoris hircini faniem, quæ dum affatur effluit, colligito, atque hac eos oblinito. Idem autem jecur comedendum dato, & vaporem ejus, dum affatur, oculis apertis excipere jubeto.

*Aliud ad trachoma.*

Collyrium quod palpebrarum excrescentias admodum probè extenuat: hæc autem recipit; cadmiæ drachmas sedecim, lapidis hæmatitis, lapidis schisti, singulorum drachmas quadraginta, æris combusti drachmas viginti, æruginis drachmas octo, opii drachmas quatuor, feminis papaveris drachmas sedecim, gummi drachmas triginta duas. Semen papaveris lævigabis, succumque exprimes, atque ex eo collyrium factum instillabis. Adverte autem, quomodo eo in trachomaticis collyriis utare. Si enim ulcus cum asperitudine palpebrarum esse contigerit, satis est ipsas potius inversas ita abstergere, aut mucrone specilli, aut ficulneis foliis. Nonnulli vero etiam sepiaæ testa, aut pelle asperiore utuntur: alii

rursus collyriis ex pumice sublinunt. Quum igitur subfederint palpebræ & extenuatæ fuerint, tunc demum etiam ulceribus prospicito, applicans aut Lybianum, aut Uranion, admixtis eis, si quid influit, etiam repellentibus: sin autem nihil urget, Theodotium. Hac enim methodo & ratione utentes, ulcera a fluxionibus conservabimus, & cito ad cicatrices reducentur.

*Pulvis ad incipientes suffusiones.*

Veratri albi drachma, piperis albi drachmæ quatuor, ammoniaci suffiminis drachma semisse, raphani succo lævigata finito refrigerari, & rursus tritis utitor, ut mira præstantibus.

*Ad tingendas albugines valde generosum.*

Chalcanthi drachmæ quatuor, spinæ Ægyptiæ, gallæ, singulorum drachmæ quatuor: aqua exceptis utitor.

*Collyrium quod magnum Theodotium vocatur, valens ad magnos dolores, & inveteratos affectus.*

Hoc collyrium cicatrices callosque exterit, item ad myocephala aliaque multa notatu digna, mirabiliter valet: cadmiæ, opii, chalcitidis, croci, aloes hepaticæ, castorei, phylli, thuris, singulorum drachmæ duæ, stibii drachmæ quinque, acaciæ totidem, æris combusti drachmæ quatuor, myrrhæ Troglodyticæ drachmæ quatuor, spicæ nardi drachma, cerussæ drachmæ octo, gummi drachmæ quadraginta quatuor. Aqua pluvialis additur, nonnulli autem vinum quoque adjiciunt.

*Collyrium hecatombe valet ad cicatrices crassas, & incipientes suffusiones, latas pupillas (quas platycorias vocant) item caligines, pterygia, & tenuis lacrymæ cursum extenuat, detergit; purgat, & repellit.*

Cadmia combustæ & elotæ, æris usti & elōti, singulorum drachmæ octo, stibii combusti drachmæ quindecim, acaciæ rufæ drachmæ quindecim, aloes drachmæ quatuor, castorei, lycii, spicæ nardi, croci, opii, myrrhæ cerussæ, ebeni scobis, chalcitidis, singulorum drachma: rosarum drachma semis, aqua pluvialis adjicitur. Hoc maximum est collyrium, & plura præstat quam promittit.

*Xerocollyrium faciens ad fycosin, putredines, & carnis excrescentias.*

Cadmia drachmæ quatuor, chalcitidis drachmæ octo, piperis grana quindecim, nardi Gallicæ drachma. Cadmiam & chalcitidem ex vino terito, siccatoque, & nardo tunc in fuliginem redactæ omnia misceto, ac utitor ut præstantissimo remedio.

*Hydrocollyrium efficax ad oculos purulentos: mirifice valet etiam ad sordida ulcera, & mycephala.*

Chalcanthi, croci, myrrhæ, singulorum uncia quatuor, mellis libra ex succo fenecionis parato. Ego autem ex vino Ascalonite novi me hoc temperasse.



*De Mulſa.*

De mulſa quoque mentionem facere duxi neceſſarium, ut ex qua magnos longo temporis uſu & experientia ſucceſſus ſim expertus. Nam ulcere fordida, & præſertim maligna, carbunculorumque naturam referentia, hac etiam ſola perſanaffe me ſcio: item eos qui pus jam in alto congregarant, & immodicè dolebant, necnon illos qui in ſiderationem (*quam Græci σφαιδον dicunt*) inciderant. Adhæc ubi viſcoſi humores, aut craſſiores conſtricti vel impacti hærent. Ignoro autem an quis medicamentum hoc præclarius, aut efficaciſ, aut blandius invenerit. Præcipue vero valet etiam in iis quibus multa pituita craſſior oculis innafcitur. Nam præterquam quod ipſam purgat, & ſine dolore eluit, non ſinit eam rurfus procreari. Præſtat hac uti quam ſpongia, & continue palpebram movere, ut quæ exaſperet, doloremque faciat. Novi enim lippitudines ex craſſiore pituita ortas, etiam nullum prorsus collyrium admilſiſſe: mulſam autem ſolam ipſis paratam fuiſſe, & collyrii uſum abunde ſatis expleviſſe.

Scire autem convenit mulſæ parandæ utendæque præſertim rationem ac modum, efficere ut etiam ipſa multo his plura præſtet. Non enim ipſa meraca & craſſa confici debet, ſed ita ut guſtu exiguum obſcurumque dulcedinis ſenſum linguæ præbeat, præcipue quando non ſolum exulceratio, ſed etiam inflammatio mixta appareat. At non expedit, ut ſolo ſpecillo uſus mulſam inſtilles, ſed multo adhuc ſatius, ſi etiam vitreo quodam & anguſtiori vaſe mulſa repleto, id perficiatur. Quanto enim quis ea copioſiore uſus fuerit, tanto magis opitulabitur. Quæcumque enim in tunicis conti-

nentur, siue crassior pituita, siue etiam recrementum acre, hæc manere intus nequeunt, sed projiciuntur, & a mulla absterguntur. Utendum ea confidenter ad quodcunque res postulat; neque enim adstrictionem habet, ut oculum denset & exasperet; neque frigiditatem, ut torporem inducat, ac materiam constringat, aut rupturam, aut erosionem, aut aliam quampiam duritiam, aut acrem qualitatem excitet.

Propter hæc etiam, si collyrio quis uti velit, confert hac primum oculos abluere, atque ita illa admoveere, quæ unicuique curationi congruunt. Nullus enim adhuc metus erit, ubi oculus recrementis ex mulla liberatus fuerit: & si res exigat, etiam alia multa experimenta & præclara prodita invenias. Verum ne longius sermo protrahatur, sufficiunt hæc quoque iis, qui vires intelligunt, ut inveniant alias quoque omnes, quæ ipsi adsunt facultates, non modo ad tales oculorum affectus, sed etiam ad alias totius corporis curationes.

*Ad staphylomata excellentissimum.*

Chalcitidis, croci, singulorum drachma, mellis drachmæ quinque, aquæ quod sufficit.

*Collyrium Maximiani*

Collyrii Cygni partes duæ: collyrii Hermolai magni & parvi singulæ partes: hæc tria accurate in pulverem redigito, & tenui in creta cribro aqua excipito, ac in collyrium redactis, in omni magno dolore non statim per morbi initia, sed ubi vehementior evaserit, & in statu sit, vigiliasque induxerit, utitor. Nam præter id quod dolorem finit, etiam somnum conciliat: valet etiam ad oculos



purulentos, quos *Græci hypopyos appellant*, myocephala, & stophylomata. Usus ejus est ex ovo, melius autem si oculis sublinatur quam si instilletur. Item sub palpebris utendum est, si quæ scabrities ipsos infestet: verum in myocephalis & purulentis, post inunctionem medicamenti, oculum deligare oportet, aut panniculo linteo in aquam frigidam intincto, aut spongiam admove, & ipsam aqua imbutam, quæ ambiens habeat linamentum, ne oculus adustionem experiatur.

---

## CAPUT VII.

## DE CARBUNCULIS QUI IN OCULIS EXCITANTUR.

**Q**UONIAM carbunculi & oculis & reliquo corpori accidunt, necesse est horum quoque curationem explicare, qua via & ratione administretur. Quippe quum ex sanguine nimium torrefacto trahant originem, merito dolores, siderationes, & magnas inflammationes oculis inferunt, ut periculum sit, ne etiam toti excidant. Interdum vero convulsiones quoque & deliria, propter cerebri, & membranarum ejus viciniam, pariunt. Quare evacuatio per sanguinis detractionem ante omnia in hujus modi adhibenda est, vena cubiti potius secta, quæ humeralis nominatur: vel, si fieri potest, ea quæ directe oculum respicit: per intervalla autem, & paulatim. Non alienum est etiam per alvum purgationem moliri, scammoniae lacrymata pro ægri viribus exhibentes; ita ut eam ex cremore ptisanæ ipse assumat. Novi enim quosdam ægros ne odorem quidem ipsius ferre; nam ad vomitum statim incitantur: quod in iis, qui lip-



pituidine laborant, longe pessimum est, dum tunice in eo sint periculo, ne ex distentione rumpantur.

At post has evacuationes, siquidem etiam totum corpus tibi acrioribus succis obnoxium esse appareat, lavare statim balneis temperatis, & dulcis aquæ, non abs re fuerit, & caput leniter admodum detergere, si opus sit, vitellis ovorum, cum ptisanæ cremore, & exigua sapa. Nam si oculos ipsorum vehementer moveas, fluxionem proritabis. Ne concedas autem, ut æger diu in calido aere morretur, neque caput frequenter in calidæ solium intingat; utraque enim oculis sunt noxia. Frigida sane, ut nostis, quum superficiem denset, & recrementa includat, plurium dolorum causa efficitur; calida vero quum rarefaciat, fluxiones admodum movere consuevit. Summa igitur & extrema in omnibus morbis, præsertim autem oculorum, fugere oportet. Similiter cave, ne caput oleo inungas; nam quum id meatus impleat obturetque, efficit ut ipsum non perspiret, idque fluxionis causam præbet. Subinde vero etiam quum oculos ingreditur, cruciatum excitat, acriter ipsos rodens.

At balneum egresso, jubeto ut tepidam aut ptisanam per se, aut cum aliquo eorum, quæ ipsam dulcem reddere queant, assumat: dico rhodomete, aut hydromeli, aut chrysattico, præsertim primis diebus, si æger stomachum quoque nimia humiditate debilitatum habeat, vel si etiam per se ipsum fumere abhorreat. Domum profectus æger, per initia quidem dierum cibum recrementi expertem edat, ut lactucas, quæ marulia & thridacinas appellant; item intyba, alias cruda, alias etiam decocta. Præter hæc etiam fructus quos *Græci oporras proprie, nos poma vocamus*, maturos & dulces

assumet. Nam adeo recentibus ex balneo , omnis ( ut summam dicam ) victus refrigerans & humectans convenit : ubi autem opportunum tibi visum fuerit , cibum deinceps mutato , datoque piscem molli carne præditum , & assum & elixum. Sit autem sturnus , psitta , buglossus , & si quid ejusmodi inter pisces idoneum inveneris. Procedente tempore , transeundum est ad gallinam cohortalem , priusquam ad ipsius pullos , ad pectus phasiani citra pinguedinem , anserum alas ; sic ut omnium ejusmodi decoctio sit recrementi expers , citra condimentum acre aut salsum.

At quum fluxionis tenuis cursus est , qui frequens alimentum desideret , admisceri debent quedam frumentacea gallinis , ut alica , aut chondrus , aut ptisana , aut fuminalis placenta , *que itrion dicitur* , aut similago , aut micæ panis , aut oryza : si hoc quoque requiritur , ut etiam venter impediatursistaturque.

Finitis tandem doloribus , fluxionis impetu , si ægrum etiam copiosiore cibo indigere intelligas , carnes suillas quoque , præsertim pedes , offerto : vinum autem tenue , bene album , odoratum , & aquosum ipsis exhiberi debet.

Ubi autem affectus declinare videtur , moderatione in cibo & potu observata , hæc sane cum in victu assumi debent ; auxiliis autem hisce utendum. In primis igitur cognoscendum , collyriorum usum tales quidem affectus per initia non ferre , quum plurimum ab eis offendantur : verum nulla aquosissima utendum est , aut succo fœnigræci res quarterve , aut etiam sæpius , si succi per decoctionem extracti jure exiguo adjecto indigeat. Extrinsecus autem cataplasma ex palmulis , croco , & mica panis inducetur.



Porro ubi immodicus ardor affligit, & crusta adest, ut etiam palpebras depascatur, plantaginem minorem, aut majorem, cum mica panis obducito; etenim refrigerat, & duritiem carbunculi emollit. Non minus etiam proficit perdicias, præsertim si membranæ rhagoeidis procidentia urget, totiusque oculi distentio, sideratio, & multus dolor. Herba autem imposita adliganda est: sic enim efficax est: quoniam etiam oculi peculiarem situm recipiunt, ubi & myocephala & staphylomata in eis nasci contingit; verum hoc raro evenit: nam carbunculo intereunte, totus simul oculus perit, tunicis totis diruptis, & humoribus effusis; quod in magnis carbunculis evenire solet. Sin autem hoc non comitetur, staphylomata vero aut myocephala (quemadmodum dictum est) gignantur, tum etiam collyriis ad talia inscriptis, & præsertim magno diarrhodo utendum est, cujus scripura hanc vobis apposui.

*Collyrium diarrhodon, magnum cognomento.*

Rosarum viridium, quibus unguis sit detractus, drachmæ duæ: cadmiæ combustæ & elotæ drachmæ quatuor: croci drachmæ sex: opii, stibii, singulorum drachmæ tres: æruginis drachmæ quatuor: squamæ æris drachmæ duæ: nardi Indicæ drachma: myrrhæ drachmæ tres: gummi drachmæ viginti quatuor; aqua pluvialis additur. Nos frequenter sumus experti: confert ad magnos dolores, pustulas, ardores, staphylomata, procidentias, oculos purulentos, item ad veteres & diuturnas fluxiones, contumacesque affectus.

*Collyrium*



*Collyrium quod ab ovis δι' ὠν Græcis dicitur, optulatur carbunculis, ulceribus, procidentibus oculis purulentis & fluxionibus.*

Spodii, croci, amyli, tragacanthæ, singulorum drachmæ octo. Excipito ovorum octo olbuminibus; hoc eodem die & uno illitu membranæ oculorum proficit.

*Collyrium diarrhodon aliud, oculis purulentis, staphylomatis, myocephalis, & lippitudinibus in sphacelum degenerantibus utile, in staphylomatis quidem ex lacte, in aliis autem ex ovo.*

Cadmia combustæ & elotæ drachmæ octo: æris usti drachmæ quatuor: rosarum siccarum drach. quatuor: opii Thebani drachmæ duæ: croci Siculi drachma: lapidis schisti drachmæ duæ: gummi drachmæ sex: vino marinæ aquæ experte aut palmulato excipiantur. Sufficiunt sane & hæc ad affectus commemoratos.

Sunt autem aliorum quoque collyriorum descriptiones, quæ ejusmodi præstare queant, præfertim collyrium Diathece, Theodotium, & quæ similiter componuntur. At ne etiam nos, dum hæc scribimus, omnia collyria in memoriam revocantes, sermonem producamus, ubi pauca de pterygiis & ægilopibus adjecerimus, orationem de oculis absolvemus.

### *Ad Pterygia & Sycofes.*

Chalcanthi, falis ammoniaci, gummi paria pondera, aceto lævigata in collyrium redigito, & utitor.

ALIUD. Lacrymam populi arboris, cum duplicato melle illinito.

ALIUD. Sepiæ testa cremata, lævigataque, simul cum fale fossili, excrescentias carnis in oculis & pterygia confumit.

*Aliud ad palpebrarum scabritias.*

Sepiæ testa ignem non experta, in collyrii modum concinnatur, & infricatur. Ita enim collyria purgantia vim suam magis ostendunt.

## C A P U T VIII.

### AD RHYADAS.

**R**HYAS fit angulo (oculi interno) imminuto: interdum etiam prorsus abolito: & si hoc fieri contingat, talis rhyas curationem non recipit. Inspiciendum autem est considerandumque totum corpus; & si vitiosis scatet succis, purgare nimirum ipsum oportet, atque ita, quæ mediocriter adstringunt, ei adhibere commixtis illis quæ carnem augere possunt: qualia sunt quæ ex vino parantur collyria, si contemperentur iis, quæ ex glaucio & croco constant, pulvis autem probe facit, qui diacrocū appellatur: item aloe sola potius inspersa. Oportet autem vino eam prius lavare, atque ita in pollinem redactam ipsam inspergere, sic ut paulatim admoveas.

*Aliud bene faciens ad agilopas.*

Alterci folia viridia affatim in vino decocta, & lævia, fronti imposita, bene auxiliantur: item

vinum solum per se, probe opitulatur, si quis spongiam eo imbuens, continue frontem attingat. Quod si alumen etiam vino injeceris, simulque coxeris, vinum reddes adhuc efficacius, & quod magis siccare possit, necnon reprimere.

*Aliud ad ægilopas.*

Ægilopas statim ab initio consistentes, lenibus medicamentis & siccantibus curare oportet. Nam a rodentibus aut acribus male afficiuntur, & ad ampliorem tumorem perveniunt.

*Aliud ad incipientes ægilopas.*

Ad incipientes ægilopas proficit glaucium & crocus, si una cum succo perdicidis illinantur: mutare autem continue medicamentum oportet. Ego sane incipientes jam, & nondum in pus conversos, horum usu, ne in suppurationem mutarentur prohibui.

ALIUD. Aliqua ex aceto cocta, non modo incipientes ægilopas, sed etiam inveteratos jam & in pus conversos mirabiliter sanavit. Cæterum lævigata probe imponi debet: quod si etiam pus inherescens deprehendatur, rumpit ipsum, & usque ad os penetrat: adeo validum est medicamentum. Hoc solo quoque usus, non modo ægilopas recentes, sed etiam diuturnos curasse me novi.

ALIUD. Ruta sativa una cum lixivio, quod primum distillarit (πρωτοστακτω) lævigata, probe admodum ægilopas tollit, curatque. Per initia quidem hoc præsidium eis impositum modice rodit, postea vero non item. Ac mirum est, quemadmodum unum quoddam ex adurentibus, ita etiam hoc



medicamentum usque ad os penetrare, & ne cicatricem quidem indecoram relinquere.

*Aliud usu probatum.*

Internam arundinis membranam, id quod rotundum circa nodos inveniri consuevit, acceptam melli injicito, ac particulæ affectæ imponito, mutans quotidie quater. Ubi locum probe repurgaveris, mulsa cum spongia oculari abluito. Adhæc prædictam arundinis membranam per se imponito, ac miraberis.



# ALEXANDRI TRALLIANI

## DE ARTE MEDICA

### LIBER TERTIUS.

JOHAN. GUINTERIO ANDERNACO  
INTERPRETE.

#### CAPUT PRIMUM

#### DE AURIUM AFFECTIBUS.

**A**URIS multis admodum & variis vitiis sub-  
jicitur. Etenim & frigida sæpe & calida  
intemperie, nonnunquam etiam ex viscosorum hu-  
morum obstructione, & spiritu flatulento, nec-  
non inflammatione extra ipsius meatum aut in-  
tus constituta: ad hæc ex calidi sanguinis biliosi  
influxu, & aliis de causis valde multis laborat:  
de quibus omnibus dicetur, convenientibus sin-  
gulorum notis adjectis. Incipiamus igitur pri-  
mum a dolore, quoniam hoc potissimum accidens  
artem ad curationem incitat.

*Si dolor ex obstructione eveniat.*

Quia vero dolor, & a crassioris spiritus ob-  
structione, & viscosis crassisque humoribus, qui-  
bus non patet exitus, generatur, necesse est cau-  
sam doloris effectricem discernere.

*Internotio utrum ex spiritu an a viscosis humoribus,  
vel inflammatione, aurium dolor excitetur.*

Dolorem ex crassiorum viscosorumque humorum obstructione potius concitari, artificiosa quis conjectura hinc deprehenderit, quod æger capitis sentiat gravitatem: item quod cibi præcedentes & potus, succos frigidioris & magis humidos procrearint. At si distentio quidem orta fuerit, gravitatem vero in capite vel aure nequam percipiat, spiritum flatuosum & crassum, qui non inveniat exitum, doloris causam potius existimandum esse, manifesto constat. Sin autem gravitatis simul, & distentionis, caliditatis & doloris pulsatis sensus oriatur; inflammationem efficientem esse causam doloris, qui a sanguinis excoacti influxu originem habuerit, bona ratione existimare licet.

Ac venam in cubito prius secare oportet: deinde sic ad auxilia digredi quæ inflammationes sedare prædicantur. Clarum vero est, id in aliis quoque humoribus fieri debere, ac spectari, utrum humores quantitate an qualitate offendant. Et si quidem copia dolorem parit, ea sane quæ biliosa esse videntur, victu contemperare oportet, lactuca, cucumere, intybo, pepone, malis, malva: & inter pisces, dura carne præditis, & iis, quæ biliosum calidumque humorem permutant. Similiter autem pituitosum extenuare & cibo & medicamentis convenit. Ubi enim sic nos agimus, humores qui superant, medicamentis purgantibus facile excutientur: & ea quæ applicantur, præsentius ostendent adjumentum.



*Curatio doloris ex humorum obstructione &  
spiritu contracti.*

Si itaque dolor ex inflammatione propter obstructionem oriatur, constat his recte adplicari quæ abstergere & incidere sunt idonea: quale est aphronitrum, mellis & aceti paulo ei mixto. Item fel ovillum ex oleo his admoveri convenit. Salutare etiam amygdalinum oleum fuerit.

ALIUD. Porri succus, si instilletur, per se bene facit, & cum mellis momento.

ALIUD. Ceparum succum cum melle mixtum instillato.

ALIUD. Origanum tritum ex melle & lacte muliebri infundito.

ALIUD. Fel caprinum cum porri succo vehementioribus obstructionibus admoveto.

Multa vero sunt & alia a veteribus prodita, tum simplicia, tum composita medicamenta, quæ obstructionibus ex humoribus aut a spiritu flatuoso ortis accommodari possunt: ex quibus facile est deinceps complura deligere, ubi causa, quæ offendit, cognita nobis fuerit. Deligenda vero potius, quæ abstergere, incidere & purgare citra vehementem rofionem solent. Verum hujusmodi vitare convenit, in illis in quibus dolor magnus, & copix suspicio subest. Frequenter enim talia etiam fluxionis excitatæ causam præbent, ut & aures magis fluxione laborent, & dolor amplius irritetur. In quibus autem non multus urget cruciatus, sed diuturna quædam affectio apparet, & ea quæ dicuntur, æger difficiliter audit, in hujusmodi non alienum est etiam illis, uti quæ largius rodere & abstergere possunt:

quorum e numero est dracunculi succus, asari, & pæoniæ, atque his similia.

*Ad obstructions sine dolore incidentes.*

Veratri albi drachmæ duæ, nitri drachmæ sedecim: croci drachmæ tres. Lævigata in pastillos ex aceto redigito, ac utitor ad obstructions quæ sine dolore obveniunt: item in graviter audientibus.

ALIUD. Veratri nigri radices ex aceto & melle lævigatas instillato. Notum vero est, nullum frigidum medicamentum auri adhibendum esse, sed prius concalescenda, & multo magis, quum aures densatas obstructamque fueris suspicatus.

ALIUD. Peucedani liquor, cum irino oleo, aut amygdalino, vel betæ succus cum felle taurino lævigatus, instilletur.

ALIUD. Floccum felle taurino imbutum lævigatumque auri imposito.

ALIUD. Fel bubulum, aut ovillum instillato, aut capræ urinam continue infundito.

*Ad gravem auditum & dolorem compositum medicamentum.*

Myrrhæ drachma: thuris drachmæ quatuor: amygdalarum amararum purgatarum numero viginti: aphronitri drachma, croci drachmæ quatuor, opii drachmæ tres, galbani drachmæ duæ: galbanum cum amygdalis seorsim lævigatur, excipiturque aceto cum reliquis, utitor in magno quidem dolore ex rosaceo: in gravi autem auditu, ex aceto.

*Aliud multis utile & probatum medicamentum, præsertim in ulceribus vetustis & depascentibus, item in iis, qui ex flatuoso spiritu & viscosis humoribus admodum graviter audiunt, ut etiam in surditatem prolapsuri sint.*

Bene autem proficit etiam ad veteres sonitus & sibilos cedria hieratica lævigata ex aceto. Utitor ad prædicta omnia, infundens per specillum, aut panniculum inungens, aut stupam, aut lanam, aut ut voles excogitare. Est enim medicamentum valde efficax.

*De dolore ex frigida causa nascente.*

Quod si dolor frigidis ventis & humidioribus, balneisque ejusmodi prægressis, ortus fuerit, constat etiam horum curationem facilem esse: ac iis quæ calefaciunt medicamentis uti oportet. Multa vero sunt vel inter simplicia, quæ hoc præstare queant, quemadmodum & præstantissima nardus per se excalfacta, & ruta oleo incocta. Porro ad maximas perfrictiones piper quoque ex oleo bene facit. Item euphorbium, similiter allium, cepa, lauri folia, styrax, casia, calamus odoratus, irinum oleum, amaracinum, & opobalsamum. Sic igitur doloribus ex frigida intemperie natis mederi convenit.

*De dolore ex calida intemperie.*

Dolorem, qui a caliditate aut humore acri excitatur, contrariis ipsum quoque curare oportet, pro causæ effectricis magnitudine, id quod convenit, accommodantes. Itaque ad mediocres in-



temperies optime facit etiam ovi albumen, quemadmodum in oculis, si tepidum paulatim cum lacte muliebri infundatur. Pari modo cum quodam collyrio dolorem sopiente, quod anodynon appellatur: succus quoque perdicidis strenue valet, & per se, & cum exigua parte rosacei mixtus. Idem præstat rosa cum aceti momento, præsertim in fervente admodum & ignea intemperie. Pari modo etiam succus solani, coriandri & hastulæ regiæ, plurimum auxiliatur.

ALIUD. Buccina quæ carnem vivam habeant, tria cum oleo amygdalino incoquito, ac utilior. Naturaliter autem hoc idem præstant aselli, qui juxta situlas inveniuntur: item lumbrici terrestres consimiliter.

---

## C A P U T II.

### *DE INFLAMMATIONE QUÆ MEATUM AUDITORIUM INTUS OBSEDERIT.*

**S**I VE meatus auris, sive alia ipsius quæpiam interna pars, frequenter inflammatione laboret, acutissima pericula vicinia regionis & generè substantiæ inducit. Etenim nervus, qui internam auris superficiem sublinat, quum sit sensibilis, validos dolores acutosque excitat, ut etiam cerebrum in consensum perducatur: unde febres & deliria sic affectis oboriuntur, interim vero etiam lethales. Ac juvenes quidem ex acutissimo ipsis eveniente dolore, aut delirio, aut ortis febribus, intereunt: senes autem feбри quidem non subinde corripuntur, neque affectu convulsorio, neque delirio. Nam quum humor, qui superat, frigidior ipsis pariter & crassior existat, ipse sibi

ligamentum factus, in affecta parte manet. Atque idem longo tempore suppurascere incipit, & vires paulatim debilitatæ, antequam ille concoctus fuerit, mortem inferunt. Materia enim, dum non evincitur, tandem ad partes principales confluit. In juvenibus non celeriter suppurascit: nam acumen doloris generationem puris prævertit. At si quando etiam inflammatio in pus converti videatur, ægri dolore liberantur, & salutem consequuntur.

*Curatio inflammationis.*

Ad inflammationes moderatas sane conducit rosaceum ipsum, & per se, & cum modico aceto infusum: similiter etiam glaucium, in cote ex modico aceto detritum, tepidumque infusum: adhuc eadem modo omnia, quæ ex glaucio & croco parentur, etiam ipsa moderatis inflammationibus medentur: item ramentorum quoque cucurbitæ succus ad maximos erysipelaceos affectus, & per se & cum rosacco, auxiliatur: adhuc glaucium æquali pondere cum opio mixtum, & ex lacte muliebri infusum, similiter fervidas inflammationes, maximosque dolores lenire consuevit. Eodem modo & castoreum in magnis doloribus, si æquale opio misceatur, lævigeturque ex sapa, & auri tepidum injiciatur, generose lenit. Constat autem opium deligendum esse vetus, eo quod nos magnam ipsius in torpore inducendo facultatem vitemus. Ego enim novi quemdam solo usum opio, & vocem & sensum ægro ademisse, ut ne opobalsamo quidem, aut aliis quibusdam calidis injectis, homo amplius restitui potuerit. Quocirca, si etiam quis ob multum dolorem opio aut alio quodam torporis faciundi vim habente



uti coactus fuerit, semel ipsum aut iterum offerre convenit: postea vero castoreum cum oleo tepido injicere, & extrinsecus lanam oleo calido, aut nardino, quod adipem anserinum habeat imbutam, omni ex parte circumdare, si torporem ex frigidis contractum curare moliaris.

At quum mediocris est inflammatio, & non admodum fervida, ubi non est febris valde calida, neque æger ætatis vigentis, etiam paulo tetrapharmaci (quod nonnulli basilicum appellant) miscere nardinum unguentum, si hyems fuerit: sin autem æstas, rosaceum oportet. Pulchrè vero juvat & adeps anserinus, aut phasianorum, ipsi adjectus. Fiat autem, quemadmodum etiam divinissimus GALENUS docet, cujus verba sic sonant. Ego vero magno dolore conflictantibus nullum medicamentum infundo, neque lana extergo, experientia edoctus, satius esse, ne attingere quidem meatum auditorium, quo tempore dolor infestat. Specillo igitur lana involuto foveo dolentes hoc medicamento, moderate adeo in clystere auriculario tepefacto, ut interrogantibus nobis ægrum num tepidum ei videatur, & calidius num ipsum ferre possit, eo caliditatis illud perducam, ut neutiquam offendatur. Itaque specillum in medicamentum sic præparatum intingens, & juxta meatus initium leniter deponens, in altum fluere finito, ac deinde iterum atque iterum & subinde intingens, idem hoc facito, nullo tempore interposito. Notum vero est, si hoc factum fuerit, omnino aliquid etiam foras effluxurum, meatu auditorio toto repleto. Hoc igitur quam licet modeste excipito, meatum non attingens, Postquam vero abunde foveris, meatu qui medicamento repletus est relicto, mollem extrinsecus lanam imposito ori meatus, totique



auri. At si opus sit rursus fovere, lana quæ extrinsecus imposita est, sensim ablata, rursus similiter facito, cavens quatenus fieri possit, ne aliam quoque corporis partem quamdam attingas. Atque huic mentem adhibeto, ceu maximo aurium curationis præcepto.

Hæc igitur præcipit GALENUS, præcipiens nobis, ut in omni dolorifica inflammatione hac utamur, nulla distinctione apposita. Ego autem potius juvenibus (ut dixi) & calidis temperamento, item in quibus admodum fervens est inflammatio, subinde vero etiam cum febris, utendum vobis dedi: præsertim si ægrum æstatis tempore, & in regione calida, laborare contingat. Præstat autem, si fomento quoque ob vehementiam dolorum uti res postulat, illud in his per spongas calente aqua imbutas adhiberi.

*Fomentum ad aurium dolorem, quod per spongas  
& aquam calidam applicatur.*

Fomentis per spongas aqua calida imbutas, & abunde expressas utendum est: item iis, quæ per cucurbitulam fiunt. Hæc autem, injecta ei prius aqua calida, deinde evacuata, dolenti auriculæ adplicatur, vapor enim quidam ex ea mitis ingrediens, dolorem solatur. Præterea illis uti fomentis expedit, quæ ex vaporibus per arundines perforatas adhibitis constant. Oportet autem alteram arundinis partem auris sinui accommodari: alteram vero in olla, quæ operculum habeat perforatum, & undique constrictum. Sit autem in ea absinthium aquæ incoctum, ut vapor qui sursum adscendit, auris meatui occurrat: collum porro super ollam inclinare debet: auri vero la-

nam foris omni ex parte super imponere, & probe tueri, ne ambientes loci adurantur.

*De Cataplasmatibus.*

Si externa videantur inflammatione tentari, non alienum est etiam farinam hordeaceam, aut triticeam sæpe, aut vino dulci, & adstrictionis experti incoctam, cataplasmatibus modo inducere. Maxime vero cataplasmatibus & spongiis utendum est in quibus materiam suppurari suspicamur. Si enim ejusmodi quippiam contigerit, tunc etiam ex farinæ polline cataplasmatibus uti & tetrapharmaco oportet: aliis ei ceratis, quæ ex adipibus componuntur, interdum admixtis. Magis autem festinandum est, ut inflammationes a suppuratione tueamur: id quod præstare poterimus, subjectis usi medicamentis.

*Auriculare anodynum valde bonum si frequenter infundatur, ubi & inflammatio & distentio urget, & vehementes admodum dolores infestant.*

Adipis anserini aut gallinacei drachmæ sex: opii, myrrhæ, croci, singulorum drachmæ duæ. Cum fiducia utitor: valde bonum est.

*Aliud ad inflammationes non admodum ferventes.*

Butyrum, mel, hyssopum, pari portione omnia tepida instillato. Valet etiam ad fordida ulcera, & inflammatione obfessa.

*Aliud ad dolores, qui ex inflammatione proveniunt, atque in hoc fere sunt, ut in pus mutantur.*

Argenti spumæ, cerussæ, singulorum uncia: thuris, iridis, resinæ terebinthinæ, singulorum uncia tres, colophonix uncia quatuor, ceræ, olei, singulorum libra, adipis anserini recentis libræ duæ, succi lini feminis quod sufficit. Confert etiam furunculis & podagricis affectibus.

*Aliud ad inflammationes ex ictu & fluxione ortas.*

Butyrum recens liquatum instillato, necnon adipem anserinum & lac muliebre, soluta.

ALIUD. Lac muliebre cum croco lævigatum extrinsecus illinito, præsertim ubi rubra est inflammatio: sin autem dolorem quoque moveat, confert etiam opium exiguum mixtum illinire.

ALIUD. Argenti spumam, glaucium, crocum ex aqua lævigato, & sapa illinito.

ALIUD. Psyllium tritum ex aqua inducito.

ALIUD. Cerussam, coriandri succum, aut folanum, mixta inungito.

ALIUD. Lenticulam coctam cum mica panis obducito, in quibus etiam ulcus est cum inflammatione.

ALIUD. Malum Punicum coctum cum mica panis in iisdem affectibus adplicato. Prædicta sane ad inflammationes, quæ citra ulcus urgent, juvant: ac festinandum, ut eas potius discutiamus. Quod si ulcus quoque fieri contingat, vel etiam antea acciderit, medicamentis utendum est quæ nunc subjungam, habent se autem in hunc modum.



*Ad aurium ulcera.*

Glaucium, lycium, & meconium, *quod est pæpaveris lacryma*, trita ex melle auri imponuntur, & ulcera inflammatione obfessa leniunt.

*Aliud ad diuturna aurium ulcera.*

Cedria melli mixta inunctaque bene proficit.

*Aliud ad eos qui multum puris habent.*

Misy crematum in olla, tritumque inspirato.

ALIUD. Cerussa cum melle utitor: sordida valde purgat.

ALIUD. Aloe & croco aqua solutis utitor.

ALIUD. Thuris lacryma vino soluta utitor: hoc etiam carnem inducit.

ALIUD. Spodium lævigatum inspirato: prius autem mulsa aut lenticulæ decocto aurem eluito: aut rosis ex vino coctis cum melle subluito: aut oleæ foliis contusis succo expresso cum melle utitor.

*Ad ulcera valde sordida depascentia.*

Vinum urinamque pueri impuberis melli mixta instillato.

*Aliud ad eadem admodum efficax.*

Sandaracham tritam mellique mixtam instillato: aut penicillum e lucerna, quod ellychnium vocant: probissime unctum, meatui demittito.

Optime

Optime facit, purgat, siccatur, ad cicatricem ducit, & dolorem aufert: cum fiducia utitur.

ALIUD. Scoriam lævigatam ex aceto, coctamque, sensim auri instillato.

*Aliud compositum.*

Χλωρε, hoc est viridis emplastri partem unam: pastilli ex castoreo partes duas: rosacei quod factis est, mixtis utitur: aure prius mulsa elota.

*Ad sordida ulcera, in quibus pus effluit, & caro excrefcit; in hunc modum se habet.*

Reruginis rasæ, aluminis, singulorum drachmæ duæ: thuris drachma: mellis heminæ duæ, acetihemina. Incoquito, quoad mellis fiat crassities, ac utitur, instillato, aut penicillum circumlitum in meatum demittito.

*Aliud ad eadem valde commodum.*

Alumen scissile ex aceto lævigatum, dum mellis habeat crassitiem, excipito lana delicatiore, & quum refrixerit, intra meatum auditorium demittes.

ALIUD. Cyphios scrupuli tres: aphronitri scrupuli duo: collyrii diarrhodon scrupuli quinque: lycii Indici scrupuli quatuor: vino excepta, aut succo perdicis, instillato. Bene proficit, desiccatur, ab inflammatione & dolore ulcera vindicat. Idem vero præstat etiam succus perdicis cum melle tepesfactus, & ad crassitiem sensim redactus, si eo penicillum imbuatur, imponaturque meatui. Quod si liquidius ipsum infundis,

probe valet etiam ad sanguinem ex aure prorumpentem.

*Ad valde vetusta ulcera.*

Myrrhæ drachma, thuris drachma; marrubii fucci drachmæ quatuor: nitri Alexandrini drachmæ duodecim, urinæ apri drachmæ viginti, nucum Ponticarum drachmæ viginti, capnelæi, castorei, croci, opii, singulorum drachmæ quatuor: amygdalæ octodecim. His lævigatis, ex rosaceo & amygdalino oleo, acetoque modico, utitor.

*Ad aures diruptas contusasque ex ictu.*

Panis calidi micam cum exiguo mellis tritam imponito.

ALIUD. Myrrham detritam ex vino tenui inungito.

ALIUD. Cochlearum cervices tritas & myrrhæ dimidiam partem imponito.

ALIUD. Mannam thuris lævigatam inspergito. Sin autem opus sit deligare, violenta in his ligamina vitanda sunt, & diligenter immutanda, quæ imponuntur. Hoc enim nocet, & fluxionum causam præbet.

### CAPUT III.

#### DE SONITU AURIUM.

SONITUS partim ex flatuoso crassoque spiritu creantur, partim etiam ex humore obstru-



cto: interdum ob locorum imbecillitatem, quemadmodum in iis, qui ex morbo se recolligunt, accidere consuevit. Jam fiunt etiam ex multo sensus acumine, præterea ratione crisis, in quibus nihil adhibendum est.

Si igitur sonitus nunc excitentur, nunc cessent, & spatio interposito rursus revertantur, intelligito ex spiritu, cui facilis non patet exitus, provenire: maxime si præcesserint cibi, qui flatus generare possint, & multæ cruditates.

An vero tale propter viscosos crassosque humores accadat, inde cognosces, quod neque repente oboriantur sonitus, sed paulatim incrementum: insuper quod etiam gravitas percipiatur, præcesserintque cruditates, balneorum intempestivorum usus, & alia, quæ crudos humores generare solent. Ad sonitus igitur constantes & diuturnos, aures ex aceto & melle nitroque eluito.

ALIUD. Veratri albi, castorei, singulorum drachmæ duæ, croci drachmæ tres. Redactis in pastillum, & ex aceto detritis utitor.

ALIUD. Castorei, seminis cicutæ pares portiones: ex aceto lævigatas, tepidas immittito. Hoc quoque valet præcipue in iis, qui ob magnam sentiendi vim ac facultatem vapores sursum adscendentes percipiunt.

ALIUD. Euphorbium ex oleo cyprino lævigatum, calefactumque adhibeto: valet præsertim ad inveteratos aurium sonitus & tinnitus.

*Ad aurium sonitus, qui ex morbo provenire consueverunt.*

In iis autem, qui ex morbo aurium sonitus experiuntur, ubi eas absinthii decocto foveris, acetum & rosaceum infundito, raphanique iuc-

cum cum rosaceo, aut veratrum nigrum cum aceto injicito.

*De iis, quorum aures sordibus repletae sunt.*

Cardamomum & nitri paulum cum siccatis ficubus, granis exemptis, quæ Græci cenchramidas appellant, excepta, in collyria redigito, ac in auris meatum demittito: tertio quoque die auferito; educit enim multas fordes, & abunde levat. Hoc etiam ad excrescentias carnis conducit.

ALIUD. Nitri torrefacti pulvere aurem obturato, atque ita rursus acetum superinstillato: postero die calente hydrelæo eluito.

*Si aqua in aurem inciderit.*

Quod si aquam auri incidere contigerit, fac ut æger uno pede, qua parte auris affecta est, subiliat, ad eam inclinando, ita namque facile excernitur. Cæterum extrahit etiam id, quod valde infixum est, si quis ore aurem exfugat, id quod per arundinem quoque fieri potest. Ubi vero exfluxeris, etiam oleum calidum irinum aut amygdalinum instillato.

*Si lapilli, aut alia quedam, in aurem inciderint.*

Si lapillus, aut faba, aut aliud quiddam in aurem incidat, specillum lana involutum in resinam terebinthinam, aut glutinosum aliquod intingito: ac ubi in aurem inmiseris, leniter protrahito, ac sternutamentum excitans, os & nares obturato. Nam spiritus intentione, quæ ita fit, id quod intus impactum est expellitur. Hoc

autem continue facito, diligentia adhibita, ut quam primum eximatur.

Sin autem neque sic exciderit, inflammatione oboriente convulsionem sæpe comitantur, ut etiam ægri de vita periclitentur. Quare oleum quoque tepidum frequenter infundere oportet, sic enim locis inflammatione liberatis, id quod insidet, facile eximetur: ac ubi inflammationes solutæ fuerint, mulla eluere aures confert. Quippe id quod incidit; subinde per liquida explicatur, & vossella prompte extrahitur. Jam nonnulli fistula auri imposita, ore exfluxerunt, eoque modo adtrahentes eximere potuerunt. Ante omnia vero oleo tepido, sternutamentis (ut dixi) & mulla utendum est; ubi enim sic nos egerimus, facile etiam specillo, & quocunque tandem prædictorum voles, ex alto id quod inhæret educetur.

*Adversus aurium vermes.*

Vermes aurium destruit quidem & oxelæum si instilletur, & capparidis succus: simili modo etiam calaminthæ succus, siquid aliud, omnem dolorem, quum instillatur, mitigat. Item veratrum album aurium vermes tollit, si cum vino lævigetur, instilleturque.

ALIUD. Absinthio decocto ex vino aurem eluito, aut marrubio, & centaureo similiter: adhæc scammoniam aceto solutam, vel absinthii succum, aut sulphur, nitrumque cum raphani succo instillato.





## CAPUT IV.

## DE AURIUM DOLORIBUS EX DEFLUXIONE, QUÆ CATHARRUS APPELLATUR.

**H**OC scire in universum & cavere oportet, ne subito in doloribus, qui ob defluxionem eveniunt, parti remedia adhibere festines. Nam præterquam quod nihil juvant, etiam magis adhuc materiam adtrahunt, & irritant, ut copiosius ad affectas particulas post concoctionem feratur.

Quare in ejusmodi malis & lavandum est, & cucurbitulis in occipitio utendum: maxime si etiam gravitatem circa caput & ruborem in facie sentiant: adhæc si æger vinum bibere soleat. Sin autem nihil horum extiterit, verum corpus siccum & gracile sit, influxioque acris, victu utendum crasso temperatoque, otio & quiete; magis autem balneis, & iis quæ somnum inducunt: quorum in numero est medicamentum *a pappaveris capitibus* διὰ πωδελῶν dictum, quod humores acres, siquid aliud, concoquere, crassiores facere, & contemperare potest.

## CAPUT V.

## SI SANGUIS EX AURIBUS PROFLUAT.

**Q**UOD vero sanguinis ex auribus profluvia fieri contingat, & pericula quædam interdum comitentur, idque non ratione crisis, hoc

quoque in morbis valde multis videre licet, præfertim capite robusto & materiam foras propellente; quemadmodum etiam natura hoc per nares & alias quasdam particulas facere consuevit. Si igitur post concoctionem id spectaveris, naturæ impetus prohiberi non debet: quoniam ægri salus est, ubi hoc ipsa tentaverit.

Quod si vires interim dejici, multa vacuatione orta, aut alias periculum inducente, contingat, tunc ægro succurrendum est, & immoderatus sanguinis cursus reprimendus. Sunt autem multa, quæ hoc efficere possunt, & præcipue hæc.

*Medicamentum quod sanguis profluvium reprimat.*

Rubi & gallarum aceto incoctarum succum auri infundito.

*Aliud ad idem.*

Succum perdiciadis tepefactum infundito.

*Aliud, ne sanguinis in auribus coeat in grumos.*

Porri succum cum aceto mixtum frequenter infundito.

## C A P U T VI.

### D E S U R D I T A T E.

**A**T si auditus in totum offensus fuerit, quam cophosin Græci nominant, nos *surditatem*, ac quibusdam sane ipsa sine febre, qui-

busdam vero etiam cum febris superveniat, quæ ex bilioso quidem humore impetum ad superiora capiente accidit, hæc facilius curationem recipit, aut ventre naturaliter moto, aut medicamento ægris dato quod biliosum humorem vacuare soleat: quæ vero ex viscosis crassisque humoribus ad aures decumbentibus generatur, ut in lethargis, caraphoris, cephalæis diuturnis, aliisque affectibus accidit, ea omnis difficulter solvi potest, & ægri magna ex parte ei commoriuntur.

Valde igitur affectui resistendum est, initium faciendo ab imi ventris purgatione, quæ petetur ex oxymelite Julianio dicto, & hiera picra: frequentius autem ex salibus, qui recipiunt euphorbium, vel qui a nobis parari solent. Videntur quidem humiles & simpliciores, verum magnas vires obtinent, etiam ad alia multa efficaces, habet se autem ipsorum compositio in hunc modum.

*Halatium, quod est medicamentum ex sale.*

Ammoniacy drachmæ duæ, piperis drachma una, euphorbii drachma: dantur pro viribus scrupuli quatuor aut sex, ex ovis, aut mulsa, aut olera, aut quomodocumque ipsos exhibere velis. Utiles sunt vertiginosis quoque, & quibus menses retinentur. Ubi jam ventrem inaniveris, tandem etiam ad ea transito, quæ salivam per os educunt, item ad ea, quæ per nares humores provocant & extrahunt, quæ errhiua dicuntur: necnon ad ea, quæ sternutamenta ciere solent.



*De Apophlegmatismis.*

Hi præstantissimi sunt apophlegmatismi, qui ex herba pediculari & sinapi constant, si ex eis fiat gargarizatio.

*De iis quæ sternutamenta movent.*

Ex sternutamenta moventibus, ea conveniunt, quæ ex pipere, struthio (*nobis dicitur herba lamarina*) veratro albo, herba ranunculo, pari portione constant. Quæ autem naribus infunduntur, ex cyclaminis succo & melle commixtis sunt.

ALIUD. Probe facit etiam pulvis hic per arundinem inspiratus, ista recipiens: cumini sicci drachmæ octo, iridis drachmæ quatuor, nitri rubri drachmam, elaterii drachmam. Trita in levorem naribus inspirato, nam caput copia infestatum egregie levat. Jam aures etiam bene purgat medicamentum, quod ex centaureo, colocynthide & veratro conficitur, si naribus infundatur.

*Ad gravem auditum & surditatem.*

Veratri nigri, castorei, singulæ drachmæ, aceto exceptis utitor. Conveniunt autem his etiam, quæ superius ad gravem auditum & obstructions dicta sunt. Talia vero habentur etiam, quæ ex succis, nitro & cedria componuntur. Præterea succus chamelææ efficacissimus existit, & ad maximas surditates comprobatus.

Quod si affectus perseverat, vomitu quoque utendum, qui ex veratro moveri solet. Post evacuationes, & vomitus, medicamenta per quæ

nares movent, item quæ affectis partibus imponuntur, etiam exercitationem per equos adhibeant, præsertim eam, quæ curru obiri solet: & loca mutant: deligito autem maritima potius quam mediterranea, & balineas naturales dulcibus præponito: harum inopia, confert etiam in marinis aquis corpus abstergere.

Adhæc caput, præsertim quibus grave est & repletum, exsiccare salubre est: præterea hirudinibus, sinapismis, & cutis perfricatione utendum.

Quidam vero non solum hæc, sed etiam arteriæ incisionem postea adhibuerunt, & extrema tubicinalis calami parte in auris meatum imposita, ita modulati sunt. Alii vero per magna tintinnabula insonarunt, ac alii aliis machinis excogitatis usi sunt. Nam in magnis affectibus, etiamsi multa remedia nihil notatu dignum facere videantur, tamen excogitanda sunt: nec labor ad succurrendum detrectari, nihilque omitti debet. Pleraque enim non raro præter opinionem succedunt.

---

## CAPUT VII.

### DE PAROTIDIBUS.

**A**URIUM affectus jam persequuti, deinceps opportune de parotidibus agemus. Scire igitur nos oportet, plurimas parotidum esse differentias; quædam enim ipsarum ratione crisis, concoctione jam apparente fiunt: quæ neque pravæ, sed potius curatu faciles existunt, multoque magnis periculis liberarunt. Aliæ vero



ex copia cruda contingunt, quæ naturam gravant, simul & nonnihil irritant: quare etiam ægri procedente tempore periclitantur, & parotides medicis multa tentantibus, vix ad suppurationem aut concoctionem perveniunt. Accurate igitur inspicere debet tum qualitas, tum quantitas, materiæ influentis, & parotides excitantis.

Nonnullæ siquidem ipsarum ex copioso humore, calidiore & bilioso, ut nonnullæ rursus ex crassiore & frigido, generantur. Ex his ipsis rursus, quæ quidem ex copia calidiore constituuntur, magnos quibusdam & vehementes cruciatus inducunt: quæ autem ex subtili, erysipelata, neque gravantes eæ, neque meatus arctantes: quæ autem a crassiore sanguinem originem traxerunt, gravant. Quæ rursus a magis melancholico & crasso provenerunt, gravant quidem, sed neque ruborem habent, neque dolorem adeo ipsæ inferunt: tumorem autem scirrhum præsentant, quemadmodum illæ, quæ a pituita traxerunt originem, laxum tumorem, *qui ὀδῶν Græcis dicitur*. Quoniam igitur ipsarum qualitas quantitasque diversa est, diligenter eam inspicere, & sic ad curationem congruam venire expedit.

*Curatio parotidum, quæ a copia sanguinis constituuntur.*

Incipiamus igitur a parotidibus, quæ a sanguinis copia generantur. Quando itaque ex tali humore consistunt, necesse est tumores magnos & rubros adparere, doloresque evenire continuos, vehementes, & periculosos. Antequam igitur ullam curationem parti adhibeas, ad sanguinis missionem procedendum est. Qui enim nulla vacuatione præmissa, statim ad inducenda



cataplasmata transferunt, aut ad aliud, quod discutere aut extrahere parotides potest, (cujusmodi sunt, quæ ex fermento & visco parantur) hi manifesto auctores exstiterunt, cur ægri strangularentur. Quare si nihil aliud in parotidibus ex crassioris sanguinis copia constitutis impedit, ad sanguinis missionem venire oportet: atque ita cum bona fiducia offerre quaecunque medicamentum, quod affectui convenire existimaveris.

### *De Cataplasmatibus.*

Cataplasmata igitur in maximis & dolorificis inflammationibus conveniunt, quæ hordeacea farina & semine lini constant. Sin & durities quædam fuerit, ficus siccas, adipem suillum, & lapathum adjicere oportet. Constat autem cataplasmata coqui debere ex jure fœnigræci, chamæmeli, althææ, & ficuum siccarum. Tribus diebus post cataplasma inductum, emplastro quod ad MNASÆUM auctorem refertur, admodum lenienti, & ad ea quæ in scirrhum induruerunt, discutienda, emolliendasque durities bene efficaci, utitor. Hæc autem recipit ceræ libram, axungię porcine libram, colophonie uncias sex, argenti spumæ libras duas, vini lecti heminas sex. Paratis utitor; non minus autem hoc quoque medicamentum, quam prædicta, valet. Habent se autem in hunc modum: Terebinthinæ libram, mastiches, ceræ, singulorum uncias tres, olei gleucini & myrtei, quod satis est. Medicamentum in aquam marinam conjicito. Optime facit etiam emplastrum diamelitos per se, & cum psittacio. Pari modo etiam pæonia in superficiariis parotidibus, & quæ ex sanguine originem trahunt, recte adhibetur: verum in iis, quæ altius delite-

ſcunt, & in quibus cutis eſt denſa, craſſiorque materia, ſi nitri paulum, & dracunculi radicem cataplaſmati jam dicto admiſcueris, præſtantius adhuc, magiſque diſcutiens medicamentum effi-  
cies, quemadmodum ſi ammoniacum adjicias.

*Curatio earum, in quibus tumor eſt ſcirrhoſus.*

In quibus magna quædam durities apparet, aut picem liquidam, aut ſebum taurinum, aut hircinum, aut vitulinum, aut cervinum, aut bdellium, aut ſtyracem continue addere expedit. Hæc enim omnia duros ſcirrhoſosque tumores diſſipare & emollire poſſunt. Deligendum igitur ex his eſt, quod unicuique competet, ubi tumoris diſcutiendi molliendique ſpes eſt. Cæterum oleum, quod parotidibus ex frigido ſubortis & durioribus ſuperaccommodabitur, aut irinum, aut Sicyonium eſto: quemadmodum ruruſ calidioribus roſaceum, aut chamæmelinum. Clarum vero eſt, calidiora medicamenta melius adhiberi, ubi febris non adeſt, etiam in diuturnis affectibus, qualia ſunt tum Ariobarzanium, tum diaſtruthium appellatum: quorum deſcriptiones vobis ſubjeci, ne eas aliunde conquirere cogere mini.

*Emplaſtrum ariobarzanium, ad ſcirrhoſos affectus efficax.*

Spumæ argenti libras tres, & ſeſcunciam: ceruſſæ libram & uncias quinque, aquæ marinæ uncias viginti quinque: olei veteris ſeſquilibræ, buccinorum combuſtorum uncias ſeptem & ſemiſſem, ceræ ruſæ uncias novem, terebinthinæ



uncias sex: thuris uncias tres, & scrupulos tres cum dimidio.

*Medicamentum diastruthium ad eadem.*

Herbæ lanariæ quæ σπουδιον Græcis dicitur, uncia quatuor, ammoniaci suffiminis uncia quatuor, spumæ argenti uncia quinque, resinæ picæ libra, ceræ libra, aristolochiæ rotundæ uncia quatuor, galbani uncia quatuor, squamæ æris totidem, mannæ thuris uncia quatuor, acetum scillitici heminae tres, olei veteris sextarii quatuor. Oleum, argenti spumam, & acetum coquito, dum manus non inquinant: deinde lebete humi posito, adjice herbam lanariam, ammoniacum, squamam, & galbanum: denique rudicula agitando, adjungito mannam thuris, & aristolochiam, coquitoque donec in crassitiem coierint. Lebete autem ab igne sublato, moveto. Quidam acetum postea superinfundunt. Hoc medicamentum confert parotidibus, & præcipue strumis: auxiliatur etiam scirrhis, durisque condylomatibus, nervorum vulneribus, incipientibus pannis, visceribus scirrhis induratis, & stomachi abscessibus; tophos dissolvit: in summa, medicamentum est multis accommodatum.

*Quomodo tumor in pus converti notetur.*

Si tumor nihil quod notari possit, imminui ex medicamentis, & cataplasmatibus discutiendi facultate præditis appareat, sed etiam dolor perseveret, necesse tandem est, ut ad ea quæ suppurationem excitare, & materiam possunt concoquere, digrediamur: id autem præstat cataplasma, quod ex farinæ polline confit. Lapathum &



axungia porcina in hydrelæo coquuntur. Porro materiam in pus jam mutari, inde tibi innotescit, quod rigor præter rationem & febris nunc oboriatur, quæ prius non erant, dolorque major urgeat. Postquam igitur in pus transferit, materia mutata, tunc etiam magis non modo cataplasmatibus, sed etiam medicamentis, quæ puri generando sunt idonea, utendum est. Ex simplicibus igitur ad hujusmodi apta est & aqua tepida, continue per fœtum adhibita, quidem per se, nunc autem cum sapa magis adhuc proficiet; quin etiam triticea farina his incocta prodest, similiter & alicæ farina, sed in humidis magis tumoribus: eadem ratione etiam panis purus plus quam sordidus præstat. Item pix lævigata ex oleo, adeps vitulinus & suillus absque sale confecti profunt. Nam qui salis participes sunt, ad discutiendum magis valent. Sunt autem alia quoque non pauca simplicia, quæ suppurationi conferunt, verum ad composita transire commodius est.

Multa itaque sunt etiam alia cataplasmata, quæ ex farinæ polline parantur, sed nullum præstantius eo, quod a nobis confectum est. Recipit autem axungia libræ, ova anserina quatuor, sappe uncias quatuor, farinæ pollinis libræ. Hæc probe lævigata, & in panniculum illita, applicato, continue immutans. Ego autem, ubi farinæ pollinem cum sapa & axungia coxissem, ac postremo ova adjecissem, multo levius medicamentum effeci. Insuper hoc quoque medicamentum quod sequitur, probe adjuvat, ut celerius fiat suppuratio, & humores crudi coctionisque expertes concoquantur. Idem etiam humores in pus conversos extrahere consuevit: quin & humorem insidentem per tenues & a visu remotos

meatus latenter elicere, ut cicatrices postea tenues & quodammodo obscuræ adpareant. Hæc autem recipit fermenti libram, ceræ uncias octo, apochymatis uncias quatuor, salis communis uncias quatuor, galbani uncias quatuor, salis floris, piperis, singulorum unciam: sebi taurini uncias quatuor, saponis Gallici uncias tres, resinæ piceæ libram. Hoc medicamentum ita præparatum non solum parotidibus, sed etiam aliis abscessibus accommodatur, ubi affectum utrisque indigere putaveris, nempe ut humores in pus jam mutati excernantur: qui autem mutati non sunt, concoquantur.

ALIUD. Eadem quæ hoc efficere potest etiam medicamentum quod cuminum recipit, cujus scriptura ita habetur. Farinæ hordeaceæ tenuis admodum uncia viginti septem, salis communis uncia quinque, picis uncia, ceræ uncia novem, nitri, cumini, resinæ frictæ, singulorum uncia quinque, olei uncia octo, althææ uncia quinque, cremoris ptisanæ libra, cremoris seminis lini libra, arida vino in lævorem redigito, & quæ liquari possunt, ipsis superfundito: cremoribus autem seminis lini & ptisanæ diligenter coctis, ut non aduratur: medicamento hoc cum fiducia generatim utitor in parotidibus, aliisque abscessibus. Etenim maturat, discutit, rumpit, conglutinat celeriter, & dolentia lenit.

*Aliud medicamentum ex farina polline, quod  
διὰ γόρεως dicitur.*

Bene facit etiam medicamentum ex farina polline, quod hæc recipit: adipis porcini uncias sex, ceræ uncias duas, ovorum duorum albumina, mellis tantundem, farinae pollinis quod fa-  
tis



tis est. Ceram primum cum adipe liquefacito, deinde ubi soluta fuerint, tepesacta ovorum albumina moderate adjicito, ac melle pilæ indito, probe subigito: atque ita paulatim farinam usque ad mediocrem crassitiem, & ea quæ soluta sunt, superinjecito, rursusque diligenter tritis, sic cum fiducia utitor, illinitoque, valde enim discutit, lenit, rumpit, purgat, & in totum abolet. Facit etiam angina detentis.

*Aliud medicamentum dicitur superius.*

Ad eosdem affectus valet etiam medicamentum quod ex serico paratur: hæc autem continet, serici libram, olei heminas quatuor, quod est sextarii dimidium, coquito; dum manus non inquinet. Ad multa efficax & medicamentum; ne contemnas simplicium vilitatem. Jam id quod a nobis paratur medicamentum ex melle, conducit, si cum superiori diasericos misceatur, ut partes quinque sint medicamenti diasericos, duæ autem ejus quod ex melle conficitur. Interdum vero etiam per se positum proficit; est enim in multis comprobatum. Habet se autem in hunc modum. Lixivii primarii (hoc est piliariorum) uncia sex, corticum nucum uncia duæ, saponis Gallici uncia sex, aphronitri albi uncia sex, mellis uncia tres, olei veteris libra, ceræ uncia tres, terebinthinæ uncia septem: hoc dissolvit, squamas educit, & multis est utile. Hæc sane moderatis inflammationibus conveniunt, in quibus dolor vehemens multusque non urget, & tumores rumpere cogitamus, neque calorem magnum excitare oportet.



*De parotidibus quæ ex biliosa fluxione nascuntur.*

At si parotidem ex tenui ferventique sanguine & in biliosam naturam converso generari contigerit, id quoque tum ex aliis multis, tum nihilo minus inde licet cognoscere, quod tumor sit rubicundior, igneus & erysipelati per similis, ægerque videatur tanquam ardere, & tangentes manifestam caliditatem percipiant. In iis igitur ea quæ ovis, chamæmelo & sapa consent, ad moveri debent, quæ in febricitantibus parare consuevi: item ceratum febribus abolendis efficax, (ambrosia dicitur), cujus compositio hæc est: croci scrupuli quatuor, spumæ argenti uncia, olei rosacei, ceræ, singulorum uncia quinque, adipis porcini uncia duæ, mellis uncia, cremoris seminis lini quod satis est. Hoc quoque medicamentum calidis affectibus opitulatur: scriptura ejus ita se habet; ceræ uncia quinque, olei chamæmeli uncia duæ, rosacei tantumdem, ovorum lutea septem, farinæ fabaceæ uncia quatuor. Paratis utitor.

*Aliud præstantissimum ad idem.*

Altercum, lapathum, cum axungia lævigata obducito, bis de die aut ter immutans.

ALIUD. Ceræ uncia sex, colophonix uncia sex, olei uncia quatuor, foliorum perdicidis uncia sex. Oleo paratis utitor. Jam psyllium quoque per se coctum & adplicatum, proficit, nonnunquam ovis adjectis. Quinetiam medicamentum diachylon confert, quod hæc recipit; argenti spumæ lævissimæ libras quatuor, olei,

ceræ puræ , singulorum libras septem , ceræ Tyrrhenicæ libram , resinæ piccæ unciâs quatuor , succi psyllii libras tres. Succum psyllii ita parabis : psyllii unciâs tres in aquæ fontanæ libras sex conjicito , & die præcedenti aqua macerato , in sequenti , igne vehementi coquito , donec iuris hœdini crassitiem habuerit , & acceptum percolato quicquid subsederit : cito enim coalescit ; deinde rursus in lebetem recipito , iterumque percolato. Atque ita calefaciens parato , donec trium librarum pondus receperit : deinde sic argenti spumam per se lævigatam habeto : postea in vas æreum cum oleo & succis injicito , movetoque , lento igne incoquens , usque ad spissitudinem , quæ manus intictas non inquinet. Inde humi ab igne positis , ceram & resinam piccam immittito : ac ubi non amplius inquinaverint : sublata in pilam defundito , & rudicula emollita , exceptaque in pelle , reponito , ac in quibus visum fuerit , utitor.

### *De cataplasmatibus.*

Optima etiam sunt cataplasmata , quæ ex palmulis , mica panis , luteis ovorum , glaucio , croco , & farina hordeacea conficiuntur. Et enim concoquunt , etiam si qua durities igneæ inflammationi , conjuncta inveniat. Nonnulli sane iis quoque usi sunt , quæ solanum recipiunt : ego vero hujusmodi averfor , quemadmodum & illa , quæ alumen & aliud quid adstringens continent : quippe materiam in alto non sine periculo repellunt.

*Ad parotides œdematodes.*

Ad parotides ex pituita provenientes, quæ nihil habent dolorificum aut renitens, digredi tempestivum est. In his igitur competit terra cimolia inducta, & lapathum injectum, ita nimirum ut prius butyro inungatur. Item calx lota inuncta probe tumores œdematodes discutit. Adhæc ervi cum melle applicati, aut mulsa, valde siccantem discutientemque vim obtinent.

*De victu.*

Victu congruo maxime, & subjecto affectui, causæque ejus effectrici accommodato, in primis utantur. Nam in parotidibus, quæ ex bilioso humore concitantur, temperatus victus & refrigerans convenit. Cremor itaque his expedit, (præsertim per initia inflammationis, quum adhuc est dolorifica) tum ptisanæ, tum alicæ, & similaginis insigniter decoctæ, quemcumque ex prædictis cremoribus æger assumat. Similiter etiam ovorum lutea his idonea sunt, malvæque caules. At inflammatione declinante, etiam pisces saxatiles, pulli columbini, & gallinarum cohortalium alæ conducunt. Eisdem etiam in aliis parotidum differentiis ægros uti oportet. Qui autem sine febribus existunt, inter initia si pisciculum, aut aphratum, aut columbum assumpserint, nihil offendentur.





## CAPUT VIII.

## DE NARIUM AFFECTIBUS.

**T**UMORES quidem præter naturam, polypi naribus obveniunt, ulcera vero, ozænæ, necnon excretiones naturæ contrariæ, quas aut critica febrium solutio, aut copia, aut venæ eruptio excitat.

Primum igitur de ozæna dicturus sum, quæ ex acrium putridorumque humorum colluvie procreatur: qui si acres tantum existant, ulcera curatu difficilia, non tamen graviter olentia contrahere solent. Curatio sane utriusque huius vitii ozænæ & polypi est communis: nempe caput primum resiccare, eique robur adjicere. Constat enim hæc ex eo propter humorum malignorum redundantiam naribus influere. Quomodo autem caput totum corroborandum sit, ne quicquam ex ipso superfluum infernis partibus influat, subinde comprehensum est. Quum igitur caput validum robustumque reddideris, tunc ipsis naribus remedia adplicabis. Itaque capiti prius derafo, emplastrum ex salicibus, aut barbarum, quod bitumen & picem recipit (maxime a GALENO, ac certe a nobis probatum) imponito. Item optimum quoque est, quod ex anemone conficitur. Adhæc etiam proprium medicamentum, quod ex cochleis in hunc modum paratur; myrrhæ, thuris, singulorum uncia, cochleæ integræ quæ petris adhærescunt, numero quinque. His in pila tritis, ceram & albumina ovorum duorum addito, commiscetoque, ac medicamentum capiti cum linteis diebus novem con-

tinuis inducito : & , si malis humoribus sit infectum , tertio id adhibeas : post hæc parti remedia induces.

Malorum Punicorum tria sunt genera , austera , dulcia & acida , quæ adhuc recentia sigillatim contundere oportet , totaque accurate confringere , ut succus ab ipsis exprimi possit : quem ubi modice decoxeris , si liquidior paulo adpareat , statim vasa repones . Quod vero crassum ex ipsis solidumque reliqueris , rursus in pila exquisitissime contundes , ut iterum possit lævigari , ac collyria inde fingi , quæ narium ejus , qui curatur meatui accommodentur . Demittentur autem in narium meatum , in quo polypus delitescit , & citra rofionem , dolorisque consensum , quem acria medicamenta efficiunt , longioris temporis spatio ipsum abolebunt .

At si humidior molliorque polypus tibi adpareat , majorem portionem ex austeris malis Punicis injicias : si durior , ex acidis . Quoniam vero molestum est perpetuo collyrium sustinere , licet etiam quandoque intermittere : atque interim succum antea expressum in nares infundere , simulque ore hianse illinira , qua parte palatum versus nares perforatur , penna aut specillo lana involuto .

Ex aridis medicamentis novi , quandoque diphyrgi polypum citra rofionem longiore tempore consumptum .

Adhæc non unum genus pulveris existit , sed etiam quod ex quatuor metallicis componitur , chalcantio , chalcitide , ære cremato & misy : accipias hæc æquali singula pondere , & seorsim teras ex aceto , postea omnia simul misceas , ex vino subigens , donec glutinosum fiat medicamentum ad mellis spissitudinem . Deinde in ollam



recentem conjicias, quam operculo imposito, lutoque oblitam in furnum demittas, ut in carbonibus illa redigantur. Furno exempta cum vino teras, atque iterum similiter torrefacias, redigasque in pulverem, eumque reponas, & quum necessitas postulat utaris. Hic pulvis polypos admodum inveteratos confumit. Nec parum confert ipsis & prædictum collyrium, quod ex malis Punicis componitur, aridum, minutissime tritum, & inspiratum, aut nucleo specilli impositum.

Atque hæc omnia maxime facienda, ne unquam affectæ parti medicamentum desit, facile enim ab humiditate abstergitur. Quemadmodum igitur in lippientibus, ita in his quoque perpetuo medicamentum imponere oportet: ut quod facile ab influente humiditate abluatur. At si quis eunuchus aut mulier nullum medicamentum adferri sustineat, sed ab omnibus irritetur, rosas siccas contusas tritasque diligenter, impones, ac citra rosionem pariter & mirifice operabuntur. Verum sæpe adhibenda esse ista medicamenta constat, lavandaque studiose ex succo nuper dicto. Porro ulcernaarium pastillis curabis, quales sunt, Andronius, Passionius, Polyides, aut Bithynus, aut is quem ego composui: interdum ex vino dulci ipsos diluens, interdum austero, nunc ætate mediocri, nunc veteri: alias ex aceto, aut vinoso, aut simpliciter acido, aut etiam acri admodum, & vetusto, usu medicamentorum ab affectuum accidentibus secundum prædictas indicationes invento.

Quum opulentus quidam me rogaret, ut medicamentum, quod in ozænæ curatione adhiberem, esset odoratum, hedychroo dicto uti cogitavi, falerno veteri ipsum diluens: ac mirum est



quam cito affectus sanitatem receperit. Hedy-  
chroi autem confectio explicata est in Theriacæ  
antidoti descriptione, quam GALENUS memoriæ  
prodidit. Jam emplastrum ex pipere albo, &  
oleo rosaceo solutum, & naribus illitum, omnia  
ulcera mirabiliter perfanat. Liquet autem in hu-  
jusmodi affectibus, considerata cujusque corporis  
natura, sanguinem, si nihil impediat, mitten-  
dum esse, nec non medicamentum purgans of-  
ferendum. Cæterum victus ratio quoque obser-  
vari debet, & caput radi, siccarique medicamen-  
tis, & pituita per os educi.

*Ad sanguinis profluvium ex naribus.*

Platani pillulas collectas in umbra siccatō: ubi  
desiccaveris, super asperum quempiam pannum  
in discum projicito, illiusque extremitate confri-  
cato. Sin minus, in quodam ex pilis fetisve  
confecto affricato, & semen pilularum projicito:  
lanuginem autem inde collectam, vase fictili re-  
centi reponito. Quum usus exigit, lanuginem  
platani impositam fistulæ arundinacæ, cui geni-  
culi sint adempti, excavata autem sit qua parte  
imponitur, ægro reclinato, naribus inspirato,  
ac statim sanguinis profluvium sistet.

ALIUD. Chalcanthum diligenter tritum repo-  
nito: in usu carptum linamentum in medicamen-  
tingens, naribus dimittito.

ALIUD. Spongiam novam pice cruda imbutam  
comburito: eamque linamento tortili exceptam  
naribus immittito.

ALIUD. Putaminis ovi triti pars una, gallæ  
Asianæ pars una, tritas linamento tortili aqua  
perfusio, aut aceto excipiens imposito. Adhæc  
pulvis xanthos dictus, quo ego usus sum: Chal-

ciditis combustæ drachmæ centum, chalcanthi cremati drachmæ quinquaginta, misyos tosti drachmæ viginti quinque, æris ulsi drachmæ duodecim & semis. Terito & utitor.

ALIUD. Myrrhæ, misyos cyprii, chalcanthi, singulorum drachmæ septem: corticum pini, squamæ æris, mannæ, thuris, singulorum drachmæ quatuor: æris cremati, chalcitidis, singulorum drachmæ quindecim: calcis vivæ drachmæ octo, gypsi torrefacti drachmæ quatuor. Terito & utitor.

ALIUD. Stibii, chalcitidis, singulorum drachmæ sex: mannæ, thuris drachmæ duæ, resinæ terebinthinæ fixæ drachmæ quatuor. In pulverem redigito, & utitor. Quod si in naribus pessimus sit odor, myrrhæ, acaciæ, anomi, singulas drachmas teres, cernesque, & melle cocto excepta, summo narium septo aut cartilagini agglutinari præcipies.

## C A P U T IX.

### A D L I V O R E S F A C I E I.

**L**IVORES faciei meliloti & fœnogræco decocto fovebis: postea collyrio. Diarrhodon illines. Ad recentes autem livores cataplasma ex farina fabæ cum melle induces. Livores porro cum inflammatione, aqua calida fovebis, & cataplasmate ex lenticulis decoctis obduces.

## CAPUT X.

*DE DENTIUM AFFECTIBUS, EX GALENO.*

**D**ENTIUM affectuum alii sane omnibus evidenter adparent, quemadmodum quum perforati fuerint, aut nigruerint, aut attriti sint, aut neque frigida neque calida sustinet, sed ob utrumque aut alterum solum dolor aliquis ipsos invadit: alii vero non apparent in ipsis manifeste, sicuti quum æger ipse sentire se dolorem affirmat, qui in alto dentis corpore oboritur. Adversantur enim nonnulli, dicentes dentem, quum os sit, citra dolorem adfici, quemadmodum quum lima excessus ipsorum præsecare cogimur, aut ob aliam quampiam occasionem, de quibus paulo post tractabo; nunc enim citra rationalem naturalemque demonstrationem cogito iis attestari, qui dentem ipsum dolore pronunciant.

Etenim ego quoque dolorem passus, mentem diligenter adhibebam, ceu qui jam prius de hac controversia audivissem: sentiebamque manifeste dentem non modo dolere, sed etiam pulsare, carnibus inflammatione obsessis similiter: unde etiam admiratus sum, an hic quoque affectus, quem vocamus inflammationem, in dente qui lapideam duramque substantiam obtinet, possit oboriri. Quinetiam alio tempore dentis dolore affectus, palam persensi. non ipsius dentis sed gingivarum esse dolorem, idque quum inflammationem experirentur, ut etiam citra compressionem dolerent. Imo & vicinitate dentium, quum duri sint, augescere dolorem ob compressionem



deprehendi, tanquam utriusque doloris sensum expertus, alium sane in gingivis, alium vero in ipsorum dentium substantia manifesto novi: & attestor iis, qui dentes ipsorum nunquam dolere dictitant.

Præterea nervi, qui dentis radici inseritur, dolorem excitari interim, rationi consentaneum est: dum ille imaginationem confusam incertamque multis præbeat, quasi dens ipse doleat. Etenim & hoc manifesto mihi accidisse deprehendi: & quod exigua adhuc doloris pars dente exempto permanet, id ob nervi inflammationem contingit, qui levatur duntaxat, inde quod non amplius tendatur, a commissura, qua ossi tendenti inhæsit liberatus, respirationemque nonnullam habeat, & quod medicamina quæ adferuntur attingat.

### *De gingivarum dolentium curatione.*

Gingivis autem ex inflammatione dolentibus præsentissimum est medicamentum oleum lentiscinum, si calore temperatum in ore contineatur. Sit autem recens, nam vetustum tanto recenti deterius est, quanto vetustius. Vas, in quo illud calefit, in alio majore collocetur, quod aquam abunde calidam contineat. Maxime igitur hoc gingivarum inflammationi convenit, necnon si in alia quoque parte tum membranæ linguam integrentis, tum ejus, quæ totum os succingit, dolor ob inflammationem oriatur, hunc lentiscinum mitigat; quippe citra molestiam & asperitatem repellit, quam pleraque austera obtinent, discutitque, citra rossionem.

*De dentium doloris curatione.*

Dentium dolore affecti os aceto calido, acri, cum galla colluant : aut halicacabi radice cum aceto & galla, aut tædis pinguibus in aceto fervefactis, aut tithymali radice in vino usque ad dimidias decocta, aut alterci radice oxymelli decocta, colluito.

*Aliud quamprimum dolorem dentium finiens.*

Alliorum nuclei quinque, thuris masculi obolitres, myrti ramusculorum fasciculi duo. Hos foliis ademptis privatim terito, similiter & allia & thus : deinde hæc simul in recentem ollam conjiciens, infundensque aceti heminam, coquito, tædacea rudicula continue agitans, quousque ad dimidias pervenerint : & sic tædis utitor. Oportet autem liquorem medicamento supra locum dolentem diutius tenere : idque tamdiu fieri debet, usquedum ille fuerit consumptus.

Porro in maximis dentium doloribus mirifice valet serpentis exuvia in cinerem redacta, quod ex oleo in mellis soluti spissitudinem cogens, dentem purgatum, partesque omnes ambientes circumlinito, & foramini dentis intromittito. Item origanum cum nitro terito, ac pulverem gingivis inspergito : ac mox cessabit dolor. Adhæc liquorem Cyrenaicum & piper æquali pondere cum galbano denti imposito.

*Aliud anodynum ad dentes dolore infestatos erososque, est etiam tussi efficax remedium.*

Liquoris papaveris drachmæ duæ, piperis albitriti cribratique drachma, myrrhæ drachmæ duæ,

Styracis drachmæ duæ, galbani drachma, sapæ ad excipiendum, quod fatis est: contundito simul, & in catapotia redigito, denti circumliens, & foramini imposito.

*Alia ad dentes molares compositio, eadem hora dolorem finiens.*

Piperis, pyrethri, liquoris tithymali, galbani, singulorum drachma: lævigata galbano excipito, & foramini dentis erosi imposito.

*Aliud idoneum.*

Liquorem aut radicem ipsam laserpitii, aut galbanum cum pipere inferito: aut opium cum galbano aut opopanace indito, involvitoque ac juvabis.

*Alia Mylice, qua utor.*

Aluminis scissilis drachmæ quatuor, piperis albi drachmæ duæ, opopanacis oboli quatuor, sereos oboli quatuor, gummi macerati in aqua drachmæ duæ, ceræ totius ponderis duplicata portio. In aqua calida dissolves ceram, & sic uteris.

*Pastillus ad dentium dolores.*

Aluminis scissilis drachmæ quatuor, piperis drachmæ tres, pyrethri drachmæ duæ, alterci succi drachmæ quatuor. Terito, & ex aceto fingito pastillos, & in ore continendos dato.



*Aliud ad dentes mobiles.*

Gallæ drachmæ duæ & femis, myrrhæ drachmæ duæ, mali Punici corticum totidem. Ex aceto utere.

*Aliud ad laxos dentes, nigrosque, & gingivas fluxione tentatas.*

Gallæ drachmæ duæ, myrrhæ, aluminis scissilis, singulorum drachma: iridis drachma. In pulverem redigito, & utere.

*Aliud ad dentes mobiles, & gingivas erosas: digito autem loca adtinges.*

Salis ammoniaci, aluminis rotundi, singulorum drachmæ duæ, myrrhæ drachma. In pulverem redactis utitor.

*Aliud ad dentium erosiones.*

Cornu cervini cremati, falis ammoniaci, singulorum libra: mastiches, junci odorati, singulorum uncia duæ: piperis uncia, costi uncia quatuor, phylli uncia quatuor. In pulverem redigito, & utere.

*Aliud, ut dentem digitis apprehensum tollas, antea probe purgatum.*

Rosam, gallam, staphida agriam, alumen scissum, sulphur vivum, piper longum, pari pondere miscebis: & redactis in pulverem cedriæ uncias quatuor addito, & cum cera denti superimpones.

*Dentifricia* GALENI.

Nonnulla ex dentifriciis a me compositis, usu probata & efficacia generosa prædita, visa mihi sunt digna, quæ literis mandarem: ac primum ea quæ frigidis affectibus dentium medentur, si-ve ob immoderatam frigidæ aquæ portionem, si-ve ex fructibus pomaceis a nive refrigeratis, si-ve aliis quibusdam esculentis, aut potulentis, si-ve præterea ex humore frigido e capite in ipsos dentes influente contractis. Itaque ex humore perfrigeratos, vehementer adjuvat apophlegmatissimus. Eos autem, qui citra humorem frigefacti sunt, hoc solo medicamine, quod nunc refertur, curare oportet. Eoque etiam post apophlegmatissimum uti satius est, ut non solum noxium humorem evacues, sed etiam affectum ab eo nascentem persanes. Compositio medicamenti hoc pacto se habet: duas herbas, quarum alia sideritis, alia perdicias nominatur, domi sensim citra solis objectum siccato, ut neque humidæ adhuc neque siccæ existant: & tantum arrito, ut quumprimum contundi confringique possint, ab urendo cesses, nam facultas earum nimia adustione corrumpitur. In alia autem olula comburetur sal fossititius cum alumine rotundo, Attico melle subactus: deinde cum aliis hæc mixta contundentur, & increta probe tenui cribro rursus conterentur in mortario. Præstantius enim erit medicamentum, quanto accuratius fuerit lævigatum.

Uti autem eo oportet, solos dentes fricando, ut vicinæ non adtingantur, nisi hæc humiditate scateant; nam medicamentum vim habet siccatoriam: idoneum sane est gingivis humidis, ini-

micum autem ficcis. Attamen radices dentium post gingivas eo perfricare convenit, quemadmodum etiam ipsos dentes. Cæterum eorum, quæ ad hujus medicamenti compositionem spectant, talis est temperatura. Herbarum combustarum drachmæ sedecim, salis combusti cum alumine drachmæ undecim. Sit autem herbarum æquale pondus antequam comburantur, sal quadruplo alumen superet, aliorum vero nullum uratur. Arida injiciantur, prout subscripta habet temperatura; origani comæ drachmæ duæ, piperis drachmæ duæ, pyrethri drachmæ duæ, costi drachmæ tres, apii feminis drachmæ tres, iridis Illyricæ drachmæ quinque, menthæ siccæ drachmæ duæ, cornu cervini aut caprini combusti drachmæ duæ, feseleos, hyssopi, singulorum drachmæ duæ. Si odorum ipsum esse voles, casia aut amomi drachmas duas misceto: si Regi præpares, cinnamomi drachmam unam injicias.

*Ad mobiles dentes.*

Callitrichi feminis usti libram, aluminis scissilis & rotundi, singulorum uncia tres: spicæ nardi uncia duæ, phylli uncia, piperis albi tantumdem: pyrethri uncia quinque: contusis lævigatisque simul omnibus gingivas usque ad dentium radices attingito.





---

# ALEXANDRI TRALLIANI

DE ARTE MEDICA

*LIBER QUARTUS.*

JOHAN. GUINTERIO ANDERNACO  
INTERPRETE.

---

## CAPUT PRIMUM

### *DE ANGINA.*

**A**NGINA, siquod aliud quoque vitium, acutissimus morbus existit. Nam ægros laquei funisque modo strangulare solet: unde etiam Græcis merito Synanche appellata est. Quoniam igitur acutissimus est affectus, & statim mortem inducit, necesse est etiam protinus ad curationem festinare. Verum quum in omni recta curatione internotionem præcedere oporteat, convenit tum substantiam ipsam affectus, tum causas ejus, tum differentias, tum notas uniuscujusque cognoscere. Ex veteribus igitur medicis antiquiores magna ex parte omnem inflammationis circa gulam speciem, siue intus, siue foris suffocatum minetur, Synanchen nominarunt: posteriores autem inflammationem quadrifariam diviserunt, ac internam quidem musculorum in superiore gutturis parte inflammationem, Cynanchen vocarunt, externam vero,

Paracynanchen. Pari modo internam faucium, quæ pharynx dicitur, inflammationem, Synanchen appellarunt, externam vero, Parasyanchen.

Quæ quum ita se habeant, dicamus jam etiam curationem unicuique speciei convenientem. Scire igitur in universum oportet, neque reprimentem solum medendi rationem hisce affectibus conferre, neque discutientem, sed mixtam requiri: & temporum ratione habita, alias repellentia, alias discutientia admiscenda esse. Et si quidem morbi fuerit initium, & fluere adhuc materia videatur, tunc repellentia potius misceri debent; ac in statu, potiore ex parte discutientia: in declinatione vero, ea quæ valentius discutiant. Qui enim sola laxatoria ratione usi sunt, sive intus, sive foris, hi insignium malorum auctores exstiterunt. Vel enim suffocationem acutissimam intulerunt, vel inflammationem auxerunt, ut his obortis æger postea vix respiraverit, servatusque sit.

Non solum autem temporibus animum, sed etiam facultati auxiliorum advertere oportet. Etenim imbecilliora mollioraque medicamenta iis qui teneriorem delicatioremque habitum obtinent, accommodatius quis obtulerit, nempe eunuchis, pueris, mulieribus, & horum similibus: valentiora autem, durioribus & fortioribus corporibus. Etenim quemadmodum duriora corpora a refrigerantibus per sanitatem affecta non ægrotant, ita rursus, ut in naturalem statum revertantur, valentiora necessario remedia item requirunt: at molliori habitu prædita contrarium experiuntur; quippe imbecilliora medicamentorum auxilia citra noxam offensamque tolerant: a valentioribus autem læduntur, eo quod vires ipso-



rum non ferant. Quare diligenter attendendum est, ubi sane vires medicamentorum remittere, ubi vero intendere oporteat, ut quod remedium adhibetur, contrarium quidem superanti affectui, familiare autem & amicum ægrotantis habitui fiat. Dicamus igitur jam, quæ medicamenta simpliciora sint & imbecillia, quæ rursus valentiora: item quando ipsis mixtis, quando rursus sinceris ac puris uti conveniat.

*De medicamento quod a moris διὰ μέρων Græcis dicitur.*

Simplicius igitur medicamentum ex mororum succo & melle paratur, facitque ad incipientes tonsillarum, uvæ, faucium, & summam ad omnem mediocrem partium guttur ambientium inflammationem, præsertim in corporibus molli carne præditis, & candidioribus. Compositum vero non modo in principiis, sed etiam in statu inflammationis valet. Valentius autem magisque discussorium efficitur, si myrrham quoque receperit. Ac plerique inter initia sic cum myrrha parant: præstaret autem in statu, quando & discutere & concoquere oportet; tunc si etiam medicamenti Diabesasa, aut alterius quoque cujuscumque antidoti discutientis paululum adjeceris, multo efficacius medicamentum reddetur.

At si inflammationis fervor jam desierit, durities autem quædam adhuc remaneat, tunc quoque sulphuris & nitri momentum tali medicaminis mixturæ adjungere convenit: ac ad discutendum dissipandumque siquid crassum viscosumque in alto corporis hærescat, nitri drachmæ sex sufficiunt, sulphuris drachma una.



Quod si ægri rosionem non tolerant, sed & stomachum imbecillem habeant, eumque subverti a medicamento perunctione putent, in his nitrum & sulphur vitare oportet, contentos sola mixtura medicamento Diabesasa, aut pulegio, & origano, aut calaminthe, aut hyssopo, aut pipere.

Porro ne fauces ab his exasperentur, confert dulcis radiculae succum admiscere. Ita namque multi usus & innocentius in omnibus erit medicamentum. Nam in iis, qui medicatas qualitates non ferunt, mitiora auxilia opitulantur. Cæterum ne rursus aliunde compositiones quærere incogantur, qui illas parare cupiunt, has ipsorum compositiones in præsentia explicandas censui.

*Compositio medicamenti ex moris: quod διὰ μόρων  
Græce dicitur.*

Mororum succi heminae sex, croci, myrrhae Troglodytidis, aluminis, singulorum scrupuli sex: omphacii totidem, mellis sextarii dimidium. Sinito mororum succum, horam unam ubi decoxeris, refrigerari, paulumque spissari. Postea adjecto melle, iterum ad tertias decoquito. Ubi refrixerint, rursus arida misceto.

*Aliter divinissimus GALENUS medicamentum ex  
moris paravit.*

Mellis libra, succi mororum heminae quinque, croci drachma, myrrhae drachma, omphacii drachma, vini austeri heminae quinque. Quod si omphacium tibi desit, in vicem ejus rhu succum immittito. Succus ejus per se antea coqui

usque ad fordium spissitudinem debet, deinde sic mel adjici: ubi coxeris, atque lebetem ab igne sublaturus es, tunc tandem sicca injicito, coquitoque donec omnia in unitatem probe coierint. Talis est compositio, quæ ex succo mororum constat. Fructus autem mororum sylvestrium succus si paretur, præstantissimum est medicamentum: item malorum cotoneorum succus; horum vero penuria, etiam pirorum sylvestrium, mespilorum, prunorum Damascenorum, sorborum, & prunorum sylvestrium. Clarum porro est, in adstringentibus fructibus copiosius mel admiscendum esse, interdum duplum, alias triplum.

Atque hæc omnia medicamenta sunt stomacho amica, periculoque vacant, & si devoret aliquis, etiam moderatis inflammationibus conveniunt. Ac licet hisce succis admiscere ea quæ in succo mororum quoque descripsimus. At medicamentum ex succo nucum paulo est valentius: imo & quæ ex moris rubi, malo punico & cotoneis parantur, tum corroborantem, tum stomacho amicam vim obtinent: hæc autem in hunc modum componuntur.

*Confectio medicamenti ex nucibus. quod δὲ καρύων  
dicitur.*

Vigentis nucum fructus cortices externi circumcidi, statimque in pila contundi debent: succus per linteum colari: ubi decoxeris, mel ei moderate misceri, ut in medicamento Diamoron proditum est, & rursus usque ad melleam spissitudinem incoqui. Ita namque ipso per se sine aliqua mixtura recte uti licet, in pueris & mulie-



ribus magis per initia. Sin autem myrrham quoque ei admiscueris, eo poteris in statu quoque uti: & si sulphur nitrumque adjicias, etiam in declinatione: item in quibus durities & constrictio arteriam asperam, ejusque summam partem obsidere diximus. Hujusmodi sane est etiam confectio, quæ ex succo nucum paratur, quemadmodum & medicamenti, quod ex moris & aliis fructibus conficitur. Usus est aliorum quoque medicamentorum, quibus maximas cynanchas etiam curare licet, de quibus deinceps dicturus sum.

Ac primum sane vobis exponam medicamentum præstantissimum, valde efficax, quod plerosque multis periculis liberaverit: id quod etiam ego sum expertus. Habet se autem in hunc modum: iridis uncia, balauftiorum uncia, piperis uncia, croci uncia, rhu Syriaci uncia duæ, vini sextarii tres, sapæ sextarius, mellis libra, aluminis uncia. Hoc remedio licet quovis tempore uti, præsertim in quibus etiam excalefacere aliquid oportet, & ea quæ vehementer impacta sunt, extenuare. Hoc sane auxilium multis experimentis optimum esse deprehendi. Jam vero salutare est etiam id, quod *δια βουσσῶν* hoc est ex *ruta sylvestri* paratur. Vocant ipsum ab hirundinibus *Diachelidonon*, & a ruta *Diabarmala*.

*Antidotum Diabefasa, quod ad malignas desperatasque inflammationes inungitur.*

Anisi, feminis apii, ammeos, junci rotundi floris, aluminis, iridis Illyricæ, Befasa, (quod nonnulli *Harmala* appellant, quidam vero *agrestem rutam*) singulorum uncia: casia, croco-



magmatis, rosarum siccarum, singulorum unciae duæ: hederæ, pullorum hirundinum cineris recentis, singulorum unciae tres: spicæ nardi, amomi, singulorum unciae quatuor: croci fescuncia, gallarum omphacitidum numero octo; lævigatis cum melle utitor. Atque hoc solo in mediocribus vitiis uti licet, ac remittere ipsius vim, admiscendo ei aut amyllum, aut rosas siccas, aut terram Creticam, aut Lemniam, quam Græci Sphragida *hoc est sigillum*, nominant, aut farinam hordeaceam, aut alia ejusmodi quædam moderata quomodocumque ad præsentem affectum sufficere aliquis existimaverit.

Item augere vires ipsius possumus, ubi efficaciore medicamento utendum est, adjicientes ei nitrum & elaterium. Vocant autem ita succum cucumeris sylvatici: finumque hirundinum crematum, & non crematum. Quinetiam si caninum Itercus album miscueris, quod canes ex ossium esu dejiciunt, validum sic quoque medicamentum efficies. Quod si humanum etiam Itercus miscueris combustum & non combustum, multo valentius adhuc medicamentum reddes: quod ex combusto fit, imbecillius est. Cæterum & pro temporum ratione nonnulla medicamenta admiscere oportet, quemadmodum & salerni ammoniacum: quando non solum reprimentia, sed etiam discutientia requiruntur. At si bryoniæ quoque radicem adjeceris, longe adhuc magis discutiens medicamen effeceris.

Constat autem in illis utendum esse eis, quæ valde discutunt, in quibus nihil influit, sed inflammationes & duræ & scirrhosæ existunt. Multi etiam sinapi præparatum, quod continue edunt, opsonia in id intingentes, oxymelli miscuerunt: deinde ita tepidum ægro gargarizan-

dum exhibuerunt: postea illito medicamento Diabefasa, mirabiliter inflammationem scirrhomam adjuverunt. Nam in omnibus fluxionibus cursum quidem reprimere, id autem quod in partem decubuit, discutere oportet, ne spiritus via interclusa obstructaque ægrum tanquam ex gravi laqueo strangulari contingat. Validam autem per unctionem reddes, si antidoto huic diabefasae tria quædam admisceas. Multos id servavit, ut ne venæ sectione aut purgatione indiguerint. Erant autem tria hæc, caninum stercus, humanum, & elaterium, singula duarum drachmarum instar in unciam antidoti Diabefasa coniecta. Ac amplius ex eis pro ægri viribus & habitu, adjicere convenit. Quod si nonnulli humano stercore, ut abominando, uti recusent, duo duntaxat sufficiunt, elaterium & caninum stercus, si illinatur. Bene enim facit cum melle: ac ubi non licet inungere, calamo inspiratum idem præstat.

At ne stercus foedi sit odoris, curato ut canis triduo ante ossa comedat. Ita enim & album est, & non foedi odoris. Humanum vero ne foedi odoris sit efficies, si puerum cujus stercus sumpturus es, tribus diebus ante, ne dejectio minus cocta sed cohærens inveniatur, lupinis coctis nutrias, quos etiam una cum pane furnario probe cocto non copiosos edere solemus. Porro stercus ex prima pueri dejectione & secunda projicere oportet: quod autem ex tertia descendit, accipere, eoque uti non liquido, sed sicco cum melle. Hæc etiam sapientissimus GALENUS & PHILAGRIUS, alique multi veterum testantur, ac experientia nos ita edocuit. Recentiores autem humano non utuntur, tanquam abominabili: canino magis, ut quod nihil foedi



odori habeat, possitque idem præstare. Quod si neque hoc uti velint, prædictis antea a nobis inunctionibus insistant, nempe ei quæ hirundinibus constat, & quæ rhu accipit, mirifico auxilio. Sed miscenda est ea, quæ ex hirundinibus paratur, ei quæ ex succo nucum constat; quæ enim ex ipso paratur, seorsim usurpare oportet.

Sciendum autem est, medicamentum Diabesafa non solum ad gutturis affectus, sed etiam alios multos proficere; etenim stomachicis celiacisque affectibus medetur, præsertim stomachicis & dysentericis, etiamsi caninum stercus receperit, quod & ipsum per se dysenteriis medetur, si lacti calculis marinis candentibus cocto admisceatur. Perinde faucibus, tonsillis, & uvæ inflammationem sustinentibus medetur, cum succo uvæ acerbæ, nucum corticum, cornorum, iligneæ glandium, sorborum, item Ægyptiæ & Antheræ mixtum. Non autem obscurum est, per initia inflammationum, & quum inflammatio adhuc urget, magis adstringentia adjicienda esse: quum autem status est, & dissipare oportet, ea quæ discutunt. Jam alias quoque multas facultates caninum stercus habet: etenim medetur aphthis, ulceribus antiquis, & quæ cicatricem ægre recipiunt, quorum omnium mentionem facere non opus est; nam ex prædictis alias quoque ipsius actiones deprehendes. Sin horum sit inopia, subscriptis admodum bonis & paratu facilibus utendum est.

*Ad Anginas.*

Raphani semen lævigatum, si ex oxymelite gargarizetur, valde proficit: nam multam humiditatem inducit.



*Aliud gargarisma, angina pressis salutare, quo  
STEPHANUS pater meus usus est, & ego.*

Spinæ Ægyptiæ drachma; iridis drachma semis, dulcis radiculae tantundem, furfuris frumenti quantum manu comprehendi potest, rosæ siccae pauculae, palmulae Nicolai quinque aut septem. Sapa aut aqua coquantur, & ex decocti jure cum mellis momento singulis horis æger gargarizet.

ALIUD. Sinapi perunctum probe facit. Hujus meminit DIOSCORIDES: notum vero est id valere adversus eos qui duriore habitu sunt, inveteratoque, non autem multum fervidas inflammationes experiuntur.

*Aliud ad eosdem affectus.*

Picem liquidam, nitrum cum melle pari portione, cedriæ momentum misceto: ac egregie diuturnis & jam indurescentibus inflammationibus opitulatur.

*Aliud gargarisma.*

Salicis folia ex aqua cocta, donec colorem mutaverint, ad gargarizandum dato. Hoc crassa avellit, juvatque.

ALIUD. Furfurum & ficuum siccarum decoctum ad os colluendum dato, præsertim in quibus tonsillæ inflammationem ab initio senserint.

ALIUD. Lenticulae, rosarum, palmularum decoctarum jura gargarizent. Hoc inter initia magis faciundum est.

ALIUD. Æris combusti & eloti drachma, nistri rubri drachmæ duæ: melle excipito, & mediocriter in vase æreo decoctis utitor. Optime facit in statu. Item absinthium cum melle egregie juvat.

*Aliud ad anginas ulceris expertes & inveteratas.*

Euphorbii drachmæ duæ, mellis sextarii quarta pars: ubi mel antea probe decoxeris, euphorbium adjicito, fingitoque catapotia, & ex ovo circumlinito, ac duo devoranda perrigito; ventrem ex facili solvent, & suffocationem arcebunt. Valde efficax est medicamentum, & ad inflammationes ex viscosis crassisque humoribus sine ulcere contractas accurate valet.

### *De sanguinis missione.*

Angina infestatis venæ quidem sectionem antea omnia adhibere necesse est, sed non universam. Nam particulares vacuationes causam potius ex ipsis locis affectis elidunt: quare etiam tertio & quarto ipsum detrahendum oportet, animi defectiorem solum vitantes. Nihil enim aliud æque hos offendit, ut animi defectio, quæ efficit frequenter, ut materia tota in altum confluat, & post missionem sanguinis, si nullus laxitatis sensus oriatur, sed cibi & aeris transitus adhuc impediatur, etiam venas linguæ subjectas incidere ne graveris: neque in crastinum differas, sed eodem id die facito. Ego sane novi me, quum usus valde urgeret, venam mane aperuisse: diluculo linguæ subjectas secuisse: & vesperi ex cremore ptisanæ lacrymam scammoniae exhibuisse: atque ita laqueum ex inflammatione ortum vix potui

dissolvere. Jam alium quemdam novi me, postquam duorum brachiorum incubito venas secuissem, repurgasse, sequenti die non expectato. Erat autem purgatio, liquor tithymali statim ex herba expressus, humidus adhuc, & nondum exsiccatus; habebat autem trium siliquarum pondus. Hæc facere oportet, in quibus vires robustæ sunt, æger ætate viget, & affectus vehementer dominatur, ut nullas admittat inducias.

Novi etiam jugulares venas a me sectas esse, quum linguæ subjectas non invenirem, ac plurimum adjuvisse. In muliere autem venas ad talum aperui, quum ipsam mensibus non purgari cognoscerem, atque illinc potius ei morbi occasionem obvenire: ac duplex ægrotanti commodum ex eo subsequutum est, nempe consuetarum vacuationum admonitio, & affectus liberatio. Idem etiam in viris tentandum est, si ipsos sanguinem per venas in ano exstantes vacuare solitos didiceris.

### *De Cucurbitula.*

Scire hoc quoque vos oportet, cucurbitulis in his etiam affectibus utendum esse: verum ubi jam materia influere desierit, neque affectum circa caput totumque corpus esse suspicemur. Nam quando materia influit, & loca fluxionibus tentantur, reprimentia potius & repellentia quam attrahentia admoveri debent. Postquam vero influxus cessaverit, opusque tandem sit materiam, quæ in affectas partes inciderat, discutere, tunc convenit & cucurbitulas & fomenta applicare: quod si res postulet, etiam cataplasma. Nihil enim metuendum erit, ubi totum corpus recrementis liberum fuerit, ne alia quædam materies



aliunde ad partes affectas defluat. Constat autem cucurbitulas ipsum, quod in partibus continetur, & solum adfert discrimen, ad superficiem extrahere posse.

*De iis quæ extrinsecus imponuntur.*

Extrinsecus autem injicere convenit cervici laminam oleo madidam, aut cerata tenera ex cera, butyro & adipe anserino conflata.

*De cataplasmatibus.*

Cataplasmatibus utendum est iis, quæ inflammata discutunt & concoquunt, nempe ex hordeacea farina, semine lini, palmulis ex aqua coctis, item croco & mica panis, simul incoctis. Vitari debent cataplasmata, quæ tantum laxant, & valide reperiunt. Quod si inflammatio ventustior duriorque appareat, etiam confert tunc adjicere ficus siccas, lapathum, adipem, & nitri paulum: quippe materiam extrahere oportet: quod etiam natura moliri festinat.

*De Fomento.*

Adhæc fovere inflammationes vetustas, scirrhusasque, alienum non est, chamæmeli, aut althææ decoctorum aqua calida, &, si laurum adjeceris, præsertim in frigidis humoribus & contumacibus, qui in altum defecerint, multo magis proficies.

*De Victu.*

Victu utantur ægri primum omnium mulsæ aquosæ, quæ universa præstare potest, nempe ex-

tenuare, & purgare, partim per urinas, partim etiam per ventrem. Dari etiam ipsa debet quibus thorax aut pulmo fluxionem suscepit, & thoracis pulmonisque regio angustia premitur, ac probe est ut inflammatio, peripneumonia, & quodammodo alia cynanche oriatur. Donec inflammationes moderatiores fiant, & thorax respiraverit, mulsam exhibere non desines. A tertio die etiam cremor ptisanæ offerendus est, qui & ipse omnem facultatem obtinet: quippe abstergit, incidit, nutrit, & inflammationum fervorem refrigerare potest.

At inflammatione jam extenuata, & moderatiore facta, necesse est etiam lutea ovorum molissima, non autem multa exhibere. Nam copioso alimento statim angusta premuntur, & rursus strangulatu periclitantur. Quare inflammatio, ut magnum malum, in his vitari debet: non enim tantum ex parcissimo cibo, quantum a copiosiore periclitantur. Talia etiam de angina dicta sint. Puto autem nihil omissum esse alterius curationis gratia: quod si aliquid etiam prætermisum sit, hoc quoque invenire poteris, ex iis quæ universim dicta sunt inquirens.



---

# ALEXANDRI TRALLIANI

## DE ARTE MEDICA

### *LIBER QUINTUS.*

JOHAN. GUINTERIO ANDERNACO  
INTERPRETE.

---

#### CAPUT PRIMUM

##### *DE TUSSI.*

**T**USSIS quemadmodum spirandi quoque difficultas, & ipsa accidens est, & diversas causas efficientes habet. Nonnunquam enim ex calida intemperie, nonnunquam vero a frigida, aut sicca, aut humida sumit exordium. Non solum autem ex nuda qualitate, sed etiam materia influente similiter constituitur, dum humor omnis qui influit, aut calidam, aut frigidam, aut aliam quampiam qualitatem assumpserit. At scire hoc quoque oportet, tusses non causa tantum, sed etiam locis invicem differre: ac alias sane ipsarum primario affectu, alias consortii lege provenire. Quoniam igitur tussis non unam sed multiplicem causam sortita est, convenit etiam nos omni studio eniti, ut causam ejus effectricem internoscamus, discernamusque; nam apud omnes hoc in confesso notumque est, citra internotionem non posse recte curari.



*Signa tussis ex calida intemperie concitata.*

Quum igitur sola intemperies calida urget tussientes, etiam calorem merito per ejusmodi quamdam qualitatem, utpote intemperiem calidam, sentiunt, & aerem frigidum respirare desiderant, juvanturque magis aeris inspiratu, quam aquæ potione, & facies rubicunda magis & caput adparet. Quod si igitur sola adeo nuda qualitas fuerit, nihil pene aut nequaquam exspuunt. Sin autem exspuunt, sputum falsam habere qualitatem, aut fumosum colore, aut leviter biliosum, idque modicum admodum & tenue, adparet. Sic enim licet tussim ex calida intemperie natam ex præsentibus signis internoscere. Nihil vero minus etiam ex iis quæ præcesserunt, hoc fieri potest, nempe insolatu magna ex parte, balneis calidis, victu calefaciente, & voluptatibus potius quam sollicitudine.

*De tussi ex frigida intemperie procreata.*

Qui ob frigidam intemperiem (nempe frigidam in thorace qualitatem) tussunt, vultu & capite longe sunt calidiores: siticulosi vero non sunt, neque falsum exspuunt: a refrigerantibus offenduntur, calefacientibus juvantur: acidum magis quam amarorem magna ex parte sentiunt: ac præcedit hos potius frigiditas, quam ardor solis, item intempestivorum balneorum, potuum & ciborum frigidorum usus. Ita sane tusses quæ ex frigida causa aut calida obveniunt, internoscuntur.

*De tussi ex sicca aut humida intemperie orta.*

Siccæ vero humidæque intemperies effectivis similiter qualitatibus internoscuntur. Differunt autem invicem, eo quod efficientes qualitates evidentissima signa habeant, materiales obscuriora, nec opus est eadem iterum repetere. Porro tusses, quæ ex influxa materia superveniunt, ea re innotescunt, quod copiosa exspuantur, vel etiam manifestæ fiunt, quod per defluxum ex aliis materiam transmittentibus, originem sumant. Unde vero & ex quibus partibus materiæ transmittantur, hic quoque distinguendum est: observandumque num ex capite id quod tussim movet, an etiam ex aliis, & quale influat. Nam pulmo subinde offenditur, ut qui primus sit, deinde thorax, aut latus, aut septum transversum, aut alia quæpiam pars. Dicamus igitur, quomodo hæc quoque particulatim internoscantur, simul autem & curentur, ut sermo de tussi omni ex parte perficiatur, nihilque omittatur, & medicus, qui ad curationem urgètur, omnia facilius inveniat.

*Nota quod ex capite materia influit.*

Si igitur ex capite defluxio fuerit, irritationem quamdam in uva vel aspera arteria concitari necesse est.



## CAPUT II.

## INDICIA PERIPNEUMONIÆ.

**S**PIRANDI difficultas, & febris acuta superviens, interdum etiam lingua scabra, genæ rubæ, gravitatis sensus, præterea si etiam nihil pene exspuatur, & ægri difficulter spirent, inflammationem necessario in pulmone subortam esse, ex his omnibus indiciis suspicari convenit. Sin autem sitis quoque vehemens præter hæc signa pariter affligat, ægerque calorem multum in thorace percipiat, ut frigidum inspirare aerem desideret, adhuc magis fervidam in pulmone esse inflammationem existimabimus. Quod si biliosum exspuatur, non autem gravitas adeo, aut angustia, sed calor potius sentiatur, erysipelas in pulmone esse manifesto cognoscitur. Pus sane deprehenditur & ex ipso solo colore, & ex aliis indiciis, unde nos illud internoscere didicimus: ab odore, si concremetur: & quod dissolvitur, si in aquam mittatur: item quod non subsidit, quemadmodum pituita crudusque humor.

Si igitur pus in thorace continetur, cum ex aliis quidem multis deprehenditur, tum vero etiam quod gravitas in pectore percipiat, & quod ipsum, quum in subitis conversionibus circumfuit, strepitum elidere frequenter audimus. Hæc igitur ad ostendendum pus in thorace contineri, abunde sufficiunt. At si ad prædicta pleuritis quidem præcesserit, nihil autem notatu dignum sputo educatur, idque violenter fiat, pus in thorace comprehendi omnibus est manifestum.



## CAPUT III.

*DE TUBERCULO QUOD PHYMA DICITUR;  
IN PULMONE CONTRACTO.*

**S**i phyma in pulmone neglectum fuerit, accedet sane omnino angustia, & spirandi difficultas, nunc quidem subita, nunc autem paulatim augescens, ita ut æger ipse consueta obire possit. Adhæc nihil is expuit, neque strepitum aliquem aut stridorem sustinet, ut quæ evenire nequeant, dum pituita adhuc incocta sit, & nondum rejiciatur.

## CAPUT IV.

*INDICIA QUUM VISCOSI HUMORES IN  
PULMONE CONTINENTUR.*

**Q**UUM vero æger angustiam subito citra molestiam febris, sitimque multam percipit, stridorem autem quemdam cum tussi experitur, interdum etiam humoris educationem, crassum viscosumque in pulmone humorem contineri, & ex capite aut alia quadam parte eo confluisse liquet. Caput vero, materię thoraci influentis causam exsistere, inde manifesto internoscet, quod irritatio, quædam & gargarismus circa uvam præcesserit. Hæc ad internoscendum diversas tussis species, & affectuum qui in thorace aut pulmone constituuntur, sufficiunt.

Sunt autem & alii, de quibus postea agetur, ubi etiam de exulceratione, ruptura & erosione scribere cogemur. At quod ego spectavi, non prætereundum silentio esse, sed vobis quoque exponendum duxi; nam visum mihi est peregrinum & admirabile. Vir quidam calculum exquisite figuratum exspuit, non crassum humorem & viscosum, sed revera calculum: non asperum, sed etiam valde lævem, durum & renitentem, ut in terram quoque projectus, sonum ederet. Hic vir longo tempore tussi vexatus, non potuit, ne valde tussiret liberari, quousque calculum exspuisset. Utebar autem victu temperato, humectante, & potius refrigerante mediocriter: erat enim & curis deditus, & habitu tenuis, ut hoc etiam signo tabidis ipse responderet. Et nisi his usus fuisset, puto illum similiter iis, qui tabe laborant, interiturum fuisse.

Meminit etiam cujusdam divinissimus GALENUS, qui non calculum, sed grandinibus similia exspuerat: item aliorum quorundam, qui similia bili colore sputa rejecerant. Ac miror quomodo ipse nullo refrigerantium uti voluerit, sed hæc quidem vitarit, calidam autem potius curandi rationem adhibuerit. Nam & Mithridatium ipsis offerebam, inquit, pariter & athanasiam, & (quæ adhuc magis siccare potest) theriacam, omniaque alia antidota ad suspiriosos inscripta, quæ acribus quibusdam & extenuantibus medicamentis constant. Atque ea se non solum in uno viro, sed etiam in compluribus vidisse dicit. Nullus autem eorum, quibus ejusmodi acciderunt, mortem effugere potuit, sed omnes, quum paulo longiore tempore aut breviori perdurassent, interierunt. At re ipsa verum est, quod ille de ARCHIGENE prodidit, difficile enim

est homo quum sit, non etiam in multis aberrare, qui nonnulla prorsus ignoraverit, nonnulla etiam negligentius conscripserit.

Atque hæc dicere de tam sapiente viro ausus non fuisssem, nisi veritas confidenti me esse animo incitasset, atque ego rursus impium esse filere censuisssem. Nam medicus, quum id quod sibi videtur, arripit, & non explicat, valde alios offendit, & impietatem exercet, magnoque errori imprudens seipsum sponte implicat. Verum illud agendum est, quod (inquit) ARISTOTELLES dixerit, amicus quidem Plato, amica vero etiam veritas: duobus autem propositis, veritas præferri debet. Cæterum ut partes medicamentorum in tussim efficacium materias facile invenire, & affectui, quem signa tibi suggerunt, accommodare possis, consentaneum putavi, post notationes & generalem medendi rationem, etiam auxiliorum differentias vobis interpretari; adjecto exquisito ipsorum pondere, ne opus sit ab alio ea discere, sed hinc id quod quæritur colligatur.

*Bechica, quibus utendum sit.*

In quibus id, quod ex supernis influit, tenue est & acre, thoraxque recrementi copiam non habet, styrace, myrrha, melle despumato & vino exceptis, utitor. Fingito etiam catapotia errorum instar, utitorque noctu, pilulas duas aut tres, aut unam exhibens, virium ratione semper habita. Nam quum moderate offeruntur, præstantissima sunt utilissimaque, & veteres tussis a tenui fluxione concitatas perfanant.



ALIUD. Papaveris lacrymæ, myrrhæ, galbani, pari singulorum pondere melle excepto utitor.

ALIUD. Galbani, castorei, opii, piperis, paria pondera contusa excipito, fingitoque catapotia, ac eodem utitor, in quibus non admodum tenuis est influxus, sed etiam thorax recrementa continere videtur, & non admodum opus est torporem inducere.

ALIUD. Styracis unciam, opii drachmam, galbani semunciam, terebinthinæ semunciam: redigito in catapotia, ac similiter ipsis utitor.

*Aliud bechicum, in quibus acris influxus est, & thorax mediocrem repurgationem postulat.*

Nucleorum pini unciam, palmularum carnis uncias duas, iridis fescunciam, amygdalorum dulcium uncias duas, tragacanthæ unciam, melle Attico excipito, & utitor, cochlearium exhibens.

ALIUD. Rosarum viridium drachmæ octo, nucleorum pini drachma, terebinthinæ drachmæ duæ: uvarum passarum dulcium drachmæ quatuor: mellis quod sufficit.

*Aliud ad tenuem admodum & acrem influxionem.*

Alterci feminis drachmæ duæ, nucleorum pini drachmæ sex, croci drachmæ duæ: sapa dulci excipito, fingitoque catapotia ervorum instar, & dato noctu.

*Aliud, quod in mixto affectu valet, vocatur  
autem Hygia.*

Ammeos uncia, anisi fescuncia, opii drachmæ duæ, tragacanthæ, nucleorum pini torrefactorum, singulorum drachmæ quatuor. Arida lævigato, miscetoque cum tragacantha. Hanc autem & opium prius aqua macerare oportet, deinde lævigata mixtaque in pastillos conformare, qui singuli drachmam pendant. Siccatos in umbra cum mulla exhibeto.

*Aliud bechicum.*

Styracis, croci, galbani, opii, singulæ drachmæ, nucleorum pini drachmæ quatuor. Finguntur catapotia fabæ Ægyptiæ instar: ac datur pilula in noctem: ac una nocte interposita, altera exhibetur, si utique usus postulat. Ita namque valens & utile medicamentum est ad acres & tenues fluxiones, ut multos ex uno curatos noverim, quamvis longo tempore fluxionibus laborassent. Hoc medicamentum dandum non est, nisi solis probis, & prudenter artem exercentibus.

*Aliud ad plura efficax.*

Myrrhæ Troglodyticæ drachmæ sex, alterci drachmæ quatuor, opii totidem, cynoglossæ herbæ corticis drachmæ quatuor semis. Corticem in sole bene siccato, miscetoque cum reliquis: opium vero aqua macerato: fingitoque pastillos, & pro virium ratione exhibeto. Confert etiam cruenta spuentibus, dentium fluxionibus, urinarum stillicidiis, vesicæ doloribus: summatim,

is qui vehementi fluxione laborant , colicis & lienosis.

*Aliud bechicum, quod mysterium dicitur.*

Croci, castorei, feminis alterci , opii , styra-  
cis, singulorum drachm. quatuor: melle exceptis  
utitor, præstantius autem fit, si pro quaternis  
duas alterci misceas. Facit etiam coeliacis: nam  
continuas fluxiones impedit.

*Ad tusses, in quibus multus acrisque influxus est:  
præstat etiam ne in bilem ille convertatur.*

Dulcis radiculae bene purgatae & elotæ uncia  
tres semis, tragacanthæ uncia tres, succi dulcis  
radiculae uncia, amyli uncia tres, succi lactucæ  
uncia duæ semis. Conjicito tres semuncias  
dulcis radiculae in ollam, in qua sint aquæ puræ  
sextarii septem, & coquito usque ad tertias: de-  
inde ubi refrigeraveris, ex aqua in quamdam pu-  
ram patellam conjicito, atque sic uncias tres tra-  
gacanthæ addito, curatoque ipsas usque ad ma-  
tutinum tempus incoqui, & puro mortario indi-  
ta, adjectoque succo dulcis radiculae & lactucæ,  
contundito, incernitoque cribro. Mane utraque  
misceto: postea si crassius evadit, Chrysatticum  
vinum addito: emollitoque, donec mellis crassities  
fiat. Dato cum fiducia jejuno cochlearia tria,  
sive siccitas, sive aliud quidpiam fluxionis causa  
existiterit. Hoc medicamentum Jacobo PSYCHRE-  
STO adscribunt, viro magnifico, & Dei in arte  
observatissimo. Vocabatur autem PSYCHRESTUS  
quia alimento humectante uteretur, atque hoc  
facere videbatur, quum vulgus hominum rerum  
ad se non pertinentium curiosum esse, pecuniæ



deditum, & semper in tristitia & curis per totam ipsorum vitam agere videret.

Haftenus de iis, qui tenui fluxione & acri infestantur, coque tussiant. Porro sunt & alia multa, tum a diviniſſimo GALENO, tum aliis prodita: verum satis esse putavimus, non copiam medicamentorum, sed quæ longo usu a nobis sunt comprobata, explicare. Itaque antidotum quod diacodeion vocatur, nihilo minus eos qui acris tenuibusque fluxionibus molestantur, juvare solet: quare hujus quoque scripturam exponendam esse duxi.

*Diacodeion, ut diviniſſimus GALENUS ipsum paravit.*

Papaverum capita decem in aquæ sextarium conjecta prius macerato, si quidem fuerint humidiora mollioraque usque ad unum diem noctemque: sin autem duriora & sicca fuerint, longiore tempore quam uno die. Satius autem est nondum dura accipere, & humida admodum etiam rejicienda esse constat. Quippe sicciora succum modicum habent, humidiora vero multum quidem, sed non coctum, aquosum & imbecillum: quare etiam ea, quæ ex humidis valde locis petuntur, repudianda esse liquet. Coctionis finis esto non quum tertia aut quarta, aut omnino hujusmodi quæpiam aquæ portiuncula relicta fuerit, verum quumprimum tota intabuerint, succus exprimi debet, & non amplius incoqui: atque dimidia mellis pars ei admisceri, & igne fumi experte usque ad mellis Attici spissitudinem decoqui, cum aqua pluviali aut fontana. Ufus autem ipsius iis, qui somno indigent, ac-

commodatus est: quibus etiam ea quæ ex opio parantur, frequenter offerre cogimur.

Requirunt autem ejusmodi potissimum medicamenta illi quibus fluxio tenuis a capite in asperam arteriam defluit, quæ propter tusses insequentes dormire non permittit. In his ego medicamenti confectionem ex sapa parare consuevi: ad talia vero abunde coctum est medicamentum, quum papaverum capita usque ad aquæ dimidias incocta fuerint: ac præstat ipsum, ubi fluxio admodum subtilis tussim fecerit, ex passo Thebano & Cretico quam melle decoquere, ut quod extenuantem vim obtineat: vitarique debet ipsum tunc quum tenues defluxiones, Græce *catarrhi* dicuntur, intendat, augeatque. Dulcis autem radícula medicamento, dum coquitur, miscenda est, ut simul incoquatur: verum illius inopia, succus ejus qui ex Creta adfertur.

At si in thorace copia, quæ ex capite fluxerit contineatur, confectio quæ ex melle paratur utilior existit. Nam ut ægri somnum, ita etiam sputi educationem requirunt, quæ melle efficitur. Quapropter ei quod magis urget insistens, quum ægri in somnum inciderint, vel id quod ex melle, ut illud quod absque eo constat, exhibebis: interim ambo miscebis, huc spectans in mistura ut ex altero amplius, eo quod urget postulante, injiciatur.

At moderatus medicamenti modus esto, insignis duorum cochlearium mensura: augebisque ipsum, aut minues, pro morbi magnitudine, & ægri cui offers, ætate, anni tempore, & regione. Si enim ad frigidius vergant, paucissimum exhibebis: sin autem ad calidius, copiosius. Porro quod ad defluxionis quantitatem & quali-



tatem respiciens, plus vel minus exhibebis, cuius manifestum existit. Hoc enim in omnibus præsiidiis est commune.

*De tussi, & medicamento diacodeion.*

Tanta etiam de medicamento diacodeion a nobis dicta sint, quod aliis quoque multis affectibus conducit. Nam ardore febrili æstuantibus prodest: item si immodica sitis urget: si vigiliæ infestant, si sudores ob tenues acresque humores affligunt, ut prope in syncopem æger incidat: adhæc si erysipelas in thorace existit. Præterea iis opitulatur, quibus vertigines ob calidos vapores ex ventre, aut corde, aut jecinore adscendentes oboriuntur, necnon quibus gingivæ, fauces & tonsillæ, ex acris humoribus fluxiones experiuntur, dentesque dolent: insuper iis, quos vehementes lippitudines, sideratio, dolores, vigiliæ, & fluxiones ex tenuis & acris humoris cursu excitatæ torquent, præsens est remedium, si pro virium ratione exhibeatur. Nam gargarizatum ad multa admodum valet, quorum numerum memoria tenere difficile est: sed tantum intelligere satis est, in omni calida intemperie, si moderate & ut res postulat, propinetur, ceu aliud etiam quoddam, præsentissimum adferre præsidium potest: quemadmodum & vitam frequenter adimere, si viribus valde infirmis porrectum fuerit, quumque recrementorum copia in thorace continetur: quare magna diligentia & animadversione ipsum præbere convenit.

Præstat autem ubi talis suspicio fuerit, nempe abundantia aut imbecillitatis causa, neque copiosum, neque per se ipsum exhibere. Et-



enim licet ipsa tussim lenire videantur, ac somnum accersere, attamen thoracis angustiam adaugent, ut multi ceu laqueo strangulentur. Quare præstat minus ex eo semper dari, & præterea extenuantia aut abstergentia ei miscere, ut oxymel, aut quod ex marrubio conficitur: & tunc potissimum in quibus id quod influit, tenue est (ut diximus) & acre: si enim tale quid sit, nihil inde nocebis, si antidotum dederis. Nam ea, quæ tenuia sunt, mediocriter crassa reddit & contemperat, doloremque hinc provenientem finit.

*Quo victu nutriri debeant, qui ex tenui & acri fluxione tussunt.*

In quibus tenuis acrisque fluxio thoracem infestat, iis ptisana, lutea ovorum, gallinarum alæ, testiculi gallorum, pisces dura carne præditi, & præsertim isicia ex ipsis confecta, nempe orpho, glauco, sepia, & buccino, dari debent: si autem pectines adsint, etiam hi offerentur. Nam hunc cibum, bonum habere succum, vim contemperantem & mediocriter spissantem cum dulcedine, etiam deprehendes.

Inter olera, malva & cocta & non cocta his est aptissima: item lactucarum caules similiter, & intybi. Hæc autem largius exhibere convenit, ut quæ etiam subamarum aliquid habeant, unde tum refrigerare, tum obstruere possunt, adhæc carnes quoque ipsos assumere quales velint, alienum non est: item pectora bouum, ovium ventres, pedes & rostra, anserumque alas & ventres.

Inter legumina præponi debet alica cum aliqua ave, aut carnibus, item fabæ coctæ: quod si etiam tempus ferat, virides dare alienum non est, quippe hæ spissant, & contemperare infinitis modis possunt.

Ex fructibus autem pomaceis dulcia mala præbere, magisque a balneo, conducit; sic enim si assumantur, magis juvant. Assa vero super cibum comedere commodius est. In mensis secundis castaneæ aliis præferri debent; nam utcumque ipsas esse velis, affectus hos juvant, magisque coctæ. Palmulas autem, & uvas passas, si dulces sint, neque multas, neque frequenter largiri oportet.

Quod si germina fœnigræci etiam frequentius ipsis dederis, non magis offendes, ut quod vim quamdam humoris, qui pertinaciter thoraci inhærescit, repurgandi obtineat.

Potione temperota utendum est, si æger quoque calidus fuerit: sin autem frigidus temperamento, frigidam quoque bibere ipsis audacter permittendum. Quod si vinum eis gratum est, propina etiam Chrysatticum modicum, & Bithynum, & magis dulce aliquod vinum.

At balneis utantur quam licet tepidissimis, & in caput plures ex tepida situlas recipiant: ungantque totum quidem corpus hydræleo, caput autem rosaceo: & in aquæ frigidæ solio diutius immorentur. Quum enim sic nos agimus, tum id quod jam in thoracem incidit, celeriter educetur, tum nihil aliud in posterum influet, quum caput calorem præter naturam deposuerit, & humor, qui influebat, tussimque irritabat, mediocriter crassus sit effectus.

*Quæ medicamenta convenient iis, qui a crassioribus humoribus tussi laborant.*

Quum jam de iis, quibus tenues humores in thoracem & pulmonem defluunt, tractaverimus, de viscosis etiam crassisque humoribus respirationis partes infestantibus persequamur. Duplici autem modo auxilia hoc in commentario vobis interpretatus sum, uno quidem, simplicia & paratu facilia, ut naturam viresque eorum accurate intelligentes nos ipsi quoque medicamenta componere possimus, quæ magnitudini & qualitati infestantis morbi convenient: altero vero, composita, quæ longo nos usu & experientia comprobavimus.

*Simplicium medicamentorum expositio.*

Strobilus viridis mulsæ incoctus, picæque fructus, & dulcis radícula, ipsa similiter cocta; castorei suffimen in carbonibus excitatum, & per inspirationem adtractum. Maxime enim juvat pulmonis, thoracis, cerebrique affectus. Humidos & frigidos capitis ac thoracis morbos etiam spica nardi sanat, eo quod siccare potest; item adiantum, vel amygdala amara, pulegium, fatureja, & ficus pingues.

His omnibus utendum est, in quibus thoracem & respirationi inservientes partes viscosi humores & crassi obstruunt, infestantque: cavenda autem quæ his valentiores vires obtinent. Hæ namque partes non requirunt, ea quæ efficacem habent actionem, præsertim in quibus pus expuitur, talia enim e contrario desiccant, quare etiam quæ urinam movent inimica sunt, quum



ſputi educationem e thorace impedian. Nam ubi ſeorſum per urinam trahitur, excrementa reſpirationis partibus infixæ ægre ſurſum educi poſſunt, præſertim ubi magis, quam par eſt, torrentur, & deficeſcunt. Quapropter conſulo, in quibus infarctus humor eſt, aut pus in thorace continetur, inciſorium quidem medicamentum exhibere, reſtinguere autem ipſius vim, ne valde calefaciat, ſiccetque, admiſcendo ipſum ſuccis quibusdam, aut liquoribus aliis ſimul incoquendo aut contemperando, magisque ſi æger ſiccioſam temperaturam habitumque tenuiorem habere videatur: præterea ſi febris adfuerit, tunc humidiora & modice calefacientia offerre convenit. Quum medicamentum, quod exhibebitur, tale evaſerit, ſuperflua excrementa reſpiratoriis inhærentia, facile & citra impedimentum educationi parebunt.

Viſtu ex hyſſopo, & pulegio, vel thymi turionibus ſiccis, vel catapotiiſ uti non oportet, niſi tantum in illis, qui frigidis, viſcoſis, craſſiſque humoribus ſcatent: ad hæc qui temperamento humidior & frigidiore præditi videntur: etſi cibo copioſiore balneisque intempeſtivis antea uſi fuerint. In talibus enim omnes, qui nos præceſſerunt medici, ex ſinapi, aphronitro, & ſulphure compoſita adhibuerunt; quorum etiam confectiones ad propoſitum affectum accommodari licet; maxime ſi pro temperamento, conſuetudine & ægri viribus, accurate auxilii facultatem & intendamus, & remittamus.

*Compoſita medicamenta ad tuſſim extenuantia*

Marrubii ſucci ſextarius, mellis Attici tantundem. In duplici vaſe coquuntur uſque ad unum

sextarium , parataque vitreo vase conservantur , & cochlearia duo mane & vesperi exhibentur. Hoc remedium tussim sanat , etiamsi inveterata sit , & pus in thorace contineatur.

*Aliud.*

Spicæ nardi, croci, piperis, marrubii, singulæ uncia, gingiberis fescuntia, mellis, vini, utriusque sextarius. Marrubium cum vino usque ad dimidias coquito, deinde reliqua mixta incoquito, ac mane & vesperi utitor.

*Antidotum δια' πρᾶξις, tussientibus, phthisicis, purulentis, cibum fastidientibus efficax. In omnibus cum fiducia utitor; est enim multo usu probatum, scriptura ejus habet se in hunc modum.*

Hyssopi Cretici scrupuli sex, apii uncia sex, citrii medullæ uncia sex, calaminthæ uncia sex, iridis Illyricæ uncia quatuor, rosarum siccarum libra semis, dulcis radiculae fucci tantundem, pullegii libra, capitum papaveris sylvatici uncia decem, marrubii viridis uncia sex, palmulae Nicolai quinquaginta, ficus pingues quindecim, nuclei pini virides quinque, sapæ primariae sextarius, mellis primi meriti sextarii tres, aquæ fontanæ sedecim. Coquito ad aquæ tertias, deinde medicamentis sic projectis, mel & sapam adjicito, coquitoque ad mellis spissitudinem. Exceptis utitor ad prædicta audacter; nam valde nobile est, & multo usu probatum remedium.

*Bechicum*, quod ab ervis δι ἐρβων Græcis dicitur.

Palmularum pinguium fefquidrachma, iridis drachma, croci drachma, piperis drachma, ervi fefquidrachma, mellis defpumati quod fatis eft. Contufa incretaque melle excipito, datoque jejuno cochlearium: quod fi amplius infeltetur, porrige etiam alterum.

ALIUD. Sinâpis torrefacti & eloti paria pondera melle defpumato excipito, ac ad tuſſes diuturnam perfrigationem expertas utitor.

*Aliud ejufdem facultatis.*

Sinapis, piperis communis, fingulorum feru-puli ſeptem, mellis ſextarii quatuor. Hæc contundito, deinde melle emollito, in unitatem cogito, fingitoque pilulas: mane & vefperi exhibeto. Valens eft medicamentum, & præſtantiffimum, ut propterea ipſum a Deo datum eſſe, ſermone fit celebratum.

ALIUD. Coſti uncia, cardamomi, caſtorei, opopanacis, fingulorum drachmæ duæ, croci, galbani, piperis albi, fingulorum drachma: mellis quod fatis eft: datur fabæ Ægyptiæ inſtar ex aqua. Confert hoc etiam iis, qui pus jam educere meditantur.

*Aliud quod vehementer calefacit, ex Commentariis Magni.*

Ervorum farinæ ſemuncia, feminis lini torrefacti uncia, pulegii unciæ duæ, nucleorum pini, althææ radicis, hyſſopi, fingulorum uncia: uva-

*Princ. Art Med. Tom. VI.*

O



rum passarum, quibus acini sint exempti, unciae duae semis. Dulcis radiculae decocto excipito, & cum fiducia etiam in febricitantibus utitor.

*Aliud, & ipsum similiter insigne.*

Nucleorum pini uncia, tragacanthae uncia, palmularum carnis unciae duae, iridis uncia, amygdalorum dulcium unciae duae, mellis Attici quod fatis est: excipito, datoque cochleare.

*Suffimen ad tussim, quod ex stercore leporis paratur.*

Resinae terebinthinæ, auripigmenti, stercoreis leporini pares modos in collyrium redigito, & carbonibus abiegnis & terebinthinis fumum excitato ad triduum, si vires permiserint, & affectus ex omnibus notis apparuerit frigidissimus, atque id quod influit, tale ad amussim existat. Nam in quibus calidus est affectus, talibus uti periculosum est.

*Aliud bechicum utile, ad impertiendum facile, & ad cruenta sputa, spirandique difficultatem efficax.*

Iridis Illyricæ drachmæ quatuordecim, myrrhae Troglodyticæ drachmæ duae, styracis calamitæ uncia, uvarum passarum acinis purgatarum drachmæ octo. Cum fiducia utitor, fabæ Ægyptiæ magnitudinem exhibens.

*Aliud suffimen.*

Thuris, sandaracæ, medullæ cervinæ, paria pondera. Omnia lævigata in pastillos cogito, & per infundibulum dies tres suffito, servatoque

ægrum domi, odorata ei adhibens; recte autem facies, si primo die ter suffitum excites, secundo bis, & tertio semel. Si pastillo in panniculum coniecto fumum excites, longe præstantius hoc reddes medicamentum. Multis experimentis est probatum.

*Aliud ejusdem facultatis.*

Thus masculum, mastichen, medullam cervinam, sandaracam, styracem, omnia pari portione ad fumum excitandum incendito, ubi prius vinum merum propinaveris.

*Pastillus fumo excitando idoneus, quo utor ad veteres frigidosque affectus.*

Dauci, cardamomi, sinapis, abrotani, sandaracæ, omnium pares portiones sumito, ac cum fiducia per infundibulum utitor.

*Bechicum antidotum, ad frigidos affectus saluberrimum.*

Piperis, baccarum lauri, thymi, singulorum uncia: mellis quod sufficit. Dantur duo cochlearia mane.

*Bechicum valde bonum.*

Pulegii, mastiches, singulorum drachmæ quatuor, piperis drachmæ duæ, mellis despumati quod satis est.

*Aliud benefaciens præsertim ad tusses vetustas.*

Marrubii fucci libram , olei omphacini libram : mixta pro viribus dato. Valet etiam insigniter ad sputa cruenta.

ALIUD. Ubi porrorum succo admiscueris mellis despumati libram , dulcis radiculae fucci , hyssopi , singulorum uncias duas , amygdalarum expurgatarum uncias duas & semissem , pistaceorum purorum & torridorum uncias duas , nucleorum pini purgatorum & torridorum uncias duas , feminis urticae unciam , feminis lini torrefacti semunciam. Valet ad tussientes , & præsertim iis qui viscosa educunt..

*Aliud tussientibus & egre spirantibus idoneum.*

Nardum Gallicam contusam melli adjicito , & nucis avellanæ instar ex ea dato.

*Aliud valde egregium.*

Uvae passæ domesticæ uncias duas , staphidis agricæ scrupulos duos , piperis scrupulos quatuor. Fingito catapotia , & utitor ad vulvæ perfrigerationes.

*Pilule bechicæ.*

Opii , styracis , castorei , terebinthinæ , sulphuris vivi , singulae uncia. Datur pilula una , aut duæ , aut tres , pro viribus. His semper uti convenit , in quibus tussis est diuturna , multasque vigilias inducit.



*Ad tussim veterem & phthism.*

Marrubii teneri succi sextarii octo usque ad dimidias coquantur, deinde picis liquidæ sextarius superfundatur: ac ubi unitas facta fuerit, nardi Syriacæ lævigatæ unciam adjicito, croci obolum, pompholygos Cypriæ obolum, thuris unciam, piperis longi, lapidis hæmatitis, singulorum drachmas duas. In eclegma redactum, lingendum pro viribus dato. Admodum prodest iis, qui in pulmone ulcus experiuntur, & qui per totam tussim pus excreant: item stomachi & intestinorum affectibus opitulatur. Cæterum ad ejusmodi affectus etiam superfusionibus & emplastris uti non est alienum, a simplicioribus primum incipiendo. Abunde auxiliatur oleum chamæmelinum, si thoraci inungatur, nunc per se, nunc anethino ei addito, adipe anserino, butyro, æsypo liquido, & rutæ turionibus. Quod si usus requirat, etiam lanas fordidas istis imbutas pectori imponere vincit. Atque hæc satis opitulari possunt crassis viscosisque humoribus thoraci tussientium infixis. Si emplastris quoque indigeant, etiam horum scripturas exponam, quæ & ipse in ejusmodi affectibus variis modis sum expertus.

*Emplastrum ad tussim efficax.*

Terebinthinæ uncia sex, æsypi liquidi uncia quinque, ceræ uncia duæ, iridis contusæ uncia tres, olei Cyprini uncia tres.

*Aliud valde bonum: confert etiam agre spirantibus.*

Butyri uncia sex, adipis anserini uncia, adipis taurini uncia sex, æsypi uncia quatuor, ga

bani unciaë quatuor, opopanacis unciaë quinque, castorei unciaë tres, ceræ unciaë sex, euphorbiæ unciaë quinque, adipis suilli veteris unciaë duæ. In emplastri formam redacta, thoraci imposito. Benefacit etiam emplastrum Peganera, & Anethine, & quod a *baccis lauri* διὰ δαφνίδων Græcis dicitur.

*Catapotia ad tussim.*

Styracis, opii, myrrhæ, singulorum semuncia; opobalsami, croci, utriusque drachmæ duæ. Fingito catapotia ad magnitudinem ervi: dormituro deglutienda dato.

ALIUD. Zingiberis uncia, piperis albi uncia, galbani, castorei, croci, opii, singulorum uncia: styracis semuncia. Fingito catapotia ervorum infar, & dormituro exhibeto.



---

# ALEXANDRI TRALLIANI

## DE ARTE MEDICA

### *LIBER SEXTUS.*

JOHAN. GÜINTERIO ANDERNACO  
INTERPRETE.

---

#### CAPUT PRIMUM

##### *DE PLEURITIDE.*

**P**LEURITIDEM voco, quæ proprie pleuritis est; non enim omnis lateris dolor, pleuritis nominatur. Nam quæ proprie pleuritis est, membranæ costas succingentis est inflammatio: unde etiam febrim inducit acutam, utpote corde vicino, & consortii lege condolente. Si igitur febrim acutam, spirandi difficultatem, dolorem punctorium, & tussimprehenderis, tunc illum exquisitè pleuriticum esse dicito, cui omnia hæc acciderint. Febricitant autem spirantque difficulter etiam, qui jecoris inflammatione laborant, latere distenduntur, indolescunt, & ex consensu tussunt: verum punctionem non ita percipiunt, neque pulsum durum habent.



*Quomodo pleuritici ab hepaticis discernantur.*

Discerne autem eos tum peculiari dolore, tum pulsibus potissimum. Etenim pleuritici pulsum habent qui ferræ modo tactum secet, & durum: jecore autem affecti, nequaquam: sicut nec qui pulmone laborant, ob particularum mollitiem quicquam tale obtinent: imo neque tusses pleuritici & jecinorosis similes existunt. Etenim pleuritici & tussi vehementiore premuntur, & statim exscreant: temporis autem processu, omnia deinde colorata exspuunt; quod etiam humorem, qui inflammationem pepererit, indicat. Nam rubrum quum est, sanguineum humorem notat: quemadmodum etiam omne subflavum, biliosum, album viscosumque, pituitosum: nigrum autem, melancholicum testatur. At hepatici irritantur quidem ad tussim. sed nihil exscreant.

Scire autem te volo, etiam pleuriticos nonnullos tussire, & nihil emoliri: verum hinc non censere omnino eum esse hepaticum oportet, qui tussit quidem, non autem exscreat. Nam pleuritis quoque contumax concoctuque difficilis esse potest, quæ maxime etiam periculosa existit. Jam inflammatio quoque inferius in costis spuris subsistere potest, ut nihil ad thoracem pertingat; quemadmodum etiam inflammatio externa. Nihil enim in his affectibus exscreatur, sed magna ex parte, nisi humores qui inflammationem excitarunt, fuerint discussi, in abcessum convertuntur: rarumque id est. Animum igitur adverte simul omnibus, & faciei colori. Pallidi namque sunt plurimum jecore affecti, quod pleuriticis non adeo accidere consuevit. Hoc sane modo pleuritici internoscendi sunt.

*Curatio pleuriticorum.*

Cæterum curare ipsos oportet, ad vires & naturam ipsam morbi respiciendo. Si namque sanguineum esse, qui inflammationem fecerit, humorem indicia suggerunt, ad venæ sectionem venito; præsertim si in supernis partibus constiterit, ut jugulum quoque detrahat vehementer. Si nihil horum fuerit, sed etiam dolor imam septi transversæ regionem affligat, alvum purgare convenit, ut divinissimus HIPPOCRATES nos docuit. Ne igitur temere sanguinem mittas, neque purges, ut vulgo faciunt, nisi exquisitè didiceris humorem qui inflammationem pepererit, copiosum esse, & in toto corpore superare. Etenim cum alia quoque multa copiam tibi indicabunt, tum vero maxime fomentum, quod loco admovetur.

Si igitur fomentorum & facculorum usu dolor moderatior evadit, ut etiam æger manifesto recreationem sentiat, copiam non esse intelligito, ac cum fiducia fomento utitor, & auxilia parti inducito; discuties enim id quod offendit, quodque inflammationem excitarit.

Quod si nihil horum evenerit, sed dolor potius, præterquam quod nihil cedit, adhuc etiam validior adpareat, constat copiam adesse, quam particulæ incalcescentes ad se adtrahunt. Hoc igitur ubi manifestum fuerit, ne differas, sed potius nulla mora interposita, vacuationem adhibeas, qualemcumque ex iis, quæ superius commemoravimus, expedire suspiceris. Vulgares autem nostri temporis medici cavent, ne pleuriticum aliquando purgent: ad sanguinis autem missionem, tanquam inculpatam & tutiorem confugiunt.



Verum sciendum est plerosque, præsertim in quibus non adeo magna sanguinis copia in venis superare videatur, juvisse, locum acutissimo scalpello probe sacrificasse. Convenit autem cucurbitula quoque post cutem incisam uti, ut quod in ea continetur, ex alto extrahatur: atque hoc facto mirari, licet quomodo inde etiam dolor, qualiscumque fuerit, licet vehementissimus, conquieverit, ut neque fomento, neque alio præsidio indiguerit. Hoc medici privatique omnes usi sunt, longa id experientia edocti: & juvat. Commodius autem est & tutius, in quibus parva copia est evacuanda, hac uti curatione, utpote validissima: atque in omnibus auxiliis sic agere præstat: utitor autem fomentis humori superanti familiaribus. Si namque sanguineus fuerit, iis quæ discutiunt siccantque, ita ut non calefaciant admodum, quale est ex miliis fomentum. Sin autem biliosum, spongiis ex aqua calente folis cum herba chamæmelo utendum: quod si pituitosior fuerit, ex sale & foliis lauri, aut ervis torrefactis, aut lanis oleo anethino imbutis: sin melancholicus abundet, fomento potius ex furfuribus in jure chamæmeli decoctis. Hoc fomentum excellentissimum est, & prope ad omnem dolorem convenit. Nam licet ipsum etiam calidius efficere, admiscendo, si usus postulet, amplius vel althæam, vel anethinum oleum loco chamæmeli, & intendere ipsum: item lenire quomodocunque velis, pro affectus propositi ratione. At fomenta ex posca, & præcipue quæ rodens aliquid continent, vehementer adverfor: siquidem materiam repellunt: quæ autem valde sunt acria, inflammatis fluxionem excitant.

Ceratis ex adipibus, & fomentis lenibus admodum, quatenus licet, inter initia potissimum uti-



tor: ubi vero concoctio adparuerit, nihil nocebis, si etiam emplastro calefaciente utaris, quale est quod ex melle paratur, per se & cum adipe suillo adhibitum. Similiter etiam Peganera dictum intestinorum affectus admodum discutit, & per se & alicui horum admixtum.

Bibant omnium maxime aquosam admodum mulsam: nullum enim aliud auxilium ita pleuriticis accommodatum invenias. At si febris vehemens admodum fuerit, ne sic quidem, si valde sit aquosa, quicquam nocebit. Similiter autem loco mulsæ utitor apomelite, quemadmodum etiam mulse, paululum, quotiescunque æger graviter tolerat excreationem, tepidum ex eo superforbere præcipiens. Quod si magis rursus in sputo educendo laboret, utitor etiam oxymelle, præsertim quod marrubium habeat incoctum. Fugito autem diacodeion & Philonium, aut aliud quoddam narcoticum medicamentum. Maxima namque pericula inducunt, dum omnia humores educationi contumaces reddunt, præterquam quod etiam vires prosternant, reddantque emortuas. Sin autem dolor vehemens & intolerabilis urgeat, vel etiam vigiliæ multæ viribus robustis torqueant, prædictis uti alienum non est, ut vires ipsæ nimis vigiliis periclitantes recolligantur. Sin imbecillitas virium fuerit, vitato prorsus torporis inducendi efficacia.

### *De Victu.*

Cibo utatur cremore ptisanæ largiter decocto, donec id quod flatuosum est deposuerit. Nisi enim probe coctus fuerit, præcordia ipsa quoque inflat, quemadmodum etiam alia legumina. Quod si humor ægre educatur, amygdala purgata lævigata-

que ptisanæ incoquenda commisceto. Tunc enim humor, qui in thoracem fertur, magis educationi parebit. Sin autem æger non vehementer admodum febricitet, & inflammationis fervor cessasse videatur, cum fiducia etiam urticæ semen cum hyssopo simul ptisanæ incoquendum adjicito. Nam hæc crassiora & viscosa magis recrementa largius extenuare possunt: lac autem amygdalatum per se exhibeto, paululum ei mellis adjiciens. Commodius est, mane ptisanæ cremorem, vesperi amygdalatum lac offerre.

At si vires imbecilliores adpareant, panis quoque puri micas ex apomelite, aut hydromelle, aut hydrorofato porriges. Nam quod Cibyriacum vocatur vitabis, ut quod febres irritet, & caput feriat, ut etiam faciat deliria. Multo satius esset, si vires admodum imbecillæ viderentur, paulum Cnidii vini dare, aut hydromellis quod a Cibyra adfertur. Sin autem micæ panis ægro sint ingratae, dulces potiones sunt assumendæ, & jusculum quod sine oleo paratur, ex sola gallina, & modicis panis micis, si vires infirmæ sint, & æger cibum fastidiat. Assumat etiam pisciculum, præfertim turdum, virium ratione habita; est autem piscis & tener & humidus, concoctus facilis: & si forte ipsum ptisanam marinam nomines, non erraveris: adeo recrementi expers est alimentum quod ex ea capitur. Pectines autem dictos ac omnia testacea cute prædita fugito, ut crassi succi & sputi educationem vehementer impredientia. Similiter etiam olera vitabis, nisi lingua scabra siticulosaque, & febris ingens adpareat; tunc enim absurdum non est, aut malvæ, aut intybi decoctum exhibere. Similiter & malum dulce dari debet: malum autem Punicum, & quodcunque adstringens fuerit, ceu thoraci inimica repudiato.



Item frigidum si quod actione existat, fructusque pomaceos vitato. Tepidam vero exhibeto, & non ( ut vulgo ) biliosam ipsam esse putato; quippe hoc ridiculum est. Accusant manifesto HIPPOCRATEM, ignorantes quomodo hoc dictum sit. Calorem igitur experientibus, vehementer siccis, & feбри laborantibus, quis hac præstantius invenerit, quæ & bili resistere, & evincere eam queat, si quis cibos etiam ad nutriendum efficaces offerat; quoniam ipsa per se, ut quæ simplex existat, neque nutrire, neque humectare proprie ægrum potest, sed tum siccum tum amarum ipsum inedia potius ratione efficiet. Itaque cum vino, mulsa, & aliis cibis ipsam conferens, hoc dixit. Quare tepida reprehendi non debet; ipsa namque est quæ efficit, ut & alii cibi tum concoquantur, tum celerius in corpus distribuantur. Atque hoc est quod dici; *humiditas alimenti vehiculum*.

Quare non desinas tepidam exhibere, inter eadum cibus & aliæ potiones exhibentur. Id namque ipse docuit, qui dixerit mixtam quidem mulsam vel apomeli commodius exhiberi, quoniam per se sola non alit, neque medicamentum esse potest: omnia autem præstat cum aliis cibis, omniumque ciborum vehiculum est. Nihil enim siccum, neque medicamentum sine humore in altum pervenire potest, sed in superficie permanet, nullam actionem ostendens: ubi vero humidiorum alicui commixtum fuerit, tunc etiam in altum penetrare potest, ac frigiditatem aut caliditatem largitur.

Quare aqua, etiam si aliqui eam non ut alimentum existimarint, eo quod simplex existat, attamen ipsa etiam sola universa nutrienda curat, & corpus alimentum deducit, divisa continet, & in



unitatem redigit. Si enim & terram siccam & dispersam adunit, continuamque hanc reddit, ut diversa perficiantur vasa : adhæc si panem ipsum, qui comeditur, quum farina est, componit, maximam vim obtinet : & nihil adeo contulerit aut animantibus, aut stirpibus, ut humor, ut ex quo etiam generatio existat ; atque id semper observandum est, quod & alia ipse potissimum unit & continet. Hoc igitur victu pleuritici tractandi sunt, si aliud nullum accidens adfuerit.

Sin autem supervenerit aliquod, huic quoque occurrendum est : verbi causa, si cum dolore etiam inflammationem latus infestare contingat, & venter non secundum naturam sed inordinate excernat, ut vires quoque dejiciantur, tunc & ventri prospicere necesse est, neque temere venam secare, neque alio quoquam auxilio uti, nisi ventri tum superfusiones, tum epithemata, quæ ipsum confirmare & retinere possunt, accommodare. Si dolor etiam lateris urgeat, nec is negligi, sed amborum ratio haberi debet. Stomacho igitur & ventri ea quæ corroborant, lateri autem, quæ calefaciunt & laxant imponentur. Sed ita agendum est, ut nihil plane laxans, aut jecur, aut ventrem attingat.

### *De dolore & medicamentis.*

Itaque si dolor immoderatus est, & febris urget, superfusiones & fomenta lenia, quæque non roduunt, extrinsecus semper accommodare oportet : sin autem is non est vehemens, cerata & epithemata. Salutaria sunt ad hujusmodi mala medicamenta, tum quod *ab adipibus diasteaton* appellatur, & quod *a manu* *χαῖς* vocatur, tum per se, tum cum eo, quod *diamelilotum* dicitur, mixtum. Ubi

vero declinaverit inflammatio, & non amplius admodum ferveat, benefacit etiam peganera dictum, & quæcunque discutere omnino & extrahere possunt, quæ in alto hærescunt. Præcipue ubi febris non est calidioribus omnibus & epithematis & potionibus utendum est. Itaque caules brassicæ cum radicibus cremati, optime laterum doloribus faciunt. In cinerem igitur redacti, adipe suillo veteri excipi, atque sic affectæ particulæ imponi debent. Proinde ubi febris non urget, hisce medicamentis uti consilium est, potionibus autem ex costo & bdellio Arabico.

*De decocto.*

Quandoquidem cum plerique omnes, tum divinissimus etiam HIPPOCRATES ptisana, alii vero mulsa, oxymelle & ptisanæ cremore ad sputum educendum usi fuerint, scire convenit, quibus singula exhiberi debeant. Si igitur biliosi sunt ægri, solo etiam ptisanæ cremore contenti esse, & crebrius copiosiusque ipsum assumere debent: sin autem adversentur ptisanæ cremorem, & non libenter capiant, alio quoque utentur, præsertim avenato. Vim enim quæ humores ex thorace & pulmone purget & educat, haud minorem quam ptisana (si non etiam aliquanto ampliorem) obtinet. Lepida vero his idonea est, eo quod humoris siccitatem humectet: item apomeli magis etiam quam mulsa: & in summa quodcunque humectat, ita ut neque refrigeret aut calefaciat vehementer, sed absterforium quippiam obtineat. Nihil enim commodius est pleuriticis, quam medicamentum quod humectare simul & abstergere potest. Sin autem id quod exspuitur, viscosum pituitosumque fuerit, ut ob id ægre educatur, idque magna tulsi, in his



decocto ex iride & dulci radícula, necnon eo quod ex marrubio fit & oxymelite: adhæc mulsa utendum est, ægri virium, & ejus quod excreatur, educiturque copię & facultatis, ratione habita.

*De Purgatione.*

Alvus non modo clysteriis, sed etiam medicamentis ad eam molliendam efficacibus subducenda est, si corpus vitiosis quoque scatere succis, & recrementis plenum adpareat, ut hinc etiam dolor, antequam auxilia sint admota, intendatur, magis quam decreseat, & circa imas partes cruciatus excitetur. Fieri autem debet purgatio, si corpus biliosum fuerit, ex lacryma scammoniæ; neque enim calida est admodum, sicut alia purgantia. Dari autem debet modicum ex ea, & paulatim, vires & materiæ redundantis quantitatem observando. Quod si biliosum non sit, sed pituitosum potius, tunc illis uti convenit quibus divinissimus HIPPOCRATES præcepit, aut peplio, aut veratro nigro, interim pulverem ex ptisanæ cremore exhibendo, ut etiam nos subinde fecimus.

Compositio ipsius in hunc modum se habet: veratri nigri sine medulla, drachmæ quatuor, scammoniæ drachma, gummi drachma, brassicæ succo excipito, fingitoque catapotia, quæ ciceris magnitudinem habeant. Pueris dato pilulas quinque, robustis septem, ætate vigentibus quindecim, mulieribus undecim. Scire autem oportet, hæc etiam lippitudine & regio morbo laborantibus exhiberi, ac bene facere, ita ut stomachum omnino non subvertant. Danda autem ea sunt a cibo potius. Ita namque citra noxam molestiamque purgationem molientur.



# ALEXANDRI TRALLIANI

## DE ARTE MEDICA

### LIBER SEPTIMUS.

JOHAN. GUINTERIO ANDERNACO  
INTERPRETE.

## CAPUT PRIMUM

### DE HÆMOPTOE.

**H**AUD novi an alius æque difficilis sit affectus ut sanguinis excreatio. Non enim ipsa per se, dum immoderatam vacuationem inducit, vitam adimere consuevit, sed pessimorum longorumque morborum magna ex parte causa redditur. Quare incumbendum est, ut vitium hoc prius internoscamus; unde causam traxerit, & quo in loco inciderit, atque ita curationem tentemus, neque eam differamus. Quippe mora & dilatio cum in omnibus morbis nociva est, tum vero magis in sanguinis educatione plurimum nocet. Scire igitur hoc ante omnia convenit, sanguinis rejectionem tribus de causis palam excitari, vasorum ruptura, erosione, & quum ora illorum adaperiuntur. Cognosces autem singulos dolores hoc pacto.

*Quomodo sanguinis rejectionem ex vasorum ruptura fieri deprehendamus.*

Qui igitur ex ruptura vasorum sanguinis rejectionem experti sunt, primum inde sane cognoscere poteris, quod causa aliqua primaria antecesserit, utpote aut vox violenta, aut casus, aut ictus vehemens, aut si pondus aliquod grave æger sustinuerit, aut etiam in vehementi frigore versatus sit, aut copiam sanguinis congregarit, aut flatus multi eum distenderint; hæc enim frequenter vasorum rupturam in partibus excitare abunde possunt.

*Signa rejectionis sanguinis quæ exeso vase accidunt.*

At quæ sanguinis rejectiones exeso vase eveniunt, quod κατὰ διάσπασιν Græci vocant, primum sane inde cognosces, quod excreationes paulatim fiant: deinde quum vasa magis exeduntur, multis simul vacuetur, postea vero, & quod præcesserit aut distillatio, aut salforum & valde acrium efus, aut tristitia immoderata, aut inedia. Quod si etiam cum sanguine carnosæ quædam particulæ sive membranosæ permixtæ adpareant, sine dubio sanguinis rejectionem partibus quæ respirationi serviunt, exesis fieri existimandum est.

*Si Sanguis ore vasis patefacto erumpit.*

Sin autem ore vasis adaperto sanguinis exspuitio evenerit, primum sane inde notatur, quod nihil præcesserit, ut quum vase exeso sanguis rejicitur, fieri diximus, sed potius humidioris ca-

lidiorisque victus, & frequentium balneorum abusus: item ex eo, quod æger in calidioribus ædificiis præter consuetudinem, aut loco calidiore immoratus fuerit. Nam si horum prædictorum aliquod adfuerit, sputumque sanguinis modicum & paulatim fiat, sanguinis cursum patefacto vaporum ore accidisse cognoscito. Hac igitur ratione causam unde sanguiniseductio initium traxerit, internoscere potueris: locum vero unde profuit, in hunc modum notabis.

*Quomodo locus affectus adgnoscat.*

Si quidem sanguis multus & universus unaque viceeductus fuerit, subflavus magis, spumofusque, & citra dolorem, his indiciis ex pulmone rejectionem ejus fieri noscendum est.

*Signa quum ex thorace effertur.*

Quod si dolor aliquis circa thoracem oriatur, neque exiens sanguis flavus fuerit, neque copiosus admodum: & universus feratur, thoracem affectum esse putabimus. Effertur autem sanguis ad superiora per pulmonem, quemadmodum in suppuratis, quibus inter thoracem & pulmonem continetur.

*Signa quum ex faucibus erumpit.*

Cognosces autem non ex infernis partibus, sed ex faucibus & arteria rejici, si exscreando solum ægri, & valide tussiendo exspuant: quemadmodum rursus ex ore rejici testatur, si spuendo solum, & ex gula evomendo, non tussiendo, neque sciendo efferant. Ita igitur causam unde



sanguinis fiat eductio, & locus affectos internoscere licet: deinceps autem de curatione ipsorum tractare nos oportet.

*Curatio rejectionis sanguinis quæ propter rupturam accidit.*

Quum igitur sanguis ob rupturam vasorum fursum eruperit, vena cubiti omni modo secari debet: vacuatio autem non una vice, verum duabus tribusve horis interpositis tentari: præsertim si primaria causa copia sanguinis fuerit, aut spiritus multi & flatulenti collectio. Sin autem ætas quoque ægri floreat, & vires adpareant robustæ, cum fiducia plus sanguinis auferendum est. Juvat ipsos nihil minus etiam ex imis corporis partibus sanguinis detractio. Novi autem ego me, quum venæ cubiti in conspectum non venissent, etiam ex venis in talo sectis sanguinem dimisisse, & multo magis profecisse. Nam materiæ ad longinquiores partes provocatio firmiorem multo revulsionem efficit. Sanguine detracto, ægrum conquiescere cogito, compellitoque, ne magnam respirationem edat: ubi vero respiraverit, aquosam poscam ipsi superforbere præcipito. Simul enim hinc accidit, ut & grumi dissolvantur, cursusque sanguinis tum repellatur, tum impediatur.

*De Cibo.*

Sit autem omnis cibus, qui & leviter adstringat, & mediocrem obturandi vim habeat. Cremor igitur alicæ aut ptisanæ his est idoneus: longe autem melior, valentiorque erit sorbitio, si amyli frumentacei & mali cotonei paulum cre-

moribus simul incoquas. Hoc namque modo & obturabit magis, & leviter adstringere poterit: quod etiam maxime in iis requirimus, qui ob rupturam vasorum sanguinem exspuunt. Inopia vero ptisanæ, etiam eo utantur, qui apud Romanos vocatur farris cremor, vel eo, qui ex similagine ipsa valenter decocta factus est. Item micæ panis tepida aqua imbutæ, & ovorum lutea, siquid aliud, his sunt accommoda.

At neque forbitiones, neque aliorum ciborum quippiam calidum offerre convenit, sed omnia potius sint temperata, & ad frigidius declinantia. Item placenta suminalis, non alienus his cibus est, sed & ipsa opitulari potest, si absque sale & multo oleo confecta fuerit.

Ex oleribus assument ægri malvam, antea citra salem probe elotam: item lactucam decoctam, in poscam aquosam ipsam intingentes: similiter & intybum, & portulacam. Horum inopia, post septimum diem etiam gallinas non admodum pingues sumant: quin & perdicum, attagenumque pectora comedant, necnon gallorum testiculos. Etenim præterquam quod valenter brevi tempore nutriant, augeantque vires, adhuc etiam levigandi, obturandique facultatem obtinent. Quod si venter copiosiora excernat, assi quoque citra salem sumantur. Sic namque comesti ventrem non perturbant, quum id quod serosum in eis est, inter assandum abjecerint: & præterea etiam suaviores redduntur. Jam anserum non adeo veterum alæ offerantur, necnon ventriculi ovaque ipforum, abjectis albuminibus. Etenim cum probe nutriunt, tum obturandi facultatem habent: sed non ægre concoquuntur ut quidam calumniantur.



Ubi sanguis exspui desierit , etiam pedes suum , & pisces saxatiles , aceto inter coquendum adjecto , offerantur : ex leguminibus autem alica & chytron , admodum decocta , eaque ipsa ex longiore intervallo , & quum non vehementer ægri febricitant. Nam ubi febris abest , etiamsi lac simul incoctum ipsis dederis , nihil nocabis , præsertim iis , qui etiam per sanitatem lac assumere consueverunt.

Ex fructibus pomaceis exhibeantur , qui modice adstringant , ut mala ( præcipue cotonea ) decocta , pyra , forba , mespila : & si admodum siticulosi fuerint ægri , etiam pepones , & cucumerum medulla , uvaque pensilis exhiberi debet. A ficibus , bellariis , pistaceis , maxime amygdalis , & malo Punico abstineant : raro autem nucleos pini & uvas passas simul assumant , eaque ipsa post sanguinis rejectionem.

### *De Potu.*

Potu autem aqua tepida per totum morbi curriculum exhibeatur , eaque non calida , sed temperata , quemadmodum etiam dicitur. Quod si diu tepidæ potioni insistere nequeant , imbecille se ventriculi os habere dicentes , concedendum ipsis etiam paulum omphacomelitis , aut hydrorofati , aut hydromeli ex cotoncis , semel aut bis assumere : in aliis horis rursus tepidam , aut poscam aquosam.

### *De Medicamentis.*

Talis sane est victus ratio : adhibeantur autem ipsis auxilia , præsertim iis , qui exquisitum observare nequeunt : ac primum simplicioribus uten-



dum, deinde etiam valentibus, si opus fuerit: & ut absolute dicam, remedia pro affectus magnitudine & ægri viribus metiemur: atque ita eis exhibebimus.

Sunt porro medicamenta ejusmodi, quæ & ratio & experientia contestantur. Habent se in hunc modum: symphyti radicum decoctum, sanguinis ex ruptura vasis rejectiones cohibet. Portulacæ succus epotus, præstantissimum est & efficax remedium. Quod si herbam ipsam assumere sustineant, ita quoque adjuvantur. Ad hæc rubi fructus & flos, necnon quercus liber, qui cortici subest, & tunica glandis putamini subjecta. At propter potionis ejus asperitatem ne substantiam quidem ipsam assumere, sed illius ex aqua potius decocti, jus propinare vincit. Rhus ipse quoque valde conducit. Lentisci tenerorum foliorum succus admodum commendatur. Polygoni succus, non modo ad sanguinis ex ruptura fluorem, sed etiam ad omnes prope modum, & per se, & cum Lemnia terra (quam sigillum dicunt) insigniter prodest. Samia quoque terra, quæ alter dicitur, adversus omnes sanguinis rejectiones, aut cum aliquo prædicto decocto potu conducit. Porri succus cum portulacæ succo æquali modo, & aceti modico, potus, sanguinis ex ruptura fluxiones pulchre cohibet.

His igitur eorumque similibus ad sanguinis rejectionem idoneis utendum est: verum commodissimum est ea ante sanguinis educationem, & post eam non modo semel sed etiam sæpius exhiberi, & tunc potissimum, in quibus sanguinis rejectio continue molesta negotium facessit.

*De iis, quæ extrinsecus admoventur.*

Extrinsecus autem thoraci accommodentur etiam superfusiones per lanas ex rosaceo, aut melino, aut myrteo, cum aceti modico, aut vino austero, non nimis veteri: immutentur autem crebrius. Non perseveranter impositæ, non possunt excalefieri: atque hinc rursus sanguinis commotio, & irritatio quæpiam oriretur: quapropter eas mutare convenit.

*De Medicamentis.*

Ubi sanguis rejici desierit, dolor autem thoracem affligat, non absurdum est medicamenta applicare, quæ leniunt, simul & leviter exsiccant. Præcipue autem ad ejusmodi affectus conferunt, quæ ex metallicis & aceto parantur: quale est tum Ambrosia, quod etiam crebro parare consuevimus: tum quod a salicibus *δια ἰτεῶν* dicitur, & Barbara. Ad teneriora corpora, & quæ dura medicamenta ferre nequeunt, etiam phoenicine, quod est palmulatum, cum cera modica, rosaceo & aceto solutum: adhæc medicamentum, quod ad Mnasæum refertur: atque ipsa jam dicta medicamenta & Barbara, & Diaiteon: si probe soluta fuerint, fiantque sic cerata, lenia & valde idonea tenerioribus imbecillioribusque corporibus erunt auxilia.

*De compositis medicamentis, quæ ad sanguinis ex-ruptura profluvium per os sumuntur.*

Quod si & dolorem urgere contingat, & sanguinis rejectio non cessaverit, compositis etiam

utere medicamentis , quæ & sanguinis profluvio accommodari possunt , dolorem lenire , vigilias tollere , & alvum citatiorem cohibere. Propter hoc enim medicamenta etiam multæ mixturæ a veteribus inventa sunt , ut ad diversos casus ob-orientes alias aliud medicamentum nos quoque adplicare possimus. Compositio ipsorum ita habetur: Thuris uncia contusa, increta, & in tenuissimum pollinem redacta , cochleari dato ex posca, aut decocto lentisci, aut myrti, aut lenticulæ, aut succi mali Punici.

*Aliud.*

Terræ Samiæ drachmæ quatuordecim, tragacanthæ drachmæ quatuordecim, amyli totidem, gummi drachmæ duodecim, opii drachma. Ex succo plantaginis, aut polygoni exhibetur, si febris urget: sin autem febris abest, ex posca. Datur hic pastillus non solum ad sanguinis rejectionem, sed etiam, in quibus dolor vehemens thoracem adfligit, & alvus citatior est: item ad alia etiam multa benefacit.

*Alius pastillus ad sanguinis rejectionem.*

Terræ Lemniæ, quæ sphragis, hoc est sigillum, dicitur, thuris, amyli, terræ, quæ Alter vocatur, coralii, gummi, aluminis scissilis, singulorum drachmæ quatuor: symphyti, acaciæ ruscæ, singulorum drachmæ tres. Succo porri excipito, fingens pastillos, qui scrupula tria singuli pendant, datoque ægris, respiciens non modo affectum, sed etiam ad vires. Dissolvito autem pastillum aut ex posca, aut symphyti rubiye decocto. Hoc medicamentum est ad sanguinem re-



primendum, admodum usu probatum, ipsoque cum fiducia ad implicatos affectus uti convenit.

*Aliud valde bonum.*

Gummi, acaciæ, singulæ uncia: aluminis uncia quatuor: decocto cotoneorum excipito, fingoque catapotia, & sub lingua tenenda dato. Hoc potissimum confert ad eos, qui sanguinem ex faucibus & aspera arteria rejiciunt. Sin autem hoc lævigatum iis etiam, qui ex thorace & pulmone sanguinem rejiciunt, exhibeas, perinde auxilii conferre ipsis potest.

*Quum sanguis exeso vase rejicitur.*

Quod si rejectionem sanguinis vase exeso fieri ex quibuscunque tandem partibus, vel pulmone, vel thorace, vel faucibus contingat, non amplius medicamentis aut cibis adstringentibus admodum, aut acidis, sed potius iis, qui contemperare, mutare, & alterare humoris, qui erosionem excitarit, acrimoniam possunt. Vitanda autem est sanguinis missio: nam magna ex parte corpus eorum, qui sic ex erosione sanguinem reddunt, gracile, persiccum, & habitum ejus affamentorum similem, huicque vitio, nec non phthisico affectui opportunum deprehendes.

*De Cibo.*

Hos ptisana potius alere convenit, quæ grana quoque habeat: similiter etiam alica, cui nihil adsit aut falsum aut acidum, imo nulla alia tenuis qualitas, sed e contrario, quæ magis implentem obturantemque ipsam reddere queant, ut amyllum frumentaceum, aut malvam. Quod si ægri non febri-  
citant, & lac & tragacanth dabitur. Ex oleribus edant, quæ refrigerare, & humectare solent, ut in

tybum, troximum, lactucam, & malvam. A septimo die iis, qui infirmas habent vires, etiam ex gallinis, præsertim cohortalibus, pectora citra salem offerre expedit.

Rarum siquidem est non etiam calorem iis oboriri, qui sanguinem vase exeso exspuunt, præcipue qui fluxionis originem ex tristitia, aut curis quibusdam, aut inedia, & labore ampliore, aut vigiliis, aut distillatione tenui & acri habuerunt. Si enim horum aliquod præcesserit, non modo gallinæ, sed etiam vulvula & pectusculum his conveniunt: item pisces dura carne præditi, & iscium ex ipsis paratum: similiter astaci quoque bis in alia atque alia aqua cocti: item pedes fuilli cocti: & omnia summatim, quæ humoris thoraci & pulmone influentis acrimoniam obtundere, & crassiores efficere possunt. Quapropter his etiam pomacei fructus humectare potentes, dandi sunt, ut peponum caro, uva pensilis, mala non adstringentia. A cucumeribus omnino abstineant.

*Quid agendum sit in iis, qui sanguinem ob acris humoribus distillationem exspuunt.*

Prospiciendum etiam capiti est, præsertim ubi acris influxus sanguinis rejectionem pepererit. Fieri enim nequit, ut tussis desinat, aut affectæ partes non exedantur, nisi acris tenuisque ex capite influxus cessaverit; id quod probe fiet, si quæ refrigerare & humectare possunt, capiti admoverimus. Ita namque calor ipsius desinit, ut etiam acria recrementa in subjectas partes defluere nequeant. Quum enim ipsum adeo frigidam intemperiem obtineat, tam acre & calidum influere, & respirationis vas aut partem aliquam ex-



ulcerare nequit. Injiciatur itaque his in caput rosaceum, & per se, & cum frigida aqua modica, quo in altum penetret. Finiet autem calorem, qui ex inferioribus materiem elicit, adtrahit, & gurgulioni, thoraci, & pulmoni transmittit. Ad balneum ægri ducendi sunt, quum hoc agendum est, rosaceumque vel oxyrrhodinum frigidum superfundendum, & in folio, etiamsi maxime calidum esse contigerit, frigidam aquam pro ratione intemperiei superantis, capiti superinjicere moderate oportet.

Verum hoc agere convenit, in quibus sanguinem e capite deferri consideraverimus: item in quibus, sanguinis sputum ex gingivis ob humorem acrem exedentem accidit. Hi ipsi admonendi sunt, ut in ore contineant rosaceum, aut lentiscinum, aut poscam: item collutionibus utantur ex alterco, & radice solani, aut sempervivo, aut rosis, aut hydrorosato, & horum similibus. Ego itaque in hunc modum curandos esse censeo, qui distillatione ob calidam intemperiem laborant, & sanguinem exspuunt: quod humor, qui e thorace fertur, acris sit & erodens.

Miror autem quomodo divinissimus GALENUS nullo humectante & refrigerante medicamento usus sit, sed contra statim ab initio siccantibus & calefacientibus: etsi causam rejectionis, quæ ob erosionem sit, accurate noverit. Si igitur hæc ita se habent, an non etiam præstaret efficienti causæ resistere, & potius humectantibus refrigerantibusque statim inter initia uti? deinde ita, si copiam quoque vitiosi humoris esse suspicetur, vacuare per ea, quæ acris & biliosis recrementis purgandis sunt idonea, & caput intemperatum, non adhuc intemperatius reddere, & ea quæ in thorace sunt, acriora efficere, tum the-



riaca, tum thapsia, tum columbarum stercore & balneis siccis usum, ut neque capiti vel paucissimum oleum, neque corpori injici permittat? Hæc enim omnia acrem qualitatem adaugent, & erosionem magis intendunt, quam curent. Nam quæ contemperare & lenire possunt, immoderationemque rodendi & exedendi particulas prohibere, etiam tussim mitigare poterunt, atque omne temperatum conservare. Quid autem corpori quam hoc, est præstantius? Ubi namque temperatum totum evaserit, & acrimoniam influxus abjecerit, etiam iis quæ celerrimæ erosionem lenire possunt, modice siccantibus, & ad cicatricem ducentibus, uti licet.

Ego sane novi frequenter me sine theriaca aliisque pretiosis antidotis multos curasse, lenibus usum medicamentis, & præsertim lapide hæmatite. Usus autem eo sum in iis, qui largius sanguinem rejiciebant, cum succo mali Punici, & granis, vel cum succo polygoni: in quibus autem sanguis non copiose evacuabatur, etiam ex aqua sola tepida. At lævigare ipsum curiose oportet, ut in tenuissimum pulverem redigatur, sitque aereus, & vento persimilis. Dedi ex eo scrupulos quatuor, & paulo amplius minusve.

Exhibui etiam iis, qui pus exspuere inceperant: ac mirum est, quomodo ulcus exsiccarit, sanaveritque, ut non amplius pus generaretur, neque æger a tussi infestaretur.

Spectavi autem & alium quemdam ex iis, quibus vas exesum erat, non modo particulas quasdam ex faucibus, sed etiam asperam arteriam exspuentem: ac mirum quomodo in hoc quoque lapis hic maximam efficaciam indicaverit; nam & hic curatus est, nobis non admodum etiam sperantibus. Exhibui autem ægro potui medica-

mentum frequentius, ut commodius distribuere-  
tur. Quare quum crebro ipsum bibisset, tandem  
fumere ipsum fastidivit. Excogitavi autem hu-  
jusmodi rationem: redactum in tenuissimum pul-  
verem panniculo lineo imposui, & diligenter  
ipsum undiquaque constrictum colligatumque,  
in poculo quod vinum odoratum modicum ha-  
beret, suspendere permisi, idque per totam no-  
ctem jam inde ab ipso vespero: extraxi autem  
tenuem aereamque ejus partem. ut æger solam  
vini qualitatem perciperet. Ex hoc bibere, quan-  
tum mane libenter habebat, ei præcepi: atque  
hoc sane agendo, bibendoque continue, sanita-  
tem recepit. Hoc autem morbo liberatus, idem  
præservationis causa facere pergebat, bibebatque,  
donec etiam corpore probe refecto, consueta  
agendo, viribus se constare sentiret.

Hæc de lapide hæmatite hætenus à me visa,  
& usu comprobata conscripsi: item quod medi-  
camenta calefacientia, vel siccantia, & acriora,  
iis, qui sanguinem aut pus ex distillatione propter  
calidam intemperiem exspuunt, offerre non opor-  
teat, sed lenibus potius medicamentis ad curan-  
dos eos sit utendum. Quod si hæmatites lapis  
alicui non suppetat, utatur Armenia bolo præ-  
stantissima, aut Samia terra, aut Lemnia, quæ  
sphragis (*hoc est sigillum*), dicitur, si sit germa-  
na. Qui enim nunc lutum macerant, deinde  
pastillos formant, tanquam Lemniam sphragidem  
medicis exhibent, hi successu ejus frustrati, an-  
tiquos tanquam de eo mentitos accusant.

Sunt & alia medicamenta simplicia & compo-  
sita, quibus ii curiose uti debent, qui siccam &  
acrem qualitatem substinent. Quamvis enim  
tantum non possunt opitulari, quantum hæmati-



tes, tamen erosionem adhuc latius serpere non permittunt.

Porro exhibeas etiam ægro illa, ut longiore tempore vivere possit, qui non admodum a morbo afflictus sit & debilitatus. Quin nec hoc exiguum beneficium est, robur aliquod ægro accommodare, & nequid deterius experiatur.

Quid igitur (dixerit aliquis) quando medicamento ex viperis utendum erit? Pronuntiamus igitur, manifesto illis recte exhiberi, quos ob frigidam intemperiem, non autem falsam qualitatem præpollentem distillatio infestat, & id quod influit, frigidum, pituitosum, non autem falsum adparet. In his enim theriaca etiam uti præservationis gratia alienum non est: item iis quæ extrinsecus exasperare, vellere cutem siccareque possunt, ut ne partes fluxionem experientes, validamque adferentes tussim, interdum rupturam quoque pariant.

Ego itaque novi me cuidam talium, qui eiusmodi fluxionem in thorace etiam ex frigida intemperie sustinerent, candenti quoque ferro in capite uri præcepisse: ac quum æger id prompte fecisset, mirum quomodo omnia simul cessaverint, & copia quæ influebat, humida, & tussis. In posterum vero æger a fluxionibus in thoracem liber ac immunis permansit.

His sunt aquæ calidæ naturales utilissimæ: quemadmodum etiam illis, qui ex calida intemperie distillationem sustinent, adversæ: & omnia, ut prædictum est, quæ calefaciunt & desiccant.

Præcaveant autem omnes, qui sanguinem expectuerunt, ut ne rursus in eadem incidant, ambulationem largiorem, corporisque exercitium, exclamationem, iracundiam, copiosorem venærem. esum apii quod vocatur Macedonicum,



aut falsamentum, aut caseum veterem. Hæc enim maxime iis, qui sanguinem exeso vase rejiciunt, inimica: quemadmodum rursus satietas, cruditas, vinum meracum, cibi flatulenti, indignari, pondera manibus attollere, & ventrem cohiberi, vel consuetas sanguinis evacuationes, omnibus quibus ob rupturam sanguis rejicitur, adversantur. Infolatum vero, & in calida domo conversati, aut caput largius in aquam calidam intingere, aut inungere, aut ipsum contegere, illi potissimum devitent, quibus sanguis ex naribus aut per palatum copiosus erumpere solet. Pari modo etiam, quibus ore vasis adaperto sanguis erumpit, caveant balneum magis continuum, ebrietatem, & calidiores cibos.

Omnes autem lacte utantur, mollique & recenti caseo, præsertim caprillo aut bubulo. Neque enim medicamentum, aut cibus, aut aliud quidpiam adeo accommodum ipsis est aut utile, atque lac. Et qui per initia solo ipso constanter longiore tempore usi sunt, omnes in totum convalescuerunt. Novi autem quemdam, qui quum toto anno ipsum & bibisset, & comedisset, interim cum frumentaceo aliquo, aut similagine, aut libo suminali, aut alica, aut lente, aut panico incoquens: quumque ita agendo a vino abstinisset, liberatus fuerit & puris sputo, & ne postea in phthisin inciderit. Tantum etiam de sanguinis rejectione dictum a nobis sit: putoque abunde sufficere.



## CAPUT II.

DE PURULENTIS, QUOS  
GRÆCI ἐμπυηματικὰς VOCANT.

**Q**UONIAM vero post sanguinis rejectionem, puris sputum, magna ex parte interventu inflammationis, secundum HIPPOCRATIS sententiam, comitari solet: necesse est nos, communionem orationis sequentes, de inflammatione, quæ in pulmone & partibus respirationi inservientibus constituitur, pertractare.

*Signa quum inflammatio in pus convertitur.*

Omnia in universum indicia suppurationis talia existunt. Febris vehementior quam antea: rigor præter rationem, & gravitatis potius quam doloris multi sensus. Ubi hæc tibi adparuerint, naturam materiem subjectam in pus mutare scito: & siquidem facultas efficiens robusta fuerit, etiam pus non adeo viscosum repertum iri, & vomitum tunc intra thoracem circa decimum quartum diem futuram esse. Sin autem crassius quoque pus ultra dies prædictos inventum fuerit, & ægri vires infirmiores etiam circa quadagesimum, aut sexagesimum, & longius, vomicæ eruptio expectanda est.

Summatim pro copia & qualitate materiæ, ægrique viribus, vomicæ eruptionem futuram expectato. Et si quidem intra thoracem pus illapsum, diutius intus manserit, & non fuerit usque ad quadraginta dies expurgatum, ut divinissimus ait HIPPOCRATES, in phthisin pervenit, pulmone



ipsis antea puris acrimonia exulcerato, & computrescente. Internosci autem debet locus affectus, si æger interrogatus dicat dextram thoracis partem esse calidiorē, magisque gravitatem sentire, tanquam aliquid ex ea pendeat, quando in alterum latus inclinaverit.

### *De Victu.*

Victus igitur omnibus purulentis varius convenit, pro diversitate puris ejus, quod exspuitur, & crassitie ipsius & tenuitate, item pro vomicæ eruptianis modo: adhæc pro particulæ ipsam comprehendentis natura, & ægri viribus, aliis aliter transmutatis, si id quod exspuitur, biliosum fuerit. Qui igitur biliosum pus exspuunt, his etiam cremor idoneus est ptisanæ, si superforbeatur, cremorque avenæ. Quod si vires imbecillæ sint, cremor alicæ, aut typhæ, aut zeæ: sin autem nihil ejusmodi fuerit, neque alvus citata, etiam succus amygdalarum, vel per se, vel cum prædictorum cremorum aliquo mixtus. Alvo autem citata nihil prorsus exhibeatur ex iis, quæ amplius ipsam irritare possunt, neque potus, neque cibus ejusmodi. Nam id genus affectibus alvi fluxione tentari molestum est: quare etiam cremor ptisanæ plus quam lac amygdalatum, item mulla, decoctum dulcis radiculæ, iridis, & fœnigræci, necnon oxymel, magis quam omnia, alvi fluorem citat; habet enim aliquid, quod etiam intestinum abradat. Juscula autem ex aqua tepida, aut alicæ, aut similaginis, nisi admodum febricitent, exhiberi magis expedit.

At quum sputum fieri crassius, & biliosum abjecisse, necnon rejectioni contumax fieri incepisseprehendis, tunc rursus ad aquosam mullam,



aut anomeli transire conducit, exhibendo ipsum paulatim, & non universum. Ufus namque ipsius innoxius erit, & plurimum juvare poterit: magisque si etiam pus, quod exspuitur, fœdi odoris & sordidum fuerit. Sin autem tale illud esse appareat, fœnigræci cremorem cum palmulis pinguibus decoctum dare confert: horum inopia, fœcus quoque siccas modicas incoquere. Etenim & humorem simul egregie projiciunt, & educationi facilem reddunt: nec non etiam, quæ ulcus inflammant, leniunt. Constat autem palmulas, aut fœcus siccas, in tertio fœnigræci jure incoquendas esse. Præstat etiam, si mellis paululum admisceas, ubi cremorem exhibiturus es. Hunc quidem ante cibum potius dato: mulla vero quovis tempore exhibita, nihil ægrum offendit.

*Viribus infirmis quid agendum sit.*

Vires quoque maxime attendendæ sunt. Nam ob earum imbecillitatem accidit ut humor ægre rejiciatur, dum ipse quæ in thorace hærent exprimere nequeunt. Cura igitur illarum habenda est major, injiciendo ptisanæ cremori aut columbam aut pullum. Exhibeto autem ægris etiam gallorum testiculos, ut ne vires dejici permittas. Imbecilles enim, in valde facilibus quoque concoctu distribuendis & probe conficiendis, laborant. Quia vero testiculi ex facili coquuntur, & ventrem ipsi perturbant, habent autem nonnihil etiam quod stomacho adversetur, assos exhibere convenit, ut quod ferolum in eis est effluat; id quod probe fit, si quis ipsos, dum assantur, acu pungat. Sic etiam cerebella porcellorum assa præbere satius est, sale modico ipsis adperso: quoniam & ipsi stomacho adversantur, ventremque perturbant.

Quare iis, qui vires habent infirmas, folis ipsi exhibendi sunt: præterea anserum alæ, suum pedunculi, alica cocta cum amygdalis, pistaciis, uvis passis, & quæ alia probe nutrire ægros possunt. Auctis autem viribus, contra ad solidiorem cibum transeundum est.

Quod si diuturnior affectus fuerit, & corpus totum alimentum non sentiens contabescere manifesto inceperit, neque thorax multum puris contineat, etiam solum ipsis lac dari debet, si non vehementer febricitent; si enim multo infestante calore exhibeatur, non item nutrire aut humectare poterit. Nam ab eo, quod contra naturam est, vincitur, & in alienam corruptricemque qualitatem mutatur. Ubi calor febrilis moderatior evaserit, lac ipsis exhiberi debet.

*Quale lac & quando offerendum sit.*

Sin id quod rejicitur, expurgatione adhuc indigere tibi videatur, & non modo sordidum & foedi odoris exsistat, asininum omnibus aliis antecellit: quippe etiam eo quod probe purgat, omnia vincit. Item equinum ipsis propinandum est, quod asinino ad omnia sit persimile. Quare etiam ægre spirantes eo adjutos subinde conspexi, quum opportune esset datum. Omnia enim, quæ pulmonis cavernis infixæ sunt, rejectioni reddit morigera. Adjectum autem est opportune, ut quum hos febris non infestat, neque accessionis tempore exhibeatur.

Quod si ægri horum animantium lac nolint assumere, dabitur ipsis secundo loco, bubulum aut caprillum. Etsi enim lac horum non adeo purgantem vim obtineat, tamen nutriendo amplius quiddam aliis præstare potest. Porro ne



lactis potio ægri ventriculum corrumpat, fatius est ipsum supra carbones incoquere; sic enim decoctio bonam ferofi partem auferet, ut etiam ipsum ad ventrem retinendum magis quam alia, efficax evadat. Sin autem calculos fluviales candentes, excussosque, ut pulverem non contineant, injicias, aut ferramenta eodem modo ignita, commodius adhuc & utile efficies. Cæterum variis modis lac ipsum comedant, interdum cum similagine, aliàs cum libo fuminali, aut oryza, aut alica cum ovorum luteis. Sic enim appetitus quoque conservabitur, & usus lactis, qui omnia potest, fastidiosus non erit. Etenim ulcus purgare, carne obducere, & totum corpus plus quam universa nutrire poterit.

### *De Pane.*

Panis offeratur textuaceus, calidus, si id quod expuitur, humidum valde & aquosum existit: sin autem contumax ad rejectionem fuerit, etiam in vinum dulce aut mulsum intingent; quod si febris urgeat vehemens, in hydromel, aut mulsum. Sin autem ægri dulce fastidiant, etiam quædam tenuia vina, aut Sareptinum, aut Cnidium, aut Sabinum sincerum, aut Adrianum ex tepida propinabitur, si illi maxime etiam siticulosi sint & sicci.

### *De Oleribus.*

Olerum radices quidem injectæ purgare pus & crassius reddere poterunt. Sumantur autem radices porrorum ex vino, deinde ex mulso bis percoctorum. Assumatur etiam Sinapidion dictum, ante cibum. Si crassum & copiosum pus adpa-



reat, ab omni oleraceo nutrimento abstinere confert, eo quod humidum ipsum sit & recrementitium. Sin autem ægri libenter assumant, etiam brassicam percoctam; & palustrem asparagum; præsertim agrestem, comedant: magis enim proficit. Quod si nihil hujusmodi fuerit, æger autem vehementius siccum, aut biliosum, aut salsum exspuere videatur, necesse est humidiorē uti cibo, & magis inter olera intybo, vel malva. Etenim quum lubricitatem habeat, arteriam læviget, lentore blanda sit, & mediocriter extenuet, sputum ad rejiciendum facile reddit, præterquam quod corpori etiam temperiem conciliet. Iinita autem febri, vel etiam imminuta, refrigerantibus utendum non est: quippe ad sputum emoliendum, educendumque in ejusmodi victu diu persistere non expedit.

### *De Avibus.*

Ex avibus comedant ægri gallinam cohortalem, phasianos non pingues, perdices similiter, attagenas, turdos, & alios rurales passerēs, ex decocto; nam jura ulcera magis detergent, ventremque humidiorē efficiunt, & febres intendunt. Verum quum omnes non diu ejusmodi cibum tolerant, pro viribus laborandum est, ut neque multum olei, neque salis injiciatur: ea vero, quæ ad usum præsentem conveniunt, jusculis misceamus. Si namque sanguis, qui exspuitur sordidus fuerit, etiam mel & porrum adjiciendum est: sin autem purus tibi adpareat, tunc ex glandibus quoque castaneæ, & libum suminale, aut alica: aut similago addatur: quemadmodum si etiam ulcus appositione vel impositione opus habeat, cibo misceatur lens Ægyptia-

ca excorticata ; vel brassica percocta, vel quod ab Alexandria adfertur phaseolum exiguum, vel quod dicitur zizula, vel panicum.

### *De Piscibus.*

Inter pisces præponantur (si quidem vomicæ factæ rupturam promovere voluerimus, & id quod exspuitur, foedi odoris sit & sordidum, indigeatque repurgatione) pisces muria conditi: & præcipue quæ encathera dicitur, semel aut bis loco medicamenti dari debet. Nam si quis immoderatus ipsis utatur, magis os vasorum adaperit, & humidiora excrementa efficit. Quod si nullum tale fuerit, sed biliosum adpareat, ab omnibus quidem salis cibis cavendum est: edant autem maxime omnium saxatilem piscem ex jure, anetho tantum assumpto. Sin autem crassum & viscosum id quod effertur, exsiltat, præterea nausea etiam quædam ægrum torqueat, ex oxymelle decoctio parabitur.

### *De Testacea cute præditis.*

Alimentum ex testaceis non valde iis, qui in thoracis regionibus ulcus habent, & pus exspiciunt, utile exsistit: tamen quum falsus humor est & biliosus, tunc pectines, aut buccina, aut astacum, aut locustas, quæ Græcis *καραβίδες* dicuntur, dare non est alienum. Sin autem sordidum ulcus fuerit, & paulatim pus efferatur, eo quod perfecta eruptio circumfusi humoris facta non sit, etiam erinacei modicum sumere non prohibeto: habet enim aliquid, quod & aperire & repurgare potest.



*De Leguminibus.*

Inter legumina ptisanam, quæ vim habetur absterforiam, similiter & avenam, febricitantibus quidem recte dari constat: sin autem calor non infestet, etiam alicam, quæ habeat aut pistacia, aut amygdala, aut uvas passas, aut nucleos pineos. Si ulcus fordidum & fluidum adpareat, fabas quoque aut phaseola, aut lentem interdum per se, interdum vero cum ptisana decoctam, optime nimirum exhibeas, quemadmodum prædictum est, feбри in totum probe finita.

*De fructibus pomaceis.*

Quod hujusmodi affectibus fructus pomacei admodum utiles sint, non medicis tantum, sed etiam omnibus idiotis est in confesso. Verumtamen quum cibi quoque fastidium ægros comitatur, paulo deteriora ex pomis deligere cogimur; quare etiam mala & pira admodum maturata, cucumerum medullam, aut peponem, si febris potissimum aut sitis affligat, sputumque biliosius inveniatur, exhibere commodum est; nam medulla peponis nonnihil absterforium obtinet.

*De Bellariis.*

Bellariorum cibus utilis est, ut qui thoracis affectibus abstergendis vim quamdam habeat idoneam. Itaque amygdala, aut pistacia, aut uvæ passæ, aut nuclei pinei, & quæ ex his conficiuntur placentæ, assumantur. Verum non copiosus ex his cibus dari debet; nam etsi abstergere possint, ægre tamen concoquuntur, & propter oleo-



ſam ipſorum partem alios cibos in ventriculo corrumpunt. Tantum etiam de victu ipſis idoneo dictum eſto : deinceps autem perſequi oportet, quæ item medicamenta compoſita iis, qui puſ in thorace habent, bene ſint accommodata. Dicta igitur ſunt univerſa probe, ubi de tuſſi egimus, plurimaque illic ſcripta antidota reperiēs purulentis quoque efficacia. Sed hic etiam eorum mentionem faciemus, quæ proprie ad purulentos conveniunt, ita ut prius ſimpliciora auxilia exponamus, deinde ſic compoſita quoque in memoriam revocemus. Hyſſopum igitur cum melle bene facit: ſimiliter etiam thymum, aut iris contuſa, aut ervi fricti ex butyro, aut pulegium: omniaque hæc ſeoriſim contuſa, aut cum melle mixta ſi exhibeantur, bene faciunt: nam generoſe repurgant.

*Ad Purulentos.*

Ad omnia thoracis vitia, & eos qui tabe detinentur, quibusque arteria affecta eſt, admodum ſalutare & ſuave medicamentum eſt quod ſequitur: cinnamomi, myrrhæ, ſingulorum drachmæ quatuor: thuris drachma, dulcis radiculæ ſeſcuncia, tragacanthæ uncia ſex, nardi Indicæ drachma, ammoniaci drachmæ quatuor, croci drachma; melle excipito.

*Ad ea, quæ in thorace hærent, & omnia recrementa.*

Nucem pineam, quæ copioſam reſinam peculiarem ſibi circumdatam habeat, cum marrubio recenti coquito : deinde mellis modicum decocto miſceto: & ruruſus hoc uſque ad melleam

crassitiem incoquito : ac ad thoracis pulmonisque affectus utitor.

*Ad purulentos, phthificos, & eos qui ex pulmone aut thorace, aut membrana septi transversæ, feculenta & sordida exspuunt. Item ad eos, qui jam phthisin sentiant, optimum præsidium: habetur autem in hunc modum.*

Sempervivi fucci, passî Cretici, mellis Attici, singulorum cyathi duo, urticæ feminis contusi uncia, cucumeris fativi feminis uncia, cupressi feminis uncia. Omnia simul usque ad dimidias coquito, sorditiesque projicito, juri decocti cyathum picis liquidæ addito, coquitoque ad mellis spissitudinem: necnon nardi Syriacæ drachmam admisceto, thuris drachmas tres, croci drachmas duas, piperis albi drachmas duas. Fabæ instar lingendum dato. Quod si affectus prædicti vehementer increcant & intendantur, nucem pineam torridam adhuc, probe contusam, conjectamque in ollam recentem, aquæ quod satis est ei superfundens, incoquito usque ad tertias, & percolato, jure in vicem reliquæ aquæ utitor.

*Antidotum valde efficax ad stomachi fluxionem, & eos, qui difficulter glutinosa exscreant, tussi laborantes, & peripneumonicos: opitulatur celeriter, etiam sine noxa.*

Croci, phylli, singulæ drachmæ: marrubii, iridis, piperis albi, pulegii, hyssopi, singulorum drachmæ duæ: ervi farinæ sextarius, amygdalarum amararum sextarius: mellis exquisiti sextarius. Utitor ut longe optimo remedio.

*Antidotum διὰ πνεύματος, hoc est ex marrubio, optime humores thoraci infixos, omniaque ut prius repurgans.*

Hyssopti, marrubii, pulegii, calaminthæ, singulorum uncia duæ: dulcis radiculae uncia tres, iridis, scillæ, helenii, singulorum uncia duæ: nucleorum pini tantundem. Triduum aqua macerato, coquitoque ad tertias, & melle adjecto, usque ad crassitiem incoquito. Tantum etiam de medicamentis diuturna thoracis & pulmonis vitia repurgantibus.

Scire autem licet, post purgationem ulcera studio siccanda esse. Nam ubi recrementis libera fuerint, coalescunt, & carne replentur. In posterum his conveniunt aeris mutationes, navigatione, & naturalium aquarum usus, si sint corpora lenti, & non immodice a morbo extenuati. Tunc enim, præterquam quod nihil juvantur, etiam magis a siccante offenduntur. Quare satius est dulcibus uti balneis, unctione, oleo Sabinio, & adipe. Ita namque ex ejusmodi universis partes infirmas, & extenuatas, præcipue si lactis potu utantur, recolligunt, reficiuntque.

### C A P U T III.

#### DE AFFECTIBUS ORIS VENTRICULI.

**O**s ventriculi, quod sane etiam stomachum, quidam autem veterum cor adpellarunt, ubi offensionem acceperit, infinita & varia accidentia hominibus inferre solet. Nam epilepsiam *id est morbum comitum* convulsiones, gravem



ſoporem , qui *κακος* dicitur , triftitiam intempeſtivam , metum , melancholiam , alienam appetentiam , cibi faſtidium , naufeamque , vomitus , ciborum corruptiones , inteſtinorum tormina , uteri & veſicæ dolores , interdum etiam vigilias , mentis alienationes , curas intempeſtivas , & extremorum frigiditatem inducit. Adeo eſt ſenſile , vocatque in doloris confortium , vicinitate quidem , cor , cognatione autem , cerebrum. Quoniam igitur ſtomachus talium & tot vitiorum auctor efficitur , obſervandum eſt , quoniam ſtomachi ipſius proprie ſint affectus , qui vero per accidens. Ubi hi accurate diſtincti fuerint , ad curationem ita veniendum eſt.

*De frigida intemperie.*

Frigidam oris ventriculi intemperiem manifeſto licet inde cognoſcere , ſi æger non ſitiat , appetatque magis cibos quam potus. Si vero non ſolum qualitas quæ offendant , ſed etiam humorum quorundam frigidorum intemperies exiſtit , omnia ſane eadem ipſis accident , quæ in frigida qualitate eveniunt : præter hæc autem , etiam alia. Etenim in hac ægri vomunt pituitam . & quum cibum aſſumunt , retinere nequeunt : poſt vomitum , ſtatim alium cibum adpetunt , quemadmodum canes : quale etiam tales caninum habere appetitum dixerunt. Hac igitur ratione , ſive intemperies quædam frigida ſola os ventriculi offendant , ſive etiam copia materiæ , caninum quoque eſſe appetitum ſtatim licet internoſcere.

Quoniam vero non una quædam cauſa caninum appetitum efficiat , ſed diverſæ , nempe frigida intemperies , ut diximus , & humor pituitoſus qui in ſtomacho continetur , multaque ad-

modum caliditas, & retentricis in toto corpore facultatis imbecillitas, internosci antea debet, quæ prior immoderatam nunc ciborum appetentiam pariat. Nam curatio inveniri nequit, nisi causa morbi effectrix prius sit comperta. Si igitur immoderatum ciborum desiderium ex multa caliditate oriatur, contraria magis iis, qui ob frigiditatem immodicam appetunt, evenire videntur. Neque enim siti carent, neque acidum humorem vomunt, quippe immoderata caliditas tale quid accidere non permittit, ut quæ omnia facile in vaporem dissolvat, & per latentem perspirationem dissipet, digeratque; unde etiam alvus his magis adstricta est quam citata. At iis, qui ob retentricis in universo corpore facultatis infirmitatem laborant, cibi minime cocti, copiosi, & subinde alterationem non experti, excernuntur. Quare etiam tales continuis illorum corruptionibus laborant.

*Curatio canini appetitus ex frigidityte provenientis.*

Qui igitur ob frigiditatem, aut pituitæ abundantiam immoderatus appetunt, curabis nimirum contrariis utendo, nempe calidioribus, præsertim vino mero, cibus pinguibus, & omnibus oleosis: phasianorum quidem femoribus, & carnibus suillis. Hæc enim comesta prius exsaturant ipsos, & immodicam eorum appetentiam obtundunt, ut in posterum copiosiores cibum nolint assumere.

*Curatio canini appetitus ex caliditate nascentis.*

Quod si canina cibi cupiditas ob multam caliditatem ægros teneat, vinum quidem ipsis dan-



dum non est, sed cibi qui ægre conficiantur. His namque calida valde, inimica sunt, ut piper, & quæ ex eo parantur, hydrogarum, conditum. Alia vero quæ, præterquam quod refrigerant, etiam difficulter confici possunt, dari debent: ut sternium, vulvula, & vaccarum pedes.

*Curatio canini appetitus ex retentricis facultatis imbecillitate.*

Sin autem ex retentricis facultatis imbecillitate nascatur, omnique (ut ita dicam) intemperie, ubi notaveris antea, quæ causa offendat, tandem ad curatiouem congruam venito. Nam adstringentia semper offerre velle, ad indoctos medicos pertinet. Maxime igitur ob frigidam intemperiem retentrix facultas dissolvi consuevit, atque ideo adversus hanc magis insistendum est: interdum vero etiam ob siccitatem retentrix facultas dejicitur, estque ipsa curatu difficilis.

*Curatio retentricis facultatis ex frigidityate infirma.*

Si igitur frigida intemperies negotium ventriculo faceßere, ex iis indiciis, unde eam internoßci debere diximus, adpareat, patet omnino calefacientibus esse utendum, non modo cibis ejusmodi, sed etiam medicamentis. Convenit igitur ipsis inter olera quidem, brassica ter cocta ex vino, comestaque: necnon artytica, caulis & rapa similiter: ex frumentaceis, polenta, puls, alica cum vino, typhe, olyra, zea. Inter aves, perdices, attagenes, anates: ex carnibus paucæ, ut caprina, & leporina. Fructus autem pomaceos majori ex parte devitent. Inter bellaria ve-



ro uvas passas, ut maxime salutare, assumant: reliqua omnia repudiant. Victus igitur, ut breviter dicam talis esto.

Porro unctiones & epithemata accommodentur, quæ constant ladano, masucha, myrrha, aloe, & absinthio: potiones autem, quæ ex spica nardi & rheo fiunt, item quæ ex malis constat, ginger recipiens: adhæc antidotum Esdra, & theriaca potissimum; nam ipsa omnium maxime ejusmodi affectus concoquere & sanare potest. Ex balneis conveniunt, quæ aerem calidiorem & folium habeant: reliquo vero tempore procedente, & morbo jam decrecente, etiam naturales aquæ calidæ ad perfectam liberationem adhibendæ, præsertim quæ mediocrem habent adstrictionem. Exercitia his sunt utilissima, gestationes, navigatio, & longa peregrinatio. Hæc enim omnia totum corporis habitum in pristinum statum recolligunt, cerroborantque, ut alimentum probe continere & concoquere possit, moderatosque cibos adpetat.

*Curatio retentricis facultatis ob calorem imbecille.*

Panis igitur in his commodissimus est, si ex mero assumatur: item ova dura circa horam tertiam assumpta: inter olera, intybus, lactuca, & malva: ex avibus, gallina cohortalis, non admodum cocta: anserum præsertim alæ & pectora, item phasianorum: reliqua autem omnia devitent. Ex piscibus edant dura carne præditos, ut orphum, glaucum, ceridem, cuculum, octapedem, & sepias: ex testaceis, astacos, buccina, pectines & cochleas. Ex leguminibus, phaseolum, fabam, oryzam. Ex fructibus pomaceis, mala dulcia, citria, uvam dura carne præditam,

peponum carnem, cucumerum medullam, fycōmora, rhodacina, & Persica. Item balineæ dulcis aquæ conferunt: nam naturales his sunt inimicæ. Tantum etiam de retentrice facultate a calida intemperie affecta.

---

#### C A P U T. IV.

##### DE GRANDI FAME QUÆ Βούλιμος GRÆCE DICITUR.

**B**ούλιμος Græce dictus: ut etiam nomen indicat, magna est fames. Fit autem, ut ratio subindicat, ab immoderato oris ventriculi calore & imbecillitate: unde nisi alimentum immodice assumant ægri, animo deficiunt, conciduntque. Hoc igitur quum etiam plerique idiotæ sciant, statim iis, quæ odorem movent, utuntur, ad vitalem facultatem, quæ dissipatur, recreandam, recolligendamque. Ex iis autem, quæ odoratum movent, panem potissimum vino imbutum, carnes porcinas assas, hœdinas, & summatim ea, quæ nidorofum odorem habent, & bene conditum, offerunt. Continent autem eorum extrema, & pungunt undiquaque, aures perfricant, & capillos maxillis ex adtrahunt. Reversis ad se, & defectione animi finita, panis vino imbutus ante omnia dari debet: deinde sic etiam alii cibi. Reliquo tempore celerius nutrire, & quidquid ægre mutatur, conficiturque, ipsis exhiberi oportet: necnon quod refrigerare & confirmare potest. Ab ejusmodi namque cibis adjuvantur, & temporis processu ad bonam temperiem revertuntur. Nonnulli etiam opium grandi fame laborantibus cum



cum aqua frigida exhibuerunt, ut excessentem calorem restinguerent.

Verum talia vos cavere adhortor: cibus autem qui ægre elaborantur, mutanturque, potius utamini. Novi mulierem quamdam, quæ quum multa & immodica assumeret, omniaque concoqueret, & numquam saturari se diceret, rosionem vero in stomacho experiretur, & capite doleret, pulverem purgatorium accepit: erat autem is hiera picra. Facta igitur evacuatione, vermem projecit, qui longitudine duodecim cubitos & plures habere putaretur: atque tunc immoderata & furiosa appetentia conquievit. Innotuit igitur, non bulimon, sed bestiam fuisse, quæ ad cibum sumendum compellere, omniaque consumeret.

---

## C A P U T V.

### *DE ANOREXIA, ID EST CIBI FASTIDIO.*

**S**CIENDUM est, cibi quoque fastidium aut ex intemperie quadam, aut ab humoribus in stomacho contentis excitari. Necessè igitur est unum e tribus perficere: aut humores evacuare, aut contemperare, aut mutare, & quum ipsi crassiores existunt, extenuare. Quapropter ipsos aut vomitu, aut per alvum, evacuabis. Si itaque æger ad vomitum proclivis fuerit, per superiora: maxime vero ad hujusmodi remedium confugiendum est, si humores tenues, & non admodum crassi fuerint, videanturque affixi & adhærescere.



*Quomodo vomitus sollicitari debeat, quibus humor tenuis & biliosus in stomacho continetur.*

Quod si humores noxii per vomitus evacuari tibi videantur, cave ne medicamentis ad vomitum ciendum efficacibus utaris: sed humectantibus potius cibis & potionibus, utpote copiosa aqua tepida, idque frequenter. Sic namque recrementitius humor facile supernatabit, educeturque. Etenim mulsa etsi vomitum moveat, tamen in ejusmodi casu vitari debet, ut quæ intemperiem aliquam latentem corpori insinuet: quare rectius ages, si tepida sola utaris. Sin autem ægrum quoque luteis ovorum, aut cremore ptisanæ nutrias, priusquam tepidam exhibueris, deinde exiguo tempore interposito, ita vomitum potius provocaveris, is sine noxa erit & utilissimus. Eo sane modo vomitus, si æger ad illum inclinatio fuerit, accommodari debet: sin autem difficulter vomat, cavendum est, ne stomachus plurimum vellicetur, vel ad id compellatur; nam si largius vellices distendasque, magis appetitum subvertes.

Satius igitur est in ejusmodi ægris materiam ad ventrem provocare, humectando primum liberaliore & temperato cibo; ita namque materia purgantibus prompte obedire poterit. At medicamentum aliquod purgans ex iis, quæ corroborare possunt, paulatim exhibere oportet: utpote hieram picram, aut unum ex his antidotis, vel quod malis cotoneis constat, vel quod rhodomelite, quum sint medicamenta absque noxa, & stomacho idonea. Ne autem ipsa apud alios quærere gravemini, descriptiones eorum hic quoque ex-

ponendas putavi. Habentur porro in hum-  
modum.

*Medicamenti purgantis, àd p̄h̄m, hoc est ex malis  
cotoneis, confectio.*

Malorum cotoneorum libra, citri corticis un-  
ciæ sex, mellis fefquilibra, scammonia uncia  
duæ, piperis uncia, aquæ pluvialis puræ sexta-  
tarii tres. Ufũ probatum est. Inftar oxymellis  
coquito, postremo scammoniam adjicito, piper  
infpergendo: datoque cochleare unum aut duo.

*Aliud purgans ex malis cotoneis comprobatum.*

Mala cotonea octo, scammonia uncia. Mixta  
fermento extrinfecus obducito, ne scammonia  
per meatus penetrare poffit. Ubi affa probe fue-  
rint, scammoniam cum malis citra fermentum  
lævigato, adjicitoque mel, ac rurfus lævigata  
vafe vitreo recondito, ac dato cochleare unum,  
vel duo, prout purgare volueris.

*Medicamenti purgantis diarrhodomelitis descriptio.*

Rofarum fucci libra, scammonia uncia, aga-  
rici drachmæ quatuor & femis, piperis fcrupulũ  
duo, mellis unciaæ sex. Lento igne coquito, &  
quum in craffitiem coierint, tunc scammoniam,  
piper, agaricum adjicito, & utitor. Dentur  
pro viribus cochlearia quinque aut fex.

*Si cibi faftidium ex vifcofis humoribus nafcatur.*

Sin autem ex vifcofis humoribus cibi faftidium  
ortum fuerit, neceffe est deinceps ad contraria



respicere, quæ extenuent, & incidant, præterea etiam abstergant: atque ex his ut accipiant, ægri adhortandi sunt. Capparis igitur ad hujusmodi salutare est remedium, elota probe, & ex oxymelle parata: profunt etiam olivæ omnes, quæ ex muria aut oxymelle condiuntur. At sinapi his vehementius extenuat, cum oxymelle & aceto comestum: & in universum quæ ex oxymelle aut muria, aut garo, probe offeruntur. Porro quibus stomachus nimium refrigeratus est, etiam medicamenta ex pipere & zingibere confecta porrigere necesse est: ex quorum numero etiam id habetur, quod ex malis cotoneis poratur, adjectum habens piper, myrrham, aut ligusticum, aut ostum, aut pulegium. Alii aliter ipsum parant: omnium vero optima compositio est, quæ etiam divinissimus GALENUS usus est, quam in capite reperies, ubi *de cibi fastidio ex frigida intemperie nascente* agitur.

Quod si largius detergere volueris, etiam oxymelle Juliano dicto ut utitor: quidam vero ipsum LONCHINO philosopho adscribunt. Hoc oxymel valde mirificum est, ut non solum quæ in stomacho hærent detergere, sed etiam quæ jecori, lieni, thoraci & capiti infixæ sunt, amoliri possit: morbum quoque comitalem, aliosque multos diuturnos affectus sanat. Verum & confectionem, & vires quæ ipsi insunt, in præsentia omittentes, reliqua persequamur. Etenim in aliis capitibus, tum descriptionem oxymellis, tum quæ titulo promittat, explicavimus.

His igitur per os medicamentis utendum est: extrinsecus autem, unctionibus quæ concalefacere ipsum, & corroborare possunt, quale est etiam quod *Marciatum* vocatur: deinde vero epithematibus, tum *bajo*, tum eo quod *Euodes* a grato



odore dicitur. Porro quum longe optima sint & paratu difficilia, confectionem ipsorum & materiam hic subjeci.

*Stomachicum quod dicitur Bajum.*

Cassiae drachmæ quatuor, iridis scrupuli octo, junci rotundi floris scrupuli octodecim, herbæ sabinae scrupuli octo, bdellii scrupuli triginta duo, mastiches unciaë duæ, ceræ unciaë sex, terebinthinæ unciaë tres, piccæ resinæ torrefactæ sesquilibra, amomi scrupuli triginta duo, nardi unciaë sex, œnantharii unciaë octo, aloes uncia, cardamomi unciaë duæ, caryophylli uncia, balsami unciaë duæ. Lævigatis aridis, ea quæ liquari possunt, adjicito: deinde arida ipsis, quum liquida adhuc sunt, inspergito, excipitoque.

*Euodes.*

Hoc quoque præstantissimum est epithema, longo usu probatum. Croci fescuncia, bdellii scrupuli novem, aloes unciaë duæ, myrrhæ totidem, phylli uncia, propoleos unciaë tres, terebinthinæ totidem, thuris unciaë duæ, styracis uncia, mastiches unciaë duæ semis, spicæ nardi uncia, cardamomi unciaë duæ, hedychromagmatidis, fescuncia, ammoniaci unciaë sex, ceræ libra, colophonix librx duæ, opobalsami unciaë sex, palmularum totidem: confectis utitor.

*De Cibi fastidio ex calida intemperie.*

Cibi fastidio ex calida intemperie excitato, victum qui refrigerantibus constat, profuturum esse

liquet, præsertim illa quæ ex aceto parantur, poscam, oxygala, & quæ apud Romanos vocatur *melca*, lactucas, intybum, & aquam per se frigidam, si moderate bibatur, & quæ e contrario intemperiei calidæ superanti resistunt. Nam immoderata frigiditas vires corporis emortuas reddit, & dejicit: unde etiam cibi fastidii causa efficitur.

*De iis, qui ob immoderatam frigiditatem cibos fastidiunt.*

Qui igitur ob frigiditatem cibos fastidiunt, his hydrogarum dari, vinum vetus, conditum, decocta rutæ, & anisi, & sæpe allia esui offerri debent: potui vero antidota, quæ valide calefaciunt: ex quorum numero est etiam theriaca potissimum, quum stomacho sit idonea, & maligna contemperet, unde etiam iis, quos humida recrementa, maligna & prava infestant, recte hoc antidotum exhibetur, ut una quoque vice datum, appetitum abolitum frequenter revocaverit. Quinetiam jus columbæ, & uvarum passarum conducit. Quum enim & ipsæ stomacho sint gratae, contemperentque maligna, & cruda concoquant, etiam præter id, quod non subito corrumpuntur, nutriunt. Nihil autem hoc est præstantius, quam ut idem & alere, & intemperies, quæ stomachum exercent, curare possit.



## CAPUT VI.

## DE SITI.

**S**CIENDUM est, eodem quoque modo accidere, ut bibere ægri desiderent. Nam vel propter stomachi siccitatem, vel ob multam caliditatem, immoderatus potum adpetunt, sitiuntque vehementer: interdum vero sitis non propter ventriculi os tantum quibusdam, sed etiam ob calorem jecoris, pulmonis & jejuni intestini accidit. Etenim sitis quæ pulmonis vitio contingit, non tantum a refrigerantibus, quantum aeris ambientis inspiratu adjuvatur: ac ardentes febres majorem potus adpetentiam, ob immoderatum calorem inferunt. Quemadmodum igitur immoderata sitis ex intemperie quadam frequenter oritur: ita sciendum est, etiam propter vitiosos quosdam humores in ore ventriculi putrescentes, qui sursum exhalent, eam excitari. Itaque superantem humorem, qui in ventriculo continetur, non modo refrigerantibus, sed etiam aliis ad illum idoneis medicamentis abstergere & repurgare convenit.

Si igitur humor, qui in ventriculo habetur, biliosus fuerit, aliquod refrigerans humectans que adhibeto: quemadmodum etiam si pituitosus fuerit, & id quod redundat, facitque sitim, falsum fuerit, ea quæ hujusmodi humorem repurgent & abstergant, offerro. Ego sane novi, hujusmodi sitim a falsa pituita ortam, per falsos cibos finitam fuisse, ut falsamenta, coryacum, encatheram, & capparilem. Quare non semper refrigerantibus humectantibusque utendum est, sed ubi causam



accurate distinxeris atque internoveris, ita tandem congrua adhibenda curatio est. Proinde iis qui ex siccitate sitiunt, humectantia: illis autem qui ob caliditatem, refrigerantia: aliis vero qui ob falsam pituitam, detergentia conveniunt.

*Ad eum qui stomachum aestuantem habet, & vehementer sitit.*

ARCHIGENES igitur divinissimus, si quis alius, quum ea quæ ad medicinæ tractationem pertinent, reip̃sa docere studuisset, eis qui ardorem in stomacho sentiunt, aquam frigidam superbibere præcipit: præsertim etiam si roſionem in eo experiantur, & animo ex calore nimio, cibi que fastidio deficiant: aut uvæ acerbæ succum, aut malorum cotoneorum, aut cucumeris fativi semen cum aqua frigida, aut mali Punici dulcis, aut acidi succi, cum aquæ pari mensura, aut ramusculum menthæ lævigatum ex aqua frigida, aut rosaceum oleum similiter cum frigida, aut Persicorum immaturorum succo, aut rosarum siccarum decoctum, aut albæ lactucæ semen cum aquæ frigidæ cyathis quatuor. Nos autem compositis quoque usi sumus, non mediocri ipsa usu experti, quorum etiam descriptiones ampliter vobis exponemus. Ordine ita se habent.

*Catapotia ad sitim arcendam.*

Cucumeris fativi feminis drachmæ octo, tragacanthæ drachmæ sex. Tragacantham ovorum recentium albumine dissolvito, ac semen cucumeris tritum ei adjicito: miscensque in catapotia redigito. Siccata in umbra, sub lingua tenenda dato, & humor qui inde dissolvitur, devoretur.

ALIUD. Dulcis radiculae, cucumeris fativi feminis, portulacae, singulorum drachmae duae. Ovorum albumine excipito, formatoque catapotia ervi magnitudinis, ac linguae submittit.

*Aliud ad febricitantes, quibus parum bibere conducit: item ad insolatus, & profectiones ubi sitis urget.*

Dulcis radiculae succi drachmae sex, cucumeris fativi feminis drachmae quatuor, tragacanthae drachmae duae. Lævigata in unum misceto, & albuminibus ovorum adjectis subigito, fingitoque catapotia, & utitor, sub lingua continenda exhibens.

ALIUD. Portulacae feminis, cucumeris fativi feminis, portulacae radicis corticis, singulorum drachmae quatuor: dulcis radiculae succi drachmae duae, tragacanthae drachmae quatuor. Ovorum albuminibus excipito, formatoque pastillos; qui singuli drachmam pendant, datoque unum sub lingua tenendum.

*De iis, quae ad ardorem stomachi extrinsecus imponuntur.*

Extrinsecus autem vesicam aqua frigida aut nive repletam, vel cucurbitae ramenta injicito: aut sesamum aqua maceratum, lævigatumque cum oleo rosaceo misceto, ac febricitantibus applicato: aut mali folia viridia, aut mala cotonea, aut palmularum glandes vocatas *phænicobalanos*, aut mespilum cum cerato, aut caseum recentem cum polenta inducito: in summa, omnibus ut in cardiacis utitor.



## CAPUT VII.

DE IIS QUI ATRAM BILEM COLLI-  
GUNT, ET INFLATIONE STOMA-  
CHI LABORANT.

**Q**UIBUS præcordia & stomachus inflantur, melancholicis in eum recrementis confluentibus, spongas aceto quam acerrimo imbutas imposito: & si post has malum remanserit, alumen liquidum cum chalcantho lævi, melle modico exceptum applicato: aut hederæ foliis in vino coctis stomachum obducito: aut stercore bovis armentariæ sicco, ex vino cocto. At ei qui inflationem stomachi potissimum experitur, calaminthæ decoctum ex aqua, modico mellis despumati & piperis adjecto, potui dato. Flatus sane discutit; non confert autem ad calidas intemperies, & ea quæ ex nimia adustione generantur vitia: sed potius illis, qui melancholico humore laborant, opitulatur.

*Medicamentum διὰ ἐπαφῶν, hoc est ex fructibus pomaceis confectum, ad subversionem stomachi, cæliacos & dysentericos efficax.*

Mala cotonea decem, rhus rubri sextarius, aquæ congii septem, sorba quinquaginta, mespila totidem. Fructus contusi, coniectique in aquam coquentur curiose, ac ubi dissoluti fuerint, liquor exprimetur, rursusque incoquetur, abjectis fructuum sordibus: & quum tertia liquoris pars relicta fuerit, adjicito mellis Attici



libras quatuor: coquitoque in prunis, ac move-  
to continue: ubi spissitudinem acceperint, sub-  
lata reponito. Dato ante cibum cochleare unum,  
aut duo.

*Epithema ad stomachum fluxione tentatum, feбри  
æstuantibus & colicis, qui stomacho consortii le-  
ge laborant & cibum rejiciunt, idoneum.*

Myrrhæ, croci, aloes, mastiches, absinthii  
succii, styracis, singulæ uncia: ceræ, nardini  
olei, palmularum paretarum, singulorum fesqui-  
libra: vini Adriani quod ad palmulas irrigandas  
fatis est. Quidam autem ceræ & nardini singu-  
lorum libras tres injiciunt, & ficcis in lævorem  
detritis una cum styrace liquata miscent, ac læ-  
vigatis utuntur; nos autem singulorum fesquili-  
bram injicimus, ac fit præstantius.

*Aliud ad eos, qui stomachum habent imbecillem,  
quique cibum retinere nequeunt.*

Palmularum paretarum uncia: tres, oenanthæ,  
ceræ, singulorum libra: mastiches, thuris in-  
fecti, singulæ uncia: vini quod fatis est. Pal-  
mulas ex vino lævigato; arida simul terito: de-  
inde ubi ceram liquefeceris, cum nardini unciiis  
tribus ceratum efficiens, arida in pulverem re-  
ducta excipito, atque in unum cogito.

*Aliud epithema similiter stomachum corroborans.*

Oenanthæ, omphacii, rosarum florum, aloes  
hepaticæ, acaciæ, gallæ, balaustiorum, mali Pu-  
nici, phœnicobalani; ceræ tractæ, olei lentisci-  
ni, singulorum uncia: sex: vini spathitæ quod

fatis est: malorum cotoneorum adipe involutorum, carnis assæ unciae, croci, absinthii, singulorum fescuncia: unguenti melini unciae octo. Vino odoro subactis utitor.

*Aliud ad stomachum fluxione laborantem & ventrem.*

Gallæ omphaciticæ drachmæ quatuor, nitri drachmæ sex, alcyonii drachmæ quatuor, fereos unciae tres.

ALIUD. Uvarum passarum decoctum potui, ipsasque uvas esui dato.

*De antidotis, ad eos qui ob frigidam intemperiem cibum non concoquunt.*

Præstantissimum hoc est medicamentum, quod per os exhibetur, plurimis experimentis probatum. Helenii unciae quatuor, fœniculi feminis unciae tres, piperis unciae duæ, petroselini feminis uncia, mellis Attici crudi exquisiti libræ duæ: hujus penuria, alterius despumati. Ego autem adjeci etiam erucæ feminis uncias duas, atque in omnibus mihi optime successit: nec non miscui sinonis Syriaci drachmas duas, seseleos totidem, mellis uncias sex, vel etiam plures. Maximum hoc est præsidium, & ad multa utile. Non enim solum inflationem stomachi & cruditatem sentientibus confert, sed mulierum quoque menses educit. Ego vero usus sum etiam in ægre spirantibus, & præter opinionem profecit. Dantur cochlearia duo mane, aut vesperti dormituro, ex diluta vini potione: (præstat autem diluta potio idem quod nectar) mane vero ex aqua. Facit enim ructus suaves, & omni



tussi confert: item iis, qui a capite in thoracem fluxiones experiuntur: summam omnibus intestinis affectibus. Reddit etiam appetentiam ciborum ampliorem, quibus ipsa interierat: necnon qui in venereis offensionem experti sunt, iis desiderium illorum excitat, si constanter illo utantur.

*Aliud ad eosdem affectus Diamelon.*

Malorum cotoneorum purgatorum, & postquam contusa fuerint, expressorum succi, sextarii quatuor, zingiberis unciae quatuor, piperis albi unciae tres, piperis nigri unciae duae, mellis sextarii quatuor. Succus cum melle usque ad hujus spissitudinem incoqui debet: deinde sic arida contusa, & tenui cribro increta adjici. Eo in vicem rhodomelitis utor.

*Aliud Diamelon.*

Cotoneorum succi sextarii duo, mellis tantundem, aceti sextarius & semis. Haec ad prunas moderate coquantur, despumenturque: deinde zingiberis in pulverem redacti unciae tres adjiciantur, piperis albi unciae duae, & rursus ad mellis crassitiem lento igne incoquantur. Quod si purgans inde medicamentum efficere velis, lacryma scammoniae uncias tres adjungas: sin autem absque scammonia paretur, imbecillitate ventris laborantibus auxiliatur, nam jecore & ventriculo affectis utilissimum est. Dari autem debet maxime cochlearii mensura jejuno, aut vespere ante somnum, nihil offendit etiam si a cibo exhibeatur: praestat autem duabus aut tribus horis ante cibum: confert enim ad cibi fastidium, & iis qui non bene concoquunt. Nunc qui-



dem sic, nunc absque siccorum pulvere, succo malorum cum aceto & melle salum cocto ut prius. In calida intemperie loco rhodomelitis ipso utor, præsertim ubi vinum dare cautio est.

*Ad stomachum cibum vomitu rejicientem.*

Aloes, rosarum siccarum, singulorum drachmæ decem: teruntur, danturque cochlearia tria aut quatuor. Quod si humorem stomacho insidentem, repurgare velis, scammonia aut mastiches, singulorum drachmas quatuor admisceto, repurgat enim optime & sine molestia.

## C A P U T VIII.

*AD INFLATIONEM STOMACHI, ET INTESTINORUM: ITEM AD EOS QUI CIBUM NON CONCOQUUNT, JECORARIOS, TUSSES VEXATOS, PRÆSERTIM QUOS FRIGIDA CAUSA INFESTAT.*

**P**IPERIS uncia tres, ligustici, ammeos, singulorum fescuncia: epithymi puri feminis, pulegii sicci, singulorum uncia: mellis despumati quod satis est. Quidam vero etiam apii feminis unciam adjecerunt, rutæ feminis semunciam. Datur cochleare.

*Aliud ad inflationem, dolorem, omnemque stomachi cruciatum efficax.*

Lacrymæ papaveris drachmæ duæ, piperis, castorei, singulæ drachmæ: petroselinis feminis drachmæ quatuor, nardi Syriacæ drachma. Ex

his in tenuissimum pulverem reductis, cochleare unum aquæ calidæ sesquicyathis inspergito, additoque mellis quod sufficit, Hoc antidotum tepidum, mane & vesperti propinato. Robustis autem copiosius dato; nam ad leniendum dolorem & humores concoquendos efficax est, præsertim ad mulieres virosque coeliacos, inflationes & cruditates, item ad febres & præcordiorum dolores, necnon ad febres ex cruditatibus contractas, tussis, laterum dolores, convulsa, ac ad urinam movendam conducit.

*Aliud antidotum optimum.*

Spicæ nardi, piperis, singulorum uncia: casie fistulæ, costi, singulorum uncie duæ. Datur ex aqua mane & noctu: non modo stomachicis, sed etiam jecorosis & nephriticis confert; utitur hoc medicamento cum fiducia.

*Aliud ad idem.*

Piperis, petroselini, singulæ uncie; cumini semuncia. Datur a balneo.

*Stomachicum quod etiam ad colon proficit.*

Iridem Illyricam contusam, Incretamque ex aqua calida potui jejuno dato: post cœnam autem ex vino diluto. Modus ejus est, drachmæ tres. Ne contemnas: nam probe auxiliatur.

*Aliud ad alia quoque vitia salutare.*

Ligustici, ammeos, apii feminis, cari, singulorum drachmæ tres, piperis grana triginta,



mellis quod fatis est. Dato jejuno & ante somnum.

*Antidotum stomachicum, quod hiera picra dicitur.*

Junci rotundi floris, xylobalsami, mastiches, spicæ nardi, asari, croci, singulorum drachma una & semis: cinnamomi veri drachmæ sex, casia drachmæ tres, aloes hepaticæ lotæ & siccatae drachmæ centum.

*Aliud stomachicum, etiam ad inflationem utile.*

Petroselini Macedonici feminis, cumini, singulorum uncia quatuor. Æger jejunus & vespere ex modica aqua tepida sumat.

## C A P U T IX.

### DE AFFECTU CARDIACO.

CARDIACUS quoque affectus stomachi vitium est: quod accidit, ubi humores pravi, rodentes & virulenti in ore ventriculi collecti fuerint, aut eo confluerint. Si igitur quidam os ventriculi sensibile habere deprehendantur, statim intereunt, dum immodicam humorum ro- sionem sustinere non potuerint; frequenter etiam lumbrici sursum ad os ventriculi adscendentes, cardiacos affectus, immodicas animi defectiones & syncopas excitant, ut nonnulli statim quum a lumbricis roduntur, intereant. Quapropter non semper repentinas oris ventriculi syncopas a pravis humoribus fieri censendum est, sed etiam lum-



lumbricorum indicia requirenda. Nam hæc bestię adeo repentinam mortem, & syncopas non minus quam perniciosi humores inferunt.

## C A P U T X.

### D E C A R D I A L G I A.

**Q**UI ergo pravos rodentesque humores in ore ventriculi continent, atque ideo prope in syncopen incidunt, his primum omnium illos cibos offerre convenit, qui præterquam quod refrigerant, eiam partem resolutam possint confirmare. Itaque probe refrigerant, corroborantque tum mali Punici grana comesta, tum succus eorum: adhæc mala non admodum dulcia, sed mediocriter adstringentia, pira Persica, rhodacina, uva quæ austerum frigidumque saccum obtinet, & panis ex aqua frigida tepidaque sumptus, si ægri temperamento valde calido fuerint; & humores qui continentur, rodentes nimium & acres existant. His igitur inter initia ad cardialgiam utendum est: reliquo autem tempore paulatim ipsis offerri debent, quæ ægre concoquuntur, & noxiorum humorum rosioni & acrimoniæ resistunt: cujusmodi sunt bulbium, sternium, astaci, isicia, pectines, buccina, ventriculi anserum, suum ungulæ ac petioli: in summa, quæ non cito corrumpuntur, sed etiam vitiosum humorem superantem oppugnant, evincuntque.

Cæterum his quoque, quum affectus cessaverit ac conquieverit, semper ut citius cibum sumant consulendum est. Nihil enim adeo ipsis confert, ut si non tarde cibum capiant, sed cir-

citer tertiam horam aut quartam, panem ex tepida aut frigida aqua fumant, aut malum, aut citrium, absque ipsius cortice. Hæc fane cardialgiam expertis conveniunt.

Ex medicamentis autem idoneum est, quod *Glycy* dicitur. cujus confectio in hunc modum se habet: aceti sesquiseptarius, corticis radicis fœniculi uncia sex, aloes hepaticæ uncia tres: mellis Attici sesquilibra, dantur cochlearia duo aut tria. Hoc medicamentum emollit, & confirmat ventrem, præstantissimumque est, ut quod non solum cardialgiæ, sed etiam incipientibus epilepticis, & hypochondriacis, aliisque plurimis affectibus medeatur, quorum nunc meminisse tempestivum non est. Novi autem antidotum quoque *διὰ ἀνακαρδίων* dictum, & hieram picram, ejusmodi vitiis auxiliari: sed nullum æque ut hoc medicamentum. Tantum de cardiaco affectu, qui ex rodentium pravorumque humorum acrimonia nascitur, dictum sit: deinceps autem de aliis quoque agamus accidentibus, quæ in ore ventriculi, aut humorum superantium qualitate aut copia eveniunt.

## C A P U T XI.

### DE NAUSEA ET VOMITU.

**V**OMITUS quoque ut nausea stomacho accidere videtur: verum singula ipsa a diversis causis procreantur, nempe a copia, & prava rodentique qualitate. At copia quidem naturam ad vomitum gravando irritat, pravi autem humores rodendo affligendoque. Huc itaque consilium dirigas, ut copiosos quidem evacues, pravis au-



tem & vitiosos contemperes mitigesque, & malignitatem ipsorum imbecilliores reddas: præsertim ubi biliosi fuerint & melancholici: pituitosos autem extenues, si crassi viscosique tibi appareant. Proinde si crudi humores in solo ventriculo redundant, & non ex toto corpore influant, medicamentis purgandi non sunt; quippe solus etiam victus absolutam ipsis curationem præstare abunde potest, & humores in ipso contentos immutare. Sin autem ex toto corpore in ventriculum influat, tunc medicamentis utendum majoribus. Interdum enim & sanguinis missio requiritur, si is superare videatur: & purgatio, si magna humoris pravitas existat. Quod si ambo videantur abundare, tum venam secare, tum purgare oportet. Dicamus igitur prius de iis quæ in ventriculo continentur, deinde sic de illis quæ ex toto corpore ipsi influunt, tractabimus.

*Curatio vomitus & nausæ.*

Internoscendum igitur est, antea humoresne sint infixi, an ad meatus remittantur, an ad fundum sint impliciti. Si quidem æger acidam qualitatem percipit, scire licet humorem noxium frigidum potius existere: utrum vero ad meatus transmissus, vel tunicis adhærescat, vel in fundo ventriculi fluitet, innatetque, id curiose inquirendum est, & quomodo excerni debeat, cognoscendum. Si etenim vomitus statim post nausæam obortam, etiam citra violentiam comitetur, humorem noxium in lato ventriculi spatio esse, non dubie censendum. Sin autem nausæa quidem excitata fuerit, nihil autem notatu dignum per vomitiones efferatur, humores noxios, vel quum biliosi sunt, vel ferosi, in ore ventriculi absorptos esse, vel quum viscosi sunt, ipsi ori



ventriculi infixos esse intelligito : quoniam subinde accidit, ut venter quidem nihil habeat recrementi, sed id ab aliis partibus, aut jecore, aut liene, aut alia quadam parte in ipsum recipiatur : deinde quum gravatur, aut roditur, ad vomitionem incitetur. Necesse autem est hoc quoque discernere.

*Quomodo internoscatur humor qui evomitur, utrum in ventriculo gignatur, an aliunde influat.*

Si quidem vomitus crebrior & intensus nullo insigni spatio interposito urget, humorem qui per illum rejicitur, in ventriculo potius generari sciendum est : sin autem spatium notatu dignum intercedere videatur, neque vomitus frequentius infestet, id quod rejicitur ex aliis potius influere existimandum. Considera igitur totum corporis habitum, aliaque indicia, atque sic curationem aggredere, sive sanguinis missionem, sive purgationem adhibens. Fieri enim nequit, ut aut humor superveniens, aut vomitus, aut quæ infestat nausea, conquiescat, nisi totum corpus recrementis liberum prius reddideris : si quidem ipsum causam influxionis præbet.

*Curatio quum biliosus aut melancholicus humor vomitum aut nauseam excitat.*

Postquam igitur diligenti observatione deprehenderis biliosum esse, quod in stomacho gignitur, nauseam aut vomitum faciens, primum contemperanti medendi ratione utendum : deinde ubi contemperaveris, humoris pravi acrimonia lenienda est : atque sic ad abstergendum eum transibis, vel per alvum, vel per vomitus evacuan-

do. Dato igitur ægris ptisanæ cremorem, qui utraque præstare potest, tum acrimoniam lenire, tum repurgare & abstergere. Etenim aquosa quoque mulla vacuat, & quæ stomacho inhærent abstergit, sed calidum quippiam obtinet.

Quod si igitur vitiosus humor fervens magis esse & acrior adpareat, ut etiam febrim inducat, fugito quidem mullam, & siquid aliud calidum est, quod abstergere possit: utitor autem ptisanæ cremore, aut tepida. Etsi enim vim absterforiam non habeat, tamen humectat, meatus dilatat, in bonam temperiem deducit, & acrimoniam ipsorum obtundit: qua ratione plurimum juvat. Reliquum autem non per se vomitu rejicitur, sed omnino aut qualitatis ipsorum, aut substantiæ particeps factum educitur: atque hoc in sordidissima spongia fieri cernimus. Etenim aqua non probe eam purgaret, simulque ipsa adtraheretur, nisi præterquam quod meatus conniventes laxet, dilatetque, recrementi etiam siccitatem humectare posset atque dissolvere.

Quare in quibus id quod affligit biliosum fuerit & melancholicum, tepidæ potio maxime omnium succurrit. Si enim viscosum & vehementer affixum existit, exiguo indiget adjumento intus, ut citius rejiciatur; quippe aqua tepida etiam sola crassos humores dissolvit: eaque propinari debet, si pituita affixa sit, & valenter inhærescat, præsertim falsa & vetusta, siccisque medicamentis & calidis intempestive datis, (ut vulgo faciunt) torrida duraque evaserit. At si humores non admodum bilioli sint, febris autem infestare videatur, tunc mulla utitor, & iis quæ plenius possunt abstergere.

Quod si humor victum contemnere videatur, deinceps etiam medicamentis utitor, aut antidoto



quæ hiera picra dicitur. Nam valenter ipsum biliosa, quæ tenacius impacta sunt, & melancholica recrementa purgare potest. At qui medicamentum aliquod exhibiturus est, diligenter considerare debet, ne quandoque calida intemperies in solidis partibus præpolleat. Nam siquid tale fuerit, & antidotum ipsum tunc exhibueris, quum calidæ & siccæ partes existunt, hecticorum affectuum & tabis, quæ marasmus dicitur, auctor evades. Quare illis danda est, in quibus materia prava stomacho aliunde remittitur, ita ut solidæ partes natura calidæ & siccæ non sint.

*Curatio pituitæ stomacho affixæ, & nauseam excitantis.*

Hoc modo, si recrementum biliosum & melancholicum fuerit, curatio tentanda est. Sin autem acida & dulcis pituita affixa videatur, tunc nimirum extenuantibus utendum medicamentis, præsertim oxymelle, raphani radicibus, capparide, sinapi, coryaco, & medicamento ex malis cotoneis, quod recipit zingiber & petroselinum Macedonicum; nam ab ejusmodi, omnis humor pituitosus & crudus concoquitur. His etiam moderata inedia confert, item somnus & quies: hoc enim victu pituita non solum alteratur extenuaturque, sed etiam in sanguinem benignum probumque convertitur, ut ejusmodi quoque humor per inopiam alimenti nutrire possit.

Si autem acida fuerit pituita, etiam dulcia offeri debent: sin autem falsa fuerit, quæ inhærescit, considerato rursus unde falsa existat. Quippe videtur interdum etiam ex serosæ substantiæ commixtione falsa: interdum vero non propterea, sed ob calidam quoque intemperiem, quæ ipsam



torrefacit. Nam pituita incallescens, & falsa, & crassa perpetuo redditur. Quod si igitur ob calidam intemperiem falsa tibi facta adpareat, humectante & tepida potius curandi ratione utitor. Etenim non a calefacientibus, sed ab humectantibus refrigerantibusque dissolvitur: sicut etiam sal & nitrum. Hæc enim, ut a caliditate concretionem sortita, non igne, sed aqua resolvi possunt. Hoc sane pacto, si pituita affixa fuerit, auxiliari oportet.

*Curatio serosi tenuisque humoris stomacho infixi.*

Sin fuerit serosus, tenuisque, & non nimium ventriculo impactus, haud curiosum esse oportet ac sollicitum: verum satis est etiam solo vomitu ex liberaliore tepidæ potu uti, vel cremore ptisanæ ventrem recrementis liberare. Si vero a multa humiditate imbecillius & resolutum os ventriculi tibi videatur, coque fastidire, magisque cibum vomere cupiat: tunc iis, quæ sensim exsiccant, adstringuntque leviter, utitor, quale est & malum cotoneum tostum, fermento circumdatum, si per se comedatur: item medicamentum quod ex ipso conficitur, quo placentæ loco omnes utuntur, & multifariam ipsius compositionem præparant. Nonnulli enim solum piper mixturæ ipsius adjiciunt: nonnulli etiam zingiber, petroselinum, & costum: alii vero caryophyllum. Verum hæc quidem plusquam oportet medicata sunt. Jam utile est etiam, quod recipit piper & zingiber. Nam hæc quoque partem imbecillem abunde firmare & calefacere possunt: quorum utrorumque calor & acrimonia recrementum in stomacho & ventre immutat.

At si id quod superest recrementum, tenue nimium & acre videatur, caveto quidem a calidis, adhibeto autem quæ corroborant & adstringunt, nihil quod manifesto calefaciat habentia, quale est simplex antidotum ex malis cotoneis confectum, quod ex succo solo mali cotonei & melle paratur. Quippe hoc & multum corroborare, & omnia biliosa acriæque recrementa contemperare potest: atque idcirco infirmo & calido stomacho, humoresque in bilem commutanti accommodatum est. His etiam castaneæ sunt idoneæ, mespila, forba valde matura, fabæ elixæ ex posca, alica, & Phasii pissarium. In summa, quæ corroborare sensim, & leviter adstringere, necnon exsiccare modice non solum in cibo, sed etiam inter medicamenta possunt.

---

## C A P U T XII.

### DE INFLAMMATIONE STOMACHI.

**Q**UOMODO igitur humores, tum qui sola intemperie vitii in ventriculo continentur, tum qui aliunde influunt, internosci & curari debeant, abunde hætenus explicatum est: reliquum vero est, ut de aliis humoribus deinceps agamus. Ubi stomachus inflammationem sustinuerit, magna opus est diligentia: quoniam maximum morbum & necessitatem corpori adfert. Mixta igitur curatio in ipso potissimum tentanda est, & non quemadmodum in minus principalibus, resolvente & laxatoria medendi ratione utendum, Nam periculum non exiguum comitabitur, ne-



que æger alimentum sentiet , neque adpetere id amplius poterit. Adjiciatur igitur una cum laxantibus etiam corroborans aliquod , nempe absinthii paululum , aut mastiches.

Adtendendum autem quonam opus sit , atque ejus copia intendi magis debet. Si igitur laxantia requirantur , adjicito fotui etiam chamæmelum : sin autem ægri non vehementer febricitent , etiam gleucinum , adipem anserinum , & sapam. Quod si imbecillitas quædam fuerit & resolutio , non adeo laxantium aliquod fotui addito : sed potius curationem ex melino & vino tentato , absinthium , rosas , œnanthen , mala , palmulas in vino macerans. Summatim , ad id quod urget , roborantia & laxantia , alias aliter augemus. Non solum autem fotus , sed etiam cataplasmata & medicamenta in hunc modum excogitare oportet.

*De medicamentis quæ extrinsecus imponuntur :  
epithemata Græci vocant. Galenicum*

Quum moderata quidem est inflammatio , sufficit etiam GALENI ceratum , quod hæc recipit : olei nardini per hyemem uncias octo , per æstatem uncias septem : ceræ albæ uncias octo , mastiches unciam , aloes semunciam. Sin autem stomachus magis corroborari postulet , etiam aloem augeto , unciam ex ea injiciens , aut succum absinthii , aut œnanthen , aut succum capreolorum vitis admisceto. Quod si stomachus non admodum dejectus videatur aut imbecillis , epithema Nilei adplicato , aut Philagrium per se , aut cum mica panis inducito.

Sin durior videatur inflammatio , & emollientia adhuc requirere , etiam hoc quod *diameliloton*



dicitur , adplicandum est. Corroborante autem simul & emolliente utitor , eo quod a me solet parari , cujus descriptio in hunc modum se habet : thuris , absinthii , singulorum unciae quatuor : ammoniaci suffiminis unciae sex , ceræ libra , olei nardini libra , vini Falerni quantum satis est. Arida pridie vino macerato , deinde trita valide , nardino & cerato adjicito : ac utitor ut medicamento admirabili , ut quod emollire simul & robur stomacho adhibere queat.

*Aliud , quod idem præstare potest.*

Mastiches , aloes , croci , myrrhæ , singulorum uncia : ceræ unciae sex , succi absinthii unciae duæ , styracis semuncia , olei nardini libra. Quod si inflammationem stomachi diuturniorem esse contigerit , utitor iis quæ vocantur copta. Hæc enim ad inveteratas inflammationes magis commendantur.

*Copta ad stomachi duritiem.*

Propoleos unciae sex , styracis unciae duæ , mastiches uncia , terebinthinæ semuncia , facis nardini olei quod satis est.

*Aliud malagma bonum , ad stomachi duritiem ; fluxionem & dolorem , faciens , ut ager tribus horis eo levetur , sentiatque manifesto adjumentum.*

Habet se autem ejus scriptura hoc pacto. Ceræ Ponticæ unciae sex , terebinthinæ unciae tres , myrrhæ , opopanacis , singulorum unciae duæ :

aloes unciae tres , aluminis scissi uncia , galbani uncia. Myrrham vino lævigato , & arida iis quæ liquari possunt inspergito : splenium autem sit digitorum quatuor.

*De iis qui inflammationem a frigido humore experiuntur.*

Ad stomachi perfrigerationes simul & inflammationes , optimum est medicamentum quod a grato odore *euodes* adpellatur : cuius confectiones variae sunt : sed cuius ego experientiam habui , hæc est : croci fescuncia , colophoniae libræ duæ semis , opobalsami , palmularum , singulorum unciae sex : aloes , myrrhæ , terebinthinæ , thuris , singulorum unciae duæ : phylli uncia , propoleos , styracis , singulorum unciae tres : spicæ nardi uncia , cardamomi unciae duæ , fœcis hedychroi fescuncia , ammoniaci suffiminis unciae sex , ceræ sesquilibra. Huic autem nullum præponas , in quibus frigida magna intemperies , duritia quædam , & pituita est , item dolores & distensiones fiunt. Non solum autem ad stomachum , sed etiam ad jecur , & intestina inflata , & ad eos qui cœliacos dolores sustinent , idoneum est.

*De medicamento Diameliloton , & hieratico.*

Hujus quoque descriptionem hic exposui , ut qui requirunt , facile inveniant : simul autem pluribus adpositis , id quod ad usum urgentem commodius est deligant. Descriptio ejus in hunc modum se habet : nardi Gallicæ , junci angulosi , myrrhæ , singulorum drachmæ decem : cardamomi drachmæ octo , meliloti drachmæ quadraginta ,

croci drachmæ octo , amomi drachmæ quinquaginta , ammoniaci suffiminis drachmæ quadraginta ; cyphios hieratici drachmæ sedecim , terebinthinæ drachmæ octo : ceræ mina , vini odorati hemina. Confert hoc quoque non modo stomachicis , sed etiam doloribus , aliisque multis affectibus.

*Aliud malagma polyarchium ; prodest peripneumonicis , jecorosis , lienosis , nephriticis , vesicæ & vulvæ affectibus , & omni nervorum dolori.*

Ceræ , resinæ terebinthinæ , bdellii , cardamomi , singulorum mina ; junci angulosi , myrrhæ , croci , cinnamomi , meliloti , thuris , ammoniaci suffiminis , singulorum drachmæ viginti quinque ; nardi Indici drachmæ sex , olei Cyprini hemina : vini Italici quod fatis est. Utitor interdum meraco , interdum cerato ex Cyprino soluto.

*Aliud.*

Abſinthii succi , œnanthes , nardi , singulorum unciaë tres : mastiches unciaë quatuor , ceræ unciaë sex. Ceram liquefacito : nardum atque alia lævigata , cerato raſo excipito.

*Aliud epithema ad dolorem stomachi.*

Sulphuris vivi , mastiches , singulorum unciaë duæ : ceræ ſesquilibra , olei irini tantumdem ; sulphur & mastichen in lævorem trita , & ea quæ liquari poſſunt liquefacta , pilæ demittito , & rurſum emollitis utitor.



*Ad omnem stomachi inflammationem, duritiem, & præsertim in quibus perfrigeratio & hydropicus affectus incipit : in summa, in quibus inflantur præcordia.*

Styracis Isaurici, aloes hepaticæ, singulorum unciaë tres : terebinthinæ unciaë quatuor, ladani unciaë duæ, bdellii pellucidi unciaë tres, euphorbii recentis uncia : item adipis anserini purgati unciaë quatuor : croci Afri unciaë tres, nardini Lybici unciaë duæ, ceræ Ponticæ unciaë duodecim, aliorum purgatorum unciaë tres, vini odorati quod sufficit.

*Illitus stomachi, & unguentum ad frigidam intemperiem, Marciatum.*

Multa igitur sunt etiam alia ad frigidam intemperiem celebrata medicamenta, tum simplicia, tum composita : verum præstat omnibus quod *Marciatum* adpellatur, & odoratius est quam *Decamyron* & *Pentamyron*, præterquam quod emolliat, si forte durities quæpiam exstiterit, corroboratque stomachum. Confectio ejus hæc recipit : styracis calamitæ, ceræ, singulorum unciaë tres : medullæ cervinæ unciaë duæ semis, terebinthinæ uncia, opobalsami fescuncia, si recens sit : sin minus, etiam duæ, misceri debent : olei nardi unciaë sex.

*Compositio Marciati generosi.*

Styracis calamitæ unciaë tres, medullæ cervinæ unciaë tres, aloes hepaticæ unciaë duæ, maltiches

unciæ duæ , olei nardi unciæ tres , opobalsami unciæ tres , ceræ unciæ quinque. Parato , ac utitor longe optimo & paucis cognito medicamento.

*Unguentum Myracopon.*

Idem his præstare *Myracopon* istud potest : majorem autem calefaciendi vim obtinet ; quare ubi frigida intemperies magis præpollet , hoc potius uti convenit. Parandum autem est ipsum hoc pacto : croci , unguenti Syriaci , opobalsami , singulæ unciæ : mellis unciæ tres , myrrhæ , ammoniaci suffiminis , ceræ Ponticæ , singulorum unciæ tres : terebinthinæ fescuncia , euphorbii uncia.

*Ad stomachum perfrigerationem expertum intinctus ,  
qui ἐμβάρινα Græcis dicitur.*

Baccarum juniperi , piperis , singulorum unciæ duæ : zingiberis unciæ quatuor , petroselini uncia , mellis quod satis est. Utitor ut præstantissimo.

*De antidotis stomachicis. Pastillus Amazonum.*

Hic pastillus multo usu probatus est , in quibus dolores validi & convulsiones stomachum exercent ; nam abunde ipsas mitigat potus , necnon auxiliatur. Habetur autem in hunc modum : apii feminis drachmæ sex , anisi totidem , absinthii drachmæ quatuor , myrrhæ , piperis longi , cinnamomi , castorei , opii , singulorum drachmæ duæ. Lævigato ex aqua , fingitoque pastillos , qui singuli pendant drachmam : dato stomachicis cum vini factitii , quod προπομα Græcis dicitur , cyathis ternis : cholericis & cibum vomentibus , ex frigida : coeliacis & dysentericis , cum myrtorum decocto :



lienosis autem, ex oxymelle. Item ad alia multa valet hic pastillus, & præsertim vomentibus, quique rosionem ex pravis stomachi & ventris humoribus sentiunt, satis respondet. Atque hæc sunt nobilissima, quæ multis experimentis comprobavimus.

Cæterum hoc quoque sciendum est, omnem duritiem aut stomachi, aut jecoris, aut lienis, aut alterius cujuscumque partis, a diversis causis & non ab una excitari. Etenim siccitas, aut caliditas, si præcesserit, humoresque reddat crassos, tumorem duriores efficit, & perfrigeratio similiter. Accurate igitur incumbendum est, ut ex signis præcedentibus & iis quæ assident, ac præcipue temperamento, internoscamus; atque ita medicamenta adhibeamus. Si enim præcesserint tristitiæ, curæ, labores, animi dejectiones, pauci cibi & calidiores, potusque, hujusmodi duritiem ex nimia humorum aduotione potius factam esse cognoscemus.

Necesse igitur est in talibus affectibus, ut medicamentis ægros curemus, quæ tepidam aut temperatam qualitatem obtineant, non autem calefaciant, & emollire posse titulo admodum promittant; hæc enim iis, qui tumorem ex frigidityte in scirrhum coactum habent, contulerunt, nec de hujusmodi ambigere dubitareque oportet. Dictum namque est ab ARISTOTELE, aliisque præstantissimis viris antiquis, singula quæ concreta & in scirrhum indurata sunt, a contrario ejus quod concretionem peperit dissolvi: nempe quod a calore & siccitate concretum est, ab humectantibus ipsum & refrigerantibus dissolvi oportere, quemadmodum in nitro & sale fieri cernimus. Omnia namque hæc a caliditate magis torrentur atque in-

durantur , ex aqua vero dissolvuntur : quemadmodum rursus , quæ a frigiditate concreverint , ab igne resolvuntur : id quod videre in glacie & nive fieri licet , dum ab sole & igne dissolvuntur.

Quare adhortor ut animum adhibeatis , & ne , ut plerique medici , citra judicium remedia adhibeatis , titulis ipsorum solis acquiescentes. Ego sane novi viscerum duritiem humectantibus & temperatis me curasse , nempe balneis & hydrelæo usum : necnon rosaceo oleo & chamæmelino , similiter etiam balneis temperatis , quemadmodum in aliis superfusionibus ex nardino , gleucino & anethino oleo : item *Marciato* , & horum similibus : adhæc victu calefaciente , utpote pipere cibus injecto , & aniso , & aliis quæ ejusdem sunt facultatis : insuper potione ex spica nardi , asaro , & id genus antidotis , quæ extenuare & calefacere possunt.

Quoniam igitur non pauca a contrariis evenire solent , adtendendum est diligenter ; etenim acres in stomacho subinde non solum ex frigiditate , sed etiam a calore oriuntur. Novimus autem plerosque medicos putare , omnem acorem a sola frigiditate provenire : qua de causa semper his calefacientia adhibent. Video rursus multos etiam a refrigerantibus cibus adjutos fuisse , qui antea a calefacientibus plurimum offenderentur. Nam vinum potius ipsis magis acescebat quam calidiores potiones factitiæ , quæ ex pipere aut aniso , aut alio quodam hujusmodi parantur , medicamento.

Quare talibus repudiatis , contrariis usi , temperata aqua largiore , cibus boni succi , & qui ægre confici possunt , ut bulbio & sternio , aut anserum ventriculis , & juvencæ pedibus , ex posca : & ex pisculentis , orpho , isiciis , pectinibus , ostreis  
non



non coctis : celerrime tali affectu liberati sunt, ut neque acidus ructus, neque aliam cruditatem in posterum paterentur.

Ex his igitur universis conjectura assequi licet, idem accidens a contrariis sæpe causis oboriri. Quemadmodum autem in acido ructu, ita rursus cura habenda est, ubi æger de amaritudine queritur, & non statim humidis in totum & refrigerantibus utendum. Fieri namque potest ut viscosi abundant humores, in quibus bilis, dum ad superiores partes effertur, hujusmodi consensum, etiamsi non admodum copiosa fuerit, ægro præbet.

Omnes ex. gr. arquatos amaritatem percipientes videre licet, attamen non omnes a refrigerantibus adjuvantur. Multi siquidem etiam aliis liberalioribus usi, arquato liberati sunt, ita ut neque reliquo tempore amaritudinem perceperint, id quod merito accidit, quum neque ab eadem causa arquati fiant, sed alii ob jecoris inflammationem, alii ex ventriculi intemperie, alii a viscosis humoribus : sed hi curari nequeunt nisi extenuantibus & calefacientibus, quemadmodum rursus considerandum est, etiam in iis qui copiosiora exspuunt, & frigidum putantur stomachum habere. Non enim ejusmodi malum a copiosa in totum humiditate accidit, quum etiam ob caliditatem evenire possit. Nam cum jejunant, & cibo modico utuntur, hoc sæpe experiuntur, nec desinunt salivam emittere, & copiosa exspuere, donec cibum assumant. Clarum autem est, id accidere dum caliditas humores qui in alto latent dissolvit. Postquam enim natura cibum concoquens, oblatum insumpserit, tunc rursus, quæ appositum dissolvere cogitur : atque idcirco copiosiora spuant, humiditate quæ in alto hærescit liquecente. Quod

autem ob calorem crebrius exspuere ipsos accidit, videre licet in lignis quum comburuntur: quippe humor ex eis destillat, nimirum igne id quod aquosum in illis continebatur evacuante. Idem etiam in carnibus, dum assantur potissimum, evenire cernimus.

### *De Curatione.*

Curandi ergo sunt, qui ob calorem copiosa exspuunt, cibis refrigerantibus, & qui difficulter confici possunt: quemadmodum rursus ii qui ob humiditatem laborant, calefacientibus. Opus igitur viro est in arte omnifariam exercitato, qui exquisitè causam dijudicare queat. Etenim idem accidens a contrariis (ut diximus) causis oritur. Quare plerique rigorem & frigus in corpore sentiunt, quidam sane a crudis humoribus qui in eo superant; quidam vero ob siccitatem & inedia: alii propter bilem: quemadmodum rursus in externis partibus ob magnam inflammationem, quæ calidum sanguinem totum ad se adtrahit, perfrigescunt. Multa sane etiam alia exempla licet adducere, quod eadem res a contrariis (ut dictum est) subinde causis efficitur: verum hæc quoque sufficiunt. Nam in febrium curationibus copiosius de hac re agatur: quia medici plurimum ab eis decipiuntur, errantque.

---

## C A P U T XIII.

### D E S I N G U L T U.

**Q**UUM singultus etiam, stomachicus sit affectus, his conjungere eam decet, ut omnis



stomachicorum disputatio in idem sit collecta. Nam totus stomachus convulsorio more, dum nonnulli moventur, affici videtur, ubi facultas ipsius expultrix illic largius ad recrementa quæ insident, gravant & rodunt, expellenda incitatur. Non raro in evacuatione etiam, ipsa ob siccitatem comitatur, nimirum ut in dysentericis, vel quocunque alio modo largius evacuatis, & febris tentatis immodica, tale fieri spectamus. Fit autem, ut etiam ob acrem quampiam qualitatem homo singultiat: sicut qui hydrogarum assumpserit, aut aliud quid ejusmodi rosionem inferens, ac magis ubi stomachus quoque est sensibilior.

Atque hæc sane singultus causæ, tot & tales existunt: curari autem ipsæ remediis ad causam eum facientem proprie accommodatis debet. Si enim causæ fuerint viscosæ & crassæ, extenuantibus & incidentibus utendum esse constat. Incidit autem probe acetum quoque solum, si modice sorbeatur, & præcipue quod vocatur scilliticum: item oxymel, quod ex eo temperatur. Adjeci autem hujus quoque compositionem optimam, quæ multis conferre potest, præsertim stomachi affectibus & inflationibus acidisque ructibus: est autem hæc.

*Oxymellis confectio.*

Scillæ partis internæ tenerioris libræ duæ: aceti acris albi sextarii quindecim: piperis uncia duæ, dauci Cretici feminis, fœniculi feminis, cumini, singulorum drachmæ quatuor: apii feminis drachmæ octo, petroselini Macedonici uncia duæ, laseris uncia duæ: zingiberis uncia, pyrethri uncia: nardi Gallicæ drachmæ quatuor:

ligustici drachmæ quatuor, hyssopi Cretici drachma, pulegii drachma: menthæ viridis fasciculus, apii viridis fasciculus, cardamomi drachmæ duæ, rutæ viridis turiones quinque, mellis sextarius, phylli drachmæ quatuor, costi uncia, sapæ sextarii duo: agarici, spicæ nardi, amomi, singulorum uncia. Omnia hæc contusa diligenter, seorsim habeto, & scillam in acetum coniectam per dies septem macerari finito: deinde ea sublata, reliqua omnia contusa, ubi valide lævigeris una, acetoque indideris, alios dies septem finito: deinde per linteolum densum expressis, etiam ad affectum prædictum utitor. Cæterum & raphani radices in ipsum intingere convenit, vomitumque ciere. Adhæc mulsa, & spicæ nardi rutæque decoctum potu ipsis auxiliatur: nec non panis ex condito comestus. Omnia namque hæc adhibui, & in magno adeo singultu ut æger e lecto exsilire cogitaret, profeci. Usus autem sum præter hæc etiam extrinsecus in stomacho-castoreo, styrace & mastiche, oleo ipsa incoquens, & stomachum vehementer ex eo fovens, agitabam autem inter coquendum oleum ruta. Porro castoreum, & potum & olefactum in his probe opitulatur: item nardus Gallica, asarum, spica nardi, anisum, cuminum, & ligusticum. Quod si recrementa rodentia & corrupta fuerint, iis utendum esse constat, quæ contemperant, & simul id quod rodit abstergere possunt. Vinum autem his circumcidendum est, atque omnia acria decocta: temperata autem aqua utendum, & pane ea imbuto, ptisanaque copiosa, & pisciculo qui aceti paulum habeat, & pullis columbarum: atque hujusmodi singultientes purgandi non sunt.



Sin autem ob evacuationem aut febrim singultus accedat, non dubie etiam firmiter perseverans, (tunc enim ob siccitatem immodicam affectus oritur) talis merito quidem periculosus est. Quare in ejusmodi casibus, humectantibus & refrigerantibus auxiliis, præsertim temperata aqua creberrima, unctione, & omnibus quæ exhaustis adhibentur, utendum. Novi autem quemdam ex iis, qui ob hanc intemperiem singultiunt, frigida sorbitione conservatum.

At in inflammatione, ea quæ actu frigida sunt vitari debent: magis etiam continue tepida utendum, paulatim eam sorbendo, extremas autem manus calidissimas frequentius madefacere oportet: & pedes deligare continereque, non est alienum. Insuper sternutamenta accommodare, in quibus maxime humida stomacho infixæ sunt. Ita namque spiritus, dum in angustias redigitur, & violentia incidit, humorem qui in stomacho continetur propellit. Adhæc superfusionibus ad stomachum uti confert, in quibus potissimum etiam inflammationem illius aut jecoris esse consideraveris: vena prius secta, nisi omnino vires dissuadeant. Talibus igitur cum ratione & artificio utendum est, ita ut animum advertas temporis, ordini, qualitati, & aliis omnibus, quibus celeberrimi medici advertendum esse putarunt.

At si multis atque multis tentatis, æger nihil sentiat adjumenti solatiique, dum nihil ex iis quæ ab arte suppeditantur, morbi difficultati succurrere potest, etiam naturalibus quæ adligantur uti, alienum non est, ut ægrum conserveamus. Etenim impium est talem deferere, & prohibere ea quæ ægro ad salutem conferunt: quum etiam divinissimus GALENUS, & qui eum præcesserunt, his sint usi. Quare sapientissimus ille

DIDYMUS in libro qui *Octatomus* vocatur, scriptum reliquit.

ALIUD. Festucam, aut lapillum, aut finum ex terra sublatum, singultientis capiti, ipso ignorante, imposito, ac statim singultus desinit. In Cyrene hoc quoque didici.

ALIUD. Singultiens contineat manu sinistra calculos suffragiorum quadraginta, & capiti superimponat: ac statim singultire desinet. Castoreum autem adligatum cito singultum finit. Ad hæc cuminum quoque panniculo lieno inditum brachiali sinistrae manus adligato: hoc Æthiopes ad Austrum habitantes facere dicunt: Cretenses tesseram manibus continere,  $\gamma, \rho, \zeta, \gamma$ , & naribus offerre. Nonnulli vero panis fracti micam auri singultientis tacite imponunt, & fragmentum ollefaciunt, liberanturque: alii vero rutam ex vino aut mulsa coctam potui præbent: alii apium aut castoreum, aut daucum Creticum, aut asarum, aut nardum Gallicum, singula privatim aut simul cum mulsa, vel decocta, potui: aut laser olefaciendum exhibent. Eximie facit etiam gargarizatio, & aurium orisque detentio. Non autem oportet pleraque contemnere, sed omnia etiam cum alia curatione, quam ars præstare jubet, adhibere.

## C A P U T XIV.

### D E C H O L E R A.

**Q**UOD cholera sane acutissimus sit affectus, syncopen insignem, immodicamque virium resolutionem inducens, omnibus in confesso est, deirco accurate internosci, & celerime curari,



merito postulat. Etenim dilatio in omnibus acutis morbis nociva est : in hoc autem affectu, etiam exigua ac levis curandi mora, haud simplicem offensam, sed etiam absolutam subinde tabem, quæ phthisis dicitur, conciliat. Choleram itaque, immoderatam esse perturbationem, quæ per alvum & vomitum propter stomachi subversionem offensionemque proveniat, intelligendum est.

Ne autem quis affectum hunc ideo choleram vocari putet, quod ὑπὸ χολῆς. i. e. a bile omnino fieri consueverit, sed quia materia quæ per ventrem adfertur, ex intestinis videtur excerni. Intestina vero choladas veteres appellabant, ut etiam HOMERUS testatur his verbis, κέχυντο χαμαὶ χολάδες, quod est, Fusa erant humi intestina, hujus gratia etiam affectum choleram nuncuparunt. At non solum de una fit causa, sed etiam de multis, nempe ob copiosorem cibum assumptum, &, quia concoqui non potuerit, corruptum : item ob pravorum humorum aut ciborum, aut potionum, præsertim stomachum offendentium, qualitatem : qualis est & pepon, & pingues dulcesque & oleosi cibi. Gignitur etiam ex copia bilis, naturam fursum aut infra ad exercendum irritantis : necnon ob nonnulla frigida adplicata, ut epithemata quædam, aut frigidarum aquarum usum, si eas bibant, aut in eis diu nataverint. Quæ quum ita se habeant, necesse est etiam de curatione tractare, quæ ad unamquamque hujusmodi causam accommodetur.

*Curatio eorum qui ex copia ciborum, cruditate laborarunt, incideruntque in choleram.*

Si igitur ciborum corruptio per initia tibi appareat, & æger nihil fere per ventrem aut vo-

mitum excernat, sed nauseet velliceturque, tunc ipsis exhibere conabimur, quæ potius vomitum provocare largius possunt: qualis est mulsæ, quæ ambo sine noxa præstare potest, nempe & alvum & vomitum incitare. Quod si vero mulsam non libenter sumant, tepida aqua ipsis liberalior dari debet, atque vomitus sollicitari aut digitis, aut pennis anserum ex hydrelæo in os inditis, donec corrupta abunde evacuata tibi esse videantur.

Et si quidem ita tibi adparuerit, ut nullum recrementum ex iis, quæ jam in ventre corrupta fuerant, copiosum remanserit, somnum ægris præcipere oportet, quietemque, & præcordiorum fotum. Quum igitur hæc imbecillia sunt, dulce oleum calidum injectum adjuvabit: per hyemem autem etiam nardinum, vel gleucinum, vel Marciatum. At vacuatione post somnum finita, neque feбри urgente, ad balneum duci debent, paulatimque cibo refici, ita ut cruditas tantum vitetur. Nisi enim quid impedimenti fuerit, celerrime rursus ad naturalem statum revertuntur: qualia neque stomacho affecto accidunt, sed corruptione ob copiam ciborum oborta: unde neque huiusmodi affectum proprie choleram nominant.

*Curatio cholerae ex vitiato stomacho provenientis.*

At si non ex ciborum copia, sed inanitione, aut imbecillitate stomachi prægressa evenerit, quæ etiam proprie Cholera vocatur, quum sit immoderata per ventrem vomitumque (ut diximus) evacuatio, stomachus vitiatus atque imbecillis refici iis devoratis, (si fieri potest) debet, quæ corroborent, & recreare queant, nempe victu & medicina. Dicamus igitur prius de victu,



qui hoc præstare possit, atque ita tandem de unctionibus quæ extrinsecus imponuntur.

*De Victu.*

Panis igitur his ante omnia idoneus est, si ex vino detur, aut myrteo, aut omphacomelite, aut palmationo, sive Sareptino: præsertim si æger non febricitet, sed etiam perfrixisse videatur, & imbecillis sit viribus, copiosioresque pepones comederit. Hi enim, quum stomacho plusculum adversentur, vomitumque immoderatus comesti moveant, cholerae affectum gignunt. Quod autem vomitum cieant, & stomacho sint inimici, experientia id licet cognoscere. Nam si duos sicci seminis scrupulos illi qui vomitu opus habet potui offeras, videbis eum, qui devoraverit ex ipsis, nauseare vellicarique, & statim in vomitum prorumpere.

At si æger febricitet quidem, ætate autem floreat, neque stomachus ejus a frigidis, sed potius pinguibus, aut dulcibus, aut oleosis subversus fuerit, & ructus nidorosi oriantur, his panis non ex vino sed ex omphacomelite, aut Cibyrriaco hydromelle, aut posca, aut hydrorofato, dari debet, permittique ut paululum ex iis sorbeat.

Quod si vomitus perseveret diutius, etiam menthae decoctum, ut saluberrimum medicamentum, ipsis dandum est. Etenim præterquam, quod stomacho illa grata sit, etiam naturaliter ad hunc affectum accommodata est. Sin autem vires labascant, & extremorum perfrigerationes, convulsionesque, & animi defectio oriatur, salutare est etiam vinum decocto admiscere. Nam vinum omnium maxime subito & celeriter vires collapsas

refocillare potest: ac multos novi, ex sola illius potione præter spem mortis periculum evasisse.

*De Unctione.*

Partes autem refrigeratas perfricare irino unguento convenit, aut gleucino, aut nardino, aut populeo, aut Sicyonio, aut quodam alio, quod recipit præsertim castoreum & medullam cervinam. Hæc enim omnia iis, qui convelluntur & prope perfrigescunt, admodum sunt convenientia.

*De Epiplasmatis, sive cataplasmatibus.*

Utendum etiam est epiplasmatis, quæ ad eos præsertim idonea sunt, qui cibum non continent, panis filigineus ex vino coctus, oleo melino adjecto, & polenta similiter ex vino myrteo incocta: quod si desideretur myrteum, ex uno prædictorum, aut palmatiano, aut Tyrio, aut Sareptino. Prius autem decoquatur in eo absinthium Ponticum, rosæ, mala cotonea, palmulæ, juncus rotundus ficcus, œnanthe: si tempus autem patitur, etiam capreoli vitis; deinde sic polenta coquatur. Inter coquendum adjiciatur etiam mastiche, & melinum oleum. Hæc enim omnia sunt apta tum ad corroborandum, tum ad prohibendum, ne aliud in ventriculum influat.

*De Epithematis.*

Multa sunt ad hujusmodi affectus prodita: quorum autem nos habemus experientiam, hæc sunt:



*Epithema διὰ σίκαλ' ὄνης laudatissimum.*

Oenanthes drachmæ duæ, omphacii drachmæ quatuor, styracis item drachmæ quatuor, acaciæ drachmæ octo, rosarum siccarum drachmæ octo, gallæ omphacitidis drachmæ quatuor, palmularum drachmæ sex: vini austeri, olei myrtei, picis, singulorum drachmæ sedecim. Hoc medicamentum ad hepaticas dysenterias, vomitiones, & eos, qui cibum retinere nequeunt, præstantissimum existit.

*Epithema, quod ex malis constat, διὰ μέλων Græce dictum.*

At si multis in ventre collectis flatibus, tormina & distentiones oboriantur, ratio est etiam cucurbitulas admoveere; hæ enim non solum leniunt, sed etiam plurimum juvant. Iis etiam conferunt, qui cibum non retinent, si statim quum æger illum assumpserit, stomacho adglutinentur. Nam valide contrahendo, vomitum fieri prohibent: præterea si diutius adhærent, etiam concoctionem juvant, & ventrem, ne amplius profluat, cohibent. At calidioribus citra scarificationem uti conducit: sin autem inflammatio quædam diuturna & scirrhusa circa præcordia orta fuerit, tunc scarificationem eis admoveere non est absurdum.



## CAPUT XV.

## DE CHOLERA BILIOSA.

**Q**UOD si bilis copiosior nunc sursum, nunc deorsum cholerae affectum excitet, clarum tibi erit eam ex erosione & caliditate circa ventrem ac praecordia ampliore percipi: ea vero, quae per alvum & vomitus efferuntur, omnia etiam esse biliosa, aegrum vehementer sitire, & linguam habere scabram. Si aestas fuerit, & aeger juvenis, calidiore victu primum usus, multo magis ex his veram notionem manifestamque consequeris, quod affectus praedictus ex biliosi humoris abundantia procreatus fuerit.

*Curatio.*

Causam itaque efficientem observans, per contraria semper curabis, quae refrigerare & humectare possunt, cibos, potus, & epithemata, quae ejusdem sint facultatis. Proinde ptisanæ cremor refrigeratus his est idoneus: item lactuca eodem modo refrigerata, paulo aceti adjecto: similiter etiam intybus & troximus: item panis ex aqua assumptus. Inter testacea, pectines, & buccina lota saepius: item bulbium & sternium: astacus biscoctus, & pisces duri, quodque ex ipsis fit isicium: necnon anserum & gallinarum cohortalium ventriculi.



*De fructibus pomaceis.*

Ex fructibus conducit is, qui non admodum maturuit, & mediocrem habet adstrictionem: præsertim mala, pira, mala Punica, & uva pensilis.

*De Bellariis.*

Ex bellariis, castaneæ & uvæ passæ expediunt.

*De Potione.*

Potus his omnium maxime aqua frigida convenit, quæ non universa, sed paulatim, & in cibi sumendi medio tempore bibatur. Quod si ex symptomatibus nimium infestantibus vires imbecilliores fieri contingat, non alienum est hydromel & omphacomeli eis exhibere, aut paulum vini vel Sabini, vel Cnidii. Sin autem vigiliæ quoque multæ infestaverint propter siccitatem, quæ ex inanitione accidit, diacodeion, quod ex sapa Cretica paratur, dare ipsis quoque commodum est: & quum somnum capturi sunt, paululum ex eo prædictis potionibus admiscere.

*De iis quæ extrinsecus imponuntur.*

Imponantur autem stomacho & præcordiis sempervivum & lactuca, cum mica panis rosaceoque excepta. Item ceratum probe confectum, optime & maxime juvat: si tempus ferat, capreolorum vitis, aut uvæ acerbæ, aut polygoni succus ei miscebitur. Præstantius enim erit, & ad ea quæ volumus efficacius. Etenim refrigerat, corroboratque, & id quod in stomachum in-

fluit, repellit: necnon inferiorem ventrem cohibet, totumque corpus ad bonam temperiem mutat, & appetentiam excitat; hæc omnia aliaque plura præstare potest. Hac igitur ratione ipsos curare oportet, in quibus & vomitus copiosiores crebrioresque fiunt, & venter immoderatus excernere, atque convulsiones syncopasque inducere videtur, ut æger de vita periclitetur, dum immoderatio per vomitus & alvum excretio accidit.

---

## C A P U T XVI.

### *DE CHOLERA, QUÆ CITRA NOXAM EXCITATUR.*

**Q**UOD si bilis ad excreationem proclivis, naturam irritare videatur, nihil autem mentione dignum vel per alvum descendat, vel per vomitum erumpat, non absurdum est tunc etiam medicamento purgante uti, quod humorem biliosum purgare queat, præcipue si æger juvenis fuerit, & priori tempore purgari consueverit, nunc autem cessaverit. Maxime igitur hoc efficere potest citra noxam scammoniae liquor ex posca, cum exiguo admodum menthæ succo, aut hydrorofato, aut hydromelite datus. At si bilis in ventriculi tunicas absorpta fuerit, etiam hiera picra ipsis exhiberi debet, adjecta ei scammoniae lachryma, prout ægri vires permittunt. His igitur ad corpus purgandum uti debemus.

Ubi vacuatio facta fuerit, & totum corpus deinceps recrementis vacuum, ut nihil in ventrem possit influere, nausæ statim cessabunt, &



cibus qui offertur non corrumpetur, pravitate humoris jam evicta, minoreque facta: & in totum corpus distribuetur, ipsumque probe nutriet, ut æger sequenti tempore immunis a morbo & sanus conservetur.

Cæterum nosse oportet, frictionem per manus adhibitam, quietam, calidam & mitem, iis omnium maxime, qui choleram sustinent, conducere; præterea etiam extremorum deligaturam: &, si quidem alvus urget, plura brachiis, & juncturis, quibus illa cum manibus committuntur, vincula injicienda esse: sin autem vomitus, tum femora, tum talos constringi, & paululum ipsa dissolvendo, rursus deligari oportere.

Si pedes refrigerari aut convelli spectaveris, etiam permittes, ut calidæ ipsos aquæ imponant, ac fovebis quousque partes incaluerint, vehementerque rubescant. A fotu, lanis quoque obtegentur, ne refrigescant.

Atque hæc potius fieri debent, quum etiam vomitus urget, & materia sursum erumpere videtur, quemadmodum diximus, brachia vehementer vincire, & superfundere iterum oportet si alvus item urserit: ut materiam semper in contrarium revellamus. Necnon alia quæ dicta sunt, diligenter administrari decet; atque eo pacto cholerae curatione non frustraberis; acutissima namque si oboriatur, subito periculum inducit.





---

# ALEXANDRI TRALLIANI

DE ARTE MEDICA

*LIBER OCTAVUS.*

JOHAN. GUINTERIO ANDERNACO  
INTERPRETE.

---

## CAPUT PRIMUM

### *DE INFLAMMATIONE JECORIS.*

**Q**UOD sane, ut omnis inflammatio ex fermenti sanguine trahit originem, ita etiam ea, quæ in jecore oboriri solet, exordium sumat, omnes fatentur. Quomodo autem ipsa internosci debeat, discernique, num ipsi jecori proprie acciderit, an tunicis ipsius, vel musculis extrinsecus ambientibus, considerare oportet. Et, si jecur inflammatur, inspiciendum rursus est & inquirendum gibbane potius, an cava ipsius pars, vel etiam utraque simul affecta sit. Si enim id cognitum discretumque probe fuerit, curatio quoque celeriter sineque impedimento administrari poterit.



*Notæ an gibbam jecoris partem inflammatio  
obsideat.*

Si igitur inflammatio in gibbis constiterit, facile internosci potest, præsertim si magna sit. Nam secundum ambitum circumscriptum inflammationis species ferri tunc videtur: ac febrim invehit ardentem, vomitum biliosum & æruginosum: frequenter jugulum detrahit, tussiculam movet, septum transversum coarctat, & gravitatis potius quam inflammationis sensum infert. Si enim in tunicis aut ambientibus vasis constiterit, acriorem dolorem excitat. Quare si universa jecoris inflammatio magna fuerit, ita ipsam nosse tum oculis ipsis, tum tactu, tum aliis prædictis indiciis expedit.

Quod si inflammationem non magnam sed exiguam esse contigerit, ægre ipsa internosci potest. Neque enim febrim statim inducit, nisi insignem quamdam magnitudinem acquisiverit: neque oculis hæc spectari, neque tactu manifesto cognosci, sed ex aliis ipsa animadverti potest. Si namque æger, ubi nos præceperimus, ut magnam respirationem edat, gravitatem se quamdam & dolorem percipere dixerit, inflammationem exiguam interius in jecinore, aut circa ejus gibba exsistere sciendum est.

*Signa inflammationis cavam jecoris partem  
occupantis.*

At si in cava jecoris parte inflammatio constituta fuerit, inde cognoscitur, quod tumor primum in imis potius quam in supernis partibus conspiciatur, atque hinc animi defectio succedat:

imo etiam corpus alimentum non sentiat, pallidum & tenue adpareat, ut tandem ipso refrigerante etiam aquæ subter cutem suffusio deinceps sequatur. Ita sane inflammationem cava jecoris infestantem, ab ea quæ gibba exercet, discernere convenit. At in musculis inflammationem tempestive cognoscere licet. Nullum enim ex prædictis accidentibus ægri sustinent: & præterea inflammatio e directo musculorum figurata conspicitur: necnon extrinsecus manifesto conspectui se offert, non quemadmodum in cava jecoris parte intus delitescens.

#### *Cura.*

Curare autem eam oportet, ita ut toti corpori prospiciamus. Si namque sanguis in universo eo superet, curatio protinus administranda est, & non differenda, (periculosum enim) sed vena axillaris incidi debet. Quod si hæc secari non potest, ex supernis vacuatio omnino tentanda est. Qui enim vacuationem adhibere, & totum corpus recrementis liberare neglexerunt, hi maximorum malorum ægris auctores fuerunt. Vel enim accidit, ut materia in pus ex medicamentis intempestive adhibitis convertatur, aut temporis spatio scirrhusa & ad discutiendum contumax fiat. Propter hæc igitur omni, a cavendum est, ne cataplasmata & superfusiones inducamus, priusquam totum corpus a recrementis liberum fecerimus.

Itaque sanguis mitti debet: post missionem victus institui recrementorum expers, mitis, qui nihil habeat acre, præsertim inter initia, nam fervens inflammatio nihil hujusmodi tolerat.

Quare commodius est ab id genus decoctis abstinere, ac non uti iis quæ videntur aperire,



eo quod partes inflammatae fluxiones inde magis experiantur & augeantur. Itaque cremor ptisanæ his est idoneus, qui habet vim & aperiendi & abstergendi, præterquam quod affectas partes non affligit aut calefacit. Similiter etiam avenæ cremor accommodus est. His autem, qui hæc averfantur, & chytton & amygdalæ dari debent: ova autem prohibenda, eo quod crassi sint succi & flatuosi: micæ vero panis, aut coctæ, aut elotæ, verum non copiosæ, assumi. Reliquis omnibus frumentaceis interdicendum est, ut similagine, libo fuminali, pulte, quæ Græce πολτος dicitur, & placentis, item pinguibus & testaceis, præter erinaceum: & raro admodum pectines, atque tunc dare convenit, quum æger biliosus esse adparet, sitique & vigiliis conficitur, inflammatione ferventi & erysipelacea torquetur. His & intybi, & troximi, & cichoria, & fouchi, & teneræ betæ, necnon columbus & piscis cum jure decocti conveniunt.

Dulcia vero omnia & recrementitia prohibeto; nam viscera largius hinc augeſcentia, in tumorem attolli videre licet, non solum in gallinis & suibus, sed etiam omnibus brutis animalibus. Quare dulcia & adstringentia similiter cavere oportet; nam eo quod contrahunt contrahuntque tumores, ad discutendum difficiles ipsos reddunt: ob quod neque malum Punicum, neque alium fructum pomaceum, imo neque vinum maxime competit: ut quod omni ferventi inflammationi in totum sit adversarium. Quod autem adstrictionis expers est, magis proficit in quibus sola obstructio citra inflammationem existit. Tantum de victu dixisse sufficiat.

Offerenda igitur prius sunt quædam simpliciora, ex quorum numero est radice apii dilutum,

& oxymel, quum inflammatio concoqui incipit. Nam per urinas materia subtrahitur, tumorque imminuitur. Si igitur & febris mitior fieri, & concoctionis signa tutiora adpareant, cum fiducia, etiam ea quæ largius incidere, & obstructa aperire possunt, exhibeto: cujus generis est asarum, meum; & nardus Gallica. Composita autem probe faciunt hæc, quæ solvere simul inflammationes, & dura emollire possunt: item quæ magnas citra febrim obstructions possunt discutere: quorum etiam confectiones exponere est necessarium.

---

## CAPUT II.

### DE OBSTRUCTIONE JECORIS.

**O**BSTRUCTIONS jecoris universæ hinc innotescunt, quod neque febris, neque fervor in locis affectis adstet: gravitas autem & sola distentio in cavis jecoris partibus sensu percipiat. Quum igitur obstructionem esse animadverteris, cum fiducia medicamentis utitor, quæ incidunt & extenuant: quibus etiam in partibus scirrhus indurescere incipientibus uti consulo. Ac scirrhi, ubi materia quæ partibus impacta est, prius emollita dissolutaque fuerit, medicamentis tunc indigent, quæ obstructa liberare possunt. Qui enim ad ea, quæ reserare solent, descenderunt priusquam tumor fuerit emollitus, hi adjumentum quidem ex eis attulisse visi sunt, tenui solo, siquod est, discusso: postea autem obfuerunt. Nam humores nimium exsiccati assatique, lapidum instar concreverunt, adeo ut non amplius discuti potuerint. Dicamus igitur de unoquoque,



qualia sane ad inflammationem tantum, qualia item ad obstructionem convenient, quæ rursus indurescentia dissolvere & emollire queant.

*De inflammationis jecoris curatione.*

Laborantes inflammatione jecoris, malis coticis, farina hordeacea, & fœnogræco decocto obducito. Etenim præterquam quod robur insinuant, etiam durities discutiunt, emolliuntque. Ad maximas inflammationes, in quibus etiam stomachus affectus est, & latera distenta sunt, palmulas citra medullam contusas diligenter, & cum pari cerato rosaceo, in pila legitime unitas, paulo rosacei superfuso, adplicato. Jam ceratum bene facit, quod recipit hæc; ammoniaci, ceræ, singulorum drachmas octoginta: croci drachmas quatuor, olei Cyprini heminam. Ceratum dera-  
sum reliquis admisceto.

*Aliud ad inflammationes non admodum ferventes,*

Sampfuchi viridis drachmæ viginti quatuor, thuris drachmæ quatuor, ceræ, resinæ picæ, singulorum drachmæ sedecim, olei Cyprini heminæ sex, mellis heminæ quatuor. Quæ liquari possunt, liquefacito, & aridis in pila probe lævigatis addito.

*Aliud epithema ad inflammationes ferventes, non modo musculorum, sed etiam ipsius jecoris, multis admodum experimentis comprobatum.*

Absinthii comæ, nardi Gallicæ, asari, croci, singulæ uncia: iridis, myrti, styracis, bdellii, suffiminis ammoniaci, singulorum uncia: duæ:

medullæ vitulinæ uncia quatuor, cerati lentiscini libræ quatuor. Adhæc Apollophanis epithema optime facit, si quis ipsum commode paraverit: habet autem se in hunc modum.

*Apollophanis malagma ad jecorarios.*

Ceræ, iridis Illyricæ, bdellii, singulorum drachmæ octuaginta: ammoniaci suffiminis totidem, resinæ, terebinthinæ drachmæ quadraginta, mannæ thuris totidem. Contundito, & irino pilam subungito.

*Epithema ad inflammationem jecoris.*

Aloes uncia tres, mastiches uncia, ceræ uncia tres, olei nardini sive melini totidem. Sin autem voles, ut magis corroboret, misceto aloem pari mastiches pondere. Ita & stomacho & jecori, quod mediocrem sustinet inflammationem, conveniens est medicamentum: quemadmodum etiam quod micas panis recipit: item anethine & ambrosia: necnon quod *Diameliloton* dicitur, si his misceatur: adhæc quod *diachamemelon* vocatur.

*Ad inflammationes scirrhusas.*

Ad tumores sine febribus, præcipue diuturnos & scirrhusos, etiam *Anemone* medicamentum valet, & *Ariobarzanium*, & quod vocatur *Helladicum*, omniaque copta bene faciunt. Atque horum scripturas apud multos proditas invenire licet. Ut autem lector prompte inveniatur, nec differre cogatur, hic quoque exponenda vobis censeui, maxime illa quorum experientiam accepimus.



*Hepaticum optimum, faciens etiam lienosis, & quibus stomachus est distentus, nobilissimum medicamentum & blande emolliens, adeo ut nullum ei comparari queat.*

Ceræ drachmæ septuaginta quinque, sampsi-  
chi quinquaginta, fœnigræci torrefacti totidem,  
piperis albi uncia, nitri octo, terebinthinæ drach-  
mæ septuaginta quinque, Cyprini libra, vini he-  
mina. Sicca contundito, incernitoque, & ad  
triduum usque in vino macerata, simul unito:  
deinde ea quæ liquari possunt, liquefacta, iis  
quæ in pila sunt superfundito, emollitaque dili-  
genter, reponito. Quum usus postulat, medica-  
menti partem unam misceto, atque ita imponito.

*Epithema odoratum, quod Euodes dicitur, ad jeco-  
ris & stomachi inflammationes egregium.*

Croci fescuncia, bdellii drachmæ novem:  
aloes, myrrhæ, singulorum unciaæ duæ, phylli  
uncia: propoleos unciaæ tres: thuris unciaæ duæ:  
styracis unciaæ tres: mastiches unciaæ duæ semis,  
nardi uncia, cardamomi unciaæ duæ, fœcis hedy-  
chroi fescuncia, ammoniaci suffiminis unciaæ sex:  
ceræ libra, colophonix libræ duæ: opobalsami  
unciaæ sex: palmularum totidem, Haud novi, an  
in duris & frigidioribus affectibus medicamentum  
hoc detur præstantius.

*Copton ad duritiem & stomachi jecorisque resolu-  
tionem insigne.*

Propoleos unciaæ sex, styracis unciaæ duæ,  
mastiches uncia: terebinthinæ semuncia: fœcis  
nardinæ quod fatis est.

*De antidotis hepaticis.*

Tantum de medicamentis, reliquum est ut eorum, quæ experti sumus, antidotorum, & pulverum mentionem faciamus.

*Hepaticum Athanasia dictum, ad nephriticos & arquatos valens: item sudores movens.*

Croci drachmæ duæ, cinnamomi, nardi, cassiæ, myrrhæ, junci odorati floris, singulæ drachmæ: melle Attico excipiuntur; fabæ Græcanicæ instar febricitantibus ex hydromelle datur. Non convenit autem calidis intemperiebus, sed potius frigidis simul & humidis.

*Pastillus hepaticus, qui etiam simul arquatis auxiliatur.*

Anisi, apii feminis, asari, amygdalarum amararum purgatarum, absinthii, singulorum drachmæ quatuor. Parantur ex aqua, formanturque pastilli, & datur drachma ex aqua. Adhæc chamæmelum cum vino & melle datum, subito jecoris inflammationem sanat.

*Antidotum hepaticum ad magnas jecoris obstructions & scirrhosos affectus, usu comprobatum.*

Piperis fescuncia, spicæ nardi scrupuli tres, aloes scrupuli sex, fænigræci scrupuli sex, eupatorii fescuncia, mastiches scrupuli tres, ammoniaci, costi, singulorum scrupuli sex: asari scrupuli sex, mellis fescuilibra. Datur cochleare unum ex condito. Hoc valet iis, quos calida intemperie



temperies infestat, imo in quibus etiam viscosi humores obstructionem pepererint.

*Ad jecoris obstructionem pulvis nobilis, quem frequenter dedi.*

Costi, eupatorii, singulorum partes duæ, piperis pars una. Datur ad triduum ex vino Ascalonite dimidium, Qui autem assumit, in dextrum latus ad horam dimidiam decumbat. Vespere similiter capiat: abstineat autem, qui medicamento utitur, aceto, glandibus, leguminibus, oleribus, rapa, & aliis quæ flatus pariunt.

*Ad magnam jecoris & lienis obstructionem, adeo ut etiam insignes duritias emollierit.*

Ammoniacy suffiminis scrupuli quatuor, thuris scrupulus; datur ex condito per triduum, beneque facit. Nam causas mali, per ventris evacuationem educit, & eos qui aqua inter cutem laboraturi sunt, ne morbo corripiantur prohibet. Hoc ego subinde sum expertus.

*Aliud ad jecoris obstructionem.*

Capparidis radicis partes duæ, costi pars una, datur iis qui feбри carent, ex vino: febricitantibus autem, ex tepida.

*Aliud comprobatum, quod a lepore, διὰ λεπὸς dicitur.*

Costi, fœnigræci, piperis, leporini stercoreis: omnium paria pondera contundes, incernesque, & probe lævigabis. Datur cochlearium, si febris

abſit, ex vino: febricitantibus autem, ex tepida. Jubeto ægris ut in dextrum decumbant latus.

*Aliud Diabacane.*

Coſti, bacani, ſingulæ uncia: phylli ſcrupuli octo, piperis albi ſcrupuli ſex, ſpicæ nardi totidem: mellis quod ſatis eſt. Datur cochleare cum miſtura conditi in balneo; atque hoc eſt comprobatum, præſertim ad obſtructiones a viſcoſis & craſſis humoribus conflatas. Ut autem medicamentum quodcunque velis, ad ſubjectum affectum accommodatum componere queas, ægri vires, temperamentum, ætatem, & ſingula alia, quæ etiam ſapiens ille ſenex obſervare docuit, reſpiciens, ſimplicia expoſui medicamenta, ut & eorum facultas tibi cito ſubpetat, & alia ex eis facile quomodocumque velis conficias.

*Simplicia ad jecur medicamenta.*

Viticiſ ſemen jecori ſcirrhoſo & obſtructioni obnoxio opitulatur: centaurei minoris ſuccus potus, & extrinſecus impoſitus: plantaginis ſiccæ radices & folia, multoque magis ſemen: aſparagus myacanthinus, præſertim radices & ſemen: glycyſidæ (\*) radix ſimiliter, lauri radiciſ cortex ex vino odorato potus: item nucleuſ pineuſ, cicera, erythrodani radix, & eupatorium: præterea robur parti ipſi inſinuat: adhæc lupinorum amarorum decoctum, cum ruta & pipere potum, & extrinſecus impoſitum: inſuper iris, piſtacia ſemen, marrubium, amygdalæ, & dracunculi radix, viſcera purgant, craſſoſ & viſcoſoſ humo-

(\*) *Alias pæoniæ.*



res extenuant. Jam carpesium, polium & chamædrys obstructa aperiunt, & crassitiem humorum extenuant: ampeloprason similiter, agaricus, & anthemisium (quod etiam dicitur chamæmelum) præcordiis utilissimum, siquid aliud, existit.

---

## CAPUT III.

## DE IMBECILLITATE JECORIS, ET DYSENTERIA.

QUUM dixerimus, quomodo inflammatio & obstructio vel scirrhus curari debeant, exponamus etiam, qua ratione ei medendum sit, atque internoscendum, quando nihil horum expectitur, sola autem intemperie infirmatur.

*Note.*

Quod si igitur adtractrix facultas est imbecillis, ea quæ per alvum deijciuntur, in cremorem, quem chylum vocant, probe quidem redacta, eo quod venter nullo affectu laboret: liquidiora autem inveniuntur, quia distributio in jecur minus perfecta fuerit. At si facultas alteratrix infirma existat, dejectiones carniū recentium loturæ similes videbis: atque hic affectus *hepatica dysenteria* vocatur. Itaque vulgares medici, ubi ejusmodi quidpiam conspexerint, nihil solliciti, nec internoscere valentes, unde imbecillitas oritur, statim quæ ad jecur sunt inscripta medicamenta adhibent, præsertim quæ robur adjicere & confirmare possunt: extrinsecus quidem cata-

plasmata, quæ ex aloe, balauftio, malicorio, myrrha, & œnanthe constant: intus autem rheum barbaricum, & *Xylomacer* dictum, necnon the-riaca, atque illa quædam antidota. Nonnulli autem ipforum ventrem extrinsecus spiffamentis & pastillis curare non dubitant, maxime offendentes; nam ex hujusmodi rebus corrumpunt magis viscus, magisque infirmum & intemperatum reddunt.

Verum non ita convenit: sed prius inquirendum ac investigandum est, quæ intemperies causa sit effectrix. Atque hac diligenter animadversa, ita victus institui adversus affectum debet, qui ab internotione suggeritur, Quippe jecur non ex calida solum intemperie, sed etiam ex frigida & humida qualitate, item ex utraque simul, infirmum redditur. Subinde vero ob pravam quoque materiam ingravescent; & propter obstructionem læditur. Interdum etiam inflammatio una cum frigida intemperie miscetur, mixtusque affectus & varius efficitur. Dicamus igitur cum modum, quo optimus medicus singula internoscere debeat.

### *De calida intemperie.*

Ex calida intemperie jecorario affectu laborantes internoscere multis indiciis licet, præsertim quod æger valde sitit, bilemque vomit, sæpe vero etiam æruginosa: & quod dejectiones ejusmodi adparent: linguam habet scabram, corpus siccum & gracilius videtur, tanquam jecore colliquescente, & in cruentas sanies contabescente: temporis autem spatio, etiam ex ipsa substantia tandem particulæ longe foetidissimæ deferri cernuntur. His igitur notis calida intemperie labo-



rantes animadvertere convenit. Cæterum ex temperamento ægri, ætate, anni tempore, & prægresso victu, reliquum licet, firmioris cognitionis gratia capere, atque hinc internoscere. Nam temperamento calidi sunt, & tenues habitu; pilosque densos habent, curis dediti, & animo iracundi.

*De frigida intemperie.*

Qui vero ex frigida jecinoris intemperie laborant, neque sitiunt vehementer, neque bilem vomunt, neque amaritudinem in ore, sed potius acorem sentiunt: item dejectiones alvi, neque biliosum, neque fœdi admodum odoris, neque colliquationis aliquid, sed veluti sanguinem crassiorum & nigro similem continent, His etiam vultus non collabitur, & reliquum corpus temperamentumque ad frigidius magis inclinare videtur. Adhæc præcedens victus talis, si perspicias, deprehenditur: item vita otiosior, balnea copiosiora, & intempestiva, eaque post cibum. Ex his atque aliis consimilibus indiciis, frigidam intemperiem jecoris notare ac internoscere poteris.

*De sicca intemperie.*

Sicca autem jecoris intemperies corpus siccius testatur, & tenuius, sitim magis conciliat, & dejectiones alvi paucæ & crassiores adparent.

*De humida intemperie.*

At humida jecoris intemperies neque sitim efficit neque siccitatem, sed magis etiam lingue humiditatem. Nam nulla sitis urget, & vultus

totumque corpus diu non collabitur: postea autem dejectiones ventris plurimæ adparent. Scire porro licet, quod materiales qualitates, si cum electricibus misceantur, hæc indicia demonstrent.

*Quomodo calida jecoris intemperies curetur.*

Calida igitur jecinoris intemperies refrigerantibus auxiliis curari debet: illa vero in totum remedia deligenda sunt, quæ præterquam quod refrigerant & abstergunt, etiam aperire jecoris meatus, & corroborare præterea ipsum possunt, efficiuntque ut alimentum celeriter per totum corpus distribuatur. Itaque cremor ptisanæ his est idoneus, ac panis, cui adjecta sit inter coquendum radix apii, intybus, cichorium, sonchus, & his adhuc magis troximum. Quoniam vero in prædictis oleribus vis amara & aperiundi obstructos jecinoris meatus existit, uti his oportet. Nam hæc facultas etiam calidas jecoris intemperies admodum juvat, & frigidas non offendit; non enim intensam habet frigiditatem, sed mitem, & quæ medium jam attingat, ut quis citra noxam ea & cum fiducia uti possit. Omnia namque recipit, quorum maxime usus est in iis, qui inbecillum adeo jecur habent, ut neque contineat alimentum, neque exacte inalteret, vel etiam in corpus distribuatur. Ego sane novi multos qui hepaticas dysenterias evaserint, hoc adeo usos olere. Neque enim semel tantum, sed etiam sæpe ipsum comedere eodem die convenit, & mane & vespertim ex decocto, tum ex condimento. Coriandrum autem ipsi inter coquendum miscere oportet.

Quod si quædam obstructionis suspicio in gib-



ba aut cava parte jecoris fuerit, tunc etiam apium simul incoquere præstat. Nam præterquam quod suave est & gratum, concoquitur etiam, & in jecur magis distribuitur.

At ova in omnibus hujusmodi affectibus, præsertim dura, vitari debent: & alica, nisi propter vires collapsas aut fastidium refectione utendum sit, atque tunc apii radicem cum ea incoquere convenit. Commodius igitur est, nisi necessitas quædam urgeat, nunquam alicam tali morbo laborantibus dari, neque chytron, aut typhen: verum omnibus cibus ptisana & panis prædictaque olera præferenda sunt. Inopia vero olerum, lactuca quoque dabitur, & ex jure & ex condimento, cum radice apii & betæ percocta. Utilis enim est per se, cum malva suavior evadit, commodiorque, si acetum inter coquendum recipiat. Ex iis quæ volatu nituntur, gallina cohortalis deligi potius debet, quæ & ex jure comedatur, & cum oleribus coquatur.

Multa vero jura, præsertim pingua, & quæ habent aut cuminum aut oryzam, aut aliud quoddam condimentum, vitare semper oportet. Nam ejusmodi confectiones impediunt & concoctionem & distributionem, quum humor adhuc biliosus superat. Jam ex perdice alimentum his convenit, phasiani non pingues, & anserum ventres: ex sylvestribus nonnulli, ut attagenses; raro turdi, aut turtures, aut ex parvis passerculis aliqui. Anates in totum fugere oportet, ac omnia quæ in paludibus degunt; quæque siccam & melancholicam carnem obtinent, raro, aut nequaquam offerri debent. At calidas intemperies nihil ex his comestum juvat. Ex piscibus, præcipue marinis, saxatiles offerendi sunt, in puro mari de-

gentes, utpote turdus piscis, scarus, psitta, mullus, chrysophrys. Qui vero calorem habent leniorem, validasque vires, iis lupus, orphus, ceris, & iscium ex ea paratum exhiberi debet, quod nihil habet gari aut urticæ, aut alia quædam. Nam iscium ita confectum, præterquam quod nihil juvat, adhuc etiam magis eos, qui copiosissime vescuntur, lædit. Ex quadrupedibus pulmones dandi sunt, & crassa ovium intestina, quæ Græci institores ea vendentes, chordas appellant; verum illi etiam lienem & cor eis admiscant, ut quæ ægre corrumpantur, & calidæ intemperiei queant resistere.

Ubi non admodum magna est intemperies & biliosa, humorque citra aliquam obstructionem magnam aut inflammationem vitiosus, ibi cibos offerre convenit, qui ægre conficiantur, & validos. Cæterum dare his quoque oportet, si tempus permiserit, fructus pomaceos, peponum dulcium carnem, admodum dulcia mala, & cotonea bene matura, eaque assa probe, aut cocta cum gallina. Ne autem mala, dum assantur, adurantur, sed diutius ad assationem sufficiant, durentque, fermentum extrinsecus undique ipsis obducetur, atque sic ipsa furno demittentur.

Malorum Punicorum grana, & ante cibum modicum, & cum pane dare convenit. Nam jejuna admodum imbecille & stomachum collapsum firmare possunt, etiamsi æger maxima siti conficiatur. Tunc enim uvam quoque dura carne præditam, & citrium molle ipsis porrigere oportet: item cerasa, pira vel mespila conferunt, aut semel aut bis exhibita. Nam continuus omnium adstringentium usus, & siccare, & ventrem inferiorem obstruere, cohibereque potest, ne ster-

cus



eus facile efferatur. Quare adstringentia cibi ratione, crebro offerre, & extrinsecus obducere cautio sit.

Ex bellariis plurimum exhibeto uvas, præsertim quæ vocantur Larissenæ. Nihil enim hepaticis dysenteriis adeo opitulatur ut uva passa, quæ omnia bona continet, ut non putrescat, ut corroboret, ut præter boni medicamenti facultatem etiam nutrire possit, & quodcumque pravum vitiosumque inveniit, in benignum convertat. Reliqua vero omnia, nuces, pistacia, & nucleos pineos vitare oportet, ut inimica. Castaneæ vero tuto fumentur: nam boni succi sunt, & non cito a calidis intemperiebus corrumpuntur. Tantum etiam de hepatica dysenteria, quæ ex calida intemperie nascitur, dictum esto.

In universum autem illi cibus magis sunt diligendi, qui probe distribuuntur, & robur temperiemque inducunt, & vim abstergendis visceribus aperiendisque efficacem habent: qualem si non obtineant, alias autem temperati sint, adjicere eis hunc oportet, ut probe jecoris meatus pertranseant. Dicamus igitur cremorem ptisanæ ad hoc idoneum esse: subinde vero & grana ipsius, & olera; maxime intybus, & his adhuc magis troxima ad idem congruunt. Quare etiam per se, & cum gallina aut perdice, aut ventriculo anseris, dari possunt: aut cum carne quadam grata simul incoqui. Cæterum olera jam commemorata, elixa aut cruda offeruntur, prout æger bene afficitur, & usus morbi postulat.



## CAPUT IV.

*DE HEPATICA DYSENTERIA EX FRIGIDA  
INTEMPERIE.*

**Q**UOD universalis curatio per calefacientia adhibeatur, omnibus est manifestum: verum quæ potius ex particularibus deligi debeant, hæc quoque medicum scire convenit: ac faciemus sane hoc, a victu exorssi. Quum igitur frigida intemperies affligit, & panem calidum exhibere comedendum per se & ex vino Tyrio, aut Berytio, aut Sareptino, aut Cnidio expedit, frequenter etiam ex Aryfino, quum & æger febri- citat, & frigida intemperies magna adparet, quæ jecur & stomachum obsederit. Ego sane novi me alicui, cujus viscera & stomachum refrigera- ta conjecturis deprehenderam, conditum cum pa- ne aut typhe dedisse, & plurimum adjuvisse.

Oportet autem remedia magis minusve calefa- cientia pro frigiditatis obtinentis magnitudine ac- commodare. Ex oleribus brassicam ter coctam esse potius convenit, interdum ex vino, alias con- ditam, vel per se, vel cum intybo, aut troxi- mo, interdum cum gallina, aut perdice, aut atta- gene, aut turdis: item ventriculos anserum, isi- cium, & carnem assam, sed raro, quum ægri alios cibos fastidiunt. Non enim offerendi sunt frigida intemperie laborantibus cibi, qui ægre con- ficiuntur. Secunda ratione etiam milium affatim coctum, & puls similiter idonea est. Testacea vero his exhibenda non sunt: nam calidis, tempe- raturis talia conveniunt. Ex piscibus utiliter da-



tur turdus, collyphus, ceris, chrysophrys, & omnium maxime mullus. Hi namque etiam affi adhibiti omnibus conducunt, & magis super prunas affi. Castaneæ mediocriter affæ, si non admodum crebro edantur, juvant, ita namque comestæ nihil frigidum obtinent, & præterea fluxiones obtundunt, ut quæ mediocrem crassitiem rosionis expertem possideant. Dato autem & uvas passas: quoniam omni (ut summatim dicam) quacumque tandem intemperie citra inflammationem infirmo, familiares cibi existunt, ut qui jecur confirment, & si malignum quid in eo contineatur, in benignum commutent. Pistacia autem & amygdalæ in hepaticis dysenteriiis caveri debent, eo quod facile corrumpantur, & oleosa sint, prompteque in bilem mutantur, & recrementum asperius reddant, ut hinc ventris magis crebriusque irritetur.

Hæc etiam de hepatica dysenteria, quæ ex frigida intemperie provenit, dicta sunt. At materiales qualitates, ut siccitas & humiditas, eisdem cibis curari possunt, si illos studeamus exhibere, qui neque manifesto calefacere, neque refrigerare solent, sed medii quodammodo quum sunt, etiam secundum efficientes qualitates humectare aut siccare solent. Dicamus autem, quæ inter medicamenta aut antidota hoc præstare queant.

*Quæ hepaticæ dysenteriae ob calidam intemperiem orta conferant.*

Citrii succi cyathum cum mulsa dato, aut serios succum similiter, aut cichorii. Sin autem intemperies non admodum calida est, etiam succos olerum cum vino tenuiori dato, nam & absterforiam vim obtinent, & generose aperiunt.

Quare si humidus succus non adfuerit, siccum inspergito: catapotia autem ex eis contra hujusmodi affectus fingere oportet, quæ hæc recipiunt: cichorii radices drachmas quatuor, chamæpityos radices drachmas quatuor. Tundito, excipitoque melle cocto, & nucis Ponticæ instar dato, & aquæ calidæ cyathos tres superbibendos præbeto. Iis autem, qui valde calida visceris intemperie laborant, rosaceum, aut melinum, aut hydrorofatum, aut ferios succi cyathos duos quotidie potui dato.

*De fotu ad calidam jecoris intemperiem.*

Fotus ad calidam jecoris intemperiem optimus adhibetur ex oleo chamæmelino & nardino. Nam ante cataplasmata omnino melius proficit. Cataplasma autem in hunc modum conficies. Croci macerati in vino Ascalonio & triti drachmæ quatuor, plantaginis siccæ, tritæ incretæque, drachmæ duæ; farinæ lenticulæ uncia quatuor, aut polentæ. Coquantur igne lento in aqua & oleo rosaceo. Tepidissimum sic jecori & stomacho superimponitur.

*Antidotum Cyphoides ad frigidas jecoris intemperies utile.*

Croci, cinnamomi, singulorum drachmæ quatuor: myrrhæ drachmæ duæ, bdellii drachmæ quatuor: bituminis drachmæ tres: junci odorati floris drachmæ tres, calami drachmæ duæ, casia drachma, nardi drachma, terebinthinæ drachmæ sedecim, mellis hemina dimidium, pulpæ uvarum passarum drachmæ centum sexaginta. Vino uvam passam, bdellium & myrrham macerato:



resinam liquefactam melli misceto: deinde omnia commixta lævigataque reponito. Excellentissimum hoc est medicamentum, & plurimum id in hepaticis dysenteriis expertus sum. Etenim siccatur, corroboratur, discutitur, & pravas fanies putridasque emendat corrigitque, constat enim aromatis & uva passa, quæ & nutrit, & naturalem habet ad jecur proprietatem.

*De fotu & cataplasmate.*

Hic fotum ex oleo anethino aut samfuchino adhibeto: post fotum, cataplasmata ex ruta contusa, melanthio, cymino, & aristolochia longa. Adhæc pulvis horum coquatur cum melle, & vino modico Aryfino, oleoque Cyprino. Sit autem mel diutius cum aromatis coctum, vino simul adjecto, ut pastillus fiat: atque sic oleum postea misceto. Quod si nimia sit jecoris imbecillitas, foci primus ex absinthio, epithymo & oleo supradicto, adhiberi debent. Similiter & cataplasma, cui addendus est rosarum siccarum pulvis, & pro aloe palmulæ & cotonea inducenda.

*Epithema tonicum hepaticum, & inflammationes concoquens.*

Ammoniæ suffiminis, meliloti, singulorum uncie tres: œnanthes, casie, myrrhæ, croci, aloës, succi absinthii, nardi, phylli, singulæ uncie: mastiches Chiæ, styracis, anomi, singulorum uncie duæ, ceræ libræ duæ, nardini quod satis est.

*Potio ad eos, quos imbecillitas cum obstructione infestat.*

Brassicæ decoctum, & rhus Syriacum tenuiter lævigatum, mixtumque, potui dato, & miraberis.

---

## C A P U T V.

### DE COELIACIS, PHILOMENIS.

**C**OELIACUS affectus generatur, dum venter præ imbecillitate cibum concoquere & corpori distribuere nequit. Quare liquidæ, & non bene concoctæ, varii coloris, necnon cruentæ fæces, velut ex vase distillantes, per alvum excernuntur. Nihil igitur mirum est quod sanguis non probe concoctus in ventrem recidat, retentrice facultate amissa, aut vitiosa: unde longo tempore frequens ventris resolutio cum assidua dejectione perdurat, corpus extenuatur, vigiliis consumptum: cruditas rosioque, & tormina ventris & cibi fastidium comitantur.

#### *Curatio.*

Coeliaci ita curantur, ut qui ventris profluvium (quod Græci diarrhoeam appellant) experti sunt. Cibi eis conveniunt, qui non nimis alvum reprimunt, sed qui adstringentes, facile concoqui, & in totum corpus distribui possint: qualis est panis bene elaboratus, in textu probe coctus, vinoque adstringenti intinctus: necnon lenticulæ & oryzæ sorbitiones. Pisces autem dura carne præditi ex-



hibeantur. Ex avibus, quæ non sunt pingues, præter palustres. Quin & panem cum malis cotoneis & myrtis coctum damus: item vitellos ovorum assos, & aceto intinctos: adhæc lac scissile exhibemus. Profunt etiam carnes leporinæ, aut ferinæ, ac alia, quæ in fluidis affectibus enumeravimus.

Hic morbus curatione initio adhibita facile tollitur, postea vero difficilius: ubi autem inveteraverit, tarde removetur. Primis duobus tribusve diebus a cibo abstinere oportet: præcordiis fomenta, quæ modice adstringant, corroborentque, ex vino, & oleo rosaceo, aut myrteo, aut melino, aut lentiscino imponere: deinde cataplasmata ex palmulis, polenta, malis cotoneis, aloe & absinthio. Bene facit etiam plantago trita, lentiscus & polygonum, cum tritici farina aut polenta mixta.

Ad dolores autem cum ardore excitatos; (quod rarius solet accidere) oxymel præparetur: atque sic utaris cataplasmate, quod ex palmulis & lini semine confectum est, hoc pacto: palmulæ ex vino maceratæ terentur, lini semen aut farinam cum melle & oleo modico coques, & quum in vinum coierint, pilæ in qua palmulæ habentur, injicies: ubi jam probe commixta fuerint, in balneo uteris calidis. Item ceratum oleo myrteo & palmulis mixtum adplicabis. Hoc quoque profluvium desiccat. Emplastra his proficiunt *διὰ τῆς ὕλης*, panacea, *icesion*, & maxime omnium *διὰ τῆς αἰτίας*: adhæc *clidion*, cujus confectionem in capite de profluvio ventris explicavimus. Atque de externis remediis hæc a nobis dicta sint. Cæterum de potionibus nunc agendum est.

*Potiones celiacis accommodæ.*

Quinquefolii radice decoctum potui dari debet: item rubi radice similiter, necnon salicis arboris; uvæ autem Amineæ siccæ acini potioni inspergantur. Nonnulli etiam hypocystidis fucum, acaciam rufam, lycium Indicum, & mala Punica utriusque generis adjecerunt: alii balaustrum quoque tritum potui inspergunt, alii gallæ aut malicorii pulverem. His autem ad dysentericos uti solemus. Sistunt quidem ea ventrem; sed pene omnia stomacho adversantur, cibi que fastidium movent, & concoctionem impediunt: qua de causa rarius ad hæc vitia dari debent. Nos in hoc affectu cataplasmata inducimus, & eodem die potionem exhibemus; siliqua Græca, semen plantaginis, & uvæ domesticæ siccæ acini in aqua decoquuntur, ac jus ipsorum potui convenit. Quin & pastillos ad hunc morbum proprie dicatos dare licet.

*Pastillus ad celiacos optimus.*

Semen apii in lenticulæ decocto tribus diebus maceratur, postea teritur, gummi que ei adjicitur: & ex succo plantaginis pastilli formantur; qui ex quinquefolii aut rubi radice decocto exhibetur. Seminis plantaginis, lapathi sylvestris feminis, singulorum sesquidrachma: hypocystidis succi, acaciæ, singulæ drachmæ: gummi oboli duo. Teruntur omnia; & ex papaveris decocto pastilli fiunt, qui ex aqua potui dantur, & ab inferioribus partibus injiciuntur.



*Pastillus ad cæliacos, statim album adstringens.*

Myricæ fructus drachmæ quatuor, acaciæ rufæ, opii, singulæ drachmæ: rhus Syriaci, myrti nigræ foliorum, singulorum drachmæ quatuor: mellis drachma. Fingito pastillos, & cum ovi assi vitello utere. Quum autem potui daturus es, ex rubi radice corticem, myrtorum & cotoneorum decocto, propinato. Jam ipsum decoctum bibere licebit.

*De inveterato cæliaco affectu.*

Quum cæliacus affectus inveteraverit, aut remedia, quæ ex alto noxium humorem, evocare solent, aut solæ frictiones sine unctione tunc adhiberi debent, quibus commodius auxilia administrantur, ut coxis brachiisque, citra oleum per aspera lintea: deinde nitrum particulis superinspergi debet, admixto lapidis Asii, aut pyritis, aut testæ veteris assæ pulvere, æquali nitri pondere. Postea unguentum dropacinum, & aliquando ipse dropax partibus accommodabitur: primum quidem coxis, deinde brachiis, postea spinæ dorsii, postremo pectori & præcordiis. Similiter etiam sinapismus in eum modum imponi debet, ac celerius ad sanitatem pervenietur.

## CAPUT VI.

### DE TENESMO.

**T**ENESMUS, recti intestinali affectus est, quem comitatur conatus & implacabilis de-

fidendi cupiditas, cum flatibus. Descendunt autem per alvum mucosa, cum gravi distentionis sensu: necnon aquosa, & interdum post recrementa sanguis distillat.

*Curatio.*

Tenismus curatur fomentis, & fœnigræci altheæque radicum decocti jure in alvum dato. Quinetiam anus hujus vaporem ex vase supposito pannis circumdata suscipiet. Utimur etiam oleo rosaceo, butyro & adipe anserino cum modica cera solutis, & anum interius inungimus: item ex pice brutia suffitum ei accommodamus. Injici autem debet lac cum melle: ut mucosa expurgentur, aut lenticulæ decoctum cum melle. Post hæc, adstringentia injicies, ut rosæ, myrtorum & corticis pini decoctum. Item crucæ semen ex rosarum decocti cyathis duobus, cum butyro, oleo rosaceo aut myrteo, per alvum injicies. Adhæc penicillum tetrapharmaco ex oleo rosaceo soluto illitum, aut pulverem plumbi ex oleo rosaceo tritum, cum modico ceræ, & lentiscino oleo calido, ano indes. Cæterum sacculos calentes pectini, lumbis, vel ano subjicies. Cibos autem boni succi, concoctu faciles & leviter adstringentes adhibebis.





## CAPUT VII.

DE ALVI PROFLUVIO QUOD *ῥοιστικὸς*  
GRÆCIS DICITUR, EX LIBRIS  
PHILOMENIS.

**A**LVUS tum in febribus, tum citra febres, profluvio laborat. In feбри autem difficilior ejus est curatio, animadversionemque & conjecturam diligentem requirit. Nam inter initia, naturæ aliena & noxia salubriter evacuare conatur, ipsa nimirum ad superfluos incommodosque humores rejciendos undiquaque cogente. Idque alias in statu febris, alias in declinatione: nunc quidem cum magna profusione humorum, subitaque & critica, qua febres solvuntur: sæpe vero paulatim & multis perseverat diebus, & bene in ipsa declinatione consistit. Ac tunc profluvium aut sisti non debet, quia natura omnes suas vires intendit: aut motus ejus adjuvari; nam si quis ventrem constringere volet, magnam excitabit ægritudinem. Vidimus enim ventrem initio affectus, ad quartum quintumve diem profluxisse, & postea fluorem aut per se aut medici auxilio substituisse, unde ægri in magnum periculum inciderunt, ita ut phrenitici aut lethargici efficerentur, doloresque capitis aut perniciosæ in eis parotides excitarentur.

Quare initio ea, quæ corporis commodo atque utiliter excernuntur, minime reprimere convenit, ne materia sursum educta, humorum supradictos affectus generet, sed ad statum usque contemperari cibus debent. Ubi vero diutius jam proflu-

vium perseveraverit, non modo superflua evacuans, sed etiam habitum colliquans, viresque confumens, tunc sane ei resistere medicamentis expedit. Adtendendum autem num alvus nimium, aut modice, aut certe non profluat. Magna quidem resolutio coerceri, parva levius contineri debet.

Adstricta autem alvus relaxanda est aut iis, quæ per os assumuntur, aut quæ per anum immittuntur, aut quæ extrinsecus imponuntur, donec criticus dies supervenerit. Nam biliosus humor solis cibis mollientibus, magis ut descendat, quam in corpore retineatur, est sollicitandus. Si enim biliosus aut in ventre aut in intestino collectus retineatur, exituque prohibeatur, loca ambientia offendit, stomachum subvertit, caput replet, viscera inflammat, febres magis accendit, sitim auget, omniaque prædicta symptomata in capite excitat: summam, totum morbum graviores efficit.

### *De Lacte.*

Lac igitur in tali affectu, si febris non urget, caprinum aut bubulum tepidum, sive recens mulctum, sive coctum ad ignem, ita ut semper agitetur, donec ad tertias redigatur, potu auxiliatur: aut quod per filices fluviales ignitos, aut candentes ferri laminas in ipso extinctas, coctum fuerit, juvat. Alii etiam mel in eo coquant: alii mel coctum ei injiciunt, atque sic propinant: spuma vero dum lac coquitur, penna aut cochlear auferri debet. Hoc nullum præsentius remedium ad biliosas ventris fluxiones invenire licet.



Quibus autem venter sæpe profluere solet, his lac merum plus nocere quam auxiliari solet. Quare quarta pars aquæ lacti miscenda est, coquique una ad dimidias debent, atque hoc modo exhiberi. Hæc quidem ad bilieas fluxiones conveniunt.

Ad alias vero ubi prodeunt, fodus ex oleo & vino adhibeatur: sit autem oleum omphacinum aut rosaceum, aut melinum. Efficacius his est myrteum, tertia aut quarta vini parte admixta: fodus autem magis adstringentes sunt ex myrteo, in quo decoctæ sint gallæ, malicorium, quinquefolii radices teneræ, cupressi pilulæ. Lanaque sicca præcordiis imposita, ventrem calefacit & desiccat: necnon lana oleo puro imbuta, aut cumini pulvere insperso, aut apii semine, aut utriusque æquis partibus mixtis juvat; nam urinam provocat, & fluxiones eo divertit. Hæc sane, profluvio ab intestinis derivando conveniunt. Præterea fomenta illis, sive dolores experiantur, sive eo careant, adhibebis; nam fluxiones desiccant, maxime sacculi ex milio aut panico facti: mirifice autem faciunt etiam ex sale compositi & hordeo torrefacto.

Quod si profluvium sit immoderatus, sacculi ex sale ventri imponantur, ex hordeo autem ad dorsum: si vero non immodicum neque frequens urgeat, contra; sacculos ex hordeo, ventri, ex sale factos, dorso applicabis. Cæterum etiam anus his sacculis foveri debet, aut luto pavimenti calefacto æger infideat, aut cimolix terræ calenti, vinoque restinctæ, aut fordibus balneorum vino dilutis, molli lana circumdata, nam calor ipse introrsum administratus opitulatur. Item sponsa aqua calente madefacta & expressa subjiciatur,

ut quæ vapore suo anum adjuvet: ut etiam lannæ oleo imbutæ, anoque subjectæ, auxilientur.

Post primos dies exactos, si quidem dolores in intestinis consistentes urgeant, necesse est inflammationem ibidem aut tumorem exsistere. Tunc igitur cataplasma ex tritici & lini seminis, aut milii, aut panici farina adhibendum, mellis, vini & aceti modico adjecto. Adstringens autem fiet, melle cum modico vini & aceti admixto; postea ubi coctum fuerit, paulum mannæ, thuris, aut malicorii, aut gallam insperges.

Quum vero nullus dolor affligit, magis adstringentia adhiberi debent epithemata: cujusmodi palmulis constant, cum acacia, aut alumine, aut hypocistide: aut quæ balauftia recipiant, aut coctum malicorium. Adhæc ceratum cum oleo myrteo, quod ex supra dictis, vel mannam thuris, vel gallam adjectam habeat. Alii quoque emplastra adstringentia conficiunt; optima vero sunt epithemata, *clidium* MNASÆI, & *σιρῶν* Dns.

*Clidium sane hoc modo conficitur.*

Gallæ omphacinæ, hypocistidis, aluminis rotundi, acaciæ, rhois culinari, malicorii sicci, seminis apii, singulorum uncia: visci quercini, ammoniaci thymiamatis, singulorum drachmæ quatuor: picis siccæ, ceræ, singulorum unciaæ duæ: olei myrtei aut lentiscini unciaæ duæ. Gallam & mallicorium contusa cribrataque in vini cyathis novem decoquito, usque ad tertias, assidue agitans: deinde in mortarium coniecta terito, ac reliqua similiter in pulverem redacta inspergito. Ammoniacum vero aceto dilutum, viscum cum modico oleo emollitum, pici ac ceræ



ex reliquo oleo liquatis, igneque sublatis, adjicito, ac in unum cogito: necnon iis, quæ contriveris affundito, tunditoque fortiter: ac utitor.

*Epithema ex œnanthe, mediani inter cataplasmata & emplastrum, naturam obtinens, ad intestinorum fluxiones, stomachi fastidia, & resolutiones ardoresque efficaciter opitulatur.*

Oenanthæ siccæ, gallæ, acaciæ, rosarum siccarum, omphacii, singulorum uncia: aluminis rotundi; aloes, singulorum uncia dux: rhois Syriaci uncia quatuor, olei myrtei, ceræ, picis, singulæ libræ: vini Falerni, aut Aminæi, quod satis est. Sicca ex vino terito, deinde quæ liquari possunt adjicito. Ad ventris igitur profluvia, medicamenta & simplicia & composita hæc sunt.

Cæterum extremas corporis partes, nempe brachia & crura, fasciis lineis aut laneis deligari debent, foverique: si frigida sunt, calidis unguentis & oleis, ut Sicyonio, & oleo veteri, cui adjectum sit pyrethrum, piper, nitrum, & baccæ lauri, item ceræ solutæ modicum, ut sit acopum: quinetiam ex oleo communi hoc medicamentum conficere licet. Huc faciunt etiam medicamenta quæ Græci a lassitudine acopa appellant, ex euphorbio & ligustico parata. Calefaciunt enim, & rossionem in articulis, quum illinuntur, excitant.

### *De Cibis.*

Ciborum alii alvum adstringunt, alii humores crassos reddunt, alii contemperant, alii siccant, consumuntque materiam: quorum facultates discernere convenit. Ex frumentis oryza alvum

magis retinet, si ex aqua adjectis palmulis decoquatur: si febris adest, ex vino aquoso & austero. Similiter & pultes ex ea factæ & ex alica, quibus aliqui gallinæ aut malicorii pulverem inter coquendum admiscent: nos autem rhus culinaryium, aut mala cotonea adjicimus, simulque cum pulte subigimus. Jam fit etiam pulticula ex pane Alexandrino trito incretoque, & sic cocta ad ventrem retinendum efficax est: necnon polenta ex milii farina diutius decocta. Juvat etiam lenticula bis cocta, cum modico salis, aceti & olei condita, assumptaque; fit autem melior suaviorque, si mala cotonea aut oryzam admisceas.

#### *De Oleribus.*

Ex oleribus expediunt intybus aut plantago, aut blitum nigrum. Hæc enim & per se, & cum lenticula cocta aut cum oryza, bene juvant. Quin & brassica bis cocta, ita ut secunda vice, aceti momentum adjiciatur, multum in fluidis affectibus proficit.

#### *Intinctus.*

Intinctus hoc modo conficitur: Cuminum cum salis momento, aceto & oleo, præparato. Id quod edendum est, his intingi debet.

#### *De Piscibus.*

De piscibus mentionem facere opus non est, quum omnes fere alvum citent, paucis quibusdam exceptis: quales sunt mænides, mullus, scarus, & erythinus, supra carbonem assati: nec-

non



non scorpio piscis assus, & cum cumini intinctu assumptus. Præterea ostrea cum testis suis assata, exhibitaque, alvum comprimunt.

### *De Avibus.*

Ex avibus maritimæ potius & sylvestres solæ deligentur, ut merulæ, turdi, perdices, turtures & columbæ: ex domesticis autem gallinarum pulli assi, sed prius elixi, ventrem adstringunt. Magis etiam adstringentes sunt, si myrtorum aut sorborum pulvis carni superinspergatur: aut ex fructibus, ( qui ἐπώρρι Græcis dicuntur ) corna vel omphacium simul incoquatur: adhæc medicamentum quod *a fructibus pomaceis* διωπωρῶν Græci vocant, quemadmodum ea quæ ex cotoneis, aut sorbis, aut immaturis piris, item ex malo punico præparantur: præterea uvæ, quæ fictilibus reconduntur, aut cum suis foliis involvuntur, aut quæ ex fune suspenduntur. Cibi igitur ad ventris profluvium tales exhibeantur.

### *De Potu.*

Potui vero aqua pluvialis bene cocta exhibeatur: sed neque ante cibum, neque quum hunc æger assumit, sed aliquod spatium intercedet. Neque vero universa, ac una vice, sed paulatim ac modice dari debet. Quod si quinquefolii herbæ radices simul incoquantur, præstantissimum fiet auxilium: item si rubi radices una coquantur, magis alvum adstringent. Nonnulli plantaginis semen contritum, & acinos siccos in pulverem redactos, incretosque, aut sorba detrita similiter admiscent. Multæ igitur aliæ quoque potiones & simplices & compositæ ad ventris

profluvium idoneæ habentur : sed eas nunc præmittimus. Nam de iis potionibus, quæ dysentericis expediunt, posterius agetur, ubi de dysenteria tractabimus. Vinum in declinatione, hoc est inflammatione remittente, & feбри, confidentius dandum est austerum, Surrentinum, Albanum, Tygrianum, Marficum, & ex Italia Aminæum, vel alia adstringentia, quæ diversis locis nascuntur, experimentisque probata sunt.

*De Balneo.*

Balneum ex nitro absque oleo convenit. Juvat enim nitri usti pulvis corpori in balneo superspersus, ut modicum ruborem inducat, summaque vellicet, & fluxionem ex alto ad se adtrahat: atque ita cutem vellicatam in balneo perunges, ut meatibus adaperitis, profluvium alvi in diversum revellas, retrahasque.

C A P U T VIII.

DE DYSENTERIA EX VENTRIS  
PROFLUVIO EXCITATA, QUÆ  
RHEUMATICA DICITUR.

**R**heumaticam dysenteriam, humorum ex meseraicis venis ad intestina cursum dicimus. Nam ciborum ingestorum chylus, hoc est cremor, dum in sanguinem ibi mutatur, ad intestina refunditur, atque ita una cum bile mixtus excernitur, nec potest ob hujus acrimoniam in ventre retineri, sed ab intestinis foras propellitur.



Atque hæc est causa dysenteriae rheumaticæ, cujus hæ sunt notæ.

*Notæ dysenteriae rheumaticæ.*

Acres varique humores per alvum excernuntur, sitis magna urget, corpus colliquescit; & cibi fastidium torquet. Aliquando etiam rosiones intestina & ventrem affligunt; quod si hic affectus diutius perseveraverit, ad exulcerationem intestinorum perveniet, quæ proprie dysenteria dicitur.

*Curatio.*

Ventris & intestinorum profluvium adstringentibus cataplasmatibus curabis, & lac ad dimidias coctum potui dabis: sit autem non minus quam hemina. Quin & aqua pluvialis modica propinari debet: nec non panis ex aqua aut lacte maceratus dari. Post tertium diem pani adjicies uvæ, quæ in vasis fictilibus aut vitreis reponuntur, vel pira, vel mala cotonea cocta, vel sorba vel mespila. Quin & pastillos lacti admiscere licet: sin autem ægri lac bibere recusent, pulticulas ex oryza, aut avena, aut milio, aut pane Alexandrino exhibebis. Ptisanam quoque aut lenticulam, aut ova in posca cocta, nec non vitellos ovorum assos super prunas cum rhu & aceto porrigito. Quinetiam olera bis cocta, panemque bis coctum, & aviculas, ut supra dictum est, nec non vinum adstringens similiter exhibeto. Quod si affectus inveterascat, malitiosusque evadat, & vires consumantur, curatio adhibenda est quæ corpus nutriat, & illas reficiat confirmetque.

*Signa dysenteria rheumatica, quæ pro loco affecto  
& excrementis variat: PHILOMENIS.*

Dysenteriam rheumaticam locorum & recrementorum expulsionis ratione variare, omnes prope antiqui medici consentiunt. Si intestina ulcus aut inflammatio quædam obsideat, hæ notæ præcedunt. Inter initia morbi, cruenta, deinde saniosa excernuntur: multis primoamenta, postea pinguia descendunt, & (si malignus fuerit affectus) sæculenta, foedi odoris: postremo ubi in cancrum jam degeneraverint, varia excrementa, & nigra, cum quibusdam putridarum carniū laminis per alvum redduntur. Quinetiam febris cum multa siti comitatur, nec non cibi fastidium, unde corpus emacrescit: tormina quoque cum sonitu intestina exercent, dolorque ingens & vigiliæ ægrum infestant.

#### *Curatio.*

Dysentericus affectus diuturnus est, & magna parte tenesmus eum præcedit; quod si fiat, intestinorum exulceratio fiet acrior. Plurimum autem in recto intestino, aut colo, aut certe in tenuioribus intestinis excitatur, modo cum febre: nunc cum dolore, nunc sine dolore. Quum febris affligit, curationem impedit, ulcera reddit putrida sordidaque: nec non inflammationes & cancos excitat, quando diversis ipsa curatur modis, cibisque tum qualitate tum quantitate accommodis, maxime quamdiu febris augefcit. In declinatione autem, cibi neque nimis sicci, ne-



que plus æquo humidi funto. Sicci augment febrim, humidi profluvium movent: ideo in utroque animadversio est adhibenda. Nam quantum exhiberi debeat, ex viribus ægri maxime æstimandum est. Dysentericus enim propter intestinorum & ventris imbecillitatem haud multum potest concoquere, præsertim quum febricitat. In inflammatione, quum maximus excruciat dolor, ne pigeat cataplasmate calente uti, ut quod interdum & illam tollit, & fluxum reprimat: quemadmodum illis solet contingere, quos mediocris torquet exulceratio.

Nos igitur initio ægrum accedentes, præsertim si febris non adsit, talem adhibemus curationem. Primis duobus diebus abstinentiam indicimus, &, si juvenis ille fuerit, tempusque & vires permittant, venæ sectione in brachio adhibita succurrimus, non minus sanguinis quam heminas duas detrahentes. His etiam cibos præbemus temperatos: nempe tribus diebus transactis lac propinamus: quod si vero sectio venæ prætermissa fuerit, post duos dies exactos, lac potui damus. Hæc autem facimus, quum malum a levi occasione sumpserit originem.

### *De Lacte.*

In primis igitur lactis calefacti, & inter coquendum sæpius agitati, cyathos tres exhibemus, & post horas duas, tantundem rursus potui damus. Quibusdam etiam tertio offerimus, ut integra hemina absumatur: & si eo die repletus æger videatur, cibo eum abstinere jubemus. Hoc igitur modo bilis educitur, & humores corrupti, modice purgantur, mitiganturque. Postea mediam heminam in duas partes dividi-

mus, & similiter ut supra exhibemus, duabus horis interpositis : atque sic iterum tertio duas heminæ partes aut tres una vice præbemus. Tribus horis post lactis potionem interpositis, pulticulam, aut panem siccum, aut palmulas Thebaicas, aut micas panis cum lacte exhibemus.

Lac igitur quovis morbi tempore eligi debet caprillum, hujus autem penuria vaccinum; asininum vero & equinum minus, utpote magis ferrosa. Mane igitur cyathi tres exhibentur, deinde viridis caseus hoc modo confectus, cibi loco datur. Exprimitur is manibus fortiter, & aqua fervens ei superfunditur. Id autem fit ter quaterve, melle admixto, præsertim cocto : quum inspissatur, esui exhibetur ; nam ventrem admodum constringit, & ulcera purgat sanatque. Verum iis dari debet, qui feбри carent, magnumque ex eo senties adjumentum.

Febricitantibus non tam facile lac dandum est, ut quod in ventriculo aceſcat & corrumpatur, aut ex calore in caseum coalescat : unde majores cruciatus, viscerum tensiones, capitis dolorem, & cibi fastidium excitat. Quare ut citra noxam febricitantibus exhiberi queat, præsertim pueris, magisque juvenibus quam ætate jam provectis, exactius a nobis dicendum est. Miscemus igitur lacti, aquæ pluvialis aut fontanæ bonæ, quartam partem, ac illud ad leves prunas ac cineres aut lento igne ad dimidias incoquimus, sine intermissione agitantes. Ex hoc cyathos tres aut quatuor, potui damus.

Quemadmodum autem febricitantibus citra caseum dari expediat, alias indicabimus. Nam is febribus omnino est inutilis : illis porro qui feбри carent, lac etiam citra aquæ admixtionem coctum porrigemus : coquemus autem donec to-



tum in eo serum consumatur. Nonnulli etiam usque ad tertias coquendum putant : nos vero , donec ter quaterque ebulliat , atque tunc ab igne tolli præcipimus. Quin & calculos tres rotundos solidosque ex fluvio collectos , in ignem ex lignis quernis siccis exstructum conjicimus , ac candentes admodum in vas quod lac continet , paulatim demittimus , ita ut quum unus tollitur , alius injiciatur ; atque lac ita coctum Græci *σχιστόν* , *hoc est sciissile* , nominant.

Hoc igitur modo confectum , dysentericis , ventris fluxum expertis , & cœliacis exhibetur : facies autem hoc quater aut quinquies ; ubi ebullire desierit , non solum iis qui feбри carent , sed etiam febricitantibus propinabis. Idem hoc ferrei orbiculi candentes in lac demissi , non segnius , imo etiam efficacius quam calculi præstant. Hac igitur ratione lac dysentericis propinari debet : nunc autem cibus a nobis ægro præscribendus est.

### *De Cibo.*

Ex frumento igitur pultes exhiberi convenit : alica vero plus omni alimento nutrit , magisque concoquitur : oryza minus quam alica , sed plus ventrem adstringit. Hinc etiam pultes magis reprimunt , quam quæ ex farre conficiuntur : ad hæc ex milio & panico paratæ valentius nutriunt , & recrementa crassa reddunt. Item ex Alexandrino pane contuso incretoque , huc referri debent : similiter ex chytro torrefacto pultes faciunt ; atque hæc duæ species ex posca cum sale modico & oleo anethino parantur. Porro omnibus pulticulis in vicem olei , adipēs anserinos aut gallinaceos aut caprinos , immittes.

Quod si rosiones venter experiatur, & biliosa sint quæ excernantur, ex lacte pulciculas parabis: verum inprimis alica, aut oryza, aut far in aqua decoquatur: deinde excoletur, exprimaturque: postea lactis modico addito, leviter illa prunis coquantur. Ubi succus consumptus fuerit, lac iterum paulatim adjunges, & tertio & quarto, donec percoquantur: quibus momentum fallis addes: & sine oleo comedenda porriges: admiscebis autem pultibus, si libet, rhus Syriacum, grana mali Punici acidi trita, & mali cotonei orbiculos repurgatos, forba sicca contusaque, omphacium ficcatum: nec non acinos uvæ tritos. Sunt qui etiam gallam detritam inspergant: verum ea stomacho adversatur; alii vero aquæ hæc injiciunt, in qua pulles decoquuntur: sed præstat in aqua unde pulles fiunt, forba, aut pira cruda maturave, aut mala cotonea, aut mespila, aut filiquas, aut palmulas Thebais contusas simul incoquere. Præterea pultibus indetur gummi, amyllum, & cera recens instar mellis: similiter puls ex caseo recenti, cribro validè percolato confecta, esui offertur.

### *De Cibi fastidio.*

Qui vero male affecti cibum fastidiunt, pullesque averfantur, iis dato alicam, aut oryzam ex aqua paratam, in qua prius palmulam, aut pruna Damascena, aut forba, aut mespila, aut filiquas, aut mala cotonea, aut pira immatura decoxeris.

### *Legumina.*

Ex leguminibus lenticula magis adstringit: sed



cortex ejus auferri debet, eo quod cruditatem & profluvium incitet. Quidam enim modice eam macerantes, corticem detrahunt, atque sic in pila subactam tenuiore cribro incernunt: quidam aquæ calidæ immittentes, paululum manibus confricant, donec totus cortex decidat. Commodius autem fiet, si ubi semel atque iterum ea ebullierit, in pilam demittatur, ac postquam refrixerit, manibus conteratur; sic enim accuratius purgatur. Ubi cortex fuerit detractus, rhus Syriacum, & adipēs supra dictos, olei vice, nec non aceti momentum adjicies, aut mali Punici acidi grana contrita, salisque modicum. At lenticulam ad sorbitionem decoquens, plantaginem, aut betam nigram, aut intybum simul miscebis: decoctum interdum cum oryza aut farre, aut malis cotoneis coctis tritisque & bene permixtis, pultis modo inspissans, esui exhibebis. Nonnulli cum cortice ipso lenticulam decoctam valide terunt, succumque exprimunt: hunc linteo puro diligenter percolant, & cum pane Alexandrino aut chytro bene cocto in pila terunt: atque inde pultes conficiunt, aceto ipsas condientes.

### *De Ptisana.*

Ptisana per se quidem ventrem non adstringit: ut quæ illum magis laxet, & facile accescat, melle præsertim condito, quando etiam largius alvum subducit; oportet igitur ipsam diu torrefactam cum aqua pluviali, vesperi in ollam recentem demittere: hanc bene coopertam in furnum prunis ardentibus plenum collocare, atque iis involutam per totam noctem sinere. Quippe solvitur ptisana ex ipso vapore, pinguisque &

glutinosa efficitur. Mane vero mel seorsim ei miscebis, & leniter coques: item chytro addito, iterum simul incoques horis duabus tribusve. Atque hoc modo parata esui dabitur; nam tum cibus tum medicamentum esse videtur.

### *De Oleribus.*

Olera magis adstringentia siccioraque conveniunt, intybus uterque, plantago, beta nigra cocta, & bene expressa, tritaque, & aceto condita. Ea vero quæ cruda edi possunt, cum pane sumantur. Brassica bis cocta recrementa inspissat; detur itaque ex aceto, sale & oleo condita. Aliqui secundam ejus coctionem in posca molliuntur.

### *De Piscibus.*

Ex marinis piscibus haud multi dysentericis conveniunt: aliqui vero sanis hominibus adstrictionem alvi pariunt, profluenti autem alvo non expediunt. Scarus igitur coctus, & aceto cum minoque conditus assumitur. Mænides autem & erythrinus tenui sale adpersi, modice assentur in cratere mundo, & sic exhibeantur. Nonnulli etiam mullos similiter paratos offerunt: sed hi humores varios generant, naturamque in iis turbare solent, qui imbecilli sunt ventre præditi. Ostrea vero cum suis testis assata, concoctionem juvant, & ventrem reprimunt.

### *De Carnibus.*

Carnes universæ dysentericis sunt inutiles, eo quod multum nutritan, & tarde concoquantur.



Ex avibus maxime sylvestribus exhiberi possunt turdi, perdices, turtures, merulæ, sturnus: interdum & columbæ, præsertim earum pulli: verum nihil pingue aut concoctu difficile dari debet. Coquentur autem primum in posca, deinde assabuntur: præstat si ipsis evisceratis injiciantur myrta, aut sorba sicca, tritaque, aut minutim incisa, aut mespila, aut pira viridia, aut mala cotonea, & postea consuantur, coquanturque, ac deinde assentur. Quadrupedum carnes vitandæ sunt: porcini tamen lumbi aut hœdini in aceto macerati, voluptatis gratia sumi possunt. Sic ova gallinacea in posca elixa, donec indurescant, profunt: magis autem adstringunt vitelli ex eis super prunas assi, contusique cum aceto & rhu Syriaco. His rhus aut malicorii modicum, aut galla, aut omphacium recte miscbitur; hæc enim ventrem valide contrahunt. Nonnulli etiam pedes vitulinos in ptisana per totam noctem incoquunt, donec ungulæ dissolvantur: unde cremor ptisanæ spissus fit & glutinosus, qui modico aceto conditus, esui exhibetur, ac ventrem egregie supprimit. Verùm illis dari debet, qui concoquendi facultatem validam obtinent; nam imbecillem stomachum perturbat magis, & amplius profluvium excitat. Atque hæcenus de animalibus.

### *De Fructibus pomaceis.*

Pomacei igitur fructus dulces, flatu generant, & ex humiditate sua facile acescunt, eoque prohiberi debent; dabuntur autem adstringentes, cujusmodi sunt sorba, corna, pira viridia, mespila, mala cotonea, aut uvæ in vasis fictilibus reconditæ, aut cum foliis ex fune suspensæ, do-

nec acini ipfarum comminuantur. At cum omnibus pomaceis fructibus panis mandī debet, eo quod facile corrumpantur. Mali Punici grana fanis alvum adstringunt, ægris autem non item, sed dulciora in ftomacho evadunt, corrumpunturque. Palmulæ Thebaicæ etiam, fortiter manfæ cum pane, ventrem reprimunt. De cibis hæc fufficiunt.

*Potiones simplices ventri retinendo idoneæ.*

Cæterum hæ potiones dari poffunt. Nardus Indica pota ventrem comprimit: myrrha electa fabæ inftar in catapotiis data, idem præftat: nec non femen lapathi fylveftris ex aqua tritum, fimiliter facit: item coaguli leporis drachma, potu juvat. Cornu cervini ufti lotique cochlearia duo cum tragacantha potui dantur, adhæc galla, mallicorium & polygonum: coquantur autem ex aqua ufque ad tertias. Ladanum ex vino auctero potui fimiliter dato: præterea acaciam rufam, hypociftidem, lycium Indicum, terram Samiam, terramque altera dictam, Lemniam fphragidem, & balauftia trita. Decoctum ipforum ftomacho adverfatur: eoque virium ratione habita, valido exhiberi debet, non autem febricitanti, aut dolorem experto, aut imbecilli ftomacho.

*De falſa imperitorum medicorum opinione, & paſillis.*

Plerique imperiti medici mox inter initia paſtillos, vel antidota ex opio, aut alterco, aut nigro papavere, aut mandragora, dare non dubitant, eo quod fomno in dolorem levare dicuntur. Falluntur autem ipſi, dum ægros accepta potione



tota nocte dormire , & ventrem retineri conspiciunt ; quia quum dies illuxerit , inutilis labor deprehenditur ; talia enim humores in unum congregantia , sine intermissione excernunt : capitaque gravantia , & vires offendentia , ventrem reddunt fluentiorem. Nunquam ergo ea medicamenta dari debent , nisi fortè necessitas urgeat. Post simplicia vero , composita exhibeantur , quorum confectiones trademus quæ a nobis usu sunt probatæ.

*Pastillus ad eosdem.*

Balaustium , acacia , hypocistidem , lycium , terram Samiam , terram quæ After dicitur , opium , æquali singula pondere ex succo plantaginis in pastillos rediges , qui tres obolos pendant : unum mane duabus horis ante cibum , & interdum dormituro , cum ternis aquæ cyathis exhibebis. Jam pastilli διὰ κοραλλίου δι' ἡλέκτρῃς & διὰ πύρας , mirifice fluorem reprimunt , constringunt , sanguinem quoque rejicientibus & tabidis utiles.

*Pastillus διὰ κοραλλίου.*

Acaciæ rufæ drach. tres hypocistidis drach. quatuor plantaginis feminis drachmæ tres , balaustii drachmæ quatuor : gummi , thuris , amyli , singulorum drachmæ quinque : foliorum rosæ drachmæ duæ , feminis rosæ drachma , opii drachmæ duæ , corallii totidem , psyllii decocti cyathus. His omnibus simul tuis , pastillos drachmæ ponderis effinges , dabisque ex vino cum quinquefolii herbæ decocto.

*Pastillus διὰ ἡλέκτρον.*

Succini, iridis Illyricæ, croci, mastiches, singulorum drachmæ trigintaquinque: opii drach. tres, psyllii concreti drachmæ quadragintaquinque: sic conficito. Psyllii herbæ feminis cyathos tres in æquæ puræ sextarios Italicos quinque conjicito, coquitoque ad tertias, & ab igne tollito: ubi decoctum refrixerit, medicamenta in ipsius sextario triduum macerato, pastillosque formato, qui drachmam pendant, ac singulos ex aquæ tribus cyathis offerito.

*Pastillus ex coagulo qui Diapityos dicitur.*

Gallæ, hypocistidis, acaciæ rufæ, singulorum drachmæ duæ: opii drachma, coaguli leporis aut hinnuli, terræ Samiæ, singulorum drachmæ duæ: aquæ pluvialis quod satis est. Pastillos fingito, datoque singulos ex aquæ ternis cyathis.

*Pastillus ex seminibus, διὰ σπερμάτων dictus.*

Anisi, feminis fœniculi, ammeos, feminis papaveris albi, singulorum drachmæ tres: opii Thebaici, malicorii, singulorum drachma: alterci feminis drachmæ duæ, apii feminis drachmæ duæ, apii feminis drachmæ tres: croci, florum rosarum, gallæ, singulorum drachmæ quatuor. Arida in pulverem redigito: opium vero in aqua macerato, fingitoque pastillos, qui sesquiscrupulum pendant. Dato autem ad tussim, ex mulsa: ad διὰ ῥροῖαν cum cremore oryzæ: iis vero, qui cum tussē sanguinem rejiciunt, ex



posca: ad profluvium sanguinis, ex decocto lentis-  
tisci; ad nauseam ex aqua absinthii: ad intesti-  
norum tormina, & stomachi inflammationem,  
ex mulsa: ad dysentericos & cœliacos, ex rosæ  
decocto. Dabis autem singulos pastillos mane &  
vesperi.

*Pastillus crocodes.*

Castorei, myrrhæ, singulorum drach. duæ  
croci, opii, singulorum drachmæ tres; anisi, al-  
terci feminis, apii, singulorum drachmæ octo:  
dauci Cretici, styracis, singulorum drachmæ  
quatuor. Opium & myrrham in aqua macera-  
bis, cætera in pulverem rediges, styracem aqua  
dilues, in qua opium & myrrha maduerint: dein-  
de styracem cum iis quæ macerata sunt subiges,  
& pulvere siccorum adjecto, pastillos formabis,  
qui obolos duos aut tres pendant. Dantur jeju-  
nis, & in cibo & post cibum: in cibo autem  
sæpius, & ante illum. Valde enim sunt mirabi-  
les, stomachi dolorem leniunt, acidos ructus fi-  
niunt, cruditates discutunt, ventrem adstrin-  
gunt, cœliacos & alvi tormina mitigant: quin  
& dolorem capitis tollunt, si cum aceto & oleo  
rosaceo fronti illinantur: adhæc aurium affectus,  
& dentium cruciatus, cum succo perdicidis her-  
bæ in foramen illorum demissi, adjecto galbano,  
perfanant: nec non lippitudines addito tetraphar-  
maco discutunt. Quin & cubitum eunti som-  
num suavem potu conciliant, defluxionem repri-  
munt: similiter etiam articulariis doloribus suc-  
currunt: menses si nimium fluant, reprimunt.  
Præterea cum myrti decocti ternis drachmis po-  
ti, narium fluorem sistunt, nec non hæmorrhoi-  
des, omniaque profluvia: ad distillationem capi-

tis, & strangulatum uteri, cholericosque affectus, cum rubi decocto, aut vino austero, in quo anisum, aut myrtum, aut forba macerata sint, exhibetur. Commode dantur etiam in morbis, qui circuitu repetunt, præsertim cum rigore. Sumantur autem hora ante accessiones, ex aquæ ternis cyathis. Conferunt quoque cibos vomentibus, & iis qui tussunt, ex sapa aut melle cocco dati: item phreniticis, inter initia adhibiti: stomachicis autem, cum tragorigano triti, ex rosarum decocto, aut vino myrtæo, aut menthæ succi drachmis ternis poti. Dysentericis prodest cum sorborum, aut cotoneorum, aut rubi decocto. Jam in pulverem redactus, cum ovo forbili exhibetur similiter & cœliacis, vel omni ventris aut aliarum partium profluvio conducit. Confert ex hoc etiam uvam propendentem cum aqua gargarizare. Ad vesicæ dolorem, cum aquæ calidæ cyathis duobus: & ad sanguinem spuentes, cum aceti cyatho uno & aquæ frigidæ duobus conducit. Hoc etiam pastillo poto vesicæ exulceratione liberatos novimus.

*Pastillus Clidion.*

Nardi Indicæ, croci, singulorum drachmæ octo: aloes, thuris, anisi, rosarum siccarum, iridis, singulorum drachmæ duæ: acaciæ, myrrhæ, hypocistidis, lycii Indici, tragacanthi, opii, piperis, singulorum drachmæ quatuor: (alii autem injiciunt opii drachmam unam) aquæ quod satis est. Pastillos fines, qui obolos duos aut unum pendant, dabisque ex vino myrtæo.



*Pastillus ad dysentericos, sanguinem spuētes, & muliebrem sanguinis fluxum.*

Hypocistidis, psyllii, terræ Samiæ, gallæ omphacinæ, acaciæ rufæ, singulorum drachmæ octo: ex aqua pluviali pastillos fingito, & utere. Dysentericis drachmas duas cum cremore oryzæ, aut lenticulæ, aut horum similium, per anum injicies. Spuentibus vero sanguinem, drachmam cum aquæ frigidæ hemina, potui dato. In muliebri sanguinis fluxu similiter cum cum alicæ cremore naturalibus infundes, aut pessum ex lana, solani aut similis cujusdam herbæ succo diluto intinctum inferes.

*Catapotia ad dysentericos.*

Myrrhæ, opii, singulorum drachmæ duæ: gallæ omphacinæ drachmæ quatuor, alias duæ: ex aqua catapotia fingito, datoque noctu terna, & mane totidem.

*Catapotia ad dysentericos, & omnem ventris resolutionem.*

Gallæ omphacinæ non perforatæ, opii, singulorum oboli tres; ex aqua finges catapotia erui magnitudine. Noctu ex vitello ovi, aut myrti succo bina aut terna dabis. Alii ex gallis duplum injiciunt.

*Potio ad dysentericos.*

Quercus corticis recentis drachmas sex in ollam novam conjicito, additoque vini austeri sex.

tarios duos, & coquito usque ad dimidias: & sublato cortice, cyathos duos potioni jejuno dato.

*Suppositorium quod ano subjicitur, ad tenesnum & dysenteriam.*

Myrrhæ, thuris, opii, croci, æqualia pondera ex aqua terito, colatoque, & glandes formato nuclei pinci magnitudine, aut paulo majores, & ano subjicito.

*Aliud suppositorium, ad dolores mitigandos.*

Galbani, styracis, singulorum drachmæ duæ: opii drachma. Glandes fingito ut supra, & ano subdito.

*Aliud ad tenesnum & dysenteriam valde efficax.*

Opium drachmæ quatuor, myrrhæ drachmæ octo, croci, castorei, singulorum drachmæ sex: thuris drachmæ quatuor: ex vino Attico glandes fingito.

*Enemata ad dysentericos, magnosque dolores vel inflammationes.*

Sevum caprinum curatum liquato, & per inferiora injicito: lac vaccinum cum medulla & oleo infundito: cremorem ptisanæ tepidum indito, & similiter lac tepidum & oleum rosaceum cum butyro: oleum rosaceum & butyrum cum albumine ovorum: vel aquam in qua lini semen decoctum sit. Quod si vigiliæ urgeant, rosarum folia in aqua decoquantur, atque hujus decocti jus cum ovorum vitellis injicito. Tragacantham



ex rosarum decocto solutum , cum tantillo cremoris oryzæ per inferiora injicies : item acaciæ partes duas , cremoris oryzæ tres : in ea simul myrta ad mellis spissitudinem coquito , ac omnibus mixtis , per anum drachmas quatuor indito. Ad dysentericos eos potius qui profluvio non laborant , injicere convenit lycii Indici lacte caprino soluti , drachmas duas.

*Aliud melius.*

Lactis caprini cyathos septem aut octo , amyli drachmas quatuor , lycii drachmas duas : mixta simul injicito.

*Aliud.*

Ex sevo hircino cum oryza aut farre cocto injicies. Hæc sane per initia injici debent. Quod si cancer intestina occupet , succus lenticulæ cum melle optimo præsertim Pontico , proficiet ; interim alumen rotundum admiscebis : nam illa purgare ; hoc ficare potest. Sin autem latius cancer serpat , ut etiam putridæ particulæ descendant , in his muria ex sale ammoniaco ventrem subluere convenit : deinde pastillum Faustinum injicito , qui recipit , calcis vivæ sandarachæ , auripigmenti , singulorum drachmas quinque : chartæ combustæ drachmas triginta. Pastillos ex vino fingito , qui drachmas quatuor singuli pendant : injicito autem cum myrti , lenticulæ , aliorumque similium decocto , aut cum vino.

*Pastillus MARCELLI magnificus.*

Chartæ combustæ drachmæ duæ , auripigment

drachmæ quatuor : squamæ æris cremati totidem, opii drachmæ duæ, calcis drachmæ quinque, aluminis scissi drach. quatuor, sandarachæ drach. sex, omphacii drach. tres. Ex vino myrteo aut sapa Cretensi pastillos formato, qui singuli drachmam pendant, & cum myrti decocto in alvum dato.

*Pastillus sine opio & calce, dysentericis accommodus; purgat enim, & cicatricem inducit.*

Malicorii drachma, gummi hypocistidis, rhois Syriaci, singulorum drachma: lycii Indici drachmæ quatuor, amyli totidem, acaciæ drachma. Hæc omnia conteres, & ex aqua cui myrtum incoxeris, pastillos finges : quumque usus postulat, ex cremore oryzæ, aut lenticulæ, alvo infundes.

Quod si primum medicamentum nihil dolentem juverit, considerato, num ex nigra bile affectus sit concitatus, qui pessimus est & periculosus. Oportet igitur medicamentum quoque efficere, quod recipiat salis ammoniaci partem unam, spinæ Ægyptiæ partes tres, veratri nigri partem unam. Spinam & veratrum in aqua decoques : & sic postea salem decocto adjicies, anoque infundes. Si mortis periculum instare videris, sandaracham postea & calcem vivam æquali pondere admiscebis. Hæc enim profunt ubi nimia putredo oborta fuerit, ut paulatim in saniem convertatur. Quin & MUSÆ pastillus cum melle & vino adhibitus opitulatur. Quod si inflammatio rectum intestinum obsideat, lactis & cremoris alicæ, ptisanæ, farrisque injectio, dolores, illamque mitigat. Si non magna fuerit alvi profluxio, oleum ano inditum lenire solet.



Hoc autem in iis debent fieri, qui enemata continere nequeunt. In illis vero qui retinent, muriam plerique injiciunt: alii salis ammoniaci heminam vel plus minusve medicamento admifcent. Nos muriæ, in qua olivæ albæ conditæ sunt, heminam injicimus, atque rursus dimidiæ horæ spatio aut paulo majori post dejectionem interposito, pastillum in anum damus: qui sic retinetur, quamvis nuda ulcera inveniat. Hæc dysentericorum, qui ex ventris profluvio fiunt, curatio tota est.

## C A P U T IX.

### DE INTESTINORUM EXULCERATIONE, QUÆ PROPRIE DYSENTERIA GRÆCIS DICITUR.

**V**Eteres, dysentericos illos vocare consueverunt, in quibus neque jecur est affectum, neque alia quæpiam particula, quæ morbum hunc efficiat, sed ipsorum tantum intestinorum exulceratio est: quæ si negligatur, etiam ulcera corpus depascentia (Græci *Nomas* vocant) interdum putredinem quoque, generare solent, & interitus periculum ægro inducere: ubi vero accurate internoveris quibus in partibus morbus hic constiterit, ita ad convenientem affectus curationem venire oportet. Non parum autem interest, tenuiane intestina an crassa exulcerata sint. Nam superioribus affectis, curatio quæ per os adhiberi solet, commodior est: quemadmodum rursus humilioribus infestatis, vel si circa rectum intestinum noxa inciderit, illa medendi ratio competit, quæ medicamenti per alvum indi-

tis subjectisque administratur. Prius igitur ab internotione auspicabimur; nam qui optime internoscit, optime medetur.

*Notæ exulcerationis in crassis intestinis.*

Notæ eorum, quibus crassa intestina exulcerata sunt, hæ contingunt. Rosiones in imis partibus, & crebra desidendi cupiditas, quæ Græce *τενερσμος* dicitur, simul autem cum hac excretio comitatur. Nequaquam enim in his ramenta & sanguis in dejectionibus permixta sunt: verum supra stercus guttæ potius sanguinis, & naturalis intestinorum pinguedo effertur. Præterea etiam quæ excernuntur, carnosæ adparent: quoniam intestinorum quoque structura non tenuis & membranosa, sed carnosior potius à natura condita est. Cæterum considerato doloris quoque magnitudinem, ut quæ & ipsa multum ad internotionem conducat; obtusior enim & non acutus dolor eos infestat, qui crassis intestinis laborant.

*Notæ superiorum intestinorum affectorum.*

In tenuibus contraria horum magna ex parte eveniunt; nam rosione infestante, non statim sed post aliquot horas æger ad excernendum urgetur. Præterea etiam vulneris sanguis dejectionibus permixtus est, & dolor multo acrior existit: item quæ per alvum procedunt, neque pingua, neque crassa adparent, sed tenuia & membranosa, accurate observantibus videntur.

*Si in mediis intestinis exulceratio existat.*

Quum neque dejectiones iis, quæ ab ulcere ma-



nant, admodum permixtæ, neque omnino discretæ adparent, conjiciendum est, in mediis petius intestinis affectum exsistere. Similiter etiam ex tempore excretionis & dolore, si non statim post resolutionem æger, neque multis horis interpositis ad dejectionem exsurgat, neque dolor vehemens sit admodum, neque rursus insensibilis, exulcerationem ad media potius intestina pertinere notandum est. Quæ quum ita se habeant, reliquum est ut quomodo curatio fieri debeat perscribamus. Sed considerandum est, num morbus hic ex primario ipsius intestini exulcerati affectu, an alterius particulæ affectæ consensu provenerit. Nam accidit etiam, ut ex toto corpore frequenter excrementa ferantur, vel propter colliquationem, vel ob humorum vitiositatis abundantiam, natura expellente.

In quibus negotium ægris facessere non expedit, ut quæ a facultate nos dispensante pulchre fiant, prohibere festinemus. Indicium autem hujus est, quod æger excretionem facta seipsum robustiorem sentiat: & quum medicus dejectiones cohibere cogitat, videatur quidem paululum proficere, verum non longe post, duplo copiosiora excrementa defluant: quare in hujusmodi affectibus naturæ auxiliari oportet. Si enim propter copiam tale evenerit, tunc etiam sanguinis missionem adhibere non est alienum, interdum etiam purgationem. Ac sanguinis evacuatio paulatim administretur: & id quod vacuari debet, neque universum, neque copiosum educatur, ut ne ægri vires imbecilliores hinc reddantur. Similiter etiam purgationem non universam, sed & ipsam per vices tentabimus. Ad hujusmodi convenit Theodoretum, quod & sanare ægrum & obstructione liberare abunde potest. Dantur scrup.

puli quatuor, aut sex, plus aut minus, pro ægri viribus, totum corpus respiciendo, & nonnunquam per se, alias cum scammoniæ lacryma, siliquis sex aut septem. Atque hic rursus ægri virium ratione habita, purgationis mistura fieri debet.

Adhæc etiam aloë probe lota, bene facere admodum creditur, præsertim in quibus jecur corroborare volumus; accipit enim ut affectus hic, etiam parte ista infirmata, aut inflammationem experiunte, quemadmodum & liene, & ventriculo, & venis meseraicis tali morbo affectis, dysenteria excitetur. Convenit igitur (sicuti diximus), ut ubi prius internoverimus accurate num morbus ex consensu provenerit; ita tandem convenienter curemus.

*Quid agendum sit, quum ulcus in recto intestino excitatum fuerit.*

Ulcere rectum intestinum ex acribus biliosisque excrementis, aut aliunde missis; aut in ipsum intestinum absorptis infestante, necesse omnino est tenesmos comitari, & crebras desidendi sine stercore cupiditates, ita ut dejectiones ramentosæ existant. Tali ergo mederi victu potius humectante, hoc est inter olera quidem intybo & malva, convenit: ventrem horum facilem ad dejiciendum retinere, ut sterco citra impedimentum transiens, ceu medicamen aliquod salutare, ulcera siccare purgareque possit. Curare igitur oportet, ne dejectio admodum acris neque dura est: ac potiones ejusmodi unctionesque in talibus vitiis admovendæ sunt, ut venter omni ex parte facile solvatur. Novi enim, quosdam prunorum Damascenorum copiosiore esu dy-



ſenteria absolute curatos fuiſſe, ſtercore citra impedimentum ab iſſis per alvum dejecto : item alios, quamplurimis uvis aſſumptis.

Verum tuto expendendum eſt : alvo namque deſcendenti, ea quæ corrumpunt, exhiberi non debent, ſed medio utendum victu : qualis eſt intybus, ſi coctus & non coctus edatur, etiamſi ægri maxime febricitent : item panis ex aqua temperata, aut vino valde aquoſo, ſi vires imbecillimæ eſſe videantur. Luteis autem ovorum, neque admodum mollibus, aut duris etiam, ex decocto veſcendum. Poſt primos dies etiam ſuum petioli idonei ſunt, cum troximis, aut intybis, aut braſſica percocta, aut libo ſuminali tenui, aut alica bene cocta. Quando vero dejectiones liquidiores ſentimus, vel cucumerem ſumere iſſos permittito, vel gallinam abſque ſale copioſiore, aut garum. Sin autem multa quædam fuerit caliditas, & æger temperamento juventutis vigeat, tunc etiam iſcium ex piſce, iſſi dandum eſt : juvabit enim amplius. Sit autem inteſtinum ex piſcibus dura potius carne præditis, ut orpho, aut glauco, aut ceride.

Porro dejectiones omnibus idoneas fervare convenit, craſſius id quod influit & obtuſius reddendo : extrinſecus autem utendum eſt lentifcino, præſertim flatibus imum ventrem diſtendentibus, & profluvio quodam dejectionum non adeo biliolarum aut acrium, urgente. Oleum hoc eſſe debet non admodum vetuſtum : ſin autem fuerit, adjiciatur huic ſapa, aut vinum odoratum, tenue. Similiter etiam ſtomachus vino melino irrigandus eſt.

Adhæc utatur æger maxime inter initia balneo crebriore, & calidiore ſolio : magisque ſi aquæ potio & frigidorum ciborum eſus præceſſerit,

ac pituitæ suspicio sit. Hoc si contigerit, paulum ad calidiorem victus rationem inclinandum est: & vinum exhibendum Sareptinum, aut Tyrium, aut ex iis quæ in Campania nascuntur, Britianum aut Palmatianum.

At ne te decipiant ea quæ dejiciuntur, quemadmodum vulgares pituitam illa esse putantes; sæpe enim ejusmodi descendunt, interim sane a rasura, alias ab acrimonia albedinem nitoremque intestinorum deradente: ac vocant ejusmodi ignorantes pituitam, & frigidum humorem; qui merito quum in notatione decipiantur, etiam calidioribus ægrum cibis uti potius compellunt. atque evenit multo magis intestinum ob malam medicantium rationem deradi & intumescere. Idcirco non solum ab excrementis, sed etiam ex prægresso victu & natura ægri, accurate internoscas quod pinguedo revera excernatur, vel à rasura. Ita etiam ipse totum victum instituito, nunc ad calidius, nunc ad frigidius, ea quæ adhibentur, convertens. Hæc solum de victu dicta sint, qui exulcerationem sustinentibus convenire potest, non solum in recto intestino, sed etiam in omni dysenteria.

*Quibus enematis in recti intestini affectu utendum sit.*

Si recens sit ulcus, & purgatione indigeat, eluere sola aqua mulsa per clysterem oportet: sin autem suspicio quædam fluxionis exstiterit, adjiciatur aquæ lenticula, rosæ, rubi radix, atque ita per clysterem eluatur. Puro autem ulcere facto, simplicioribus primum utitor, ut amylo, Lemnia sphragide, hoc est sigillata, & cremore oryzæ. Quod si ulcus fluxionem experiri videatur, amylo etiam, acacia vino macerata, & suc-



co plantaginis admisceatur. Probe autem facit etiam terra Samia, quæ dicitur aster, in ejusmodi affectibus. At si cicatricem inducere opus sit, lacryma thuris quoque adjiciatur; fit enim optimum medicamentum, quod carnem generare, & ulcera ad cicatricem perducere possit. Componitur autem in hunc modum: Lemnii sigilli, terræ Samiæ, pompholygos, acaciæ, lacrymæ thuris, gummi, singulæ unciae; trita vino una mistura inspergito: nam bene proficit.

*Præstantissima suppositoria, longo usu a nobis comprobata.*

At in quibus crebra desidendi cupiditas, multæque vigiliæ urgent, ut etiam hinc vires infirmementur, bene quoque faciunt, quæ Græci *ὑποδισκ* applelant, ex quibus & hæc multis adeo experimentis probavimus. Scriptura ipsorum in hunc modum se habet: croci, thuris, myrrhæ, glaucii, singulæ unciae: acaciæ unciae duæ, vini quod satis est ad lævigandum. Penicilla nucleis pineis similia, paulo oblongiora formato, ac dextre subjcito.

*Aliud suppositorium, quod etiam Clidion nominatur, ad tenesmos & alvi profluvia efficax: nam doloris levationem adfert quum primum apponitur, somnum suavem inducens.*

Myrrhæ Troglodyticæ, glaucii, opii, singulorum drachmæ duæ: vino modico odorato excipito, ac nucum pini magnitudine formato, subjcitoque. Eximiè confert iis qui tenesmo infestantur.

*Cataplasma ad recti intestini inflammationem.*

Micarum panis filiginei aqua maceratarum, croci, olei rosacei, ovi tosti, palmularum Nicolai sapa maceratarum purgatarumque: omnium æqualem modum probe lævigatum duplici panniculo illinito, ac ubi calefeceris, tepidum ano subjcito. Confert etiam rosaceum per se in stupa injectum, impositumque: item in balneo illitum. Similiter decoctum rosarum & lenticulæ tepidum per spongiam, & quæ his sunt similia adhibeto. Hæc sane recto intestino exulcerato inflammatoque, & crebris desidendi cupiditatibus conducunt.

*Si crassa aut media intestina exulcerata sint.*

Si exulcerationem superius quam rectum intestinum est, & crebram desidendi cupiditatem fieri contingat, saniesque putridæ adpareant, tum etiam efficacibus utendum & injectionibus & suppositoriis, necnon iis, quæ extrinsecus inducuntur: verum illa etiam, quæ prædicta sunt, suppositoriorum numero adscribuntur. Atque hæc sane usu fatis sumus experti.

*Medicamentum quod in dysentericis ano subjcitur.*

Ubi intestinum prædicto lenticulæ, rosarum & aliorum spissamentorum decocto, antea per clysterem elueris, & veluti spongia absterferis, hoc ano subjcendum est, quod ista recipit: croci, myrrhæ, lacrymæ papaveris, thuris masculi, pares portiones. Hoc prioribus similiter paratum, ano subjcitur: item colicis bene facere creditum est.



*Pastillus dysentericus.*

In quibus ulcus & noma quædam magna intestina affligit, necesse est pastillis uti ex auripigmento, sandaracha, & calce. Sunt autem plerique ad hujusmodi affectus inscripti, e quibus est & Faustinus, & διαφρογλίσσα dictus: sed nullus adeo valide ulcera depascentia lenire solet, ut qui a me paratur, pastillus: cujus vim plerique præstantissimi medici in ipsis operibus admirati sunt: recipit autem hæc. Auripigmenti, sandarachæ, squamæ æris, singulorum drachmas quatuor. Lævigatis ipsis collyriorum instar, per æstum caniculæ; ita adjicito opii drachmam, calcis vivæ drachmas duodecim, balauftii, hypocistidis succi, chartæ combustæ, singulorum drachmas decem. Lævigato rursus ex vinæ myrteo, aut spathite, aut Aminæo, ad dies viginti: excepta in pastillos redigito, datoque viris drachmas, mulieribus duas, pueris unam: ac refrigerato in umbra, utitorque, præstantior autem pastillus fit si vetustescat.

Porro in hunc modum ipso utitor: postquam ex decocto lenticulæ clysterem ægro prius injeceris, tempore interposito, sic cum cremore oryzæ pastillum cum modico adipe hircino immittes, ex vino generoso antea lævigatum. Modus autem esto ejus quod immittetur, misturæ dimidium. Cæterum ægrum prius nutrito, atque ita medicamentum ei indito, ac continendum permittito. Post hunc pastillum, alterius meminisse superfluum est. Tantum de dysenteria ob exulcerationem crassiorum aut mediorum intestinorum proveniente, dictum esto.

*Si Dysenteria in tenuibus intestinis constituatur.*

Quod si erosionem in tenuibus intestinis fieri contingat, medicamenta potius quæ per os assumuntur dare convenit. Ejusmodi autem sunt, inter simplicia quidem, Lemnium sigillum ex posca potum: item lac caseosum in omnibus ventris fluxionibus acribus saluberrimum est remedium; oportet autem prius decocto candentes calculos marinos injicere, ac rursus sensim coquere, donec major serosi recrementi portio consumpta fuerit: nonnulli etiam ferramenta potius candentia prius, calculorum vice, lacti injecerunt. Quum enim ferrum adstringens quippiam habeat, hoc impertit ei, ac magis ad retinendum ventrem efficax reddit. Nonnulli etiam caninum sterCUS tenuissimum ei admiscuerunt. Verum hoc ratio non exigit ut faciamus, quum & cibi & medicamenta à natura nobis donentur, necnon herbæ, quæ cum aceto coctæ potæque ventris fluorem desiccant. Commodius autem erit, admixto ei quodam ex iis quæ dysentericiæ & cœliacis affectibus conveniunt, & in igne fumi experte frixa sunt.

Quæ vero injiciuntur, sunt hæc; rhus rubrum, succusque ejus, omphacium, malicorium, galla, & cochlearum tostatarum cinis. Apti vero sunt etiam acini uvarum, myrta, mespila, corna, & cotonea. Portulaca vero dysentericis salutaris cibus est, succus ipsius potus efficacior. Plantago similiter caloribus potissimum convenit: item rubi semen & flores, necnon lenticula bis aut ter decocta, exhibitaque. Jam in quercu liber qui cortici & ligno intercedit, aut tunica putamini glandis subjecta, potui ægris propinan-



tur. Mori fructus subito exsiccat, medicamentum fit abunde adstrictorium, ut etiam dysenteriae & coeliacis affectibus opituletur. Contunditur autem misceturque obsoniis: quemadmodum rhois semen, si ex aqua ipsum, aut vino, aut ut dilutum quis bibere voluerit, coeliacos & dysentericos adjuvat. Porro etsi aliorum complurium simplicium medicamentorum, meminisse liceat, satis tamen est ad subjectam materiam ista deligere, & contra praesentem affectum eadem componere. Non absurdum autem est etiam ea non meminisse, quae frequenter sumus experti.

*Medicamenta composita ad dysentericos & coeliacos.*

Medicamentum quod ex fructibus pomaceis constat, praedicto affectui est commodissimum: in quibus etiam potissimum intemperies ventris, jecoris, aut stomachi existit, quae intestina magis fluxionibus opportuna reddit. Mala Punica integra, mala cotonea, singula viginti: rosarum siccarum sextarius, prunorum sylvestrium sextarii duo, pira & mala triginta, rhois Syriaci sextarii tres, filiquae, quas Graeci *ξύλοκερατix* dicunt, quadraginta, myrtilorum nigrorum sextarius, musti Aminaei, quod satis est: decoquito omnia testa, aut cacabo, donec mellis habuerint spissitudinem: conjicitoque in vas fictile, & quum usus postulat, exhibeto.

*Catapotia ad dysentericos & coeliacos.*

Gallae omphacitidis non perforatae, opii, singulorum unciae duae, petroselini uncia. Excipito aqua, fingitoque catapotia, ac dato ciceris instar, ad vires respiciens, etiam modum conjicito.

Hoc medicamentum calidis admodum in temperamenti opitulatur ; calidioribus autem etiam cremor ptisanæ cum polenta & vino potus.

At in quibus jecur valde infirmum est , & ventri fluxionem transmittit, aut obstructione laborans distributionem impedit, bene facit etiam hiera picra : omnium maxime aloë elota , & in catapotia redacta. Porro ad dysenteriam ex frigidityte contractam, grossi potæ mirum est quam convenient ; oportet autem ipsas vase æreo comburere , atque ita ex eis quod tribus digitis comprehendi potest exhibere : atque id tertio facere. Detur autem ex vino generoso, præsertim in diuturnis affectibus ac validioribus, agricolarumque corporibus,

*Dysentericus pastillus per os datus, ad omnia interna, omnemque fluxionem valens.*

Anisi drachmæ duæ, alterci drachmæ quatuor, apii feminis totidem, opii drachmæ duæ. Febri carentibus , ex vino : febricitantibus autem & superioribus intestinis affectis, si multæ vigiliæ urgent, ex aqua datur. Potus vero ante medicamenta quæ inferius induntur, stomachum ab enematis subverti non sinit.

### *De epithematis & unctionibus.*

In dysentericis affectibus, ab illis unde morbus excitatus sit, per totam curationem incipiendum est, & ægro succurrendum. Solet enim mortis periculum comitari, tum copia excrementorum, tum frequentia desidendi, & quæ ex his sequitur virium imbecillitate & cibi fastidio. Unde non solum contentum esse oportet iis, quæ per



os exhibentur, & per enemata injiciuntur: sed etiam per ea, quæ extrinsecus imponuntur, opitulari conandum est. Conveniunt igitur potiones, & epithemata, quorum compositiones exponendas vobis censui.

*Epithema dysentericis & celiacis efficax.*

Alterci albi feminis uncia quatuor, anisi, rosarum floris, rhois Syriaci, succi hypocistidis, balauftiorum, singulorum uncia duæ: opii, croci, singula uncia. Hæc singula ex vino myrteo lævigata mixtaque simul, in pastillos redigito, atque in umbra refrigerato.

Quum usus postulat, contundes & incernes quantum satis est. Palmulis patetis excipito, ac in linteolum illita imposito.

*Ceratum optimum.*

At in quibus stomachus potissimum infirmus fluxionem intestinis transmittit, hoc quoque utilior cerato quod ista recipit: palmularum pinguium unciam, mastiches tantundem, aluminis liquidi uncias sex, aloes unciam; vini & rosacei quod satis est: confecta diligenter, imposito.

*Epithema diarrœicis.*

Hoc quoque medicamentum ad dysenteriam bene facit, in quibus etiam os ventriculi affectum est, & intestinis fluxionem transmittit. Cœnantes drachmæ duæ, uvæ immaturæ succi drachmæ quatuor, styracis totidem: acaciæ drachmæ octo, rosarum siccarum totidem, gallæ omphacitidis drachmæ quatuor, palmularum drachmæ

sex, vini austeri, & olei myrtei quod satis est, picis drachmæ sex, ceræ drachmæ sedecim. Mirabiliter confert.

*Epithema ad tenesmos potissimum, & cruentas excretiones cum frigidityte.*

Ceræ uncia sex, picis, croci, aloes, acaciæ, amomi, anisi, singulæ uncia: styracis sescuncia, adipis uncia quatuor, carpobalsami totidem, gleucini uncia duodecim.

*Unctio dysenterica.*

Rhei drachmæ quatuor, omphacii drach. duæ, hypocistidis, gallarum, myrtorum, singulorum uncia quatuor. Vino myrteo excipito. Bene facit illitum, & jecori robur adjicit. Item oryzam ex vino tritam oblinito, & ante & post. Hoc ad tenesmos ex frigidityte contractos omnium maxime valet: adhæc Masuchas cum malicoriis, gallis, acacia, myrrha, ladano, aloe, junci rotundi floribus, rosis, spica nardi, & horum similibus convenire admodum ad hujusmodi affectus, creditur.

Oportet autem artificem ad dysentericiæ speciem etiam remedii misturam accommodare: ut si vitium ex calida quidem intemperie provenierit, frigidorum facultas præpolleat: sin autem ex frigida causa, calefacientium roborantiumque modus intendatur. Talis porro est materia omnium odoratorum, ut calamus aromaticus, junci, odorati flos, spica nardi, atque his similia cataplasmata, in quibus intestinorum maxime fluxio molesta est, hordeaceam farinam, sapam & acetum co-



quito plurimum, & obducito. Hoc & ad sanguinis profluvium mirifice confert: item ex polenta & prædictis odoratis medicamentis cataplasma similiter facere creditur. Oportet autem ex vino adstringenti, ut lentiscino, aut melino, coctum, tepidum apponere.

At scire licet, fieri non posse unquam, ut intestinorum exulceratio curetur, nisi quis materiam ex aliis partibus influentem, prius coerceat. Accidit enim (ut dictum est) etiam dum viscera expurgantur, aut inflammationem aut imbecillitatem experiuntur, intestina fluxione laborare, exulcerarique: adhæc ob totum corpus contabescens, interdum quoque ob caput materiam transmittens, & stomachum fluxioni obnoxium, id evenit. Nam in iis, qui dysenteria per consensum totius corporis contabescens laborant, vitandi sunt pastilli, qui ex sandaracha, calce & similibus parantur, intemperatum magis corpus reddentes, magisque ipsum colliquantes. In illis autem utendum ipsis tantum est, in quibus dejectiones depascenti & putridi ulceris efferri videntur.

Ego sane quendam conspiciatus ex iis qui contabuerant, a pastillis ei oblatis magis irritari, iussi hæc quidem abjicere, balneis autem potius uti, & cibis refrigerantibus, ut pepone sine medulla, intybis, bulbio & isicio: atque hoc victu citra medicamentum, ægrum morte ipsi expectata liberavi. Ac multos alios, qui ulceribus curatu difficilibus & magnis infestarentur, victu etiam solo ad superantem intemperiem accommodato curatos novi. Non igitur festinandum est (ut dixi) ulcus depascent, cum foris, tum intrinsecus & antidotis & pastillis medicari.

## CAPUT X.

DE LIENIS AFFECTIBUS,  
EX LIBRIS PHILAGRII.

**Q**uemadmodum & reliqua corporis viscera, ita & lien intemperies experitur. Nam refrigerescit, calefit, siccescit & humectatur. Deinde ut omnibus intemperierum generibus affligitur, ita & alios sæpe morbos sustinet. Nam obstruitur, augefcit, & inæqualiter intumescit, extenuatur, ad partes aliquas protenditur, inflammatur, indurescit, & scirrho obducitur. Nunc igitur singulas eorum notas & curationes persequemur.

*Nota frigide intemperiei.*

Lien frequenter intemperie, præsertim frigida & humidæ laborat : idque magna parte ex cibo & potu frigido subinde assumpto : qualia sunt aqua frigida, ostrea, bulbium, caro porcina, fructus pomacei copiosi variique, præcipue per æstatem. Quippe calor in liene ex his, præsertim si ex locis humidis proveniant, imminuitur : necnon balnei usu post cibum, & venere non modo frequenti, & ampliore quam res postulat, verum quum stomacho cibus potuve repleto, & crudo adhuc, exercetur. Nam frigida intemperies facilius quàm calida (ut dictum est) in liene augefcit : præsertim autem in illis corporibus quæ humoribus redundant, cruciantur



dolentque, tumore partis præter naturalem modum adaucto. His color non ex toto niger, sed sublividus & plumbeus accidit.

*Signa calidæ intemperiei.*

Calida lienis intemperies maxime ex febribus & nimio solis æstu contrahitur. In febribus enim sanguine accenso lien extenditur & intumescit: & quia natura rarus est, ideo sanguis adustus fervensque in eum defluens, in magnum tumorem ipsum extollit, distenditque. Æstas enim & calida aeris constitutio lienem offendunt, quum homo plus justo fuerit calefactus. Quemadmodum igitur in hyeme frigidi aeris, ita & humidi & sicci qualitates facere consueverunt. Quæ ex præcedentibus aere, cibo & potu proveniunt, à prudente cognosci possunt: quia hinc defluxiones augentur, flatus generantur, & morbi crescunt.

*Curatio calidæ & siccæ intemperiei.*

Calida & sicca intemperies frigidis & humidis adjuvatur auxiliis, sive extrinsecus, sive intus per cibos & potus adhibitos. Ex oleribus conveniunt lactuca, blitum, atriplex, cucurbita: item cremor ptisanæ. Balneum autem aquæ dulcis admoveatur. Extrinsecus oleum rosaceum, melinumque, & ex eis epithemata confecta profunt. Adhæc etiam succus uvæ immaturæ, aut portulacæ, aut sempervivi, & teneri vitis turiones.

*Curatio frigidæ & humidæ intemperiei.*

Frigidæ humidæque intemperiei calida & sicca

præsidia conveniunt : verum sicca & frigida intemperies magis quam humida & frigida considerari debet : quibus illa extrinsecus adhiberi oportet medicamenta, quæ cum butyro, cera nova, œsypo, oleo Cyprino vel irino, conficiuntur, aut horum similibus, cum adipe auferino, vel porcino recenti, addito styrace & ammoniaco pingui : quibus admisceatur herbæ buglossi, aut dulcis radiculae succus. Quin & balneorum usus, & oleorum, si inungantur, prodest : item oleum nardinum cum prædictis medicamentis, & croci modicum, unde lienis vires instaurentur, adhibendum est. De iis, quæ extrinsecus calefacere & humectare possint, abunde sit dictum.

Observandum autem, ne forte corpus humoribus plenum sit : & dum ipsum incalescit, humor in liene augescat : & si tibi manifesta copiae signa adparuerint, æger evacuari debet, & sic tandem sanari intemperies.

Cibi utiles sunt, qui optimum sanguinem generant, gallinae domesticæ, phasiani, perdices, & omnes aves, quæ in montibus degunt, pullique columbarum. Ex quadrupedibus probatur caro porci, qui mediæ fuerit ætatis : hœdus, & ipse mediocris. Ptisanæ cremor cum melle optimo & pipere modice conditus, utilissimus est. At convenit, ut viscera omni inflammatione vacent, ne a mellis calore aut siccitate offendantur. Nam dulcia omnia naturaliter præcordiis & visceribus sunt inimica : eoque etiam vinis calidis & humectantibus, præsertim natura dulcibus, abstinere convenit.

*Curatio calida & humida intemperiei.*

Itaque ad calidam nunc & humidam intemper-



riem tranſeamus. Externa ejus curatio utiliſſima eſt, quæ medicamentis conſtat ſiccantibus, nempe ex alumine, pice liquida, aceto, foliis roſarum, oleo roſaceo, manna thuris, œnanthe, & gallis omphaciniſ compositis; hujusmodi enim adſtringentia adhiberi debent. Intus autem curabitur intemperies, cibus non pinguibus, qui ſanguinem ſicciorẽ frigidiorẽque reddant, qualis eſt caro cervina. Lenticula vero, quia melancholica eſt, & ſanguinem craſſum generat, prohibenda eſt. Oryza & nux avellana recte aſſumuntur: necnon panis ex ſimilagine lota conſectus, caſeus recens, & lactaria: carnes recentes, hœdina & anſerina. Item ex herbis, ſpondylium, aſparagus, bryonia, & ſaſſamenta omnia. Verum his non crebro uti convenit, ut quæ ſpatio temporis melancholiam procreent, & ſanguinem craſſum manifeſte producant. Vinum autem ſit adſtringens, calida temperatum. De compositis intemperiebus hæc dicta ſint: nunc de ſimplicis intemperiei curatione agemus.

*De ſimplicis intemperiei curatione.*

Simplex intemperies, aut calida, aut ſicca, aut frigida, aut humida, cui ex compositis ſupradictis intemperiebus cibi & potus ſimplices & compositi, vel medicamenta, quæ bonos & mediocres humores gignant, offerri debent.

*Curatio humida intemperiei.*

Humidæ intemperiei optimum eſt medicamentum ſalis ſlos, ſive per ſe ſolus, ſive cum aliquo ſimplici cerato imponatur. Solus enim calefactus, & in veſica aliqua exceptus, lieni ad-

hibetur. Quin & falsugo, & falis spuma cum cerato quopiam ac modico aceto permixta, commodum humidi lienis affectui medicamentum præstabunt. Proderit & quinquefolii radix, & plantago sicca, & alumen scissile, adeo in testa ustum, ut quod in ea adstringens est, abjiciat. Poteris etiam ipse medicamentum ex plantaginis foliis, radicibusque quinquefolii, ac flore falis, pari vel impari modo permixtis exceptisque, componere medicamentum, aceto quod satis est adjecto, & pice sicca in posca liquata: necnon cera alba, & suffimine ammoniaco, & modico rosaceo additis. GALENUS lienis scirrhum flore falis sanari dixit, idque bene; non enim ad intemperiem solum facere consensus est, sed etiam tumores ex crassis humoribus & viscosis induratos juvare solet: consumit duresces, & fortiter extenuat. Eam vero, de qua diximus, intemperiem desiccari tantum oportet; ad quod optime facit medicamentum ex salicis succo, confectum. Incisus enim salicis arboris cortex lacrymam emittit, quam uni aut alteri ex prædictis medicamentis admiscebis, ac efficacius medicamentum reddes. Verum ante medicamentum, fricationes optime conveniunt, ut quæ humidam lienis intemperiem possint discutere.

*Curatio siccae intemperiei.*

Sicca intemperies frictione adhibita dissolvi poterit, nutrirī, & humida effici. Huic prodest balneum dulcis aquæ, item unctio ex dulci oleo adplicata: præterea ptisanæ cremor ad unguendum est utilissimus: vel, siquæ est talis frictio corporis, qualem in podagræ curatione dicemus.



*Curatio frigida intemperiei.*

Frigidæ lienis intemperiei quæ adhiberi debent, non sunt pauca, præsertim quæ jam dicta sunt. Licet etiam unguenta calida, & epithemata applicare, similiter & cerata & *myracopa*. Talia sunt etiam *acopa*, quæ siccitatem & frigiditatem oleo simplici mixta, persanant.

*Curatio calidæ intemperiei.*

Calidam intemperiem oleum rosaceum solum, aut melinum, & quæcunque ex his componuntur medicamenta, tum cerata, tum epithemata, discutiunt: præter hæc, succus omphacii, portulacæ, sempervivi, & teneræ vitis palmites, similiaque.

## C A P U T XI.

## DE LIENIS INFLATIONE,

**I**Nflatio ex spiritu generatur: & quemadmodum in aliis corporis partibus, ita in liene tumor naturæ contrarius excitatur: id quod accidit ex leguminum, aut bulborum, aut palmularum castanearumve esu, aut ficuum, vel malorum, vel mellis, dulcisque vini usu. Hæc enim omnia non modo lienem inflant spiritu, sed etiam colon intestinum, mesenterium, ventrem & stomachum flatibus distendunt. Facile autemprehendere licet, an ex cibis tantum inflatio excitetur; nam si ex his nihil assumptum fuerit,

ad aliam causam morbus referri debet. Quod si lien flatibus distendatur, & in amplum tumorem attollatur, ægerque interrogatus, id se citra pondus & loci ipsius gravitatem sustinere dixerit, tunc ex cibis frigidis malum accidere cognoscēs. Quando enim lien ex toto flatibus repletur, ~~αυδοῦναι~~, id est ad verbum *fluctuationes*, ubi paulo liberaliorem potum assumpserit, experitur. Ut enim in utre aqua, ita in ventre copiosior potio sonitum edit quum agitur. Si autem qui inflantur, frigidos cibos assumant, frequenter erucant, postea autem singultiunt. Quod si nihil horum in ventre contingat, lien autem tendatur, pungaturque citra aliquam gravitatem, flatuosos spiritus esse putato.

#### *Curatio inflationis.*

Iis igitur qui intumescunt, medicamentum *diospoliticum* dari debet. Piper enim & cuminum calefaciunt: ruta flatus discutit, & partem affectam juvat, humoresque pituitosos imminuit: nitrum ventrem subducit: mel similiter purgat, calefacitque, & humores extenuat. Pari modo etiam medicamenta faciunt *διὰ καλαμίνθης* & *διὰ τριῶν πεπέρεων*. Epithema vero *διὰ σπερμάτων*, sic vocatum quod ex seminibus constet, huic malo auxiliatur. Iam melanthium, apii semen, anisum & petroselinum, trita, pani apud pistorum inspergi debent: eadem ex vino pota lienis inflationem tollunt. His etiam cēstrum, adiantum, & polypodium modice adjicientur, præsertim quum lien indurefcit. Tunc scolopendrium quoque & splenidion herbæ, ex vino potui dantur utiliter.

Itaque liene inflato, prædictis potionibus & epithemate *diaspermaton* uteris; hæc enim adhi-



bebis, si hydropicus morbus inde non subito accidat: sin autem repente provenerit, tunc nullo modo hæc conveniunt. Nam hydrops tympanites plerumque inter initia oriri solet: quod ubi acciderit, medicamenta tum quæ inflationem tollunt, tum quæ calefaciunt, si adhibentur, affectum magis augent. Nam multi dum medicamentis cum hydropem desiccare vellent, majorem duritiem excitarunt. Potui vero dare eis viticis semen torrefactum, petroselinum, melanthium, anisum & sison, expedit. His enim singulis, lienis duritia & scirrhus in eo factus, curatur: & si flatibus plenus sit lien, dantur illa aut ex aceto, aut oxymelle, aut posca. Porro sunt & alia huic vitio accommodata, ut serpyllum, thymus, lauri cortex, origanum, calaminthe sicca & viridis, piper, rutæ (maxime sylvestris) semen, peucedanum, præsertim ipsius liquor: costus, cardamomum, marrubium, eryngium, centaurium minus, præsertim ipsius succus: chamædrys & chamæpitys. Ex his enim medicamentis aut unum duntaxat, aut duo triave, aut simul etiam omnia, inflationi potu bene faciunt.

---

## CAPUT XII.

## INDICIA INFLAMMATIONIS LIENIS EX SOLO SANGUINE.

**Q**Uod si sanguinis copia in lienem confluxerit, & ex eo inflammatio orta fuerit, dolorque cum tumore & tensione, & multa gravitate vehementer urgeat, interim obstructio membri excitatur, unde scirrhum & inflamma-

tionem plerunque contrahit: interdum etiam sine dolore augefcit, durusque efficitur; quod tactu fubinde cognofcere poffumus: quippe tangentibus facile adparet. Item quum ex duritie in mollitiem largiorem deductus fuerit, attollitur adeo, ut fuper mufculos qui extrinfecus incumbunt excrefcat. Ego enim fæpius vidi non folum ventrem & ftomachum, fed etiam dextram præcordiorum partem, & pubis pectinem, lienis tumore occupari. HIPPOCRATES memoriae prodidit, fanguinis in liene abundantia ventrem indurefcere, corpus humoribus vigiliisque extenuari, & faciem emacrefcere. Nam ex liene ipfo carnes colliquefcunt, & magna fitis urget. Inprimis lienis tumor adparet humidior, dum fcilicet humor adhuc fluit: ubi vero collectione facta induruerit, neceffe eft ut jugulum non fentiat alimentum, & venæ in mufculis foras prodeant, color melancholicus aut pallidus fiat, & aqua fubter cutem fubfequatur.

*Signa inflammationis ex humore biliofo.*

Ubi biliofus fluxus in lienem decumbit, totum corpus calidum, & non fine feбри effe videtur, oculi tincti funt, urinæ coloratiores, acrefque, aut flavæ, aut rubræ funt: ægri fitibundi frigidam bibere adpetunt, animo funt abjecto, cito furunt, os habent amarum, cibum faftidiunt: vigiliis torquentur & ventris turbatione; linguam habent flavam, atque alia id genus fimilia, quæ bilem teftantur.

*Signa inflammationis ex humore melancholico.*

Paulatim in his color melancholicus fieri vide-



tur; præsertim facta jam inflammatione, cutis & urina nigrior efficitur. In toto corpore bilis atra abundat, gingivæ nigræ adparent, sitis urget: &, si ægri frigidam potionem assumpserint, magis cibum adpetunt.

*Indicia inflammationis ex humore pituitoso.*

At si humor pituitosus in liene collectus, inflammationem peperit, color pallidus, aut ejus naturæ similis invenitur, oculorum, linguæ & cutis corporis: ægri non sitiunt, sed cibos adpetunt, si pituita non falsa in liene fuerit. Hoc ergo scire licet, quod ex pituita quotidie febricitant: ex bile tertio die: ex melancholia quarto.

*Curatio inflammationis.*

Nunc de inflammatione lienis curanda, agendum est. Ac primum uniuscujusque humoris signa considerari, atque sic tandem curatio adhiberi debet. Recidivæ autem gratia, non magna sollicitudine, nec pluribus verbis opus est; nam ubi illa semel curata fuerit, non facile revertitur: rarius enim quam alia viscera, lien inflammatione conflictatur.

Hoc autem curandum est, ut pro humoris natura ex quo generata est, conveniens, non autem contraria, adhibeatur curatio. Num enim cibi potusve aliqui, morbo occasionem dederint, aut aliquid extrinsecus accesserit, omnia internoscere oportet. Similiter, otiosine ægri fuerint, an exercitio ac labore se fatigaverint, an balneis frequenter aut nunquam usi sint, aut ex accidente, an a parentibus hunc affectum sustineant. His diligenter examinatis si inflammatio lienem

exercet, primum sanguis detrahi, deinde purgationes adhiberi, postea medicamenta extrinsecus imponi debent.

Primum sane utendum appellatis *epelatis*, id est iis quæ alvum subducunt, nec non clysteriis. Vomitu autem tentanda purgatio est, quum humores in ventriculum influunt, ibique supernant; tunc enim citra ullam moram purgare eos oportet. Quod si venæ sectio omnibus visceribus inflammatis præsentissimum est remedium, maxime certe in lienis inflammatione adhibenda est, si nihil contra suadeat, nempe ætas, aut vires aut locus, aut consuetudo, aut aeris constitutio, aut præcedens ciborum cruditas, aut magnum ventris profluvium, hæc enim in sola ista causa dilationem suadent. Sin autem ætas aut vires non prohibeant, venam brachii sinistri anteriorem secabis: si ea non adpareat, media ferienda est: si ne ipsa quidem in conspectum proveniat, humeraria incidenda est: si nec ipsa quoque conspiciatur, ea quæ minimo digito vicina est, aperiri debet. Et si vero hinc minus sanguinis evacuetur, tamen quantulacunque inde tentata inanitio, præcipuum lieni ad sanitatem adjuvamentum est. Quum sanguis fluit, attendendum est valde an rubens sit, & purus, an lividus. Nam si lividus est, aut æquo rubentior, copiosior auferri; si purus ac sincerus, paucior debet. Verum sic extrahendus est, ne vitalis facultas deficiat.

*De iis quæ alvum subducunt.*

Post sanguinis missionem ea dari oportet, quæ alvum solent ducere, quorum formam habes superius expressam. Sunt enim levia medicamenta



alvi ducendæ idonea, ut herba mercurialis, polypodium, cnicus, atque his similia.

*De Fomentis.*

Tempestivum igitur est, ut de adstringentibus medicamentis nunc dicamus, quæ corpori jam evacuato, recte accommodantur. Quare convenit, post evacuationem fomenta ex eis adhiberi primum quæ humores influentes repriman, deinde, quæ hos particulæ impactos discutiant, digerantque: ita tamen ut etiam quæ lienis robur, quo actionem suam obit, conservent, admisceantur. Si quidem modicus fluxionis sit impetus, mediocria præsidia: sin validus, valida applicabuntur, quæ citra noxam calefaciant. Ubi igitur non vehemens urget inflammatio, vino austero, & oleo quodam tenui, ut lentiscino aut melino, lienem fovebimus: sin autem vehementior urgeat, omphacino, aut rosaceo: quæ si non adsint, turiones oleæ, aut rubi, aut mespili, aut mali, aut mala ipsa, ex oleo lentiscino aut melino cum vino mixto coquentur: & si hoc non satis proficiat, thymus, origanum, & nardinum oleum, imponetur.

At si humores valde calidi lieni influxerint, aut febris quædam superveniat, lanam succidam tenui quodam oleo cum vino mixto copioso imbutam, superimpones. Hanc nolentibus, omphacio admiscebis rosarum flores, aut cyperum, aut ænanthen, aut spinæ Ægyptiæ semen. Mediocris sane inflammatio per initia hoc modo curanda est.

Sin autem calor infestet, admovenda sunt oleo, qualia diximus: & acetum cum vino, aut certem vinum austerrum, oleis est admiscendum. Et ad-

tendendum ne caput feriat : ut quod facile hujus sensum feбри admodum ardenti, offendatur. Quare sapam aut vini dulcis modicum, oleis admiscere convenit ; sin autem crassior sapa existat, aqua admiscenda est. Porro si frigidus humor inflammationem excitaverit, adjicienda sunt pulegium, thymus, & origanum, ut quæ vim quandam evacuantem corroborantemque habeant. His autem non adeo frequenter ut vino & oleis utemur.

### *De Clystere.*

Ad evacuandum autem ventrem per morbi initia, vel in augmento, clystera adhibenda sunt : atque tunc magis, quando calor nimium ardens urget. Ex mulla autem & nitro, necnon aphro-nitro & sale, evacuatio tentari debet. Verum injectio medicamentorum ab inferioribus partibus non semel tantum, sed bis terve singulis diebus fiet : multo autem magis, quando sanguinis deductio prætermissa fuerit.

### *De Cibo.*

His temporibus solo ptisanæ cremore æger nutriendus est : illius penuria, aqua & solo pane : ipsamque aquam calidam bibat, & oxymel. Si calore æstuet, aqua non ex toto calida, sed modice refrigerata offeretur, Hæc per initia ad statum usque fieri debent.

### *De Statu.*

Quum morbus jam in statu est, post fomenta cataplasmata eis inducemus, ubi prius evacuati fuerint.



fuerint. Noxa enim omnino sequetur, si corporibus nondum humorum copia liberatis, calida medicamenta adhibeantur: vel si crudus aliquis humor ex nimia crapula, vel copia ciborum collectus fuerit, aut si ægri crassis cibis repleti, ut conchyliis, aut purpuris, aut sepiis, aut pectunculis, aut polypis, aut ostreis, aut vulvis porcinis vel agninis, aut carnibus porcinis, aut salgamiis & congelatis pinguioribus, & multum frigidis: adhæc si in otio degerint, & post cibum lavarint: præterea si pauperes pane copioso, lenticulis, vel carnibus bovillis, vel ovillis, item piscibus qui humorem melancholicum, & copiosum sanguinem generant, usi fuerint. Qui igitur tali cibo nutriti venæ sectionem subductionemque ventris detrectant, iis talia cataplasmata adhiberi non debent; nam humor horum caliditate collectus copiosior, hominem occidit.

Quum igitur morbum in statu esse videris, clystere alvus ducenda est: ubi autem febris jam declinaverit, absinthii decocto ex oleo lienem fovebis: hujus penuria, ea quæ non nimium amara sunt aut adstringentia adhibebuntur, quale est oleum rosaceum aut melinum. At si tensio vel dolor sine ardore partem exerceat, iridis quoque & cyperi modicum, aut simile quippiam oleo injectum convenit. Nam hæc virium lienis conservandarum facultatem obtinent. Optimum vero est, ut quotidie semel aut bis, satisque diu adhibeantur. Tertio enim ex oleo fovere vitandum est. id quod de cataplasmate quoque adhibendo observare oportet.

*De Medicamento purgante, aut decocto, aut  
clysteribus.*

Quum æger meliuscule habuerit, mutanda sunt auxilia ; venter lenibus medicamentis per os assumptis subduci debet, quæ ex ptisanâ cocta, aut ex aqua potui dantur. Quin & oxymel ad hoc commode accipitur, ut quod mediocriter cum aqua temperatum sit. Uteris igitur & mulla simul, & apomelite, & ad urinam ciendam, idoneis potionibus : qualia sunt apii & asparagi radicum cum aqua decoctarum, juscula. At per alvum injicies ptisanæ cremorem, cui incoxerit polypodium, thymus, origanum, medulla cucurbitæ sylvestris : necnon veratrum nigrum, centaurium minus, cnicum, capparidis cortices, & alypum ; deinde nitrum, mel, & oleum admisceri debet. Cucurbita sylvestris pituitam educit : cnicus & veratrum nigrum atram bilem : thymus, alypum & centaurium, flavam. Per initia modice his uteris : processu autem temporis validiores purgationes, non solum per alvum, sed etiam per os exhiberi debent : nempe epithymum, cnicum polypodium, alypi semen, & granum cnidium. Cnicus coctus flavam bilem educit : polypodium humores mixtos, quemadmodum & capparidis cortex, & centaurium. Verum ista paulatim adjecta potioni ex ptisanæ cremore aut oxymelle, dare ratio est : admisceantur autem ptisanæ inter coquendum cnicus, polypodium, & veratrum nigrum.

Quod si loco ptisanæ alicam in cibum aut alia crassi succi assumere præceperis, lien prorsus in scirrhum obdurescet, nulloque modo, aut certe vix, sanari poterit. At lien & jecur per



initia inflammationis , & dum ipsa confirmata est , fortiore medicamento purgari sine periculo non possunt. Nam jecur ex inflammatione intumescens , angustos meatus obtinet , & medicamentum purgans humores in eo collectos nequit educere. Lien inflammatus inter initia purgari potest : nam ex toto corpore superfluos humores adtrahit , & affectus purgatione discutitur , vel minuitur. Validis autem purgationibus lien ante statum , & post , irritatur : imo neque extrinsecus in statu inflammationis valentioribus uti medicamentis expedit , ut affectus mutetur aut discutatur. Nam tota ejus substantia non in melius , sed in deterius magis vergit , duriorque evadit. Quare dum morbus in statu est , lenibus uti medicamentis oportet : qualia sunt quæ modice calefaciunt , & humectant , non ea quæ desiccant. Cataplasmata igitur & fomenta quæ diximus , adhiberi debent. Corpus antea , evacuatum his adjuvatur , quando humor qui in eo supernatat incalescit. Quod ubi cognoveris , & morbus in statu est , cataplasmata inducenda sunt.

*De parando cataplasmate.*

Quum ergo morbum in statu esse deprehenderis , cataplasma applicabis. Si natura ægri calida , & humor fuerit biliosus , cataplasma ex medicamentis mediocriter calidis parari debet : ut ex lini semine , & oleo chamæmelino : cui adjiciatur hordei aut fabarum farina , hæc enim modice calefaciunt. Sæpius autem , ut nosti , artemelite cum aqua in liene usi sumus : interim acetum quoque addidimus.

Quod si pars inflammata non multum incalcescat , & necesse sit humorem discuti , tuto fœ-

numgræcum sine aqua prædictis admiscere licet : & siqua scirrhusa inflammatio fuerit , aut crassi humores in liene generati : aceto uteris : necnon amara lienosis admiscebis. Nam lien ex jecore crassum in se humorem recipit : ob quod ei absinthium , & capparis in cataplasmate , & acetum , ubi morbus declinaverit , expediunt : quando etiam purgans medicamentum augere convenit.

*De Cibo & potu.*

Cibi leviores , & vinum tenue albumque exhibebitur. Hæc enim alvum subducunt , & vires lienis corroborant : nec non febrim per urinas discutunt. Suillæ autem carnes , & ovillæ , item alica , ova , pisces pelagii & palustres , adhæc aves quæ in paludibus & aquis degunt , prohiberi debent : non autem illæ , quæ siccis locis aluntur. Quos enim liene crassis infarcto humoribus laborantes , medici imperiti carnibus quadrupedum nutriunt , & in statu morbi ovis forbilibus ; & alica , nonnunquam etiam forbitio- nibus ex tritico aut alica , iis plus noxæ ex cibis quam adjumenti afferunt. Nam alica nisi in declinatione utilis non est. In hoc autem tempore non solum ea , sed etiam potiones exhiberi debent , quæ crassos humores per inflammationem auctos extenuent , viscosos incidant discutiantque , obstructos aperiant , lieni infixos relaxent , & ipsum lienem corroborent. Cujusmodi sunt scolopendrium , & capparis cortex , vel alia , quæ postea à nobis dicentur , quum de lienis scirrhuso agemus. Nam de his duabus herbis GALENUS hoc modo scriptum reliquit, Quale medicamentum jecinori est absinthium , tale est lieni cap-



paridis cortex : quale rursus jecinori quod vocant eupatorium , tale est lieni scolopendrium , siquidem similibus genere medicamentis utrumque viscus indiget.

*De Epithematibus.*

In statu vel declinatione , Nili epithema commode admovetur. Plus autem ceræ in statu adjiendum est , præsertim in molli corpore. Epithema quod à me confectum est , recipit bdellium , aloen , thus , crocum , œsypum , ceram , ac alia , medicamenta , quæ ibidem scripta habentur. In declinatione vero inflammationis plurima sunt & alia epithemata , quæ adhiberi possunt , ex ammoniaco & bdellio composita. In statu ergo quum inflammatio æstuat , Nili epithema oleo chamæmelino & cerato , cui aceti modicum adjectum sit , dissolvere oportet.

Consulimus etiam adhuc , ut hoc cerato sicut oxelæo utaris cum lanis succidis , & lieni imponas : ac , si tensione laboret , liberabitur. Itaque per initia oleo tenui , non aqua , partem superfundes , neque si æger in accessione desideret : sed ex aceto , vino & oleo , quibus ceræ modicum interim sit admixtum , fovebis. Item hyssopo , cerato interdum utimur , & fursuribus ex vino aut aceto , aut posca , aut aceto & melle , aut hydrelæo , decoctis. Admiscemus etiam cataplasmati pulegium , thymum , origanum , folia lauri , salviam , artemisiam , salem & nitrum. At si ea , quæ dixi negligentius adhibeantur , inflammatio in scirrhum degenerabit : de quo nunc verba faciemus.

## CAPUT XIII.

## DE LIENIS SCIRRH O.

**P**ost lienis inflammationem magnus contra naturam tumor & durus accidit, tangenti resistens, necnon intemperies quædam in eo adparet: verum copia substantiæ scirrhum lienis excitat; vel enim humor est infixus, aut flatuosus spiritus, aut utrique simul mixti, unde lien præter modum augetur, & a naturali recedit magnitudine. Internosces autem humorem & flatum his indiciis. Si flatus est, tactui resistit pertinaciter, & lien punctionem tensionemque experitur: si autem gravitas cum pondere in præcordiis sinistris percipiatur, ex prædictis signis flatus cum humore mixtos in liene esse scias, idque per initia. Nam postea morbo inveterato, humoribus frigore nimio aut siccitate induratis, scirrhus generatur. Aliquando accidit, ut lien etiam citra inflammationem in magnum tum tumorem attollatur. Hæc enim modo solent evenire. Duritia autem non accedente, tensio gravitasque simul & punctiones validæ oriuntur. Scirrhus igitur ex humore & flatu mixtus esse videtur, quemadmodum etiam soli humores tumorem laxum simul & punctiones validas in liene efficiunt.

*Curatio scirrhi.*

Novisti curatum à me fuisse militem, qui dum ad me veniret, totam lienis regionem barbaricis



ferramentis candentibus inustam habebat: quem duobus tribusve diebus medicamentis per os datis purgabam, & deinde diligentem ei curam in singulis convenientibus remediis offerendis adhibebam.

### *De Cibo.*

Ptisanae cremorem quotidie in cibo porrigebam oxymelle conditum, & pisces saxatiles. Ex avibus autem gallinas, perdices, ac alia concoctu facilia, boni succi, & probe macerata. Prohibebam ei quaecunque viscosos & crassos humores generant: similiter & carnes bovillas, suillas, ovillas, caprinas & hœdinas: item aves quæ in aquis palustribus degunt, omnesque pisces palustres, & pelagios, præsertim qui duras & crassas, non albas carnes obtinent: adhæc polypos, mullos, sepias, orphos, ostrea, conchas, bulbos, placentas ex melle & chytro, & quaecunque inflant, duraque & crassa, vel cruda sunt. Vinum improbatur crassum, nigrum, & adstringens: dandum autem est quale HIPPOCRATES præcipit, quod neque crassum, neque valde frigidum, neque calidum sit. Hoc igitur modo cibus est administrandus.

### *De Potu.*

Potui vero dabam vinum, in quo capparidis radicem, scolopendrium, & myricæ radicem corticem decoxeram: initio quidem singulas herbas per se exhibebam, deinde ex posca, aut oxymelle, aut solo aceto coctas: interdum etiam in pulverem redactas cum supradictis liquoribus citra coctionem per intervalla dabam, idque non plus

quam duobus vel ternis diebus. Quin & oxymel purum per totam hyemem propinabam: nonnunquam cum aqua calida, in qua prædictæ herbæ decoctæ fuerant, ante & post cibum, die & noctu, quandocunque volebat æger, potui offererebam.

*De Missione sanguinis.*

Vere primum ineunte, quum æger multum se recollegisset, & lien decrevisset, videbatur mihi potiones medicaminum efficaciores præstari debere, quæ lienem evacuare possent: qui quum magis imminueretur, fortiora medicamina exhibebam. Ac mox inter initia veris, sanguinem ex brachio sinistro copiose detrahebam, & post dies vigintiquinque hoc medicamento, quod sequitur, utebar. Spicæ nardi, capparidis radicem corticum, myricæ foliorum, asplenii herbæ, squamæ ferri, singulorum drachmæ octodecim: myrobalani drachmæ decem, ammoniaci suffiminis drachmæ octodecim, polytrichi drachmæ sex, stœchadis drachmæ quatuor, scolopendrii drachmæ tres. Ex oxymelle pastillos drachmam pendentes singulos fingebam, ac unum oxymelle dilutum potui dabam. Postea vero, quum lien probe esset explicatus, medicamenta ad ciendam alvum dabam, ac otiosos humores validioribus, nempe hieræ picræ diacolocynthidos drachmis tribus evacuabam. Inchoante jam æstate non tres drachmas, sed quatuor exhibebam, ita ut à prædictis medicamentis nullo die discederem. Ubi sanitati propemodum esset restitutus, cyclaminis radicis drachmam ex mulsa deinceps, semel aut bis, post singulas potiones offerebam. Nam ea vitiosos humores ex liene per sudores expurgat,



calidis extrinsecus operimentis admotis, ut medicamentum fiat efficacius.

*De iis quæ Lienem corroborant.*

Lienem sæpe potione quidem ex scolopendrio & capparide, epithemate vero ex auripigmento, alumine & similibus corroboramus. Nam hoc medicamentum medium inter frigidum & calidum existit, cujus & aliorum utilium confectioes his subjungemus.

*Potio ad lienosos probata.*

Ammoniaci suffiminis, pulegii, singulas drachmas, cum aceto potui dato.

*Alia potio.*

Salicis corticem medium, & folia ejus cum duobus aquæ sextariis ad dimidias coquito, datoque potui ad triduum.

*Epithema malaëticum.*

Hoc medicamentum molliendi facultate præditum est, commune jecinori, lieni, abscessibus, strumis, parotidibus articulis, calcibus quoque suppuratis, aut aliter dolentibus, item torsionibus ventris. Conficitur autem hoc modo: bdellii Scythici, adipis porcini, ammoniaci suffiminis, iridis Illyricæ, singulorum drachmæ sedecim: opopanacis, cachryos, styracis, thuris, galbani, singulorum drachmæ octo: piperis granatum sexaginta: ceræ drachmæ quadraginta octo, terebinthinæ, facis olei irini & vini, sin-

gulorum quod fatis est. Hoc medicamentum contunditur, emolliendi viribus donatum; neque enim aliud magis eo emolliens duritias reperies. Paratur autem non dilutius, sicut alia; nam in pila tunditur, cera aliisque medicamentis adjectis. Inter tundendum, pistillum fœcibus olei irini illinitur, donec tota mixtura perficiatur. Sit autem ammoniacum recens, styrax pinguis, bdellium Scythicum: opopanacem eis admisceto, omnia simul conterens, & utitor.

*Malagma AMYTHAONIS.*

Hoc ad præcordiorum tensiones conducit, necnon articulis prodest, qui difficulter moventur: lienis tumorem consumit, duritias emollit & discutit.

Recipit autem hæc: ammoniaci suffiminis drachmas sedecim, ceræ totidem, terebinthinæ drachmas octo, bdellii totidem: thuris drachmas quatuor, myrrhæ totidem, galbani drachmas octo, olei Cyprini heminas sex. Myrrham, bdellium, thus in vino prius macerabis: ammoniacum aceto dissolves: omnia in pila contundes, oleo Cyprino (ut supra dictum est) ipsam inungens. Hæc duo malagmata emolliunt.

*Aliud epithema.*

Quod nunc subjungam, prædicto est longe efficacius, fortiusque ad discutiendum & extenuandum, tollendumque duritias: quemadmodum quod ex stercore caprillo, & opopanace simul cum aceto paratur. Nam id quoque dissolvit & extenuat, vacuatque non modo inspissatos humores & viscosos, sed etiam ipsas partes cor-



poris solidas : quoniam caprillum stercus ex aceto ( ut GALENUS memoriæ prodidit ) scirrhosis tumoribus , qui ex crassis fiunt humoribus , utilissimum est. Altera igitur confectio inscribitur.

*Malagma ASCLEPIADÆ.*

Ceræ sesquilibra , colophonix uncix sex , galbani uncix tres , opopanax uncix sex , propoleos uncix tres , ammoniaci suffiminis uncix sex , olei heminx duæ : aceti sextarii duo , stercoris caprilli uncix tres , thuris totidem , myrrhæ uncix tres. Ammoniacum ex aceti sextario teres : huic adjicies thus , myrrham , opopanax , stercus caprillum , teresque iterum : propolim vero cum galbano in pila tundes , ceram & resinam ex olei heminis duabus liquabis : ubi coeuerint , propolim adjicies , agitabisque frequenter : & quum in unum omnia coacta fuerint , ab igne sublata , refrigerari sines , & derades , deinde iis , quæ in pulverem redacta sunt inspersis , miscabis universa , & in usum condes. Hæc enim sunt medicamenta discutiendi emolliendique viribus prædita.

*Epithema lienem imbecillem corroborans.*

Medicamentum , quod supra ex auripigmento & alumine fieri dictum est , ad lienis imbecillitatem valere dixi , cujus mentionem feci sæpius , imposui. Recipit autem hæc : ceræ Tyrrhenicæ drachmas nonaginta sex : resinæ picæ drachmas sedecim , resinæ frixæ drachmas nonaginta sex , auripigmenti scilli drachmas sedecim , aluminis scissilis drachmas duodecim. Metallica terito ex

aceto acri: quæ liquari possunt, ex modico oleo liquato: ac refrigeratis sicca adjicito: mixtis utitor. Hæc enim sunt, quæ homini illi exhibueramus.

*Epithemia lienosum & hepaticum, quod utriusque visceris obstructions discutit.*

Ceræ, terebinthinæ, hyssopi Attici, iridis Illyricæ, singulorum drachmæ sex. Quæ terenda sunt, terito: & quæ liquefieri possunt, liquato: sicca superinspergito, ac utitor. Quod si fudor superveniat, & tollere eum voles, detergito, & absinthino oleo partem perunges: ac sudore sublato, illo uteris.

*Si Lien flatu distenditur & intumescit.*

Quod si lien ex prædictis signis flatu tendi, aut durus scirrhi modo pungi, & citra ullam affectæ partis gravitatem dolere cognoscatur, mirifice auxiliatur electuarius *diospoliticum*, quod in hunc modum paratur. Rutæ viridis pridie decerptæ, piperis, cumini, singulæ drachmæ, nitri drachma semis, & quarta ejus pars. Si alvus adstricta fuerit, nitri drachmam injicies, cuminum vero ex aceto per triduum macerabis: postea siccatum in pulverem rediges: omnia cum melle bono & despumato miscebis, & in vase vitreo repones. Datur ex eo cochleare unum; facit enim ad inflationes ventris viscerumque, appetentiam ventriculi excitat, concoctionem promovet, pituitam extenuat, alvum emollit, acidos ructus aufert, vitia pectoris, lateris, jecoris, lienis & renum mittigat. Simili modo accommodata sunt ventris, stomachi, jecbris &



lien's affectibus, medicamenta διὰ καλαμίνθης, & διὰ τριων πεπέρων, necnon διὰ σπερμάων. Adhæc cucurbitulæ in ventrem defixæ adjuvant: præterea utilissima sunt, melanthium, petroselinum, anisum, & cuminum, si pani commisceantur, vel cum aliis dentur cibis, præsertim infantibus. Magis autem ex vino dari debent, vel in pulverem redacta inspergi. Convenit etiam cestrum, adianthum, & polypodium, præcipue quum magna lien's durities adparet: tunc etiam scolopendrium & asplenium vino admiscere expedit. Porro nunc de lien's inflatione ex GALENI opere *de ratione medendi* quædam excerpta adscribam, ut ipsi morbi causæ accommodata antidota, vel pastillos, vel epithemata, quæ ipse expertus est, & nos usu & periclitatione comprobavimus, adscribamus.

GALENI verba de lien's scirrho & inflatione.

Lienem scirrho obnoxium non modo extrinsecus medicamentis efficacibus, sed etiam potionibus validissimis curare convenit, ut quæ citra molestiam toleret: ex quorum numero optima habentur capparidis radicis cortex, scolopendrii & myricæ tum radix tum germina: omnia vero ejusmodi in aceto & oxymelle coquere convenit. At sæpenumero lien tangenti quidem resistere videtur, non tamen scirrhus, sed flatuosus potius tumor existit, cui medicamentum emplasticum mixtæ facultatis, quod prius absinthii oleo madeseceris, imponere oportet: quale est, quod ex sulphure & alumine constat. Sunt denique plurima hujusmodi ex iis, quæ in medicamentis libris prodita sunt, huc accommodata. Attende autem non solum ad mixtorum medicami-

num facultatem, sed etiam ad mixturæ copiam. Nam in liene flatuoso tumori obnoxio, magisque in œdematibus, etiam si multum aluminis adhibueris, nihil offendes: verum in scirrhis, discutiendi facultatem superare convenit, paulum autem ejus quæ adstringit admisceri. Quum igitur ex numero simplicium, & sponte nascentium medicamentorum flos salis talis sit natura præditus, lienes scirrho obductos sanat, si extrinsecus ipsis in vesica applicetur.

*Epithema jecoris & lienis.*

Epithema jecoris & lienis hæc recipit: aluminis liquidi uncias sex, sulphuris vivi totidem, nitri rubri, ammoniaci suffiminis, mannæ thuris, capparidis radicis corticis, singulorum uncias sex: picis siccæ, resinæ aridæ, hieræ picræ, singulas libras: olei Cyprini uncias sex: aceti quod satis est. Hoc ad tales viscerum affectus efficacia nobile est.

*Epithema hypotherion.*

Sunt alia quoque epithemata lienosis & hydro-picis accommodata, quæ vocantur *hypotheria*. Hæc enim humiditates ex alto eliciunt, dolores & scirrhos discutiunt. Resinæ aridæ libræ quatuor, ceræ libræ duæ, picis siccæ totidem, aluminis liquidi, nitri rubri, sulphuris vivi, mannæ thuris, singulorum libra: aloes uncia sex, pyrethri, aristolochiæ, cardamomi, visci quercini, ammoniaci suffiminis, bdellii, uvæ amomi, cucumeris sylvatici radicis, liquoris sycomori, singulorum quadrans: aceti sesquiseptarius. Alumen, sulphur, nitrum terito: ammoniacum ex



aceto diluito: ficcis in pulverem redactis liquida superinjcito. Observare autem in his oportet, & medicamentum ex alumine & sulphure idem quod superiora præstare. Necnon epithema διὰ σπερμάτων lienis inflammationis medetur, tum per se impositum, tum cum alumine & sulphure mixtum auxiliatur. Ipsum vero μάλαγμα διὰ σπερμάτων flatuum substantiam tollit, collecta dissipat, reliqua purgat & discutit. Adscripsi autem duas malagmatis prædicti confectiones.

*Prima confectio διὰ σπερμάτων.*

Cardamomi, meliloti, herbæ sabinae, baccharum lauri, nardi Gallicæ, sampfucchi, iridis, radicis panacis, radicis cyperi, nitri, casia, fœnigræci, feminis apii, anisi, thuris, styracis, myrrhæ, ammoniaci suffiminis, terebinthinæ, singulorum uncia tres: ceræ, mellis, olei cypri-  
ni, sebi taurini, singulorum libra: vini quod satis est. Facit ad stomachi, jecoris & lienis inflammationem.

*Altherum epithema διὰ σπερμάτων, ad idem.*

Cardamomi, iridis, cyperi, sampfuchi, anisi, nitri, ammeos, apii feminis, fœnigræci, baccharum lauri, ammoniaci suffiminis, singulorum uncia tres: sebi taurini hemina, ceræ uncia decem, colophonie hemina, mellis libra: conficito, & utitor. Licet autem & æquale pondus aut paulo amplius medicamenti ex alumine & sulphure confecti admiscere.

*Potiones ad lienem scirrhus induratum.*

Quibus lien in scirrhum durefcit, & calotem

siccitatemque sustinet, his utiliter dantur myricæ folia, aut turiones ipsius, aut radices: item asplenium herba, & anchusa. Hæc enim neque ipsa calorem in se vehementem obtinent, neque lienem magis excalefaciunt, præsertim si cum oxymelle exhibeantur. Per initia earum decoctum, procedenti autem tempore tritas ipsas ex posca dare oportet. Hujus generis sunt & salicis folia, cortex, radixque: quin & chalybis squama, quam illa in fabrilibus officinis, dum ignitur & malleo tunditur, abjicit, ex aquæ mistura potu convenit; hæc enim lienem fortiter immittit, reprimitque. Vinum autem, & posca in qua candens ferrum extinctum sit, iis qui teneram carnem habent; & febris carent, conveniunt: postea vero etiam agrestioribus hominibus, qualis miles ille fuit.

Mentionem ergo faciemus potionum, in quibus ferrum exstinguitur. Itaque inter initia magnis affectibus, & minus duris corporibus expediunt: insequentibus autem diebus plurimis ordine dari debent. Nonnulli admiscunt squamæ chalybis vel ferri, absinthii comas, & piperis modicum, ne potio stomachum offendant. Melius autem erit, si pelecinum & hemionitis herbæ in tali intemperie misceantur: quemadmodum in frigidis contra, casia, costus, serpyllum, anisum, & his similia injicientur. In calida ergo intemperie duæ illæ herbæ superius dictæ præberi debent. Nam ambæ efficaces sunt, ut quæ maximum lienem consumant, intemperiem minuant omnino, nec augeri permittant. Frigidæ autem & siccæ intemperiei, chamæpitys, chamædrys, gentiana, myrobalani, calaminthe, peucedanum, acorum, scordium, trifolium, hypericum, vitex, liquor peucedani, centaurium utrumque siccum, eisque simi-



similia, scolopendrium, & farina lupinorum mendentur. Alia vero ex vino, aqua, & oxymelle bibuntur. Phœnicobalanus autem, quem & myrobalanum nominant, nisi ex posca bibatur, mox revomitur. Hoc modo singula (ut dixi) adhiberi debent.

### *De Pastillis.*

Ex plurimis pastillis, qui stomachum non offendant, hosce tres selegimus. Ac primus stomacho idoneus est: utitor autem eo ad omnem lienis affectum; facit & ad convulsiones, tormina, inflationes, & muliebria vitia. Myrrhæ drachmæ quatuor, aut pro nardo Indica, injicis nardi Gallicæ drachmas sex, costi totidem, opopanacis, dictamni, peucedani radicis corticis, capparidis radicis corticis, periclymeni radicis corticis, ammoniaci suffiminis, singulorum drach. quatuor: nonnulli injiciunt etiam iridis drach. duas & semissem. Ex oxymelle pastillos fingito qui obolos duos pendant, ac dato singulos cum oxymellis uncia. Noster autem pastillus, de quo alias dictum est, valde efficax est, ac mirifice omnibus lienosis affectibus, præcipue ubi tumor eximius & ingens durities infestat, utilis: dabis hunc quoque pueris, præsertim si mellis multum admisceatur. Tertius jam pastillus subjungetur, quo melior inveniri nequit: nos eum frequenti usu probavimus. Capparidis radicis corticis, myricæ foliorum, aspleni; herbæ, squammæ ferri vel chalybis, feminis pelecini, singulorum drachmæ sex: myrobalani drachmæ decem, ammoniaci suffiminis drachmæ octo, stœchados drachmæ decem, absinthii Pontici drachmæ tres, scolopendrii totidem. Fingito pastillos qui drachmam singuli pendant, ac dato unum ex oxymelle.

*Epithema.*

Epithema à me confectum hic tibi subjicio, ad diuturnos & frigidiores lienis affectus optimum. Myrobalani, œnanthes, ammoniaci suffiminis, bdellii Scythici, capparidis radicis corticis, floris salis, singulorum drachmæ quadraginta octo : opopanacis pinguis drachmæ octo, styracis, mannæ thuris, singulorum drachma: visci quercini drachmæ duodecim: ceræ drachmæ viginti quatuor. Ammoniacum cum salis flore dissolvito: capparidem vero, myrobalanum, ac mannam cum aceto tundito: reliqua autem juxta ignem emollito, & in pila tundito; trita eis adjicito, unito, & utilis. Hoc medicamentum bene facit lienosis; nam duritias & tumores ejus maturat, consumit, dissipat, & scirrhum digerit. Quin & ipsi myrobalani foli in pila contriti impositique juvant optime. Item chamædrys & verbenaca, cum axungia veteri impositæ, opitulantur.

*De tussi lienosorum.*

Si tussis ex tenui & acri defluxione facta lienosis superveniat, medicamento διὰ κωδείων, aut pastillo trigono prohiberi debet. Adhæc epithemata lieni applicanda sunt, quæ extenuare possunt, Quod si his uti causa quædam impediat, sincipiti fomentum ex pastillo quodam, aceto & oleo rosaceo ad mellis spissitudinem temperato, inducendum est. Optime huc conferet pastillus crocædes ex aceto & oleo rosaceo dilutus, sincipitique impositus. Nam tenuem fluxionem ardentem acremque refrigerando contemperat, & tussim finit, somnumque conciliat.



---

# INDEX CAPITUM

UNA CUM TITULIS APPENDICUM

IPSIS ADNEXARUM

IN HOC VOLUMINE ALEX. TRALLIANI

DE ARTE MEDICA,

CONTENTORUM.

---

## CAPITA LIBRI PRIMI.

|  |       |        |
|--|-------|--------|
| CAPUT. I. <i>De alopecia.</i>                      | I     | pag. 1 |
| <i>Notæ</i>  | .     | ibid.  |
| <i>Curatio.</i>                                    | .     | 2      |
| <i>De simplicibus medicamentis.</i>                | ibid. | 3      |
| <i>De medicamentis compositis.</i>                 | .     | 3      |
| CAP. II. <i>De capillis fluentibus.</i>            | .     | 4      |
| <i>De balneo ad idem.</i>                          | .     | ibid.  |
| <i>Medicamentum ex ladano.</i>                     | .     | 6      |
| <i>Alia.</i>                                       | .     | ibid.  |
| CAP. III. <i>Quomodo capilli nigrescant.</i>       | .     | 7      |
| <i>Ut capilli rufi tingantur &amp; flavescant.</i> | ibid. |        |
| <i>Aliud.</i>                                      | .     | ibid.  |
| <i>Ut capilli flavi fiant.</i>                     | .     | 8      |
| <i>Ut nigri flavescant.</i>                        | .     | ibid.  |
| <i>Tinctura qua capilli fiant colore aurei.</i>    | ibid. |        |
| <i>Quomodo capilli albi fiant.</i>                 | .     | ibid.  |
| CAP. IV. <i>De porrigine.</i>                      | .     | 9      |
| <i>Curatio.</i>                                    | .     | ibid.  |

|  |       |
|--|-------|
| <i>Ad pediculos &amp; lendes.</i>  | 10    |
| CAP V. <i>Ad psydracia &amp; exanthemata, quæ in capite gignuntur.</i>                                 | 10    |
| CAP VI. <i>Ad vitia capitis scabiosa &amp; saniosa.</i>  | ibid. |
| CAP. VII. <i>Ad ulcuscula capitis densa &amp; rubra papillis similia, a quibus sanies resolvuntur.</i> | 11    |
| <i>Aliud ad capitis vitia.</i>   | ibid. |
| CAP. VIII. <i>De Achore.</i>   | ibid. |
| <i>Curatio.</i>  | 12    |
| CAP. IX. <i>De Favo.</i>   | ibid. |
| <i>Medicamenta ad achoras dolorificos.</i>   | 14    |
| <i>Medicamentum a dachoras &amp; totius corporis eruptiones, quæ exanthemata dicuntur.</i>             | ib.   |
| <i>Aliud efficacius, ad achoras peculiare.</i>   | ibid. |
| CAP. X. <i>De dolore capitis.</i>  | 15    |
| <i>Notæ capitis doloris ex insolatu contracti.</i>   | ibid. |
| <i>Curatio doloris ex insolatu concitati.</i>  | ibid. |
| <i>De cerato ad idem vitium.</i>   | 17    |
| <i>De capitis dolore, qui ob calidam intemperiem perseverat.</i>                                       | 18    |
| <i>Pastillus ad diuturnum capitis dolorem, &amp; calidam intemperiem.</i>                              | ibid. |
| <i>De capitis dolore, qui ex calida jecoris intemperie provenit.</i>                                   | ibid. |
| <i>De capitis dolore ob frigidam intemperiem orto.</i>   | ibid. |
| <i>Curatio.</i>  | ibid. |
| <i>De dolore capitis ex vitio stomachi contracto.</i>  | 20    |
| <i>De dolore capitis, quem biliosus humor invexerit.</i>   | 21    |
| <i>Curatio, si viscosi fuerint humores stomacho insidentes.</i>  | ibid. |
| <i>De dolore capitis in febris oboriente.</i>  | 22    |



# INDEX CAPITUM. 405

|  |       |
|--|-------|
| <i>De dolore capitis ex vino.</i>  | 23    |
| <i>De dolore capitis ex ictu.</i>  | ibid. |
| CAP. XI. <i>De Cephalea.</i>   | 25    |
| <i>Notæ ipsius.</i>  | 25    |
| <i>Notæ cephalæ, quæ propter cerebri inflammationem nascitur.</i>                                    | ibid. |
| <i>Notæ cephalæ ex spiritu.</i>  | ibid. |
| <i>De dolore ex acrimonia proveniente.</i>   | 27    |
| <i>Notæ doloris ex calida intemperie creati.</i>   | ibid. |
| <i>Curatio.</i>  | ibid. |
| <i>Curatio, si dolor a bile procreatus fuerit.</i>   | 28    |
| <i>Errhinum; caput purgans, ad lippitudinem &amp; morbum comitiale efficax.</i>                      | 29    |
| <i>Errhinum ex cyclamine.</i>  | 30    |
| <i>Errhinum ad diuturnos capitis dolores.</i>  | ibid. |
| <i>De cerato.</i>  | ibid. |
| <i>Smegma ad capitis dolorem.</i>  | 31    |
| <i>In quibus qualitas doloris causa est.</i>   | ibid. |
| CAP. XII. <i>De Hemicrania.</i>  | 31    |
| <i>De Hemicrania ex consensu.</i>  | 33    |
| <i>Si dolor ex frigida stomachi causa dimidiam calvaria partem exerceat.</i>                         | ibid. |
| <i>Catapotia quæ Græce vocantur κέκκευ δικά κολοκυνθίδος, hoc est grana ex colocynthide.</i>         | 34    |
| <i>De Hemicrania, quæ ob biliosum in altera capitis parte contractum humorem, nascitur.</i>          | ibid. |
| <i>Epithemata.</i>   | 35    |
| <i>Unctiones adversus dolores, ortos ex crassis viscosisque humoribus in dimidia calvarie parte.</i> | ibid. |
| <i>In quibus dolor ob bilem contrahitur.</i>   | 36    |
| CAP. XIII <i>De phrenitide.</i>  | 37    |
| <i>Quæ sit causa phrenitidis.</i>  | ibid. |
| <i>Notæ futuræ phrenitidis.</i>  | 38    |

|  |              |
|--|--------------|
| <i>Quomodo delirantes a phreniticis discernere oporteat.</i>                                     | 39           |
| <i>Signa Phrenitidis falsa.</i>  | <i>ibid.</i> |
| <i>De inveteratis jam phreniticis.</i>   | 40           |
| <i>Curatio phreniticorum.</i>  | 41           |
| <i>De habitatione.</i>   | 42           |
| <i>De victu.</i>   | 44           |
| <i>De oleribus.</i>  | 45           |
| <i>De pomaceis fructibus &amp; potu.</i>   | 46           |
| <i>De balneo.</i>  | <i>ibid.</i> |
| <i>De vino.</i>  | 47           |
| CAP. XIV. <i>De lethargo.</i>  | 48           |
| <i>Notæ lethargi.</i>  | <i>ibid.</i> |
| <i>Curatio.</i>  | 49           |
| CAP. XV. <i>De morbo comitiali.</i>  | 52           |
| <i>Signa morbi comitialis ex stomacho orientis.</i>  | 53           |
| <i>Signa comitialis morbi ex alia parte contracti.</i>   | <i>ibid.</i> |
| <i>Signa morbi comitialis, ex primario capitis affectu excitati.</i>                             | 54           |
| <i>Notatio lactis.</i>   | 55           |
| <i>Auxilia medicamentorum ad comitiales.</i>   | 58           |
| <i>De medicamentis purgantibus.</i>  | 59           |
| <i>Curatio eorum, qui ex stomachi affectu morbo comitiali corripiuntur.</i>                      | 60           |
| <i>Curatio eorum, qui ex alia parte comitiale morbum experiuntur.</i>                            | 61           |
| <i>Medicamentum purgans, ex veratro albo.</i>  | 63           |
| <i>Quæ naturaliter ad comitiales valent. (i. e. amuleta).</i>                                    |              |
| <i>Indicia quibus comitiales agnoscantur.</i>  | 95           |
| <i>Ex APOLLONII commentariis facile paratu medicamentum, si quidem comitialis est curabilis.</i> | <i>ibid.</i> |
| <i>Curatio ex secundo THEODORI</i>   | <i>ibid.</i> |



Ex quinquagesimo octavo THEODORI  
MOSCHIONIS ad comitiales. 67

Aliud ex Gallia acceptum. . . . . 68

Aliud a MARSINO THRACE acce-  
ptum. . . . . ? *ibid.*

Aliud ex iis quæ STRATONIS libris  
adjecta sunt; dicit autem ORPHEUM  
auctorem esse. . . . . *ibid.*

Aliud, quod in Hispania auctor didicit. *ibid.*

Quæ alligantur (amuleta), & natura-  
liter comitialibus obsistunt, ex comment.

ARCHIGENIS. . . . . 69

Aliud ad idem, quod in libro STRA-  
TONIS scriptum est; dicitur autem  
MOSCHIONIS. . . . . *ibid.*

CAP. XVI. De paralyfi. . . . . 73

Note. . . . . 74

Causa paralyseos. . . . . *ibid.*

Curatio. . . . . 75

Catapotia διὰ κολοκυνθίδος. . . . . 76

Hiera piera tuta, hoc est, quæ sine peri-  
culo sumi potest. . . . . 77

Si paralyfis ex sola fiat qualitate. . . . . 78

De oculorum paralyfi. . . . . 80

De labri aut genæ paralyfi. . . . . 81

Scriptura Lysiponii. . . . . 82

CAP. XVII. De melancholia. . . . . 83

Signa melancholice ex sanguinis copia na-  
scentis. . . . . 84

Curatio. . . . . 85

Signa melancholice ex impacto infarctoque  
sanguine ortæ. . . . . 89

Indicia melancholice, quam sanguis acrior  
biliosiorque excitavit. . . . . *ibid.*

Curatio melancholice, quæ a bilioso & acrio-  
re sanguine nascitur. . . . . 87

|  |    |
|--|----|
| <i>De balneo.</i>  | 89 |
| <i>De melancholia, quæ a sanguine melancholico nascitur.</i> | 90 |
| <i>De melancholiis jam inveteratis.</i>                      | 92 |
| <i>Quomodo lapis Armeniacus exhibeatur.</i>                  | 93 |
| <i>Descriptio catapotiorum ex lapide Armeniaco.</i>          | 94 |

## CAPITA LIBRI SECUNDI.

|  |       |
|--|-------|
| <b>CAP. I. De curatione oculorum.</b>  | 98    |
| <i>Quomodo sanguineus humor inflammationem excitasse noscatur.</i>   | 99    |
| <i>Curatio.</i>  | 100   |
| <i>De remediis quæ extrinsecus imponuntur.</i>   | ibid. |
| <i>Ad vehementes dolores &amp; maximas epiphoras.</i>  | ibid. |
| <i>De collyriis</i>  | 101   |
| <i>Collyrium mitigatorium Tripherum, ad eos qui collyriorum rosionem ferre nequeunt, presertim ad affectus recentes.</i> | ibid. |
| <i>Aliud &amp; ipsum longe lenissimum.</i>   | ibid. |
| <i>Aliud egregium quod brevi paratur.</i>  | 102   |
| <i>Aliud collyrium, quod spongarium dicitur, ad maximos oculorum cruciatus (celeriter enim mitigat).</i>                 | ibid. |
| <i>De collyriis reprimentibus, quæ etiam monohemera dicuntur.</i>  | ibid. |
| <i>Collyrium reprimens mediocriter, monohemerum.</i>   | 103   |
| <i>Aliud ad eadem præstantissimum, &amp; usu probatum.</i>   | ibid. |
| <i>Aliud Musarium dictum, ex domo Hieratiea.</i>   | 104   |



*Aliud Polydeuci cognomento quod auctor  
sepe est expertus. . . . .* *ibid.*

*Aliud collyrium quod Medicum vocatur,  
admodum strenue repellens, statim per  
initia inunctum. . . . .* *ibid.*

*Aliud ficcum collyrium, quod δὲ ξέρως di-  
citur, ad incipientes lippitudines. . . . .* 105

*De collyriis quæ alio modo monohemera  
appellantur. . . . .* *ibid.*

*Primarium monohemerum quod a vino  
δὲ οἷῳ vocatur. . . . .* *ibid.*

*Aliud gilvum, quo utebatur auctor, Cory-  
cium dictum. . . . .* 106

*Aliud ad eadem efficax, cognomento Theo-  
philion. . . . .* *ibid.*

*Aliud quod xerocollyrium vocatur, repri-  
mens. . . . .* *ibid.*

*Aliud collyriem reprimens, admodum ge-  
nerosum monohemerum. . . . .* *ibid.*

*Collyrium quod magnus Hermolaus di-  
citur. . . . .* *ibid.*

*Aliud collyrium Hermolaus, quod ab oleo  
δὲ ἑλαιῳ dicitur. . . . .* 107

*Collyrium Nicarium cognomento. . . . .* *ibid.*

*Aliud quod pilarium vocatur. . . . .* *ibid.*

CAP. II. Si dolor ex bilioso & acri humore  
nascitur. . . . . 108

*Collyrium ad acres fluxiones efficax. . . . .* 109

CAP. III. Si obstructio sola oculos exerceat. 110

CAP. IV. De densitate. . . . . 111

CAP. V. De exulceratione & inflammatione. 112

*Collyrium Cygnus. . . . .* *ibid.*

*Collyrium Libianum. . . . .* 113

*Collyrium δὲ λεβάνῃ, ad chemosin efficax. . . . .* *ibid.*

*Collyrium Uranium. . . . .* 114

- Quæ cicatrices exterunt.* . . . . . *ibid.*  
*Collyrium diathece, ad ulcera mirabile.* . . . . . 115  
*Collyrium Chionion.* . . . . . *ibid.*  
*Collyrium nardinum ZOILI.* . . . . . 116  
*Collyrium hydares, h. e. aquosum egre-*  
*gium.* . . . . . *ibid.*  
*Collyrium Heraclium.* . . . . . 117  
*Dacneron, h. e. mordicans collyrium, ad*  
*visum acuendum.* . . . . . *ibid.*  
*Hygrocollyrium ad hebetudinem oculorum*  
*et alia multa efficax.* . . . . . *ibid.*  
*Aliud, ut possis etiam solent citra noxam*  
*intueri.* . . . . . 118  
*Pulvis Severius cognomento, ad visus acu-*  
*men.* . . . . . *ibid.*  
*Pulvis cui nomen est a lumine φῶς, ad he-*  
*betudinem oculorum et dolores fluxio-*  
*nesque denticem efficax.* . . . . . *ibid.*  
*Aliud admodum idoneum ad scabiosos ocu-*  
*lorum affectus, pruritus, hebetudines,*  
*palpebras asperas, fluxiones antiquas,*  
*oculorum cicatrices, et pterygia; quo*  
*utebatur auctor.* . . . . . 119  
*Aliud ad hebetudines et incipientes ocu-*  
*lorum suffusiones.* . . . . . *ibid.*  
 CAP. VI. De NYCTALOPÆ aliisve malis. 120  
*Aliud ad trachoma.* . . . . . *ibid.*  
*Pulvis ad incipientes suffusiones.* . . . . . 121  
*Ad abigendas albugines valde generosum.* . . . . . *ibid.*  
*Collyrium quod magnum Theodotium vo-*  
*catur, valens ad magnos dolores et in-*  
*veteratos affectus.* . . . . . *ibid.*  
*Collyrium hecatombe; valet ad cicatrices*  
*crassas et incipientes suffusiones, latas*  
*pupillas, (quas platycorias vocant);*  
*item caligines, pterygia et tenuis la-*



|  |       |
|--|-------|
| <i>crymæ cursum extenuat, detergit, purgat &amp; repellit.</i>   | 122   |
| <i>Xerocollyrium faciens ad sycosin, putredines &amp; carnis excrescentias.</i>  | ibid. |
| <i>Hydrocollyrium efficax ad oculos purulentos: mirifice valens etiam ad sordida ulcera, &amp; myocephala.</i>   | ibid. |
| <i>De mulsa.</i>   | ibid. |
| <i>Ad staphylomata excellentissimum.</i>   | 124   |
| <i>Collyrium MAXIMIANI.</i>  | ibid. |
| CAP. VII. <i>De carbunculis, qui in oculis excitantur.</i>   | 125   |
| <i>Collyrium diarrhodon, magnum cognomento.</i>  | 128   |
| <i>Collyrium quod ab ovis, οὐ μῶν Græcis dicitur, ad carbunculos, ulcera, procidentias, oculos purulentos &amp; fluxiones.</i>   | 129   |
| <i>Collyrium diarrhodon aliud, oculis purulentis, staphylomatis, myocephalis, &amp; lippitudinibus in sphacelum degenerantibus utile; in staphylomatis quidem ex lacte, in aliis autem ex ovo.</i> | ibid. |
| <i>Ad pterygia &amp; sycofes.</i>  | ibid. |
| <i>Aliud, ad palpebrarum scabrities.</i>   | 130   |
| CAP. VIII. <i>Ad rhyadas.</i>  | ibid. |
| <i>Aliud bene faciens ad ægilopas.</i>   | ibid. |
| <i>Aliud ad ægilopas.</i>  | 131   |
| <i>Aliud ad incipientes ægilopas.</i>  | ibid. |
| <i>Aliud usu probatum.</i>   | 132   |

### CAPITA LIBRI III.

|  |       |
|--|-------|
| CAP. I. <i>De aurium affectibus.</i>     | 133   |
| <i>Si dolor ex obstructione eveniat.</i> | ibid. |

|   |          |
|---|----------|
| <i>Internotio utrum ex spiritu, an a viscosis humoribus vel inflammatione aurium dolor excitetur.</i>   | pag. 134 |
| <i>Curatio doloris ex humorum obstructione &amp; spiritu contracti.</i>   | 135      |
| <i>Ad obstructiones sine dolore incidentes.</i>   | 136      |
| <i>Ad gravem auditum &amp; dolorem, compositum medicamentum.</i>  | ib.      |
| <i>Aliud multis utile &amp; probatum medicamentum, praesertim in ulceribus vetustis &amp; depascentibus, item in iis qui ex flatuoso spiritu &amp; viscosis humoribus admodum graviter audiunt, ut etiam in surditatem prolapsuri sint.</i> | 137      |
| <i>De dolore ex frigida causa nascente.</i>   | ib.      |
| <i>De dolore ex calida intemperie.</i>  | ib.      |
| <b>C A P. II.</b> <i>De inflammatione qua meatum auditorium intus obsederit.</i>  | 138      |
| <i>Curatio inflammationis.</i>  | 139      |
| <i>Fomentum ad aurium dolorem, quod per spongas &amp; aquam calidam adplicatur.</i>   | 141      |
| <i>De cataplasmatibus.</i>  | 142      |
| <i>Auriculare anodynum valde bonum, si frequenter infundatur, ubi &amp; inflammatio &amp; distentio urget, &amp; vehementer admodum dolores infestant,</i>  | ib.      |
| <i>Aliud ad inflammationes non admodum ferventes.</i>   | ib.      |
| <i>Aliud ad dolores, qui ex inflammatione proveniunt, atque in hoc fere sunt, ut in pus mutantur.</i>   | 143      |
| <i>Aliud ad inflammationes ex ictu &amp; fluxione ortas.</i>  | ib.      |
| <i>Ad aurium ulcera.</i>  | 144      |
| <i>Aliud ad diuturna aurium ulcera.</i>   | ib.      |
| <i>Aliud ad eos qui multum puris habent.</i>  | ib.      |



# INDEX CAPITUM. 413

*Ad ulcera valde sordida depascentia.* pag. 144

*Aliud ad eadem admodum efficax.* . . . . . ib.

*Aliud compositum.* . . . . . 145

*Ad sordida ulcera in quibus pus effluit,*  
*Et caro excrescit.* . . . . . ib.

*Aliud ad eadem valde commodum.* . . . . . ib.

*Ad valde vetusta ulcera.* . . . . . 146

*Ad aures diruptas contusasque ex ictu.* . . . . . ib.

**CAP. III.** *De sonitu aurium.* . . . . . ib.

*Ad aurium sonitus, qui ex morbo prove-*  
*nire consueverunt.* . . . . . 147

*De iis, quorum aures sordibus repletae sunt.* 148

*Si aqua in aurem inciderit.* . . . . . ib.

*Si lapilli, aut alia quedam, in aurem in-*  
*ciderint.* . . . . . ib.

*Adversus aurium vermes.* . . . . . 149

**CAP. IV.** *De aurium doloribus ex defluxione,*  
*quae catarrhus appellatur.* . . . . . 150

**CAP. V.** *Si sanguis ex auribus profluat.* . . . . . ib.

*Medicamentum quod sanguinis profluvium*  
*reprimit.* . . . . . 151

*Aliud ad idem.* . . . . . ib.

*Aliud, ne sanguis in auribus coeat in gru-*  
*mos.* . . . . . ib.

**CAP. VI.** *De Surditate.* . . . . . ib.

*Halatium, h. e. medicamentum ex sale.* 152

*De apophlegmatismis.* . . . . . 153

*De iis, quae sternutamenta movent.* . . . . . ib.

*Ad gravem auditum Et surditatem.* . . . . . ib.

**CAP. VII.** *De parotidibus.* . . . . . 154

*Curatio parotidum, quae a copia sangui-*  
*nis constituuntur.* . . . . . 155

*De cataplasmatibus.* . . . . . 156

*Curatio eorum in quibus tumor est scirrho-*  
*sus.* . . . . . 157

|   |           |
|---|-----------|
| <i>Emplastrum Ariobarzanium, ad scirrhos affectus efficax.</i>                                  | pag. 157. |
| <i>Medicamentum dialstruthium, ad eadem.</i>  | 158       |
| <i>Quomodo tumor in pus converti notetur.</i>   |           |
| <i>Aliud medicamentum ex farina polline, quod διὰ ῥόγας dicitur.</i>                            | 160       |
| <i>Medicamentum διὰ σήκας.</i>  | 161       |
| <i>De parotidibus quæ ex biliosa fluxione nascuntur.</i>  | 162       |
| <i>Aliud præstantissimum ad idem.</i>   | ib.       |
| <i>De cataplasmatibus.</i>  | 163       |
| <i>Ad parotides œdematodes.</i>   | 164       |
| <i>De victu.</i>  | ib.       |
| <b>CAP. VIII. De narium affectibus.</b>   | 165       |
| <i>Ad sanguinis profluvium ex naribus.</i>  | 168       |
| <b>CAP. IX. Ad livores faciei.</b>  | 169       |
| <b>CAP. X. De dentium affectibus. Ex GALE-</b>  |           |
| <b>NO.</b>  | 170       |
| <i>De gingivarum dolentium curatione.</i>   | 171       |
| <i>De dentium doloris curatione.</i>  | 172       |
| <i>Aliud, quamprimum dolorem dentium finiens.</i>   | ib.       |
| <i>Aliud anodynum ad dentes dolore infestatos, erososque, est etiam tussi efficax remedium.</i> | ib.       |
| <i>Alia ad dentes molares compositio, eadem hora dolores finiens.</i>                           | 173       |
| <i>Aliud idoneum.</i>   | ib.       |
| <i>Alia Mylice, qua utebatur AUCTOR.</i>  | ib.       |
| <i>Pastillus ad dentium dolores.</i>  | ib.       |
| <i>Aliud ad dentes mobiles.</i>   | 174       |
| <i>Aliud ad laxos dentes, nigrosque, &amp; gingivas fluxione tentatas.</i>                      | ib.       |
| <i>Aliud ad dentes mobiles, &amp; gingivas erosas; digito loca adtingendo.</i>                  | ib.       |
| <i>Aliud ad dentium erosiones.</i>  | ib.       |



# INDEX CAPITUM. 415

|  |          |
|--|----------|
| <i>Aliud ut dentem digitis apprehensum tol-</i><br><i>las, antea probe purgatum.</i> | pag. 174 |
| <i>Dentifricia GALENI.</i>   | 175      |
| <i>Ad mobiles dentes.</i>  | 176      |

---

## CAPITA LIBRI IV.

|   |     |
|---|-----|
| <b>CAP. I. De angina.</b>   | 177 |
| <i>De medicamento quod a moris, διὰ μέρων</i><br><i>Græcis dicitur.</i>   | 179 |
| <i>Compositio medicamenti ex moris, quod</i><br><i>διὰ μέρων Græce dicitur.</i>   | 180 |
| <i>Aliter diviniſſimus GALENUS medica-</i><br><i>mentum ex moris paravit.</i>   | ib. |
| <i>Compositio medicamenti ex nucibus, quod</i><br><i>διὰ καρυῶν dicitur.</i>  | 181 |
| <i>Antidotum Diabesasa, quod ad malignas</i><br><i>desperatasque inflammationes inungitur.</i>                          | 182 |
| <i>Ad Anginas.</i>  | 185 |
| <i>Aliud gargarisma, angina pressis saluta-</i><br><i>re, quo AUCTOR &amp; STEPHANUS</i><br><i>pater ejus usi sunt.</i> | 186 |
| <i>Aliud ad eosdem affectus.</i>  | ib. |
| <i>Aliud gargarisma.</i>  | ib. |
| <i>Aliud ad anginas ulceris expertes &amp; inve-</i><br><i>teratas.</i>   | 187 |
| <i>De sanguinis missione.</i>   | ib. |
| <i>De cucurbitula.</i>  | 188 |
| <i>De iis, quæ extrinsecus imponuntur.</i>  | 189 |
| <i>De cataplasmatibus.</i>  | ib. |
| <i>De fomento.</i>  | ib. |
| <i>De victu.</i>  | ib. |

## CAPITA LIBRI V.

|   |          |
|---|----------|
| CAP. I. De tussi.   | pag. 191 |
| Signa tussis ex calida intemperie excitata.   | 192      |
| De tussi ex frigida intemperie procreata.   | ib.      |
| De tussi ex sicca aut humida intemperie orta.   | 193      |
| Nota quod ex capite materia influit.  | ib.      |
| CAP. II. Indicia peripneumoniæ.   | 194      |
| CAP. III. De tuberculo quod Phyma dicitur, in pulmone contracto.                                | 195      |
| CAP. IV. Indicia quum viscosi humores in pulmone continentur.                                   | ib.      |
| Bechica quibus utendum sit.   | 197      |
| Aliud bechicum, in quibus acris influxus est & thorax mediocrem repurgationem postulat.         | 198      |
| Aliud ad tenuem admodum & acrem influxionem.  | ib.      |
| Aliud, quod in mixto affectu valet, vocatur autem Hygia.  | 199      |
| Aliud bechicum.   | ib.      |
| Aliud ad plura efficax.   | ib.      |
| Aliud bechicum, quod mysterium dicitur.   | 200      |
| Ad tusses, in quibus multus acrisque influxus est: præstat etiam, ne in bilem ille convertatur. | ib.      |
| Diacodeion, ut divinißimus GALENUS ipsum paravit.   | 201      |
| De tussi & medicamento diacodeion.  | 203      |
| Quo victu nutriri debeant, qui ex tenui & acri fluxione tussunt.                                | 204      |
| Quæ medicamenta conveniant iis, qui a crassioribus humoribus tussi laborant.                    | 206      |
| Simplicium  |          |



|   |          |
|---|----------|
| <i>Simplicium medicamentorum expositio.</i>   | pag. 206 |
| <i>Composita medicamenta ad tussim extenuantia.</i>   | 207      |
| <i>Aliud.</i>   | 208      |
| <i>Antidotum διὰ πνεύματος; tussientibus, phthisicis, purulentis, cibum fastidientibus efficax. In omnibus cum fiducia utitur; est enim multo usu probatum.</i> | ib.      |
| <i>Bechicum, quod ab ervis, δι' ὀφθαλμῶν Græcis dicitur.</i>  | 209      |
| <i>Aliud ejusdem facultatis.</i>  | ib.      |
| <i>Aliud quod vehementer calefacit, ex commentariis Magni.</i>  | ib.      |
| <i>Aliud &amp; ipsum similiter insigne.</i>   | 210      |
| <i>Suffitus ad tussim, quod ex stercore leporis paratur.</i>  | ib.      |
| <i>Aliud bechicum utile, ad impertiendum facile, &amp; ad cruenta sputa, spirandi-que difficultatem efficax.</i>  | ib.      |
| <i>Aliud suffimen.</i>  | ib.      |
| <i>Aliud ejusdem facultatis.</i>  | 211      |
| <i>Pastillus fumo excitando idoneus, quo utebatur AUCTOR ad veteres frigidosque affectus.</i>   | ib.      |
| <i>Bechicum antidotum, ad frigidos affectus saluberrimum.</i>   | ib.      |
| <i>Bechicum valde bonum.</i>  | ib.      |
| <i>Aliud benefaciens, præsertim ad tusses vetustas.</i>   | 212      |
| <i>Aliud tussientibus &amp; egre spirantibus idoneum.</i>   | ib.      |
| <i>Aliud valde egregium.</i>  | ib.      |
| <i>Pilulæ bechicæ.</i>  | ib.      |
| <i>Ad tussim veterem &amp; phthisin.</i>  | 213      |
| <i>Emplastrum ad tussim efficax.</i>  | ib.      |

|  |          |
|--|----------|
| <i>Aliud valde bonum ; confert etiam egre spirantibus.</i> | pag. 213 |
| <i>Catapotia ad tussim.</i>                                | 214      |

---

## CAPITA LIBRI VI.

|  |     |
|--|-----|
| CAP. I. <i>De pleuritide.</i>                        | 215 |
| <i>Quomodo pleuritici ab hepaticis discernantur.</i> | 216 |
| <i>Curatio pleuriticorum.</i>                        | 217 |
| <i>De victu.</i>                                     | 219 |
| <i>De dolore &amp; medicamentis.</i>                 | 222 |
| <i>De decocto.</i>                                   | 223 |
| <i>De purgatione.</i>                                | 224 |

---

## CAPITA LIBRI VII.

|  |     |
|--|-----|
| CAP. I. <i>De Hæmoptoe.</i>  | 225 |
| <i>Quomodo sanguinis rejectionem ex vasorum ruptura fieri deprehendamus.</i> | 226 |
| <i>Signa rejectionis sanguinis quæ exeso vase accidit.</i>                   | ib. |
| <i>Si sanguis ore vasis patefacto erumpit.</i>                               | ib. |
| <i>Quomodo locus affectus adgnoscat.</i>                                     | 227 |
| <i>Signa quum ex thorace effertur.</i>                                       | ib. |
| <i>Signa quum ex faucibus erumpit.</i>                                       | ib. |
| <i>Curatio rejectionis sanguinis quæ propter rupturam accidit.</i>           | 228 |
| <i>De cibo.</i>  | ib. |
| <i>De potu.</i>  | 230 |
| <i>De medicamentis.</i>  | ib. |
| <i>De iis, quæ extrinsecus admoventur.</i>                                   | 232 |
| <i>De medicamentis.</i>  | ib. |



|   |          |
|---|----------|
| <i>De compositis medicamentis, quæ ad sanguinis ex ruptura profluvium, per os sumuntur.</i> | pag. 232 |
| <i>Aliud.</i>   | 233      |
| <i>Alius pastillus ad sanguinis rejectionem.</i>  | ib.      |
| <i>Aliud valde bonum.</i>   | 234      |
| <i>Quum sanguis exeso vase rejicitur.</i>   | ib.      |
| <i>De cibo.</i>   | ib.      |
| <i>Quid agendum sit in iis, qui sanguinem ob acris humoris distillationem, exspuunt.</i>    | 235      |

|  |     |
|--|-----|
| <b>CAP. II.</b> <i>De purulentis, quos Græci <span style="font-family: serif;">ἐμπυρκαίνες</span> vocant.</i>  | 241 |
| <i>Signa quum inflammatio in pus convertitur.</i>  | ib. |
| <i>De victu.</i>   | 242 |
| <i>Viribus infirmis, quid agendum sit.</i>   | 243 |
| <i>Quale lac &amp; quando offerendum sit.</i>  | 244 |
| <i>De pane.</i>  | 245 |
| <i>De oleribus.</i>  | ib. |
| <i>De avibus.</i>  | 246 |
| <i>De piscibus.</i>  | 247 |
| <i>De testacea cute præditis.</i>  | ib. |
| <i>De leguminibus.</i>   | 248 |
| <i>De fructibus pomaceis.</i>  | ib. |
| <i>De bellariis.</i>   | ib. |
| <i>Ad purulentos.</i>  | 249 |
| <i>Ad ea, quæ in thorace hærent, &amp; omnia recrementa.</i>   | ib. |
| <i>Ad purulentos, phthisicos, &amp; eos, qui ex pulmone aut thorace, aut membrana septi transversa, sæculenta &amp; sordida exspuunt. Item ad eos, qui jam phthisin sentiunt, optimum præsidium.</i> | 250 |
| <i>Antidotum valde efficax ad stomachi fluxionem &amp; eos, qui difficulter glutinosa ex-</i>  |     |

|   |            |
|---|------------|
| <i>Screant , tussi laborantes &amp; peripneumonicos : opitulatur celeriter , etiam sine noxa.</i>                   | <i>ib.</i> |
| <i>Antidotum διὰ πρᾶσις , hoc est , ex marrubio , optime humores thoraci infixos , omniaque ut prius expurgans.</i> | 251        |
| <b>CAP. III. De affectibus oris ventriculi.</b>   | <i>ib.</i> |
| <i>De frigida intemperie.</i>   | 252        |
| <i>Curatio canini appetitus ex frigida intemperie provenientis.</i>   | 253        |
| <i>Curatio canini appetitus , ex caliditate nascentis.</i>  | <i>ib.</i> |
| <i>Curatio canini appetitus ex retentricis facultatis imbecillitate.</i>  | 254        |
| <i>Curatio retentricis facultatis ex frigiditate infirma.</i>   | <i>ib.</i> |
| <i>Curatio retentricis facultatis ob calorem imbecille.</i>   | 255        |
| <b>CAP. IV. De grandi fame , quæ βέλμος Græce dicitur.</b>  | 256        |
| <b>CAP. V. De anorexia , i. e. cibi fastidio.</b>   | 257        |
| <i>Quomodo vomitus sollicitari debeat , quibus humor tenuis &amp; biliosus in stomacho continetur.</i>              | 258        |
| <i>Medicamenti purgantis διὰ μήλων , h. e. ex malis cotoneis , confectio.</i>                                       | 259        |
| <i>Aliud purgans ex malis cotoneis comprobatum.</i>   | <i>ib.</i> |
| <i>Medicamenti purgantis diarhodomelitis , descriptio.</i>  | <i>ib.</i> |
| <i>Si ubi fastidium ex viscosis humoribus nascatur.</i>   | <i>ib.</i> |
| <i>Stomachicum quod dicitur Bajum.</i>  | 261        |
| <i>Euodes.</i>  | <i>ib.</i> |
| <i>De cibi fastidio ex calida intemperie.</i>   | <i>ib.</i> |



*De iis qui ob immoderatam frigiditatem ,  
cibos fastidiunt. . . . . pag. 262*

CAP. VI. *De siti. . . . . 263*

*Ad eum, qui stomachum aestuantem habet  
& vehementer sitit. . . . . 264*

*Catapotia ad sitim arcendam. . . . . ib.*

*Aliud ad febricitantes, quibus parum bi-  
bere conducit; item ad insolatus & pro-  
fectiones, ubi sitis urget. . . . . 265*

*De iis, quæ ad ardorem stomachi extrin-  
secus imponuntur. . . . . ib.*

CAP. VII. *De iis, qui atram bilem colligunt,  
& inflatione stomachi laborant. . . . . 266*

*Medicamentum διασπορῶν, h. e. ex fru-  
ctibus pomaceis confectum, ad subver-  
sionem stomachi, celiacos & dysenteri-  
cos efficax. . . . . ib.*

*Epithema ad stomachum fluxione tentatum,  
febri aestuantibus & colicis, qui sto-  
macho, consortii lege, laborant & ci-  
bum rejiciunt, idoneum. . . . . 267*

*Aliud ad eos, qui stomachum habent imbe-  
cillem, quique cibum retinere nequeunt. . . . . ib.*

*Aliud epithema similiter stomachum cor-  
roborans. . . . . ib.*

*Aliud ad stomachum fluxione laborantem  
& ventrem. . . . . 268*

*De antidotis ad eos, qui ob frigidam in-  
temperiem, cibum non concoquunt. . . . . ib.*

*Aliud ad eosdem affectus, Diamelon. . . . . 269*

*Aliud Diamelon. . . . . ib.*

*Ad stomachum cibum vomitu rejicientem. 270*

CAP. VIII. *Ad inflationem stomachi & inte-  
stinorum: item ad eos qui cibum non  
concoquunt, jecorarios, tussi vexatos,  
præsertim, quos frigida causa infestat. . . . . ib.*

|  |          |
|--|----------|
| <i>Aliud ad inflationem, dolorem omnemque stomachi, cruciatum efficax.</i>   | pag. 270 |
| <i>Aliud antidotum optimum.</i>  | 271      |
| <i>Aliud ad idem.</i>  | ib.      |
| <i>Stomachicum, quod etiam ad colon proficit.</i>  | ib.      |
| <i>Aliud ad alia quoque vitia salutare.</i>  | ib.      |
| <i>Antidotum stomachicum, quod hiera picra dicitur.</i>  | 272      |
| <i>Aliud stomachicum, etiam ad inflammationem utile.</i>   | ib.      |
| CAP. IX. <i>De affectu cardiaco.</i>   | ib.      |
| CAP. X. <i>De cardialgia.</i>  | 273      |
| CAP. XI. <i>De nausea &amp; vomitu.</i>  | 274      |
| <i>Quomodo internoscatur humor qui evomitur, utrum in ventriculo gignatur, an aliunde influat.</i>   | 276      |
| <i>Curatio quum biliosus aut melancholicus humor vomitum aut nauseam excitat.</i>  | ib.      |
| <i>Curatio pituitæ stomacho affixæ &amp; nauseam excitantis.</i>   | 278      |
| <i>Curatio serosi tenuisque humoris stomacho infixi.</i>   | 279      |
| <i>De inflammatione stomachi.</i>  | 280      |
| <i>De medicamentis, quæ extrinsecus imponuntur: epithemata Græci vocant: Galenicum.</i>  | 281      |
| <i>Aliud quod idem præstare potest.</i>  | 282      |
| <i>Copta ad stomachi duritiem.</i>   | ib.      |
| <i>Aliud malagma bonum, ad stomachi duritiem, fluxionem &amp; dolorem faciens, ut ager tribus horis eo levetur, sentiatque manifesto adjumentum.</i> | ib.      |
| <i>De iis, qui inflammationem a frigido humore experiuntur.</i>  | 283      |



*De medicamento diameliloton & hieratico.* . . . . . pag. 283

*Aliud malagma polyarchium; prodest peripneumonicis, jecorosis, lienosis, nephriticis, vesicæ & vulvæ affectibus, & omni nervorum dolori.* . . . . . 284

*Aliud.* . . . . . ib.

*Aliud epithema ad dolorem stomachi.* . . . . . ib.

*Ad omnem stomachi inflammationem, & præsertim in quibus perfrigeratio & hydropicus affectus incipit: in summa, in quibus inflantur præcordia.* . . . . . 285

*Illitus stomachi, & unguentum ad frigidam intemperiem, Marciatum.* . . . . . ib.

*Compositio Marciati generosi.* . . . . . ib.

*Unguentum myracopon.* . . . . . 286

*Ad stomachum perfrigerationem expertum intinectus, qui ἐμβάσμα Græcis dicitur.* . . . . . ib.

*De antidotis stomachicis.* . . . . . ib.

*Pastillus Amazonum.* . . . . . ib.

*De curatione.* . . . . . 290

CAP. XIII. *De singultu.* . . . . . ib.

*Oxymellis confectio.* . . . . . 291

CAP. XIV. *De Cholera.* . . . . . 294

*Curatio eorum, qui ex copia ciborum, cruditate laborarunt, incideruntque in choleram.* . . . . . 295

*Curatio cholerae ex vitiato stomacho provenientis.* . . . . . 296

*De victu.* . . . . . 297

*De unctione.* . . . . . 298

*De epiplasmatis, sive cataplasmatibus,* . . . . . ib.

*De epithematis.* . . . . . ib.

*Epithema διὰ σινάπιδος laudatissimum.* . . . . . 299

*Epithema quod ex malis constat διὰ μέλων Græce dictum.* . . . . . ib.

|  |          |
|--|----------|
| CAP. XV. De Cholera biliosa.                     | pag. 300 |
| Curatio.   | ib.      |
| De fructibus pomaceis.                           | 301      |
| De bellariis.                                    | ib.      |
| De potione.                                      | ib.      |
| De iis, quæ extrinsecus imponuntur.              | ib.      |
| CAP. XVI. De Cholera, quæ citra noxam excitatur. | 302      |

---

## CAPITA LIBRI VIII.

|   |     |
|---|-----|
| CAP. I. De inflammatione jecoris.   | 304 |
| Nota an gibbam jecoris partem inflammatio obsideat.   | 305 |
| Signa inflammationis cavam jecoris partem occupantis.   | ib. |
| Cura.   | 306 |
| CAP. II. De obstructione jecoris.   | 308 |
| De inflammationis jecoris curatione.  | 309 |
| Aliud ad inflammationes non admodum ferventes.  | ib. |
| Aliud epithema ad inflammationes ferventes, non modo muscutorum, sed etiam ipsius jecoris, multis admodum experimentis comprobatum.                           | ib. |
| APOLLOPHANIS malagma ad jecorarios.   | 310 |
| Epithema ad inflammationem jecoris.   | ib. |
| Ad inflammationes scirrhasas.   | ib. |
| Hepaticum optimum, faciens etiam lienosis, & quibus stomachus est distentus, nobilissimum medicamentum & blande emolliens, adeo ut nullum ei comparari queat. | 311 |



*Epithema odoratum quod Euodes dicitur, ad jecoris & stomachi inflammationes egregium. Copton ad duritiem & stomachi jecorisque resolutionem insigne.* ib.

*De antidotis hepaticis.* 312

*Hepaticum Athanasia dictum, ad nephriticos & arquatos valem; item sudores movens.* ib.

*Postillus hepaticus, qui etiam simul arquatis auxiliatur.* ib.

*Antidotum hepaticum ad magnas jecoris obstructions & scirrhosos affectus, usque comprobatum.* ib.

*Ad jecoris obstructionem pulvis nobilis, quem frequenter dedit AUCTOR.* 313

*Ad magnam jecoris & lienis obstructionem, adeo ut etiam insignes duritias emollierit.* ib.

*Aliud.* ib.

*Aliud comprobatum, quod a lepore dictum λέπος dicitur.* ib.

*Aliud Diabacans.* 314

*Simplicia ad jecur medicamenta.* ib.

CAP. III. *De imbecillitate jecoris & dysenteria.* 315

*Note.* ib.

*De calida intemperie.* 316

*De frigida intemperie.* 317

*De sicca intemperie.* ib.

*De humida intemperie.* ib.

*Quomodo calida jecoris intemperies curetur.* 318

CAP. IV. *De hepatica dysenteria ex frigida intemperie.* 322

*Quanam hepaticæ dysenteriae ob calidam intemperiem orta, conferant.* 323

|  |     |
|--|-----|
| <i>De fotu ad calidam jecoris intemperiem.</i>   | 324 |
| <i>Antidotum Cyphoides ad frigidas jecoris intemperies utile.</i>  | ib. |
| <i>De fotu &amp; cataplasmate.</i>   | 325 |
| <i>Epithema tonicum hepaticum &amp; inflammationes concoquens.</i>   | ib. |
| <i>Potio ad eos, quos imbecillitas cum obstructione infestat.</i>  | 326 |
| <b>CAP. V. De Celiacis, PHILOMENIS.</b>  |     |
| <i>Curatio.</i>  | ib. |
| <i>Potiones celiacis accomoda.</i>   | 328 |
| <i>Pastillus ad celiacos optimus.</i>  | ib. |
| <i>Pastillus ad celiacos, statim alvum adstringens.</i>  | 329 |
| <i>De inveterato celiaco affectu.</i>  | ib. |
| <b>CAP. VI. De Tenesimo.</b>   | ib. |
| <i>Curatio.</i>  | 330 |
| <b>CAP. VII. De Alvi profluvio, quod ρευματισμος Græcis dicitur, ex libris PHILOMENIS.</b>   |     |
| <i>De lacte.</i>   | 332 |
| <i>Clidii confectio.</i>   | 334 |
| <i>Epithema ex œnanthe, mediam inter cataplasma &amp; emplastrum naturam obtinens; ad intestinorum fluxiones, stomachi fastidia, &amp; resolutiones ardoreſque efficaciter opitulatur.</i> | 335 |
| <i>De Cibis.</i>   | ib. |
| <i>De oleribus.</i>  | 336 |
| <i>Intinctus.</i>  | ib. |
| <i>De piscibus.</i>  | ib. |
| <i>De avibus.</i>  | 337 |
| <i>De potu.</i>  | ib. |
| <i>De balneo.</i>  | 338 |
| <b>CAP. VIII. De Dysenteria ex ventris profluvio excitata, quæ rheumatica dicitur.</b>   |     |
| <i>Notæ dysenteriae rheumaticæ.</i>  | 339 |



# INDEX CAPITUM. 427

|   |      |            |
|---|------|------------|
| <i>Curatio.</i>   | pag. | 339        |
| <i>Signa dysenteriae rheumaticae, quae pro loco affecto &amp; excrementis variat: PHILOMENIS.</i> |      |            |
|   |      | 340        |
| <i>Curatio.</i>   |      | <i>ib.</i> |
| <i>De lacte.</i>  |      | 341        |
| <i>De cibo.</i>   |      | 343        |
| <i>De cibi fastidio.</i>  |      | 344        |
| <i>Legumina.</i>  |      | <i>ib.</i> |
| <i>De Ptisana.</i>  |      | 345        |
| <i>De oleribus.</i>   |      | 346        |
| <i>De piscibus.</i>   |      | <i>ib.</i> |
| <i>De carnibus.</i>   |      | <i>ib.</i> |
| <i>De fructibus pomaceis.</i>   |      | 347        |
| <i>Potiones simplices ventri retinendo idoneae.</i>   |      | 348        |
| <i>De falsa imperitorum medicorum opinione, &amp; pastillis.</i>                                  |      | <i>ib.</i> |
| <i>Pastillus ad eosdem.</i>   |      | 349        |
| <i>Pastillus δια κοραλλισ.</i>  |      | <i>ib.</i> |
| <i>Pastillus δια ηλεκτρικ.</i>  |      | 350        |
| <i>Pastillus ex coagulo, qui Diapityos dicitur.</i>   |      | <i>ib.</i> |
| <i>Pastillus δια σπέρματων.</i>   |      | <i>ib.</i> |
| <i>Pastillus crocodes.</i>  |      | 351        |
| <i>Pastillus Clidion.</i>   |      | 352        |
| <i>Pastillus ad dysentericos, sanguinem spuentes, &amp; muliebrem sanguinis fluxum.</i>           |      | 353        |
| <i>Catapotia ad dysentericos.</i>   |      | <i>ib.</i> |
| <i>Catapotia ad dysentericos &amp; omnem ventris resolutionem.</i>                                |      | <i>ib.</i> |
| <i>Potio ad dysentericos.</i>   |      | <i>ib.</i> |
| <i>Suppositorium, quod ano subjicitur ad tenesmum &amp; dysenteriam.</i>                          |      | 354        |
| <i>Aliud suppositorium ad dolores mitigandos.</i>   |      | <i>ib.</i> |

|   |          |
|---|----------|
| <i>Aliud ad tenesmum &amp; dysenteriam valde<br/>efficax.</i>   | pag. 354 |
| <i>Enemata ad dysentericos, magnosque do-<br/>lores vel inflammationes.</i>   | ib.      |
| <i>Aliud melius.</i>  | 355      |
| <i>Aliud.</i>   | ib.      |
| <i>Pastillus MARCELLI magnificus.</i>   | ib.      |
| <i>Pastillus sine opio &amp; calce, dysentericis<br/>accomodus, purgat enim, &amp; cicatri-<br/>cem inducit.</i>  | 356      |
| <b>CAP. IX. De intestinorum exulceratione,</b>  |          |
| <i>quæ proprie dysenteria Græcis dicitur.</i>   | 357      |
| <i>Notæ exulcerationis in crassis intestinis.</i>   | 358      |
| <i>Notæ superiorum intestinorum affectorum.</i>   | ib.      |
| <i>Si in mediis intestinis exulceratio existat.</i>   | ib.      |
| <i>Quid agendum sit, quum ulcus in recto<br/>intestino excitatum fuerit.</i>  | 360      |
| <i>Quibus enematis in recti intestini affectu<br/>utendum sit.</i>  | 362      |
| <i>Præstantissima suppositoria, longo usu ab<br/>AUCTORE probata.</i>   | 363      |
| <i>Aliud suppositorium, quod etiam Clidion<br/>nominatur, ad tenesmos &amp; alvi pro-<br/>fluvia efficax: nam doloris levationem<br/>adfert, quum primum apponitur, som-<br/>num suavem inducens.</i> | ib.      |
| <i>Cataplasma ad recti intestini inflammatio-<br/>nem.</i>  | 364      |
| <i>Si crassa aut media intestina exulcerata<br/>sint.</i>   | ib.      |
| <i>Medicamentum, quod in dysentericis ano<br/>subjicitur.</i>   | ib.      |
| <i>Pastillus dysentericus.</i>  | 365      |
| <i>Si dysenteria in tenuibus intestinis consti-<br/>tuatur.</i>   | 366      |



|   |          |
|---|----------|
| <i>Medicamenta composita ad dysentericos</i>  |          |
| & celiacos. . . . .   | pag. 367 |
| <i>Catapotia ad eosdem.</i> . . . .   | ib.      |
| <i>Dysentericus pastillus per os datus ad omnia interna, omnemque fluxionem valens.</i> . . . . | 368      |
| <i>De epithematis &amp; unktionibus.</i> . . . .  | ib.      |
| <i>Epithema dysentericis &amp; celiacis efficax.</i>  | 369      |
| <i>Ceratum optimum.</i> . . . .   | ib.      |
| <i>Epithema dicto observandum.</i> . . . .  | ib.      |
| <i>Epithema ad tenesmos potissimum, &amp; cruentas excretiones cum frigiditate.</i>             | 370      |
| <i>Unctio dysenterica.</i> . . . .  | ib.      |
| <b>CAP. X. De Lienis affectibus.</b> . . . .  | 372      |
| <i>Notæ frigidae intemperiei.</i> . . . .   | ib.      |
| <i>Signa calidae intemperiei.</i> . . . .   | 373      |
| <i>Curatio calidae &amp; siccae intemperiei.</i> . . . .  | ib.      |
| <i>Curatio frigidae &amp; humidae intemperiei.</i>  | ib.      |
| <i>Curatio calidae &amp; humidae intemperiei.</i>   | 374      |
| <i>De simplicis intemperiei curatione.</i> . . . .  | 375      |
| <i>Curatio humidae intemperiei.</i> . . . .   | ib.      |
| <i>Curatio siccae intemperiei.</i> . . . .  | 376      |
| <i>Curatio frigidae intemperiei.</i> . . . .  | 377      |
| <i>Curatio calidae intemperiei.</i> . . . .   | ib.      |
| <b>CAP. XI. De Lienis inflatione.</b> . . . .   | ib.      |
| <i>Curatio inflationis.</i> . . . .   | 378      |
| <b>CAP. XII. Indicia inflammationis lienis ex solo sanguine.</b> . . . .                        | ib.      |
| <i>Signa inflammationis ex humore bilioso.</i>  | 380      |
| <i>Signa inflammationis ex humore melancholico.</i> . . . .                                     | ib.      |
| <i>Signa inflammationis ex humore pituitoso.</i>  | 381      |
| <i>Curatio inflammationis.</i> . . . .  | ib.      |
| <i>De iis, quæ alvum subducunt.</i> . . . .   | 382      |
| <i>De fomentis.</i> . . . .   | 383      |

|  |            |
|--|------------|
| <i>De clystere.</i>  | 384        |
| <i>De cibo.</i>  | <i>ib.</i> |
| <i>De flatu.</i>   | <i>ib.</i> |
| <i>De medicamento purgante, aut decocto, aut clysteribus.</i>                            | 386        |
| <i>De parando cataplasmate.</i>  | 387        |
| <i>De cibo &amp; potu.</i>   | 388        |
| <i>De Epithematis.</i>   | 389        |
| CAP. XIII. <i>De Lienis Scirrho.</i>   | 390        |
| <i>Curatio scirrhi.</i>  | <i>ib.</i> |
| <i>De cibo.</i>  | 391        |
| <i>De potu.</i>  | <i>ib.</i> |
| <i>De missione sanguinis.</i>  | 392        |
| <i>De iis, quæ lienem corroborant.</i>   | 393        |
| <i>Potio ad lienosos probata.</i>  | <i>ib.</i> |
| <i>Alia potio.</i>   | <i>ib.</i> |
| <i>Epithema malacticum.</i>  | <i>ib.</i> |
| <i>Malagma AMYTHAONIS.</i>   | 394        |
| <i>Aliud epithema.</i>   | <i>ib.</i> |
| <i>Malagma ASCLEPIADÆ.</i>   | 395        |
| <i>Epithema lienem imbecillem corroborans.</i>   | <i>ib.</i> |
| <i>Epithema lienosum &amp; hepaticum quod utriusque visceris obstructiones discutit.</i> | 396        |
| <i>Si lien flatu distenditur &amp; intumescit.</i>                                       | <i>ib.</i> |
| GALENI <i>varia de lienis scirrho &amp; inflatione.</i>                                  | 397        |
| <i>Epithema jecoris &amp; lienis.</i>  | 398        |
| <i>Epithema hypotherion.</i>   | <i>ib.</i> |
| <i>Prima confectio διὰ σπερμάτων.</i>  | 399        |
| <i>Alterum epithema διὰ σπερμάτων, ad idem.</i>  | <i>ib.</i> |
| <i>Potiones ad lienem scirrho induratum.</i>   | <i>ib.</i> |
| <i>De pastillis.</i>   | 401        |
| <i>Epithema.</i>   | 402        |
| <i>De tussi lienosorum.</i>  | <i>ib.</i> |



## ERRATA TOMI VI.

**Pagina 25.** linea 13. inf. magic content *lege* magis contenti.

. . . 78. linea 5. falem *lege* faltem.

. . . 86. linea 3. inf. msgis *lege* magis.

. . . 93. linea 2. inf. illorum *lege* illotum.

. . . 100. linea 11. ferentes *lege* ferventes.

. . . 121. linea 15. tingendas *lege* ungendas.

. . . 124. linea 6. inf. in creta *lege* increta.

. . . 181. linea 7. inf. vigentis *lege* viginti.

. . . 190. linea 6. probe *lege* prope.

. . . 235. linea 6. siquidem est non *lege* siquidem non est,

. . . 263. linea 2. inf. capparilem *lege* capparidem.

. . . 270. linea 10. aut *lege* &.

. . . 294. linea 10. aurium *lege* narium.

. . . 344. linea 10. fallis *lege* falis.

. . . 360. linea 4. inf. est *lege* sit.

. . . 393. linea 9. inf. parotidibus articulis;  
*lege* parotidibus, articulis,

. . . 397. linea 2. σπερματων *lege* σπερματωρ.

. . . 402. linea 5. inf. exaceto *lege* ex aceto.





